


Handwritten text, likely bleed-through from the reverse side of the page. The text is faint and mostly illegible due to fading and the texture of the paper. It appears to be a list or a series of notes, possibly related to a collection or inventory.

well. compl. by
40, [XX], 411, (1 blank) pp.
some woodcuts

ΣΗΡ,
Dec. '93



Digitized by the Internet Archive
in 2023 with funding from
Boston Public Library

<https://archive.org/details/hadrianiuniior00juni>




HADRIANI IVNII

HORNANI, MEDICI,

BATAVIA.

IN qua præter gentis & insulæ antiquitatem, originem, decora, mores, aliaque ad eam historiam pertinentia, declaratur quæ fuerit vetus Batavia, quæ Plinio, Tacito, & Ptolemæo cognita: quæ item genuina inclytæ Francorum nationis fuerit sedes.



LVGDVNI BATAVORVM,
EX OFFICINA PLANTINIANA,
Apud Franciscum Raphelengium.

CIO. IO. LXXXVIII.

THE BUREAU OF THE

NAVY

NAVY

NAVY



NAVY

A D ILLVSTRES,
GENEROSOS, ET
PRVDENTES REIPVB.
HOLLANDIÆ ORDINES,
Administratores ac Consules, Dominos suos,
HADRIANVS IVNIVS MED.



ANNI auspiciū elargien-
dis strenis destinavit con-
secrauitq̃. antiquitas, iam
tum ab ipsis nascentis
Æternæ Urbis incuna-
bulis, Viri ampliss. & cor-
datiss., auctore Tatio Sa-
bino Romuli in administrādo regno socio, qui
verbenas felicitatis arboris olim è luco Streniæ
Deæ decerptas primus accepisse legitur, indu-
bitato argumento meriti præmij, quod stre-
nuorum virorum virtuti debeat. Quod fa-
ctum religio vetus in omen auspicatum & fe-
lix conuertit, & exemplum quod sequeretur
posteritati commendauit, vnde quasi in de-
cursu de manu in manum traditus mos longè
lateq̃. in omnes nationes diffusus ad nos quo-
* 2 que

que manauit . Itaque nolens & ego deesse exemplo, cum nouantis anni exordio , strenæ loco, vobis illustribus, clarisq̃ue nominibus, hos primos historiæ fœtus offero ac dedico, quamquam & aliunde suppetere poterat exēplum, à grata nimirum vetustate, quæ primitias suas Dijs offerre solita fuit: vtroque igitur nomine ad vestras manus proficiscitur opus , in quo Hercules quidam labor mihi exantlatus est in conquirendis vndecunque ex vasto illo & immenso, veterum , recentiorum , mediæque ætatis scriptorum oceano, quæ cognitionem nostram instruerent ; quam ad rem quanto opus fuerit tempore, æqua animorum bilance iudicabunt, qui simili in labore desudarint. Negat Cicero eloquentiæ fons , suffragante etiam Seneca, suffecturam sibi quamuis longissimam vitam & quidem duplicatam, legendis solùm Lyricorum carminibus, quorum tamen quum breuitas in sententijs concisa sit, & magna verborum parsimonia , mirum videri potest tot fuisse eorum scripta, quæ geminatam hominis vitam exigèrent. Quod si ita est, vt certè, nisi præuaricando auctorum illorum testimonia eleuare velim, tenendum est,

est, quid existimandū erit ac censendum iam de infinitate historicorū percurrentia & euoluenda, qui fermè Asiatica affluentia exuberant? Quæ res quum dubia non sit, admirationem deposituros illos spero, qui existimaturi fortè sunt, vno aut altero anno posse confici & condi historiam; quam opinionem conuellere illa Ciceronis verba facilè possunt; *Historia institui nisi preparato otio non potest, nec exiguo tempore absolui*. Cogitent illi multa omnia & properata, amittere atque exuere citam gratiam, ad modum pomorum quæ fundit æstas præcocia, ea namque mox vieta redduntur & putrilaginosæ: vina immatura quæ ætatem non ferunt, mox acescere & vapæ ingenium induere nouum non est. Cogitent illi secumque ruminent quod in pro- uerbij ludicrum abiit, Canem festinantem cæcos foetus edere. Quid, quòd Fabius cum Flacco in nonum premi annum voluit, quod publici iuris & omnium in manus sit venturum? Certè æquus laboris æstimator mecum sentiet opinor, quòd vomentibus illi (vt Aristides conuenientissimè olim dixit) persimiles videantur, qui desultoria loquentia vsi quic-

quid in buccam venit, paginis breui morituris illinunt. Ab his diuersus ingenio atque alienus inprimis, tutius consultiusque duxi lentè incedendo curriculum conficere, quàm malè cursum obeundo pedem in acutos ignominiae murices impingere. Itaque beneficio omnigenae lectionis, quae mihi deuoranda fuit & exhaurienda molestia, omnia vndique subsidia cōparanda, vindemiolae omnes in vnum penum congerendae fuerunt, vt ne quid omis- sum vltro reliquisse viderer, quod ad Batauiam, cuius describendae historiae cupidine flagrabat animus, ornamenta facere posse putarem. Quo colligendi peracto labore, initio statim operis, difficultas illa animum prima perculit, quo pacto possem lectores ex umbra in claram lucem producere, hoc est, non imbutos modò, sed planè omnibus ijs copijs instructos reddere, quas vt rerum à memoria nostra remotarum & altissimis in tenebris sepultarum ignorantia tegit & ceu spissa quaedam caligo, quo minus cognoscantur, impedit, ita prius nosci interest, quàm ad historiae lectionem vacuos animos adferant, ne idem ipsis accidat, quod Socrati, quum librum Heracleti perle-
gisset

gisset ab Euripede porrectum, vrinatore Delio
sibi opus fore in eo intelligendo dictitanti.
Multa enim in tam varia, tamque multiplici
antiquitatis obseruatione offerunt se vt meri-
diana luce mihi clariora, ita alijs quàm sint.
Cimmeriæ tenebræ obscuriora, quibus igno-
ratis tanquã luminibus orbos errare atq. im-
pingere necesse est; cuiusmodi sunt, natalium
nostrorum ortus & initia controuersa, A bori-
ginum nostrorum virtutes & decora, finium
litigiosorum atque herciscundorum (vt ita di-
cam) cognitio, Rheni metatoris nostri exitus
cursusque, regionis appellatio, eiusque popu-
lorum declaratio, & quæ sunt eius generis alia;
quorum tamen omnium par in historijs vsus
est, qui in disciplinis grauioribus demonstra-
tionum & linearium probationum, quas Sta-
girites *πραμικὰς ἀνάγκας* dixit, quòd necessi-
tatem credulitatis auditoribus adferant. Qui-
bus cognitis atque diffusa narratione explica-
tis prius opus est, quàm ad rerum, gestarum
narrationem cum fructu accedatur, ne quid
lectores fallat postea scitu necessarium. Ea au-
tem vt sunt abstrusa ob altissimam veteris
memoriæ ignorance, ac propterea pericu-
losæ

losæ aleæ plena, ac doloſo (liceat cum Flacco
ita loqui) cineri ſuppoſita , quadruplici adiu-
mento fermè opus habent, ſi fideliter explica-
ri declarariq̃ue debent , nimirum testimonijs
ſcriptorum , veterum monūmentorū fide,
oculi iudicis arbitrio , & traditionibus maio-
rum quaſi per manus tranſeuntibus , quibus
rectè conſtitutis ita denum venire in cogni-
tionem, cognita literis conſignari poſſunt. Sed
quàm præcipua ad hanc rem lumina , nimi-
rum testimonia veterum & monumenta , in-
farciri hiſtorico ſtylo reſpuant atque abhor-
reant , nemo eſt ita iudicij infirmus , qui ne-
ſciat , quòd multum tenebrarum lectori of-
fundi , multum etiam ipſi ſcriptori impedi-
menti ita adferri (vt taceam decori rationem
non habitum iri) contingeret, ſi orationis tela
quæ textitur, per eiufmodi res paſſim occurren-
tes abrumperetur , ſi connexio dictionis hoc
modo hiulca & veluti rimis quibuſdam futi-
lis diduceretur. Proinde malum iſtud quum
fugiendum mihi, ceu Charybdi, quandam,
viderem, certo conſilio hunc hiſtoriarum to-
mum primū à perpetua quæ* ſequetur rerum
per Principes noſtros geſtarum narratione ſe-
creui,

* Morie præ-
ſentis auctor
ultrà nō ſcri-
pſit.

creui, auctoritatem & exemplū illustre Corn.
Taciti Augustæ historiæ scriptoris secutus, qui
Germaniæ bella descripturus, origini gentis
ac moribus, & variorum populorum enume-
rationi extra numerum librum separatim
consecrauit, veluti κατὰ δέξοδον eam cognitio-
nem scitu pernecessariam seorsim tradens, quò
series historiæ continens atque, indiuulsa per
se consisteret. Hic plus laboris in eruendo
rerum à communi intelligentia abstrusarum
cumulo, in reliquo opere plus gloriæ: hic
inuidiæ aliquanto plus ob controuersias &
discrepationes inter viuos, illic cum mortuo-
rum Manibus ea sepulta atq. obruta facesset
procul. Quòd si non omnes historici absoluti
numeros ac partes expleuisse hic videar, cogi-
tate me Logistorici magis personam in hoc
opere sustinuisse. Cogitate omnibus in doctri-
nis ac scientijs paucos aut vix vno plures exti-
tisse, qui earum attigerint fastigium, plures in-
feriora tenuisse, illis admirationem venera-
tionemque fuisse debitam, his haud negatam
meritam laudem. Nam eius qui summum
culmen honestè affectat, conatus non laudan-
dus modò, sed & applausu tanquam classico

* *

fouendus

fouendus est & adiuuandus , quando pul-
chrum sit etiam in secundo fastigio conspici.
Porro in scribendo Suetonium, cui familiare
fuit amare breuitatem, ordine certis capitibus
tradito, sequi malui, quàm Marium Maxi-
mum, quem vt verbosissimum , ita mythisto-
ricis voluminibus sese implicantem Fl. Vopi-
scus prodidit. Valete feliciter patriæ commu-
nis columina . Lugduni Batauorum , postri-
die Non. Ianuar. An. cIo. Io. LXXV.

AD

AD EOSDEM, DE
HISTORIÆ UTILITATE
AC NECESSITATE.
HADRIANVS IVN.



QVANTO PERE Reipub. inter-
sit nationum primordia, progressus,
euenta Principum illustria & glo-
riosa domi bellique facinora ab obli-
uionis vindicari interitu, atque im-
mortalitati consecrari, & quò po-
steris inde exempla in vtramq. par-
tem vel ad imitandum, vel ad cau-
dum periculum petantur, quasi in speculo proponi, neminem
esse tam iudicij alienum existimo, qui inscisciari possit. Itaque
erudito isto seculo multa passim exorta sunt Varias apud na-
tiones ingenia, quæ hanc facem cum laude suis præluxere, gen-
tis gloriam interdum non sine veritatis clade quadam enexe-
runt, rerum gestarum historiam cum nominis etiam fidei-
que periculo, in suos transcripserunt & asseruere. Quod
quidem ipsum certatim non sine ambitione factitatum esse,
clarius est quàm vt nominatim recenseri debeat, ne inuidiam
in nomina quæsiuisse Videar de industria. Quum verò stu-
dium illud quod in illustrandis Principum Populorumque re-
bus consumitur, multo sit laudatissimum, quum nec rerum ge-
starum mole ac magnitudine, nec Principum claritudine, nec
maiorum virtute, nec exemplorum numero Bataui vel con-
cedamus, vel inferiores simus; quātandem socordia res nostras
præter

præter aliarum gentium morem , altissimo silentio sepultas iacere, obliterari, interire denique patiamur ? aut quæ sit inuidia illas cum immortalitate coniungi , quæ sæculi vitio , aut malignitate , aut scribentium oscitantia suppressæ negliguntur ? Nostrorum certè Principum nobilia facta victoriæque quàm tenui elogio, quàm iniqua vena ad posteritatẽ transmissa sunt, vix vnus interdum pagellæ spatio comprehensa, quod non ab hostibus incommodi acceptum causari possumus, sed sterilitati ingeniorum, sed ruditati barbari sæculi & à literis alieni imputandum est, quando in asceterijs multis vix vnus inuentus est, qui tribus tantũ verbis bellum à Principe & susceptum & finitum, ommissa plerunq. illati causa, describat, ratus id ad memoriam sufficere . Quanto maioribus eloquentiæ viribus, quanto vberiore verborum flumine, actum olim fuit in describenda Multiadis victoriæ ad Marathonem, in Leuctrica Epaminondæ, in Salaminia Themiſtoclis, ita loquacibus omnium scriptis, vt nihil adijci vltra potuisse videatur ? Quare cùm temporibus hisce inquinatissimis, ingenijs ad praua quæq. corruptissimis, historia ferè peruertantur , libidini hominum ad flagitia & assentationes ijs abutentium seruiant, eaq. via honori Principum ac nationum derogetur , strategematum ratio corrumpatur, dictorum factorumq. gratia vel adulteretur, vel dissimuletur, veritas deniq. silentio obruatur (id quod scriptorum hac nostra ætate monumenta clarè loquuntur, dũ hinc odij exterarum nationum, illinc factionum, studij, & priuatorum affectũ manifestò comperti tenentur) nullũ vtilius maiusve operæpretium patriæ cõmuni facturum mihi sum visus, quàm si eius antiquitatem è tenebris eruerem, & quasi reduuiam è busto illo suo restituerem, ac in ora hominum producerem. Duo autem enumerata à Iosepho veritatis prodendæ impedimenta sunt,

sunt: vnum quod singulae nationes per initia non sategerint res gestas publicis & Annalium monumentis tradere, quata-
men via tenebrae potissimum sublata, & lubrica illa mentien-
di libido fuisset intercepta; alterum quod qui animum ad scri-
bendum applicuerunt, in indaganda rerum veritate minus
diligentem operam collocarint, quamvis id ex professo polli-
citi, sed orationis nitorem potiore studio coluerint, ut perpo-
lita, numerosa, & verborum sententiarumque quasi floscu-
lis conspersa, ac veluti Circaei illecebris fucata, aut mytholo-
gias spirante, aut ad gratiam magnatum conformata, sensus
falleret. Priori impedimento mederi poterunt archiua ve-
stra, secundo ut occurratur, in me non erit mora. Nam quod
ad veritatem attinet, eam ego historiae animam & vocare
soleo & puto: decet enim eum qui munus suscipit historici,
ad exemplum Lotophagorum gentis, voluntariam quandam
obliuionem necessariorum pariter & inimicorum induere,
nihil amicitiae aut hostilitati dare, sed ab affectibus liberum,
suo loco, quum res poscit, hostium consilia & laudes plena
manu tollere, nonnunquam acerbius insectari & inuehi in
amicos, ubi delictorum magnitudo id merebitur. Ut enim ex-
tingentis oculorum facibus, corporis totius usus obsolescit atque
hebetatur, haud aliter sublato ex historia veritatis lumine,
reliqua omnis narratio delumbatur debilitaturque: ita ut qui
ab historiae luce recedunt, in indignam seruitij aleam ultro se
conijciant, meritoque Tacitus conqueratur, historicos sua tem-
pestate in arcto versari & in glorium laborem sequi, quando
ad gratiae potentiorum aucupium conuersa mutataque omni hi-
storiae facie (ubi libero egressu antea dicta factaque memorare
licuerat) praestitutis veluti terminis cohiberetur libertas. Sic
Philistus Syracusius, qui primis artem oratoriam in texenda

historia adhibuisse legitur, à patrio solo extorris, nefaria flagitia & tyrannica facta Dionysij studio suppressit, dum sperat in patriam redire, teste Pausania, artificio simulationis impendiò eruditus. Sic Hieronymus Cardianus Antigoni Regis aures permulcendo, mendacijs historias implevit. Sic Callias Syracusanus ingentibus ab Agathocle muneribus affectus, benefactoris sui liberalitati vicem reddidit, vitia virtutum cumulo repensa admensus, atq. ita historiam veritatis eloquium (vt Suidas inquit) peruertit. Nostra quoque memoria Paulus Jovius rogatus cur vera dissimulasset, falsa etiam simulasset, indigno elogio respondit, se hoc facto gratificari amicis voluisse, quum præter mollem animum & corruptele munerum expositum vix quidquam viro dignum habuisse multorum iudicio credatur. Quanto dignius Palæphatus olim scripsit se ea monumentis historiae proditurum, quæ vel adierit, vel oculis collustrarit: & Ctesias Cnidius Herodotum mendaciorum parentem nominatim perstringens, in historiam nihil relaturum se profitetur, nisi quæ aut ipse viderit ἀὐτόπτης, aut à natu maioribus acceperit. Eadem via incescit Artemidorus, qui vt rebus Arabicis quas describebat fidem adiungeret, Ælium Gallum legatū in expeditione contra eam gentem suscepta profecutus est comitatu. Polybius Historicorum speculum & lumen, vt integra & quasi obstinata fide rerum veritatem posteris traderet, Alpium inuia per quæ Hannibal irruerat, peragravit. Superuacaneam fortassis & inanem operam sumpturus sim, si historiae laudum corollam contexere aggrediar, rem à nemine non pertractatam: sed quum eius maxima seculis omnibus habita fuerit utilitas, hisce verò temporibus etiam perneccessaria sit, quibus domestica vitia exoticis corrigenda exemplis, ad eam penè deploratorum ulcerum conditio-

nem increuerunt, ut non alia ope perſanari poſſe videantur; Penelopes more telam retextam ordiri tribus (quod dicitur) verbis volui, quum præſertim nulla procliuior ſit ad emendandum arte quod inueterauit malum, recteque inſtituendam Rempub. pariter & ſingulorum vitam, quàm rerum antea-ctarum cognitio. Illa incorrupta temporum teſtis & index eſt, cuius ſingulari beneficio rerum ſeries & memoria ab interitu vindicatur, & in perpetuitatem conſeruatur, propterea Vita & lux veritatis à Cicerone dicta. Illa ſola vitæ magiſtra eſt, cuius præſcriptis docemur fortunæ reciprocos æſtus forti animo tolerare, dum fortuitos aliorum caſus & inopinatos euentus expendimus ac recordamur. Illa antiquitatis nuncia eſt, quod priſca ſæcula nobis repræſentet, & res à memoria omni remotas in animorum theſaurum reuehat. Illa denique gymnaſij vicem obtinet, vbi non ad palum vmbraſtili pugne ratione, ſed diſciplina & vſu exercitatus animus commodis & vtilitati publicæ ſeruit. Hanc itaque & quidem communem vtilitatem ob oculos poſitam intuens (ad exemplum melioris ſcribentium partis) id præcipuè ſpectaui & deinceps ſequar, ut res quas ſciri cognoſci que publicè intereſt, ab ignorantia & obliuione qua ſepultæ iacent, vindicem atq. aſſeram: quò me Hollandiæ, quæ mihi parens eſt antiquiſſima, ſtudium atque amor impellit ac commouet, ut genuinam gloriam è man-gonum illorum manibus extorqueam, ſtyliq. lumine illuſtrem. Quod meum ſtudium, voluntatis honeſtæ declarationem & induſtriâ, qua poſſum maxima deuotione & intentiſſima cura, vobis, Clariſſ. ornaſiſſimique Viri, offero, & commendo: quos Deus Opt. Max. Reipub. nobis ac Muſis diutiſſimè ſalutares patronos conſeruet. Delphis ad annum ſalutis 1575.

ELEN-

ELENCHVS RERVM, QVÆ

IN BATAVIA CONTINENTVR,

IN CAPITA DIGESTÆ.

CAP. I. Præfatio cum origine Bataviæ à Cattis.	Pag. 1
CAP. II. De Gigantibus, quos fabulantur Annales Bataviam tenuisse.	9
CAP. III. Bataviæ Plinianæ & Populorum eius descriptio, & nomenclatura.	13
CAP. IV. Batavia Germaniæ ne portio sit an Belgica.	31
CAP. V. Batauos magno in honore fuisse, & formidabiles quoque Romanis.	33
CAP. VI. Batauos arte natandi excelluisse & equitatu.	43
CAP. VII. Batauos cur auricomos Poëtæ vocent, & de Batauo smegmate.	46
CAP. VIII. De Rheno fluviio, eiusque brachijs & ostijs Bataviam finientibus.	47
CAP. IX. Quòd Bataviam Franci inuasérint & possederint. Qui fuerint Franci, de quæ eorum sedibus. Idem de Francis Ansuarijs & Salijs, de quæ lege Salica.	66
CAP. X. De Armamentario Pop. Rom. maritimo, quam Britannicam arcem hodie nominamus.	107
CAP. XI. De Bataviæ peculio in partes plures distracto, de quæ oppidis ab Hollandia alienatis.	123
CAP. XII. De Cl. Ciuili regiâ Batavorum stirpe nato.	137
CAP. XIII. De Hollandiæ appellatione, de quæ Zelandia non nihil.	167
CAP. XIV. De Hollandiæ Comitatu in plures partes & segmenta diuiso.	187
CAP. XV. De Hollandiæ natiuis bonis & dotibus.	194
CAP. XVI. De Hollandiæ ingenijs, studijs & moribus.	218
CAP. XVII. De Hollandiæ primarijs urbibus, de quæ oppidis & municipijs.	240
CAP. XIX. De Arcibus Hollandiæ & castellis.	309
CAP. XIX. De nobilitate Batavica.	317
CAP. XX. De cœnobijs nobilitati Hollandicæ destinatis.	342
CAP. XXI. De Germanorum origine & populis, quibus olim nominibus appellati fuerint, & quibus hodie.	348
CAP. XXII. Celtas eosdem fuisse & Germanos, non Gallos, vnde confusis nominibus nati fuere errores.	375
CAP. XXIII. De significatione nominum & impositione veteribus vsitata, tam gentium, quàm Principum & personarum.	381

AVCTORVM PER QVOS

PROFECIMVS, ET QVORVM

VSI SVMVS TESTIMONIIS,

CATALOGVS.

ANTIQVI.

ÆLIANVS.
Ætius.

Agathias Smyrnaeus.

Ammian. Marcellinus.

Apollodorus.

Apollonius Rhodius.

Appianus.

Archilochus.

Aristides.

Aristophanes.

Aristoteles.

Arnobius.

Arrianus.

Ashinus Quadratus.

Athenagoras Atheniensis.

Athenaeus.

Ausonius.

Bedæ.

Berosus.

Bibliographi.

Catullus.

Claudianus.

Chrysermus Corinthius.

Cornel. Celsus.

Corn. Tacitus.

Cornutus.

Ctesias.

Cyrillus Alexandrinus.

Damascius Syrus.

Demosthenes.

Dion Niceus.

Dionysius Halicarnassæus.

Dionysius Periegetes.

Dioscorides.

Epigrammatarij.

Epiphanus.

Eratosthenes.

Erotianus.

Etymologici auctor.

Eumenius Rhetor.

Euripides.

Euripidis scholiastes.

Eustathius.

Eutropius.

Fabius Quintilianus.

Festus Pompeius.

Fl. Sosipater.

Fl. Vegetius.

Fl. Vopiscus.

Fulgentius.

Galenus.

Gratius Cyneget.

Gregorius Nazanzenus.

Hecateus.

Hegesippus.

Hellanicus.

Heraclides Lycius.

Hesychius Alexandrinus.

Hesychius Milesius.

Hesiodus.

Herodotus.

Herodia-

Herodianus.
Hieronymus Stridonensis.
Homerus.
Horatius.
Hyginus.

Iamblichus.
Ioannes Damascenus.
Iornandes Gothus.
Iosephus Iudæus.
Isidorus Hispalensis.
Iulius Cæsar.
Iulius Capitolinus.
Iulius Firmicus.
Iulius Frontinus.
Iulius Solinus.
Iunius Columella.
Iustinus martyr.
Latinus Pacatus Drepanus.
Lactantius Firmianus.
Lucanus.
Lucius Florus.

Mamertinus.
Marcianus Itinerarij auctor.
M. Cicero.
Marialis.
Martianus Felix.
Maximus Tyrius.
Messala Corvinus.
Minutius Felix.
Moschopulus.
Myrsilus.

Nazarius.
Nicander.
Nicomachus Gerasinus.
Nonnus Panopolita.

Olympius Nemesianus.
Olympiodorus.

Oppianus.
Origenes.
Ovidius.
Panegyristæ.

Parmenon Byzantius.

Paulus Aegineta.

Paulus Diaconus.

Paulus Orosius.

Pausanias.

Petronius Arbiter.

Philostratus.

Pherecydes.

Phylarchus.

Pindarus.

Plato.

Plautus.

Plinius Secundus.

Plutarchus.

Polyarchus Cyrenæus.

Polybius.

Pomponius Mela.

Porphyrius.

Priscianus.

Probus Grammaticus.

Propertius.

Procopius.

Ptolemaus.

Rutilius Numatianus.

Sallustius.

Salvianus Massiliensis.

Sextus Empiricus.

Sidonius Apollinarius.

Silius Italicus.

Simocatus.

Simonides.

Staphylus.

Stephanus Ethnographus.

Stesichorus.

Strabo Geographus.

Suetonius

Suetonius Tranquillus.
Sulpitius Severus.

Tatianus Assyrius.
Telearchus.
Theophrastus.
Thucydides.
Timaeus.

Titus Livius.
Trebellius Pollio.

Varro.
Velleius Paterculus.
Vibius Sequester.
Virgilius.
Xiphilinus Dionis epitomiasies.

RECENTIORES.

ABBAS Vrspergensis.
Achilles Gassarus.

Adonis Viennensis.
Adrianus Barlandus.
Aeneas Pius.

Albertus Crantzius.
Altamerus.
Amandus Zyricæus.
Annales Brunsvicensis.

Beatus Rhenanus.
Bellaius.
Bilibaldus.
Blondus.
Bodinus.

Calius Antiquarius.
Carolus Molinaus.
Conradus Gesnerus.
Conradus Peutingerus.

Dominicus Marius Venetus.

*Einhartus Caroli Magni scriba. non
autem Eginhardus.*

Erasinus Roterodamus.
Ernestus Brotolfus.
*Eugippus Herulorum historia scri-
ptor.*
Franciscus Connanus.
Franciscus Massarius.

Fulvius Ursinus.
Gerardus Neomagus.
Georgius Merula.
Gregorius Turonensis.
Guilelmus Rondilecius.

Hector Boëthius Scotus.
Henricus Glareanus.
Hermannus Contractus.
Hermannus Nuenarius.
Hermolaus Barbarus.
Hieronymus Cardanus.
Hubertus Thomas.
Hunibaldus.

Iacobus Meyerus.
Iacobus Spiegelius.
Ioannes Auentinus.
Ioannes Cuspinianus.
Ioannes Ferrarius.
Ioannes Goropius Becanus.
Ioannes Heroldus.

Ioannes Marius.
Ioannes Poldus.
Ioannes Stella Hispanus.
Ioannes Stoflerinus.
Ioannes Tritemius.
Irenicus.
Iulius Cas. Scaliger.
Iudocus Willichius.

Lambertus

Lambertus Hortensius.

Otho Frisingensis.

Paulus Aemilius.

Paulus Iovius.

Paulus Volzcius.

Petrus Diaeus.

Petrus Nannius.

Petrus Ronfardus.

Peucerus.

Platina.

Raimundus Marlianus.

Raphael Volaterranus.

Regino.

Riccus.

Robertus Gaguinus.

Rosinianus.

Sabellicus.

Sabinus.

Saxo Grammaticus.

Sconerus.

Sebastianus Munsterus.

Sigibertus Geminiacensis.

Wolphangus Lazius.

PRÆFATIO, CVM ORIGINE BATAVIÆ

E CATTIS.

C A P. II.



Esripturus Batauiam lectissimorum olim
equitum genitricem, militiæ magistram,
populo Romano non tributariam, sed so-
ciam & amicam, consulto facturus mihi vi-
deor, si à primiscùm gentis, tum nominis in-
cunabulis atque origine orsus, fontes rerum à nostra me-
moria propter nimiam vetustatem remotarum aperiam,
pristinæque gloriæ possessionem ab obliuionis iniuria pro-
virili parte asseram, reuocaturus rationem ad veritatem,
tametsi (vt voluit Democritus) in profundum demersam
atque abstrusam: quam vt nusquam (quo ad eius in tantis
tenebris fieri potest) mendacij fucō contaminem, operam
dabo. Itaque dum verum inquirere atque inuestigare, id
quod historici maximè proprium est, satago, dabūt veniam
mihi lectores; si minus gentis nostræ magnificentiam fabu-
lōsis Deorum Titanūmue natalibus augeam, veteri antiqui-
tatis exemplo, quæ vt augustiora sua faceret initia, non sine
quadam religione certos Deos aut Heroās nobilitatis suæ
originisq̃ue auctores nuncupabat: quod ipsum vt in Græca
vanitate tolerabile; ita populi terrarum domini supercilio
indignum; quoties cum animo reputo, toties dignitatem
domesticam, & natiuum grauitatis decus tueri ac sustinere
non posse mihi videtur. Quare vt fictis ac commenticijs
fabulis legentium animos trahere atque inescare, à graui-
tate operis absonum crediderim, ita derogare fidem vulgatis
ac quasi per manus vetustatis traditis non temerè aūsim.
Scio legentium plerosque auidius & maiore desiderio præ-

sentium temporum conditionem expectare, nouitatis gratia magis excitatos, quàm vetustatis, cuius splendor & gloria penè obsoleuit, cognitione: sed patiantur illi æquo animo nos maiorum nostrorum laudibus, quas bellica virtute nobis immortales, ac longè lateque diffusas, reliquerunt, hac via parentare, dum præsentis tempestatis, quam aut fatalis hominum libido socordiaque, aut opum fortunarumque impotens sui insolentia inuexit, voluntaria quadam obliuione recordationem obruo.

Bataui à Cattis oriundi.

Tacitus.

IAM primum omnium satis constat Batauos progeniem esse Cattorum. is Germaniæ populus est, qui ob intestinam discordiam vernaculo solo exacti, transito Rheno nouas sedes quæsiuerunt, & occupata extremi Belgij ora colonis vacua, insulam quoque Rheno amne circumfluam vsurparunt. Docent hoc expressè Taciti verbalibro quem De Germanorum moribus edidit, quæ sic habent. *Omnium harum gentium virtute præcipui Batavi, non multum ex ripa sed insulam Rheni amnis colunt, Cattorum quondam populus, & seditione domestica in eas sedes transgressus, in quibus pars Romani Imperij fierent, manet honos & antiquæ societatis insigne.* Idem historiæ lib. vicesimo altiùs expedit his verbis: *Batavi, donec trans Rhenum agebant, pars Cattorum, seditione domestica pulsæ, extrema Gallica ora vacua cultoribus, simulq; insulam inter Vada sitam occupauere, quam mare Oceanum à fronte, Rhenus amnis tergum ac latera circumluit.* Hic clarè discimus originem Batauos de-

Catti populi qui, & quam Germaniæ partem olim tenuerint.

bere atque acceptam referre Cattis. At verò quem Germaniæ tractum habitarent Catti, in dubium vocari video; nam Ioannes Stella peregrinationis Philippicæ scriptor, eos habitasse Heidelbergam, Heilbrunnam, & Othonianam syluam censet; Schonerus Mathematicus Saxones tradit; Marlianus ad Hungarorum viciniam eos relegat; Irenicus Thuringos facit; qui omnes perplexo errore intricati tenentur. At Stella altiùs euectus Icarium in modum, dum error errorem necit trahitque, Vlsipios Cattorum finitimos, esse

siue Vlsipetes.

Franco.

Francofortenses ad Confluentes vsque Obrinci siue Mo-
 sellæ in Rhenum præcipitantis definit. Rursus Tencteros
 Cattis vicinos Hessiæ nunc dictæ partem incolere ad La-
 num & Lippiam amnes ait, in quibus refellendis alibi per
 occasionem quæretur materia. Ego Hessos fuisse nihil am-
 bigo, imò cum meliore doctorum parte assero, quando eos
 Cheruscis, hodie Luneburgensibus, & Hermunduris, qui
 nunc Miseni esse creduntur, finitimos & ab Hercinio saltu
 sedium initia inchoare scribat Tacitus. Testis est Sala flu-
 uius, de cuius possessione discordia perpetua in luctuosum
 cum Hermunduris prælium Cattis desijt, qui in Turingia
 Naumburgum & Merispurgensem diocesim diuidens in
 Albin se effundit, olim Cattorū ditionis terminus. Testis
 est & Adrana fluuius qui Cartos interfluit, quem nando
 transmisisse iuventutem Cartorum oppressam subita in-
 cursione à Germanico Cæs. in eos facta, idem auctor com-
 memorat, qui hodie Eder vocatur & in Fuldam amnem
 exit, auratarum piscium fecundus si quis alius, amnis, è
 rupe cui à rubeo crine, *Nodelshar* nomen est, ortum ha-
 bens, in Comitum, qui à Witichindo Saxone conditum
 oppidum habent, ditione. Vnde duorum milliarium inter-
 uallo diffidet Batobergum edito in colle positum, Adranæ
 alluenti adsidens, à quo venisse olim Batonem nostrum, aut
 Bateburgos saltem, vero non videtur absimile. Testantur
 & Catti Meliboci qui ad Rheni ripam arcem habent in-
 caute sedentem, vestigia prisci nominis testantem, *Eatz-
 elboge* quæ in Hessorum ditione censetur. Ab hac gente
 manserunt nobis reliquæ superstites, Cattorum vici duo,
 ad mare vnus, & alter Rhenoburgo vicinior, intra Bataviæ
 limites: & Cattium oppidum Zelandiæ, quod ante annos
 aliquot inundatione maris haustum perijt, editiore turre
 medijs in aquis oppidi memoriam tuente. Sunt qui emi-
 grationem Cattorum è genitali solo referunt ad prælium
 quo cum Hermunduris inter ipsos decertatum fuit, ob fœ-
 cundum gignendo sale amnem cōterminum, quem paulo

*Catti sum
 Hessi.*

Sala fl.

*Adrana fl.
 hodie Eder.*

Eder.

*Catti Meli-
 boci.*

*Carwijck op
 zee. Carwijc
 op de Rijn.*

Catz.

*Emigrationis
 Cattorum
 caussa.*

Hermunduri.

*Catti aborigines nostri.
Cattorum industria laudata.*

*Catten proverbialiter qui?
Bato colonorum dux.*

Batenburgi conditor Bato.

ante Salam dixi vocari; quo res Hermundurorum superior fuit, quos ego non auctores, sed gloriæ Batauorum cotes quasdam nominare non reformidem, quippe qui felici prælio & Romanis opibus adiuti Cattos solum vertere Rhenique insulam penetrare compulerint. Itaque Catti aborigines nostri & primigenij parentes meritò appellandi, clarus militiæ pacisque artibus populus, quippe cui multum rationis ac solertiæ præ cæteris Germanis tribuat Corn. Tacitus elogij minimè parcus, in disponenda acie, in obtemperando ducibus, in capeffenda vel differenda pugnae occasione, datque illis ingentem animi vigorem, dura & compacta corpora, strictos artus, vultus minaces, & promissæ barbæ horrore formidabiles, quem oris habitum, virtuti debitum atque votivum nefas ait fuisse deponere, ante reportatam de cæso hoste laudem, manente imbellibus squallore. Ab his arbitror vernacula lingua & quidem proverbialiter dici solere *Catten*/ id est, Cattos, procures & viros insignes. Batonem regio Cattorum sanguine ortum mutare veteres sedes cum novis suasisse putatur, non vberioris meliorisque soli inveniendi amor, aut incolarum prægravis multitudo (quæ duæ causæ solebant populos excire ad versuram soli faciendam) sed nouercales doli atque infidiæ, & veneno latente imbuti poculi metus (quando cum nouerca pessimè illi conveniebat) conniunte patre, vel saltem non abnuente. Itaque ob eximiam heroicæ formæ dignitatem, mores amabiles, & virtutes verè regias apud omnes ordines gratiosus, bonam nobilitatis partem, & ingens popularium agmen, haud inuitos omnes in spem meliorum secum attraxit, & consilio soceri sui Tungrorum Regis acquiescens, Belgicæ oræ extrema à colonis vidua occupavit, atque inde transmissio Rheno non procul à Vahalis Mosæque confluentibus arcis Batenburgi prima fundamenta auspicatò iecisse dicitur, ad Vahalis ripam, quo transito omnem à Rheni bifido tractu (ubi in diuersum vnus continensque antea alueus discedit) regionem ad vsque mare Oceanum insedit, inter

inter nobilitatem & populares distributis agris, eamque à suo nomine Batauiam dixit, quod aliud non sonat, quàm Batoniae *Batoniae etymon.* *Haue quid?* Batonis peculium, quasi dicas Batonis Haue / est autem Haue / Peculium vetere lingua. Itaque à regio filio principe regni titulum hæc sumpsit & quidem iuste: Huic verò rei attestantur auctores, quos inter præcipuæ fidei Tacitus, Eques Romanus, Augustæ historiæ inclytus scriptor, & Belgicæ Gallicæ rationum procurator, qui Cl. Ciuilem ex posteris Batonis, Regia Batauorum stirpe editum commemorat, vnde non temerè hanc insulanā nobilissimam Plinius appellat. Batonis autem nomen inter Germanos & Dalmatas celebre olim fuit, nominatim duorum meminit Dion, Batonis Brucorum (gens ea est Pannoniæ) ducis, & Batonis Disidiati, qui Dalmatas grauioribus iusto tributis & vectigalibus, pecuniarumque exactionibus exercitos, ad arma contra Romanos concitauit, magnisque cladibus & incommodis affecit, cuius etiam memorabile responsum ad Tiberium Cæs. nō dubitauit duobus in libris LV. & LVI. iteratò repetere, qui interroganti Tiberio cur sollicitatis ad defectionem popularium animis ad bellum diuturnum eos traxisset, respondit, Romanos eius rei esse auctores, qui gregibus immitterent lupos custodes, non autem canes aut pastores. At Batonis nostri posteros & nepotes, vt in alijs plerisque nationibus barbaris vsu venisse video, tradere omisit incuria & negligentia gentis, vel literarum ignorantia, vt nihil inde sperandum sit auxilij in prodendis successoribus aut eorum institutis, nisi si qua obiter recenseat Tacitus, quæ suo loco inferere non supersedebo: volunt illum etiam vltiore in ripa Neomagij editiore in colle arcem ruinosa collapsamque restituisse, urbemque triplici muro cinxisse, quod mihi à vero dissilire videtur. quid enim triplicis inter initia muri lorica, & addita triplicia propugnacula voluerunt? anne ita vilem habuit popularium suorum operam? an vt opum profusionem ostentaret? qui talia tradunt, parum rectè famam & existimationē viri tuentur.

Batonia etymon.

Haue quid?

Ciuiilis regia stirpe editus.

Batonis nomen apud Germanos vulgare in nobilitate. Bato Brucorum dux. Bato Disidiatus.

Batonis memorabile dictum.

Neomagium.

*Neomagij cō-
ditor Bato.*

*Hesius Bato-
nis filius.*

Zesfelberch.

*Veromyrus
rex Batavorū.
Rhamis filia
Veromyri.*

*Batavia in-
itium.*

Lobecum arx.

faciunt enim inconsultum metatorem & improbum architectum, qui ante inchoatum opus animo non præceperit iustam pro suæ gentis copijs vrbis ac murorum amplitudinem. Mihi probatur magis singulari muro urbem illam circundedisse, sed gliscente populi multitudine, auctaque progenie, posteros reges addidisse ea ornamenta vrbis & munimenta necessaria. Nam Batone vita functo filius Hesius ædificijs eam augustiorem redditam exornasse traditur, inferioremque eius partem vel excoluisse vel adiecisse, quem in hæc vsque tempora Hesi montem nuncupant: quam secuti Reges caput & regiam Bataviæ esse iusserunt, vti Gerardus Neomagus prodidit commentarijs Principum, vt scribit, adiutus. Meminit Strabo Geographus & Veromyri Regis Batavorum, cuius filia Rhamis nomine matrimonio iuncta fuerit filio Segimeri Cheruscorum ductoris, postea per triumphum à Germanico Cæsare ducta. Quàm verò latè patuerit, quibus circumscriptum finibus istud Batonis peculium fuerit, nemo quod equidem sciam, prodidit, aut certos ei præstituit terminos; nonnulli contractionibus eidem assignatis, potissima parte mutilarunt, & quodammodo deartuarunt. Quare propitiato Terminis illi perpetuos, stabiles, neque ipsi Ioui cessuros, ex veterum scriptis monumentis, pangam, quos qui transtulisse aut exarasse, nisi Dei consensu, tentarit, is sacer & religione obstrictus esto: confido namque diuina quadam virgula contactos me designaturum. Batavia itaque, quæ à me vetus dicetur, initium olim trahebat à Rheni diuortio, quod arce Lobeco siue Lopeco (quod cursus flexum *ῥήματος* significat) insigne est, includebaturque hinc Rheno propriè dicto, quod medium Cl. Ptolémæus ostium appellat, apud Cattorum vicum maritimum in Oceani Britannici sinum defluere solitum, nunc obturatum, vti posterius dicetur: illinc Vahali, qui deinde Merua, & postea Mosa appellatus in Helum desinebat, siue Vielum: quo Rheni circuitu continentur numerosa hoc sæculo oppida

ista, vt à capite ordiar, Huesſenum, Tiela, Bura, Batauodu-
 rum, Traiectum, Viana, Culeburgum, Aspera, Hueclo-
 mum, Leerdamum, Iselſteinium, Monfortium, Woerde-
 num, Qudewatera, Goricomium, Scoenhouia, Durdrech-
 tum, Gouda, Lugdunum, Delphi, Roterodamum, Scie-
 damum, & Briela; nam Neoportus, & Haestrechtum,
 quòd ex eorum ruinis alia oppida creuerint, ſilentio præter-
 eo. Quod ſi quis contraueniat, & litem de finibus con-
 trouerſis conſtituere velit, qui eam ſolùm Gelricæ nunc di-
 tionis partem, voce vulgari Betuam, à Reginone Prumi-
 enſi Batuam (non autem Baduam, vt impreſſos codices
 manuſcriptus facilè redarguit) nuncupatam, Batauix nomi-
 ne cenſeat (noui enim vecordis arrogantix plenos qui id
 dicturi ſint, quaſi macula aſpergeretur Batauia, ſi quid cum
 Hollandia commune habeat) illum ego cito ad iudicem &
 cauſæ vindicem præcipuum Ptolemæum Alexandrinum,
 qui M. Antonini principatu vixit, qui Lugodunum, quæ
 nunc Leyda vocatur, in Batauis ponit, cuius verba, ne aliò
 quis torqueat, ſunt hæc, *Λυγόδωνον Βαταβῶν*, Lugodunum
 Batauorum, quod oppidum ad quaterna millia paſſuum ab
 Oceano tantum diſſidet: cuius vel ſolius auctoritas iſtum
 errorem à lata culpa non alienum coarguere poſſit ac con-
 uincere. Quid idem dicturus eſt ad Cæſaris dimensionem
 qui octoginta paſſuum millia à diuortio ad exitum Rheni
 (cuius inſulam eſſe Batauiam non inſiciabitur) in mare?
 quid ad alteram Plinij, qui centum prope paſſuum millia in
 longitudine habere inſulam diſertè ait? Quin & Tacitus
 eam finit Moſæ, ita ſub exitum Rhenus audit, in mare de-
 curſu. Quibus peramplis & locupletibus teſtimonijs qui
 fidem derogare volet, is lucem ſimul de rebus tollere & ar-
 tium fundamenta atque principia conetur euertere. Atque
 iſtud Batonis Peculium Batauiam veterem nominauerim
 libenter eam ob cauſam, quòd multis poſt eius interitum
 annis Druſus è duobus tres alueos fecerit, & Batauix porre-
 ctiora pomœria extenderit. Itaque vetus illa Rheni circum-
 fluentis,

Batauia op-
 pida.

Betuam.
 Reginonis ex-
 emplar cor-
 ruptum.

Ptolemæus.
 Lugodunum
 Batauorum,
 hodie Leyden
 fol. 195.

Batauia ve-
 tus.

*Drusus tertium
Bat. ostium
addidit.*

*Batavia Hol-
land. cum in-
sulis coplexa,
Pliniana.*

*Batavia du-
plex.*

fluentis, propriè ita dicti, ambitu cum Vahali inclusa tenebatur, eoque tempore Rhenus ferè bicornis erat. Caterum postquam Drusus continentes terras dissociando rerum faciem mutauit, addito flumini tertio ostio per fossas deductas exercitus sui manibus, nimirum Herculis exemplum æmulari conatus, qui per fossis montibus hærentem Africæ Hispaniam reuulsi, si vera canunt, admissò, quod antea exclusum erat, mari Oceano; videtur ille nobis aliam & quidem ampliorem Rheni amnis insulam, hoc est, nouam Batauiam dedisse, vt eo nomine censeatur, quicquid tribus Rheni ostijs, Fleuo, Rheno vetere, & Mosa hoc sæculo nuncupatis limitatur & continetur, meritoque hanc appellationem sustineat illud quantum est, his temporibus, quibus propter obstructum medium Rheni ostium terræ propè continentes sunt, & pontibus longis, hoc est, aggeribus coniunctæ vsq. ad fretum illud quod nos à Frisijs diuidit (quem liceat hac in parte ingentem lacum vocare cum Pomponio Mela geographo) quando & propter faciles vndecunq. appulsus, & opportunitatem ad transmittenda bella, & nauium infinitarum receptum, cum descripta à Tacito Batavorum insula maximè conueniat. Quare quum placuisse antiquis videam, & frequenti in vsu fuisse, quoties periclitari fidem in vocibus ambiguis cernerent, ne error crearetur, nè redderentur perplexi non sublato discrimine lectores, vt dubitationem diuismo siue enucleata distinctaque explicatione eximerent: huius ergò, bona legentium venia & pace, liceat istam contractè & simpliciter Batauiam, vel cum appendice, si res ita poscat, Pliniamam vocare, quòd is cum Mela primus Fleui ostij meminert, ad quod per Drusianas fossas, quæ Tacito memorantur, aditus patefactus fuit, vt à vetere, quam antea dixi, vt terminis, ita & appellationis discrimine internoscatur.

CAP. II.

*De Gigantibus, quos fabulantur Annales
Batauiam tenuisse.*

ANnaliū nostrorū fidem non possum non eleuare, qui fabulatores exteros scriptores secuti, fabulis originēs quoque nostras inuoluerunt: aiunt enim Britanniam Britannia insulam gigantum fœcundam fuisse altricem & genitricem quoque, eos genitalibus sedibus eiectos à Bruto Ascānij pronepote, classē conscendisse, & eam Bataviæ partem, quā Mōsa marinis aquis miscetur, tenuisse, vbi vetus Vlaeringa stetit, ibique arcem condidisse, maris & amnis coniunctis viribus olim subrutam, à se Sclauoburgum nuncupatam, à quibus potentia præualentibus omnes in occidua plaga Bataviæ incolas Sclauos cœpisse vocari, vt Wiltos, Gigantium alumna. australiores, à feræ & immanis vitæ genere, aut ab hirsutie corporum dictos. Vbi non animaduertēre nostrorū Annaliū concinnatores & architecti, adagij veteris, quod loquitur, memorem debere esse mendacem, ac nihilo oculatiores, quàm lumine orbatus Cyclops ille, non viderunt Sclauos à se euestigio nominari, quos modò gigantes fecerant. non absimiles illis qui ab elephanto orsi, in culicem desinunt. Neque verò consentaneam in ipso quasi lare & vestibulo historiæ narrationem inceptantes, non inspicere fidei periculum à se adiri. Quis enim credat ab homuncionibus Troianis fame nauseaque afflictatis, gigantes vasta corporum proceritate immanes, cælo capita alta ferentes expelli tanta facilitate potuisse? aut quis omnino non dubitet, gigantes omnino non extitisse Alōadam similes, quos Gigantes. è medio mari Ægæo insulas reuulsas in cælum cuibrassee nugantur cum Nonno Poëtæ? quos *Διγερύχες* & anguipedes fingunt; quum ne Homerus quidem in Iliade (quæ fortium & bellica virtute illustrium virorum catalogus quidam est) vsquam gigantis inter Heroas illos meminerit. Si quidem quæ de gigantibus memorantur, lepida quidem

*Gigantes an
fuerint?*

Aiacis ossa.

Aloade.

Orestes.

*Carolus Ma-
gnus.*

*Gigantes ex
angelis.*

*Sulp. Seneri
opinio de gi-
gantibus.*

& narratu iucunda videntur, auresque titillant, si mythologiam respicias, at falsa, rationique absconsa, si metiri animo Naturam velimus, cuius modum & mensuram homines, vt nunc viuimus, repræsentamus. Demus Philostrato, sed non vt Xenocrati iniurato, Hadrianum Imp. apud Sigæum inuenta à se in tumulo, maris alluuione corrupto, Aiakis ossa vndecim cubitos longi, in urnam composuisse. Demus Thessaliam ostendisse Aloëi filiorum ossa nouem orgyias longa, qualibet orgyia senos pedes cum quadrante continente. Demus Orestis cadauer apud Nemeam à Lacedæmonijs inuentum expleuisse cubitos septem. Demus eidem scriptori in Co insula ab affini suo Hymnæo repertum, dum vinea effoditur, cadauer duodena cubita longum, affirmanti: sed ita demus, vt fabulatori, & ex vinitoris fide multo incredibiliora miracula narranti: quando etiam mediæ ætatis historici Carolo Magno (cui rerum gestarum magnitudo cognomentum illud peperit) nullum mendacis modum statuentes, prodigiosam & tantum non giganteam membrorum vastitatem, cognominis materiam, attribuerint, affingentes illi faciem sesquipedē longam, pedem latam, nasum in semipedem porrectum, corporis crassitudinem intra zonam octonum pedum. Mirum, ni Enceladum quempiam aut Gyen præclari architecti posteritati persuadere voluerint. Athenagoras in legatione ad M. Aurelium Antoninum, cumque eo in eadem opinionis nauis iactati Tatianus Assyrius, Iustinus Martyr & Firmianus, credidere gigantum natales extitisse è congressu angelorum cum virginibus; quorum vestigijs insistens Sulpitius Seuerus sacræ historiæ initio, scribit angelos naturæ suæ originisque degeneres, relictis superioribus sedibus, quarum erant incolæ, matrimonijs se mortalibus commiscuisse, atque ita paulatim corrupta humana progenie, ex eo coitu gigantes esse editos, vt monstra è mistione diuersæ inter se naturæ genita. Sed vt istud dogma orthodoxæ Ecclesiæ iudicium labefecit atque improbavit, ita quid de gigantibus semel sit sta-

fit statuendū, eleganter & doctè enucleauit Cyrillus Alex- *Cyroll. li. 9.*
 andrinus libro aduersus fidei defectorem Iulianum nono,
 qui, vt eius diffusam orationem in compendium conferam,
 id in vniuersum sentit, posteros Enos filij Adæ (qui cogno- *Cyrolli sanior opinio.*
 mento Deus, ob summam virtutem inter mortales dictus *Enos cognomen- to Deus dictus.*
 fuit) multis pòst sæculis cum Caina posteritate, formarum
 præstantia illectos, coniugia miscuisse, proculcato honesti
 & virtutis amore ac studio, atque inde enatos gigantes, sa-
 cra historia, proteruos, immanes, truculentos, & aspectu
 horribiles eo vocabulo designare consuevit: quomodo Deus *Gigantes qui?*
 interminatur ore vaticino Iudææ, Venient (inquit) gigantes
 vt furorem meum expleant, læti pariter & iniuriam conso-
 ciaturi. Annales nostri tradunt à Wilelmo, cui cognomen-
 tum Boni virtus dederat, Comite Hollandiæ, adductam
 fuisse ad nuptiarū sollennia Caroli Pulchri Franciæ Regis, *Fœmina Se- landa inusti- tatè grandis.*
 inusitata corporis mole fœminam natione Selandam, præ
 qua proceri etiam viri pusiones videbantur, tanto etiam vi-
 rium robore, vt bina dolia Cereali potu referta, ambabus
 vtrinque manibus portaret, quæ singula quadringenta pon-
 do Italica appendebant, trabemque cui attollendæ impares
 octo viri fuerant, quò vellet, transferret. Memoratur &
 Nicolaus Kyethenius, quem Spernerwouda pagus extu- *Nicolaus Kyethenius.*
 lit, tam enormi fuisse corporis vastitate, vt procerissimum
 quemque sui temporis subalarem admiserit, sed vires moli
 corporis & symmetriæ impares, non respondebant. Vti in
 eo quem Iulius Scaligerus se vidisse testatur Mediolani, qui
 in nosocomio decumbens duas spondas lectorum iunctas
 porrectus explebat. In Herculana familia illustri apud Ba-
 tauos, Ioannes eo nomine octauus, Gigantis cognomen tu-
 lit, ob vastam corporis staturam, robur incredibile, & ani-
 mum infractum, cunctis formidabilis, quem Annalium
 monumenta perhibent, caballum ingentem solo attollere,
 & aduerso parieti appressum immobilem sistere potuisse,
 vnum Iunio Valenti & Miloni Crotoniæ parem. Refert
 & Scaligerus ante annos circiter octoginta in Corcyra fuisse
 effossum

Ioannes Pufil-
lus.

Gigantes qui
propriè.

Gigantes al-
legorice.

Nimrodus.

Gigantes in
scriptura qui?

Qui gigantes
in Hollandiam
appulerint.

effossum hominem, cuius brachium iusti cruris totius longitudinem exæquabat. Hector Boëthus rerumque Scotticarum scriptores memoriæ prodiderunt, quendam Ioannem antiphrastice Pusillum cognominatum, impleuisse statura pedes quatuordecim, in extremæ Scottiæ insula sepultum. Sed hæc vel roboris rari, vel proportionis iniquæ miracula, haud giganteæ & humana maioris speciei esse possunt, qualem veteres credidere, & plerique persuasi existimarunt, & suam fidem alijs quoque approbare conati sunt. Verum ut gigantes in genere mortales dicuntur ex humo geniti, quasi *γῆγενῆς*, & terrigenæ, ita eos propriè nomē istud mereri censeo, qui originis suæ ac sortis obliti, ad maiora altioraque, quàm locus & conditio sua fert, contendunt, & umbram suam (quod dicitur) transiliunt: quo in genere antesignani sunt, qui regnum cæleste affectant, hoc est, diuinos sibi honores arrogant, & aras sibi tantum non Sabæo thure accendi, proque Dijs haberi volunt. Quibus proximi sunt, qui fas omne, religionemque, Dei iura, oppugnatum eunt ac violant, cultum Dei abolent, sui inculcant, iuxta Athenagoram; qui Principibus, Magistratui, ac legibus (quæ Dei manus sunt) resiliunt ausu temerario: qui seditiosè tumultuoseque populum ad rebellionem concitant: qui sanguinarijs concionibus Principum sæuitiam armant atque accendunt: postremò qui per fas & nefas malisque artibus honores & munia quibus impares sunt, aut quod æqualibus graues & damnosi officiant, aucupantur; clandestinis officijs subditos irretiunt, grauioribus iusto oneribus obruunt, nimiumque plebem emulgendero sanguinem exprimunt, quos sub Nimrodi robusti venatoris nomine sacræ literæ obtegunt, & gigantes vocant, quos Iouis & Mineræ manubiæ plerosque solent delere. Itaque ut ad Annales redeam, faciliè adducor ut credam eos qui Vlaeringam è Britannia in hanc oram classe appulerunt, ab Anglosaxonibus expulsos, aut Nortmannos Danosue, qui securi tyrannico in otio, regnum occupatum eripi sibi è faucibus passi sunt multis post

annis

annis, ob molem corporis, & speciem oris horribilem, gigantes fuisse habitos, fama (quæ cuncta in maius augere solet) aduenisse gigantes canente: atque inde natam fabulam firmiter credo, in eamque sententiam non dubito quin mecum descensuri sint omnes qui sanæ mentis vnciam habuerint.

CAP. III.

*Batavia Pliniana & Populorum eius
descriptio, & nominum enodatio.*

COchleæ, quas vocabulo Pacuuiano non malè domipor-
tas nominare liceat, extra prorepere, deserto quod incolunt domicilio, non solent, neque iter ingredi, nisi quod emissitijs illis corniculis, quæ primore in fronte emicant, explorant prius atque prætentauerint. Eundem ad modum animus mihi est incorruptè & ex fide Bataviam describenti, à vetere illa matrice, quam pro argumento circumfero, non discedere, aut aliam aperire viam, quam Plinius Germanicarum rerum observator pariter & scriptor diligentissimus, quippe qui his in locis cum Druso Nerone militavit, ac proinde locuples ad augendam fidem auctor atque testis præiuit: cuius breue elogium quo Bataviæ magnitudinem, quousque porrecta, quibus inclusa finibus, quos in sinu populos foueat, complexus fuit, vice iusti commentarij à me habetur: vnus ille mihi instar multorum, imò pro sexcentis fuerit, quod de Heraclito prolatum olim memini. Cuius orationem, vt ordine hæret, neque commota scripturæ, non magis quàm sacrorum, fide, velut solenne carmen ab apparitore publico statâ verborum lege recitari solitum, in medium lectoribus proferam, ex quarto Naturalis historiæ libro. *In Rheno ipso prope C. M. passuum in longitudinem, nobilissima Batavorum insula, & Canenufatum, & alia Frisorum, Cauchorum, Frisabonum, Sturiorum, Marsatiorumq̃, sternuntur inter Helium ac Fleuum.*

*Cochlearum
ingenium.*

*Plinius Se-
cundus.*

*Plinio quanta
fides præstada.*

*Plinij verba
de Batavia,
lib. 4.*

Fleuum. Ita appellantur ostia, in qua effusus Rhénus, ab Septentrione in lacus, ab Occidente in amnem Mosam se spargit; medio inter hac ore, modicum nomini suo custodiens alueum. Quibus ex verbis liquidò discimus, Rhéni insulam Plinij ætate, in septenos diuisam fuisse populos, Batauos nimirum, Caninesates, Frisios, Cauchos, Frisiabones, Tusios (quos cur ita nomen hoc loco, dicetur postea) & Marsatios Marsacósue. Hac in tabula prima se offert inter cæteras insulas conclusa Mosæ Rhénique fluminum ostijs, tam illa, quàm hac nostra tempestate non ita multum diuersis, Batauorum insula, cuius situm ambitiosè hîc describere superuacuum fuerit, quando id abundè satis, ex Rhéni eiusque decursus descriptione, quam paullo pòst subiiciam, præstiturum me confido. nunc satis habebo habitum & formam eius dare, secuturus in eo chorographos aliosque vetustos auctores, quos plurimum operæ collocasse video, vt locorum habitus, rerum idæis atque imaginibus quàm conuenientissimè assimularèt: ita Sallustius in secundo Historiarum Sardiniam facie humani vestigij esse scripsit, vnde & Myrsilus Lesbîus Ichnusam quasi vestigialem, & à soleæ effigie Sandalîotin Timæus eam dixere. Plinius Italiam hederæ folio aut querno potius similem facit; vt Peloponnesum platani folio, propter angulosos recessus: Naxum insulam pampino vitis idem: Cyprum velleri ouis scriptores compararunt, vt Iberiam tergori bouis: rursus Euxinum arcui in cornua curuato Dionysius Afer componit, & Libyam figuræ quâ Nicomachus Gerasinus mensalem nuncupat. Hiberniam insulam querno folio, vbi cuspis & pediculus molliter resecti ademptique fuerint, persimilem descripsit nuper Paulus Iouius. Horum exemplo liceat & mihi Bataviâ vel Ægypto assimilare, quam veteres Δ delta vocitarunt, quòd eam Nilus fluuius ita findat, vt triquetram planè terræ figuram efficiat; vel Alexandriæ, quæ ad effigiem chlamydis militaris, orbe gyrato laciniosa, & dextra læuaque anguloso procursu à Plinio describitur. Vtraque

figuratio

Loca formis
rerum assi-
mulata.

Sardinia
forma.

Italia species.

Peloponnesi
forma.

Naxus.

Cyprus.

Iberia.

Euxinum.

Libya.

regem Cælidens

Hibernia.

Batavia Δ
assimilis.

Bat. Alexan-
dria assimu-
lata.

figuratio non ineptè cum regionis huius situ conuenit, præsertim si initio statuas Teceliam, siue vt nunc scribimus; Tessaliam, quæ iâ insula à reliquo auulsa corpore ante quadringentos vel circiter annos discessit, olim continentem, aut certè peninsulam, fuisse. Rhenus namque sui diuortio in binos alueos, totidem nunc ostia, diuisus, hinc in Septentrionem, illinc in Occasum decurrens, bina insulæ latera non multum sinuosus circumdat: tertium Oceano fluentorum omnium receptatori exponit, alluendumque obijcit; ita vt Δ capitalis literæ speciem propemodum exprimat. Propius tamen aliquanto ciuitatis Alexandrinæ figuram Pliniana descriptione repræsentatam referre olim visa est, anguloso exitu vtrinque procurentis Fleui Mosæque protenta, & sinuoso littoris gyro flexuosoque in quendam laciniarum modum curuata. Batauiam verò colles arenarij seu fabuleta, quos Africi & Cauri ventorum flatus nimium nobis peculiare è sicco littore impulsos introrsum excitant, nusquam ferè cingunt, nisi quâ Oceanus terrarum finitor ambit, qui ab infesta plaga & atroce illic cælo, ventis agitati prorsum semper differuntur, sterilitatemque inuehant, naturæ suæ congruam, vt agros quibus incumbunt verè ἀλιωπαρδς, veluti salis semente conspersos, dicere liceat, in quos verissimè quadrent Maronis versus:

*Salsa etenim tellus, & quæ perhibetur amara,
Frugibus infelix, ea nec miscet arando,
Nec Baccho genus, aut pomis sua nomina seruat.*

Vsq; adeo ex his quæ ibi feruntur, nihil nisi arundinea quædam soboles aut loliacea messis inanibus aristis expectandum est, quæ ipsa adhuc beneficij loco numeranda fuerit. Vnicum etenim fabuletis illis remedium Naturæ benignitas opposuit, non ericas, vt Brabantix quibusdam locis, aut viridem muscum, quo telluris superficialia cutis oblita maneat, sed caricem iunci genus acutum durissimumque, non absimile sparto (perperam enim alicubi in Dictionarijs, asparago; pro sparto, excusum inuenio) quod altissi-

Batauiæ
figura.

Arenarij colles
rubi.

Arena steriles
agros reddit.

Virgil.

Erica.
Muscus.
Carex genus
iunci.
Helin.

Dictionarij
error.

auidissima crescendi proserpendique cupiditate latissime
 altissimeque radices agit & quaquauersum spargit, è quarum
 fibris internodijque spissi comarum veluti nidi suppullu-
 lant, quibus volaticos illos arenarum nimbos ligando com-
 pescit ac fideliter continet, citissime sobolescens: qua ma-
 teria quia nihil vtilius agricolæ inter omnia inueniunt sisten-
 do illi fabuli flori, quotannis habito solenni conuentu co-
 ram delectis ludicibus consultatur, quibus maxime locis
 necessaria caricum plantatione occurrere debeat actæ ventis
 arenæ, ne felicia arua operiat. Ea opera publico impendio
 constat: siquidem vbi densissimæ caretorum syluæ & inutiles
 sunt, inde reuelluntur soboles, ac locis opportunis rursum
 depanguntur: alioqui non fossæ, nō aggeres satis tuta aduer-
 sum iniuriam illam propugnacula sunt. Quod si fossis re-
 frænare libidinem illam incoercitam velis, eadem operâ
 etiam ventos retibus cohibere pares; vix enim mensẽ
 vnum duraturus interdum labor & quidem superuacaneus
 tibi sumatur, quando repletis illis redibit labor actus in or-
 bem. At aggeres, vt obstacula quædam esse non inficior, ita
 æstum illum fluidæ arenæ excipiunt quidem suo veluti cor-
 porum oppositu, sed vbi paulatim illos scanderit aggesta are-
 narum moles, transcendit quoque viam præbent. Porro
 spatium longitudinis insulæ Batavorum controuersum fa-
 cit dissidium, ac dissensio inter duos magnos viros, quorum
 interfuit penitus illud perspectum planeque cognitum ha-
 bere, vt pote ambos oculatos testes, Cæsarem dico & Pli-
 nium, quorum ille à diuortio Rheni, vbi ager Batavus in-
 itium sumit, ad extremum eius in mare decursum octogin-
 ta passuum millia, hic propè centena statuit, decem pedato-
 ris vterque vicem ritè præstans; sed ab illo spatium linea
 quasi perpendiculari directum designari arbitror; ab hoc
 cursum amnis flexusque in mensuræ rationem vocari, quod
 alibi attigisse scio. fieri tamen potest vt in codicibus Cæsaris
 deducta sit aut omissa vitio scriptoris decussis vna: nostra
 verò circiter vicena bina milliaria spatium idem inter
 mare

*Cerici plan-
ratio solennis.*

*Fossæ nec ag-
geres quid-
quam præstunt
aduersus are-
nas.*

*Dissensio Pli-
nij & Cæsaris
de longitudine
Bataviæ.*

mare & Lobecanam arcem Batauiæ initium, exæquant. Hæc esto accessio quædam & additamentum eorum quæ nobis de Batauia dicta sunt. Sequitur Caninesatum insula, quorum ego terminos non multum euariare à vetustis suspicor, bonaque coniectura ducor; siquidem insula fuit; (id quod expressè loquitur Plinius) eos à secundo Rheni siue medio ostio apud Cattorum Vicum initium capere, longoque terrarum tractu secundum colles arenarios, cuniculorum stabulis antrisque in hunc usque diem nobilitatos (vnde genti quoque gratissimo cuniculorum cibatu videnti nomen olim inditum postea doceo) sedes suas habuisse Harlemo tenus, ita ut Oceanum Britannicum, iniquum vicinum, cum prædictis collibus habuerint ab Occidente: à nascentis verò Solis plaga diuisi fuerint alueo vno ex elicibus Rheni, qui palustri solo inerrās, incredibile quantum terrarum absumpserit patrum memoria, ingens nunc & re & nomine Lacus effectus. ditionis autem illorum fines terminasse videtur riuus (Becam nominant) qui ciuitatis moenia quondam alluebat, nunc mediam urbem in fori ædisque primariæ vicinia secans, Sparnum amnem intrat: aut certè alueus fluuij qui apud prædictam ciuitatem olim labens, sacratum Diuo Adelberto collem (quo nomine palatium secretioribus Principis curis venatuique dicatum adhuc superest) præterluçbat, arcemque præ nimia vetustate iam ruinofam Brederodū, cuius aluei manifesta oculis etiam nunc, visitur cauitas, & à colonis accolisque passim monstratur, Rhenum nomine repræsentans. Atque inde Frisiabonum fines incœpisse, verisimili coniectura auguratur nonnulli, vestigium vocis antiquū, gentis nomenclationi non nihil attestans in medium adducentes, nimirum planitiem permagnam atque herbosam, quæ nominis reliquias superstites, sed in tanto sæculorum decursu aliquantum obscuratas oblitteratasque conseruet, Brisape dictam voce corrupta ex Frisape, atque hac ex Frisiabonum nomine. Horum orationem quasi impudentem quod probabilitatis

*Caninesatum
regio.*

de Becæ.

*Adelberti
berch.*

Frisiabones.

speciem primore fronte ostendat, ut non omnino refellere, aut mendacij arguere, est animus, ita neque planè probare possum, quippe quum inclinet magis, ut credam eorum confinia ultra Almeriam oppidum protensa fuisse, & Kinheymo alueo diuisa. Itaque rem in medio relinquo, quòd testimonia & tabulas in rem præsentem dare nequeam. Oportet autem magnam fuisse gentem & validam, quam solo numero à Batauis, qui quadruplo plus terrarum feracium habebant, superari dicit Tacitus, cuius ista de Caninefatibus in Historia verba leguntur. *Ea gens (inquit) partem insule colit, origine, lingua, virtute par Batauis, numero superantur.* Non sum tamen ignarus, alios hac tempestate ditioni isti, quæ nunc Kinnemaria audit, proque Caninefatum regione habetur omnibus, assignari terminos, quasi principium capiat à riuulo qui iustum circiter milliare distans Harlemo, præterluit tumulum, cognomento Delitiosum, finiturque ad sextum inde milliare apud Almeriam. Tumulum autem Delitiosum nomino cum vulgo (qui *Weligheberg* vocatur) quòd veteri religione ac ritu nouæ nuptæ cum æqualibus eò solent altero nuptiarum die quadrigis peruehi, velut valedicturæ solatiis turbæ puellaris, actæque hætenus cum illis consuetudini, tanquam matrimonium nunc religiosum ipsis sit amare, paratæque sint illic obruere antea actæ vitæ oblectamenta, domesticis rei familiaris curis iam initiatæ, vagis amoribus imposito modo. Hunc, inquam, statuunt decumanum limitem ab occiduis arenarijs collibus in ortum tendentē, eoque riuuli decursu definiunt ius prætorii Balui Kinnemariensis, quem ita vocant. Ditionem hanc Kinheim dictam inuenio ad annum salutis octingentesimum octogesimum quintum (ingens enim error in annorum calculo irrepsit in Reginonis, apud quem istud legitur, libros mendosissimè excusos, quos Egmondana Bibliotheca emendatissimos mihi submisit) quo tempore Nortmanni qui è Cimbrica Chersoneso siue Dania oram soluerant, cum classe in Kinheimariam appulerunt,

Tacit.

Kinnemaria.

Delitiosus
collis.

Kinheimum.

Reginonis li-
bri mendosi.

lerunt, & consensu Gotefridi Danorum Regis, Frisæ Domini, Drusoburgum, corruptè nūc Duiusburgum dictum, occuparunt. Ea Kinnemaria, corruptius etiam Kermerlandia, veriùs Kinheimaria appellanda est, quæ corruptela vulgi vitio accidit minus articulatè voces pronūciantis & truncas interdum reddentis, quando syllabarum coitu & frequentiore contractione vtitur. Ostenditur adhuc isto sæculo in Kinnemaria medio fermè itinere inter Harlemum & Almeriam extra regiam viam seclusus tumulus in agris editior, ab aratri profanoq; vsu hæctenus liber, quem Principis inaugurationi consecratum olim fama posteris nobis per manus tradidit. Diuæus qui Belgicæ antiquitates breui libello collegit, omnibus modis inficiatur, Caninefates eos esse, qui Kinheimari appellantur, eo vsus argumento, quòd penè vltimi sint Hollandorum Frisiam versus: qua in parte non omnino erroris insimulandus fuerit, si Frisiorum terminos Harlemum vsque propagabimus, quæ multorum opinio est pertinax, cui & tritum videtur astipulari prouerbium, quod bouem cauda tractum, si collicias forum Harlemianum medium secantes superarit, in Frisium agrum transmitti, loquitur. *Stact te Harlem opt zant/ghy werpt een Roe in Brieslandt.* Sed istius prouerbij originem recentidrem esse autumo, quàm vt priscum ac genitalem Frisiorum positum respicere potuerit. Aliud dicturū fuisse reor, si sciuiisset riuo Kinheimio ad Almeriam diuidi separariq; à Caninefatibus Frisios tanquam limite, eos inquam Frisios quos discriminis causâ Cisirhenanos nomino, per pagos, non oppida habitare quondam consuetos, variaque aduersus Comites Hollandiæ belli fortuna semper vsos, sæpe victores dum libertatem à dominatu prætexunt, in quibus numerantur Horna, Enchusa, Medenblicum, & Scaga. Nesciuit (bona viri pace dixerim) Caninefatum & Frisiorum extrema terga claudere Tusios & Marsatios, de quibus ne per somnium quidem meminit, fortassis eorum fanatico imbutus errore, qui Sturios (ita enim apud Plinium le-

*Kinheimaria.
Kermerlandt.*

*Diuæi argu-
men. de Cani-
nefatibus.*

*Frisi Cisirhe-
nani qui.*

gunt) & Marfatios in Transrhenanis Frisij collocant. Neque aliam visus est agnouisse Frisiam, quā quæ trans sinum Batauicum Frisiain pinacibus appellatur, alioqui particulatim de Frisij quoque intra Rhenum à Plinio accuratè nominatis verba factururus. Adtexit argumentum frigidum parumque firmum tale, Si, inquit, vltiores Batauis fuissent Caninesates, quis crederet hominem nihil apud Batauos ausum vltiora petijisse? aut terrestrem Neruiorum exercitum per mediū Batauorū Caninesatibus inuexisse? loquitur de Cl. Labeone Batauo, alæ equitum præfecto, qui æmulus Ciuilis cumque eo similitates exercens, postulato præsidio à Vocula legato promiserat se reducturum ad Romanum obsequium potiorē Batauorum partem: sed promissis largus fidem non præstitit, quando nihil inter populares suos moliri ausus, exigua equitum peditumque manu & Betasiorum Neruiorumque tumultuarijs copiosis instructus deflexit in Caninesates, eosque cum Marfacis incursione vexauit, obsidentem cum Batauis Frisijque apud Vetera Romanas legiones Ciuli. Quid? mirumne videri cuiquam debeat, quod expectatione sua & spe exciderit (ut ferè solent imprudenter capta consilia frustrari consultorem) apud populares Batauos qui propter præsentis delectus acerbiter animos iam à Romanis alienarāt, non auditus? quodque propterea nihil inter suos ausus, quorū erat ingens & metuenda potentia, citra maleficio infestare patrio è solo discesserit? quodque propterea ne non fecisse aliquid videretur, transmissa extrema Batavia ora, cum expedita militum manu prædatoris more Caninesates incurfauerit? id certè procliue factu illi erat locorum gnaro, præsertim quum duce Brunone Caninesatum meliorem bello partem abesse in castris Ciuli coniunctam ipse non ignoraret: accedit quod non iusto bello eam gentem aggressum Labeonem, aut habitis statuiis moram traxisse dicit Tacitus, sed prædatorijs modò globis infestasse: idque clarè loquuntur scriptoris verba illa, *Et furtim magis quàm bello*
Caninesa-

Caninefates Marsacosq; incurfabat. Quantulum verò erat traiecto amne, paucis milliaribus confectis, improuisos subitatio agmine, priusquam cogi miles ac nomina dare posset, adoriri atque opprimere? Illud verò insolens atque ineptum planeque *βεννοσέλνω* olens, quòd vltiores Batauis esse Caninefates negat: quin ergo si velit eos citeriores, definiat mihi eorum situm; meo certè iudicio quicumque oram soluerit è quouis Belgicæ portu aut loco Rhenum traiecturus, in Batauorum opinor fines appellet, nusquam in Caninefates incurfurus antea quàm medium Rheni alueum transmiserit. nam quum Romanæ, hoc est, Belgicæ oræ, solo amne diuisi, propinqui sint Bataui, vt veterum testimonijs patebit, nullam intermediam Caninefatibus relictam sedem video. Pugnat Ioannes Stella Hispanus alio argumento, sed friuolo, quasi Caninefates Batauiæ veteris populus fuerit, hoc est, Vahali & Rheno medio ostio conclusus; idque Plinij verbis probare aggreditur, exaggerata altiùs oratione fidem viri attollens, quasi sit qui eam extenuare dilutamq; reddere conetur: id quod neminem quantumuis profligatæ famæ tentaturum confido. Verba autem Plinij propter quæ tantam molem orditur, hæc sunt: *Nobilissima Batauorum insula & Caninefatum.* E quibus planè perspicueque dictis hunc elicit sensum, ab auctoris mente & Romana puritate alienum, Caninefates in Batauis esse, quasi, & positum fuerit loco, pariter aut simul. hoc sensu, Nobilissima Batauorum simulque Caninefatum insula: Quum diuerfas & separatas esse insulas, vt re vera fuerunt, innuat, sed præ alijs, quas subiungit, famosas. Taciti quoque verba à vero detorquet idem, vt conceptæ ipsius opinioni priuatim famulentur ac seruiant, ex libro quarto Historiæ desumpta, vbi de Caninefatibus loquens, *Ea gens,* inquit, *partem insule colit, origine, lingua, virtute par Batauis, numero superantur.* Hic mecum expendat æstimetque Lector non iniquus hominis astutiam, qui vt contrariam sententiam obtineat, suam confirmet, testimonium lace-

Io. Stella argumentum de Caninefat.

rum citat & dimidiatum, qui debuerat nusquam accisum, sed suis illud partibus integrum proferre, quod ipsum in scriptura sacra cum periculo fit. Vtrobique enim illud & ut *ὅπλον ἀρετῆς & καλίας κέντρον* (ut Nazianzeni verbis dicam) adduci potest. Sed ne extra carceres euolem longius, age Taciti verba exactiore iudicij trutina ponderemus atque expendamus pressius; quæ dum indagandæ veritatis studio examino, haud iniquiore feret ille animo, si quod profiteri videtur institutum, auctoris fidem non eleuem, & extra Platonem veritatis amori palmam transcribam. Verba igitur Taciti, quæ aliud illius auribus suggestura fuerant, si accuratè legisset, hæc lego: *Missi ad Caninefates qui consilia sociarent*. tum subsequuntur quæ modò adducta sunt verba ex illius citatione, quibus uti lumen aliquod adhibeam, rem illustriorem aliquanto reddam, quæ ita habet. Quum Ciuilis defectionem à Romanis parans res novas moliretur, primores gentis Batavæ, & promptissimos è vulgo specie epularum in sacrum nemus cōuocatos, ostensa ob oculos seruitij quod patiebantur indignitate, ita commouit flexitque, ut vnanimi consensu iugum exuendum decernerent omnes: itaque ne soli illi tantam belli molem sustinerēt, utque comparatis aliunde auxilijs, vires aliorum societate auctas firmarent, misere legatos ad Caninefates insulanos, qui suorum illos consiliorum participes facerent. Dicat per louem ille mihi, quorsum legatione missa ad Caninefates opus erat, si sui, hoc est, Batavici dominij & principatus terminis velut cancellis continebantur? si communi vtebantur iure? Cur Bruno Caninefas statim delectus dux à suis, non expectato Batavorum subsidio improuisus hyberna cohortium ad Oceanum irrumpit? Cur postea Ciuilis dolo inuoluens premensque consilium, se facile compressurum Caninefatum tumultum apud præfectos præsidiorum Romanos pollicetur, nisi diuerfas secretasque gentes Batavos & Caninefates esse inter illos constitisset? Verum illud imposuit viro docto & fraudem fecit, quod non animaduertit:

Bruno Cani-
nefat. dux.

animaduuerterit aliter insulam constitui respectu Fleui ac Mosæ, aliter item circuitu medij (vt dixi) ostij & Vahalis. Illud quoque nonnihil est, quod tamen si insulis discretos, lingua tamen communi vsos fuisse indicat Tacitus, neque perinde populosam Caninefatium fuisse, vt alteram illam, cum ciuitatem, tum insulam. Documentorum satis datum iam confido, quibus separatos & vltiores fuisse Caninefates, quàm Batauos manifestò liqueat. Omitto hîc apponere alibi mihi dicendum gentis istius etymon, ex quo facîle elici possit, quem insulæ tractû olim infederint. Gentis laudem & gloriam bellicam cumulatius exprimere non potuit Tacitus, quàm quòd virtute Batauis pares dixit, quæ tû ostendit se, quando Neruios (qui inter Belgicæ totius populos virtutis opinione excelebant) commotos, vt pro Romanis bellum aduersus Ciuilem capefferent, ipsi soli citra auxiliares copias fuderunt. Eiusdem documentum edidit Bruno Caninefatium in Batauico illo motu ductor, quando citato agmine cohortium Romanarum hyberna Oceano præfidentium expugnauit, vt diximus. Eadem gens classem Britannicam, quæ metuebatur Batauos afflictura, quâ Oceano ambiuntur, venientem in auxilium Turullij Cerialis, vltro aggressa est, nauiumque partem maiorem depressit, aut cepit. Memorat Tacitus Gannascum quendam natione Caninefatem strenuum & bellica laudè inclytum ducem, qui diu Romanorum auxiliaris, eorumque stipendia meritis, postea ob offensas nescio quas perfuga ad Chaucos desciiuit, & prædas vndecunque agens orijs leuibuscque nauigijs Gallicam oram infestauit: quem, quû virtute & aperto Marte non posset, compositis illi vt violatori fidei (nam hoc nomine culpa & cædes prætexenda erat) infidijs, interfici curauit Domitius Corbulo, cômotis, vti par erat, viri genere & factorum gloria clarissimi cæde, Chaucorum animis. Vnam Caninefatum alam, quæ aduersus Frisiorum rebelles fortiter rem gerebat, sed per imperitiam ducis Apronij (qui non simul continente agmine subsidia-

*Caninefatium
gloria bellica.*

*Gannascus
Caninefas.*

rios

rios hostibus incubituros, sed per intervalla immiserat) fessa vulneribus fathiscebat, ægrè periculo exemptam fuisse testatur Corn. Tacitus. Morem fuisse Caninefatibus idem scriptor tradit, quòd dicta & exhortamenta ducum approbarent crepitu armorum quæ complosa concutiebant, & tripudijs. Eos primus subegit Tiberius ab Augusto iam adoptatus, referente Velleio Paterculo. Sequuntur Frisij, sed Cisthenani, quorum occasione de Frisijsin genere dicendum mihi putavi liberius veriusque, contra vulgatam opinionem & doctorum hominum assertionem. Frisios à Phrygijs, si dijs placet, genitalem ortum trahere sunt inter nuguendos & fabulatores qui non dubitarunt scriptis tradere, duce & nominis primo auctore Grunio Phryge, qui de suo nomine Gruningam urbem in Phrysijs condiderit, ædificato ibi admirandi operis templo, columnis, Phrygijs crediderim, sulto; vt nullum tam impudens reperitur mendacium, quod auctore caruerit. Hæc gens, vt & Francica, certè coniuncta, si non eadem, vt dicitur postea, eandem propè gloriæ hæreditatem cernere ambitu quodam & peculiari tuendæ libertatis studio videtur, pari ardore operata, quæ nominis occasio vtrisque fuit. Certè hi se liberos Frisios prouerbialis dictæ speciei etiamnum venditant; seque Cæsarum necessarios cognatosque ipsi nuncupant, referentes id, vt opinor, ad Carolum Magnum Francorum iuxta & Frisiorum Dominum, Imperij assertorem ac vindicem, natione Francum, hoc est, liberum: quò spectat etiam quòd plæraque omnis nobilitas inter Frisios clypeis suis & insignibus dimidiatas aquilas adiiciat. Tacitus Frisiorum duo tradit genera, in libello de Germanorum moribus, Maiores & Minores, ex modo virium ac multitudinis distinctè explicatæque appellans, qui quanquam tollendi discriminis causa Occidentales & Orientales è terrarum positu nominari deberent, haud scio tamen qua factum ratione sit, vt isti de possessione fiduciaria, velut sexagenarij de ponte (quod dicitur) deiectioni detrusique, vsurpationem nominis

Chaucis minoribus Embdanisue reliquerint, simpliciter sine additamento Frisiorū, patrium & vernaculum vocabulum appellationemque conseruasse contenti, de cetero securi sint. Porro Maiores Frisios Transrhenanum esse populum, testatum monumentis reliquit libro quarto Tacitus, inter Amisiam & Rhenum amnes sedes illis determinans: at Minores inter Hollandiæ populos, Caninefatibus contiguos, & Batauici freti, in quod Itala alterum Rheni ostium decurrens, mari ius suum transcripsit, accolae esse ostensus, ante omnia operæpretium fore duxi, si Peuceri errorem detergerem, ne maioris labis occasionem suppeditet semel receptus animis altiusque insidens, quem citatis prius viri eruditi verbis conabor postea conuellere: sic autem ait, *Frisii hodie distinguuntur in Orientales & Occidentales, fluminibus Amiso & Albi conclusi, medio Visurgi dirempti, Ostfrisen & Westfrisen.* hætenus ille. Eadem erroris nebula inuoluit Ioannem Calueticum, qui minorem Frisiam inter Visurgim & Albim amnes, ineptius etiam quam ille, collocat, à Saxone Grammatico deceptus. Qui ut toto aberrant cælo, ac dicēdū nācōv loquantur, Taciti verbis manifestum faciam, diligenter expensis. ea ita habent, *Maiores Frisii minoribusque, Frisii vocabulum est ex modo virium, utraque nationes usque ad Oceanum Rheno prætexuntur, ambiuntque immensos insuper lacus, & Romanis classibus navigatos.* Quibus verbis quis non ceu classico excitatus veterum excutiat, ac clarè perspicueque animaduertat, Maiores, Ostfrisios propriè dictos, non illos Orientalis Frisiæ (quo titulo suam ditionem quæ (ut admonui) minorum Chaucorum olim nomen tenuit, Embdani Comites parū ex fide indigant) indigenas, sed eos in quibus numerantur Stauria, Sneca, Franicū, Harlinga oppida, & Leuardia facilè omnium primaria ciuitas, rursus è diuerso minores, Westfrisios in extrema Holladiæ ora illis oppositos, & ab omni ferè sæculorum decursu Traiectinorum Antistitum annalibus eo nomine in mancipij legem receptos: Hi namque duo populi Rheni

Frisii maiores.

Frisii minores.
Westfrisii.

Peuceri error.

Ostfrisiesen.

Westfrisiesen.

Corn. Taciti
locus exposi-
tus.

Prætexere
quid?

ripas olim, Taciti Drusi que tēporibus obsederūt ac dextra
læua que prætexuerunt, ad Oceanum vsque Septentriona-
lem, vbi Rhenus Fleuo nomē commutans, vt ostendemus
postea, in mare aquas exonerabat. Quid verò aliud volunt
sibi ea verba, *utraque nationes Rheno prætexuntur*; quàm
quod hinc inde ad vtramque ripam adsideant habitent que,
& oppositi sint Frisij inde maiores, hinc minores? Elegans
enim verbi istius vsus etiam alibi se prodit apud eundem
scriptorem. Eaque Germaniæ veluti frons est, quatenus
Danubio prætexitur. quæ vox in nonnullis codicibus cor-
rupta est in *pergitur*; vt, id obiter admoneam. Sic Ausonius
in Panegyrico: Assultantibus tot Barbarorum millibus, qui-
bus Danubij ora prætexitur. Ita Plinius montes Parthiæ
gentes prætexere dixit, hoc est, velut institam longam por-
rigi & obduci ab vna parte. Neque alius hac tempestate si-
tus vtrunque populum diuidit, haud alius quasi limes eos
dispercit, quàm quod Rhenus nunc Isalæ cognomento cla-
rior, & lacus antea immensi, nunc spatiosi maris speciem
repræsentantes, ab illo in societatem recepti, vtrosque disso-
ciant ac dirimunt, maiore iniquioreque interuallo. Quo-
modo ergò in hunc calculum vocabuntur qui trans Ama-
siam habitant, & medio insuper Visurgi dirempti, Albi flu-
vio concluduntur? aut qua ratione Rheni accolæ fient illi,
quos longinqua terrarum intercapedine Amisîa disiungit?
Quos tandem illi alios lacus exquirent mihi immensos &
Romanis classibus nauigatos, quàm in quos Rhenus ante-
quam in Oceanum exeat diffunditur, quorum ab his po-
pulis occupentur ambianturq. margines? Huic nostræ sen-
tentix haud refragaturos doctissimos illos viros, vbi ista le-
gerint, accuratiusque dicta auctoris adhibita iudicij trutina
examinarint, confido; eoque magis quòd obstinatis auribus
veritatem excludere, aut calumnijs rem extrahere à literato
homine alienum existimem. Hic verò se offert occasio, vt
de lacubus, quorū facta est mentio, difficultatem enodem,
ad stabiliendam certius dictorum fidem. Rhenus postquam
Campos

Lacus immē-
si, de quibus
Tacitus, qui
fuerint?

Campos inclytam ciuitatem (quam Romanis olim Naua-
 lia dictam autumant doctiores, quòd naues illic oram ma-
 ris à prædonum incurfionibus tutaturæ construerentur, aut
 starent) reliquerat, in amplos lacus effundebatur, receden-
 tibus longè ac latè ripis, rursusq. in faucium angustias con-
 tractus, arcto ore in Oceanum exibat, Fleui nomen à castel-
 lo oræ imposito secum euehens, vt è Pomponio Mela con-
 stat. Horum lacuum meminit Plinius de Rheno loquens,
 quem in bina ostia effusum, ab Septétrione in lacus se spar-
 gere dicit. de iisdem loquitur Tacitus lib. primo, hoc mo-
 do. *Equitem Peto præfectus finibus Frisiorum ducit, ipse*
(Germanicus) impositas nauibus quatuor legiones per lacus
vexit. Rursus libro secundo scribit, quòd Cæsar Germani-
 cus apparata iam classe millenaria, ingressus fossam Drusia-
 nam cum legionibus, post propitios Drusi patris manes,
 lacus inde & Oceanum vsque ad Amissam flumen secunda
 nauigatione peruectus fuerit: id quod à Fleui exitu, diei
 vnius cursu, dante operam vento, obire potuit. Hic lacus elu-
 uionibus aquarum; æstuarijs profundioribus redditus, per-
 ruptionibus aggerum, maris in terras immissi impetu, in
 eam vastitatem & magnitudinē successu temporum hau-
 stis agris exiungere, vt in immensum iam pateant, sinumq.ue
 constituent longè amplissimum, quem hodie *Zuyder zee*/
 velut Australe fretum, quòd in meridiem vergat, nuncupa-
 mus, vbi Hollandia patente gremio accommodat se com-
 mercio orbis. Hic sinus varijs locis varia præfert nomina,
 alicubi Orci æstuarium seu vorago, ab vndarum rapiditate
 nuncupatus ad insulā eius nominis; alibi Ganzorda, à Gan-
 zarum siue anserum illic stabulantium multitudine; apud
 Hornam oppidum Hoppa, ab vndarum feruore, ebullien-
 tis ceruissæ in modum æstuantē seseq.ue efferēte: alibi Tya,
 à fluenti cuiusdam elice. Additur à Plinio Chaucorum in-
 sula hoc in loco, qua fide nescio; siquidem Chauci à Frisio-
 rum finibus incipiunt, teste Tacito, nisi fortè per supinam
 descriptoris incuriam vox ista inrepperit, eosq.ue intelligat.

Naualia.

Rhenus in la-
cus diffargi-
tur.

Lacus Rheni.

Tacit. lib. I.

Lacus in ma-
re mutati.

Zuyder zee.

Orci vorago,
i' val van
Dzcf.

Ganzorda.

Hoppa.

Tya.

Chauci.

Frifiabones.
Waterlandi.

Sturij.

Ioan. Chauci
lans.

Plinij locus
castigans.

Tufii qui?
Tufenlandi.

qui Cuijcki hodie nominantur, Mofa amne à nobis exclusi:
aut potiùs Gleylandos, de quibus pòft. Frifiabones hinc
fequuntur, quos Waterlandos effe communis doctòrum
opinio tenet, remque facit probabilem nominis etymon,
quod fonat Friforum fimios, quali Frifapones, quòd iftius
gentis forent æmuli, & moribus vitæque ratione confimi-
les, à quo ingenio non multum abhorrent hac ætate, de
quibus strictim nonnihil dictum in fuperioribus memini.
Proximè subiunguntur Sturij, vt in omnibus excufis codi-
cibus Pliniani legitur; quam fcripturam fiue ex fide tradi-
tam, fiue audaculè interpolatam qui primi inuexere, aftipu-
latores inuenerunt homines incuriofos & præpofterè inge-
niofos, qui non animaduertentes Tranfrhenana loca à fe in
Cifthenanam ditionem conijci, è Sturijs fecerunt Staurios,
& non fine fupercilio interpretati fuere, quòd fcirent è pi-
nacibus Stauriam maritimum effe Frifiæ oppidum Hol-
landiæ oppofitum: quod quum fit ineruditū & abfurdum,
miror à nemine animaduersionis caftigationisue notam
fufinuiffe in hunc ufque diem: alioqui deprauata & adul-
terina fcriptura excufatos illos & aliquo modo purgatos ha-
bere poteft. At ego cicatrici, quæ Pliniani codicis cutem de-
formauit, ope vetufti exemplaris manuſcripti medebor, in-
tegritatemque lectionis vindicabo, quem librum mutuum
poſcenti mihi annos ante aliquot commodauit Ioannes
Chaucus Traiectenſis, quem honoris cauſâ nomino, ſingu-
lari induſtria & eruditione vir. In eo manifeſta & indubi-
tata ſcriptura pro *Sturiorum*, legas literis nō caducis exara-
tum, *Tufiorum*. Qui verò fuerint Tuſij diligentius rimanti
mihi, in mentem venit nomen hauſti Oceano territorij di-
tionisſque quam latè patuiſſe quondam cōſtat, nunc æſtua-
rium eſt haud procul Huiſduno, in maris littore ſito, quod
intra quartum abhinc annum à continenti pænè auulſum
propediem in inſulam abibit, vel mari adefum vorabitur. Is
locus in hodiernum uſque diem haud obſcura veteris po-
puli nomenclatione *Tufenlandt* / quod fonat, Tuſiorum
ditio

ditio nuncupatur; ita ut mihi non sit ambiguum quin post Caninefates & Frisiabones ad sinistram Oceanum versus ab alueo fluenti, quod (ut sicci alvei vestigia monstrant) præter Scorelium pagum & Crabbedamû mari insinuabatur, Tusij adhærerent, qui introrsum ad dextrâ Medenblicum versus extendebâtur, ubi gentis reliquias etiamnum superstites retinere videtur pagus *Oppertoës* dictus, quasi dicas *Oppertoës*. vltiores Tusios, ut verisimilis coniectura suggerat plures fuisse hoc nomine pagos, nimirum Citeriores Tusios, & Medianos, aut Orientales, idque genus alios, quos omnes maris cluuium cum oppido absorpsit. Si quis certiora argumenta prioris lectionis, aut posterioris fideliora documenta habeat, illum ego Apollinari laurea, si communicet cum studiosis & publico, donandum censuero, plurimumque illi me debiturum grati animi testimonio ostendero. Postremos & re & ordine, quo se mutuo sequuntur hi populi, *Marsatios* Plinius nominat, quos similiter ut *Marsatij*. Sturios chorographorum vulgus imprudentiâne an impudentia maiore inter Frisios Transrhenanos reponit, propagato scriptis vanæ opinionis seminario, quos ego tunc quum illa somniarent de *Seuenwoudis*, lymphatos fuisse cerebri- *Falsa opinio de Seuenwoudis.* que vacuos existimo. Verior autem horum appellatio, meo quidem iudicio, apud Tacitum extat, qui *Marsacos* nominat, à *Labeone*, de quo supra dictum est, incursione vexatos, sedesque eorum à Tusijs incoepisse ad *Tessaliam* (quam nunc vocamus) ante quadringentos plus minus annos, continente tellure cum *Wieringia* insula, olim *Tessaliæ* contigua (id quod certo certius est) nunc longo trium milliarium interuallo discreta, coniunctam; quam Oceani iniuriam senserunt terræ illæ, quo dixi tempore, in memorabili illa *Hollandiæ* totius inundatione post dicenda. Vestigium autem nominis mordicus tuetur, vastæ illius voraginis, quæ terras hinc inde abruptit, canalis, quæ hodie *Marsdiep* vocitât, quod *Marsacorû* profundû aut *Gurgitè* sonat & *Abyssum*. Nominis origo nata videtur à *Marsis*, hoc est, palu-

*Wieringia
etymon.*

Algæ usus.

Wier.

1571.

Thoma Hubertii error.

Mafacum.

Maseijck.

stribus vliginosisque locis; non à Marso, quem ex Tuiscone filio Gomeri nepotem somniant, id quod Pseudoberosi isti commenti sunt, quum viderent nomen esse multis populis commune. Porro Wieringia, cuius modò facta est mentio, demus etiam hîc obiter suum etymon, quod habet ab algæ marinæ lætissimo prouentu, quod coagulum in continendis firmandisque contra maris insultus aggeribus, quàm solis salisque (quod dicitur) vsus magis est necessarium: algam autem Wieram vernacula lingua appellat, vnde insulæ nomen, quæ materia à maritimis locis omnibus isthinc audissimè expetitur missis illuc nauibus, quæ syluam illam fundo erutam harpagonibus per dies æstiuos ferè mari placido aduectant in aggerum vsum. Mos autem patrius olim inoleuerat, solennes concipere preces, pro vbere ac læto algæ istius fruticantis prouentu; qui nullo vnquam æuo, certè hominum memoria, ante hunc annum, quem à partu Virginis post sesquimillesimum septuagesimum primum indigitamus, copiosior cunctorum testimonio fuisse perhibetur: id quod minimè ambiguo singularis Dei Opt. Max. commiserationis beneficio euenisse dubitandum non est, quando propter inauditam præcedentis anni eluuiionis inclementiam cuncti penè tota Hollandia vicinisque regionibus aggeres aboliti fuerât ac solo æquati, vt de refarciendis illis complorata spes omnis fuerit & deposita, nisi cœleste illud beneficium modo omni maius largiusque cunctorum vota exfatiaffet. Cæterum illud silentio inuolui minimè debet, Thomam Hubertum, qui non ineruditum commentarium de Eburonibus reliquit, tota isthic via, non ab ingressu tantum, aberrasse, dum extrita canina litera, Mafacos dicendos esse populos contendit, qui non contemnendum hac ætate oppidum Mafacum, hoc est, Maseick ad Mosam habitent, qui quum diuersissimo terrarum tractu & iniusto interuallo dissidentes populos confundit, cæcum quoddam chaos inuehere se non animaduertit. Sed pruriens ista quiduis chartis illi-

nendi

nendi libido infelicitèr plerunquè abortire solet, cæcos-
què parere catulos.

Bataua Germaniæ ne portio sit, an Belgicæ?

C A P. IIIL.

REM faciunt docti nonnulli controuersam, dissensionis-
què plenam, iurine Germaniæ cessione sit Bataua, an
Belgiæ transcribenda veniat. Raimundus certè Marlianus
inter Belgiæ populos Batauos reponit, & Galliæ Belgiæ
alibi Hollandiam inserit, idem Batauodurum Belgiæ ad-
scribit, situm, vt ipse ait, in finibus Cliuensis Ducatus: Sed is
homo ὅς ἐστι λήρης βερκεσελίνης, planequè toto cœlo errat, vt
vel hinc manifestum fiat, quātum illius iudicio tribuendum
sit in cæteris. Ego verò & testimonijs veterum, & Rheni li-
mite Batauiam Germaniæ vindicabo, & à Belgio exclu-
dam; quod vt faciam hortatur me locuples Plinij auctori-
tas, qui disertè Batauos cum Vbijs, Gugernis, & Rheni insu-
lis Germaniæ populis adnumerat. Plutarchus in Othone
Batauos disertis verbis inter Germanos equestris disciplinæ
gloria excellere scribens, insulam ab ipsis habitatam Rhe-
noquè amne circumfluam Germanici iuris facit. Clarissi-
mè verò Tacitus Historiæ libro xx. *Bataui*, inquit, *donec*
trans Rhenum agebant, pars Cattorum, seditione domestica
pulsi, extrema Gallica ora vacua cultoribus, simulq; insulam
Rheni inter vada sitam occupauere. Hic eximit omnem du-
bitandi ansam, quando extremos Belgiæ oræ fines colonis
vacuos, quos Rhenus alluebat à Batauis occupatos scribit,
designans loca in quibus sunt Vorcomium, Gertrudober-
gum, Huesda, & si qua sunt alia oppida Batauico peculio
adnumerata; deinde addit Rheni insulam, qui fluuius si
Germaniæ proprius est, complexu suo tanquam cancellis
ambitam insulam quoque in ius suum pertrahit. Quid,
quod Cartos Aborigines Germaniæ, non belli iure, sed lon-
ga possessione & vsucapione nunquam interpellata, suam
fecisse insulam satis indicat. Quod si Mattiacos, qui nunc
Selandi

Marliani er-
ror.

Bataua Ger-
mania pro-
pria.
Plin.

Tacit. lib. 20.

Mattiaci ho-
die Selandi.

Vibius Seque-
ster.

D. Ambrosius.

Selandi audiunt, in libello De Germanorum moribus, inter Germaniæ populos recenset, quorum insulas non omnes Rhenus adit, quanto iustius Batauos Rheni proprietarios? At litem istam vel ipse fluuius, vt olim legitimi incestiue thori iudex, ita hac in parte veritatis arbiter, cõponet ac dirimer, verbis Vibij Sequestri, qui libello De amnibus, *Rhenus*, inquit, *Belgas à Germanis separat*. Tacitus eõdem facit, qui Vahalim alterum Rheni alueum, ad Gallicam ripam latiore placidioremque affluere dicit. Ex quo liquiddo cognoscimus Galliæ Belgicæ dominatum includi fluento Rheni: quod ipsum docet auctor Panegyrici Maximiano Augusto dicti, Romanum videlicet Imperium non vltra ripam quam Rhenus radebat, prorogari atque extendi; cuius hæc sunt verba: *Rhenum videtur ipsa sic natura duxisse, vt eo limite Romana prouincia ab immanitate barbaria vindicarentur*. Nec latuit idem terminus D. Ambrosium, qui alicubi ait, Rhenum esse memorandum Romani Imperij murum aduersum feras gentes. Accedit quòd Batauiæ Plinianæ maior pars, vt in Germanis pòst docebo, à Germaniæ solo abscissa per Drusi exercitum fuerit, & Cistrhenanæ appellationi Tacito obnoxia; nimirum Velauia cum toto Traiectensis ditionis tractu. Difficultatis scrupulum quendam mouere videntur Ciuilis verba, quibus Alpinũ Montanum ad se cum mandatis missum vti bello abstineret, alloquitur hunc in modum: *En ego Praefectus vnus cohortis & Caninefates Batauiq̃, exigua Galliarum portio, vana illa castrorum spacia excidimus*. Isthic prima fronte opinetur aliquis exiguam Galliarum portionem Batauos dici, quòd inter Gallias numeranda veniat Batauia, quum nihil istiusmodi sit: Sed quum Ciuilis odoraretur ingenium Montani ad nouandas res paratum, suisque conatibus peraccommodum, quo illum in suas partes attraheret qui in Galliis plurimum auctoritate valebat, hoc argumenti ariete concutere voluit, si ego cohortis vnus praefectus cum Batauis & Caninefatis, qui respectu totius Galliæ vix millesima

cuius.

eius pars sumus, Romanos fudimus vicimusque, quid futurum, si Galliae excussio iugo, socias vires coniungant & communibus armis hostem communem impetant. Nisi quis forrè eò tetendisse horum verborum scopum autumet, quòd Batauos Galliae portionem vocet, ut facilius defectio- nis necessitatem illi persuaderet, quæ gentem communem citius ad arma commoueret capienda, quàm peregrinam & alienam. Sed prior ratio magis ad rem facit concinnior- que est. Itaque Germanico iuri Batauiam asseremus, do- nec Rhenus idem non abnuet.

CAP. V.

*Batauos magno in honore fuisse, & formi-
dabiles quoque Romanis.*

DVAS esse artes quibus gloria acquiratur & quæ homi- nem ad amplissimum dignitatis gradum prouehant, scimus, eloquentiam nimirum, & militarem industriam; ab illa paci ornamentum petitur, hac bellorum pericula re- pelluntur. Batauis à priori illa parum, imò nihil subsidij esse olim poterat, crassis inter ingeniosos, barbaris inter di- fertos, non magis quàm coruis inter olores locus est. Itaque quod Græco prouerbio dicitur, Aulædum fieri oportere; cui citharædo esse non liceat, idem illis quoque accidere & ob oculos versari debuit, ut quod ori negatum esset, id dex- træ beneficio sarcirent, atque inde adiumentum præstola- rentur: quod fit ubi sublata è medio sapientia, vi gerenda res sit, ferroque repetendum, quod non ex iure manu conser- tum obtineri queat, ut ad Ennianos alludam numeros. Hoc præsidio cum fide coniuncto in fraternitatem Imperij Ro- mani accepti sunt Bataui. Hac duce beneuolentiam sibi apud Principes constabilierunt, & stabilem sui fiduciam plerisque illorum tyrannis impresserunt. Per hanc vulgo formidabiles, inuictæ virtutis opinionem acquisiuerunt. Per hanc denique vera laudis imagine cōspicui esse ambie- runt. Sed ne quis verba me solum iacere existimet, testimo-

*Via duplex ad
gloriā acqui-
rendam.*

*Batauorum
virtutis.*

Barani fratres
Imp. Roman.

nijſ clafficorum ſcriptorum res à me communietur. Pri-
mum omnium Romani Batauis tantum honoris detule-
runt, vt non ſocietatis, vt multis, ſed fraternitatis quoque
nomine ac ſanctæ amicitix religione adiunctis uſi fuerint,
quando eos amicos & fratres appellandos cenſuerunt, &
poſitis marmoribus perpetuū ſui iudicij teſtimonium hac
de re dederunt, quod plures ante annos eruto è ruinis Ar-
mamentarij (de quo nobis poſtimodum erit ſermo, vetuſto
lapide confirmat Gerardus Nouiomagus fidei præclarus,
cuius iſta erat epigraphe,

GENS BATAVORVM AMICI ET

F R A T R E S R O M . I M P .

Fratres quid?

Quo quid dici potuit amplius, aut ad laudem cumula-
tius? nam fratrum nomine nihil auguſtius inter omnia ne-
ceſſitudinum vocabula haberi potuit, ex quo & communi-
tas appareret, & dignitatis æqualitas, vt Panegyriſtæ verbis
vta. Neque temerè inuenias alios populos ad iſtius honoris
dignationem receptos, præter Heduos (quos Burgundos
nunc appellamus) quos propter fidei conſtantiam hoc vo-
cabulo dignos habitos ſcribit Tacitus, his verbis: Hedui ſoli
Gallorum, fraternitatis nomen cum populo Rom. uſurpa-
runt: eoſdem Belga orator in Panegyrico Conſtantino di-
cto, ingenua & ſimplici charitate fratres pop. Rom. creditos,
& appellari meruiſſe ait. Quod honoris inſigne, ante Ta-
citine tempora, an verò ſub ſequentis eum Principibus, me-
riti ergò, obtinuerint, firmiter aſſeuerare non auſim, in ſo-
cietatem tamen (cuius ſanctiſſimum ſemper habitum eſt
vinculum) adiunctos diſertè ſcribit iſ auctor in libello de
Germanorum moribus, his verbis, *Omnium harum gen-
tium virtute præcipui Bataui, inſulam Rheni amnis colunt,
Cattorum quondam populus, & ſeditione domeſtica in eas ſe-
des tranſgreſſus, in quibus pars Romani Imperij fierent. Ma-
net honos, & antiquæ ſocietatis inſigne, nam nec tributis con-
tunduntur, nec publicanus atterit, exempti oneribus & colla-
tionibus,*

Hedui, hodie
Burgundi.

Hedui fratres
Rom. Imp.

Batani ſocij
Rom.

tionibus, & tantum in usum praeliorum sepositi, veint rela-
 atque arma, bellis reservantur. Primus ob spectatam gentis
 virtutem Batauos equites Iulius Cæsar in exercitu suo ha-
 buit, & cohortes aliquot, de quibus lib. septimo belli Galli-
 ci ita loquitur, *Laborantibus tam suis, Germanos equites cir-*
citer quadringentos submittit, quos ab initio secum habere
instituerat. Eorum impetum Galli sustinere non potuerant,
atque in fugam coniecti, multis amissis, se ad agmen recepe-
runt. Quo loco Batauos communi Germanis appellatione
 nominasse putatur à doctis, nō alia, vt suspicor, de causa,
 quā quod potētissimæ ac ferocissimæ genti, & cuius Im-
 perij fines latissimè se Albim versus extendebant, vicini es-
 sent, imò communione stipendiarie militiæ, vt coniecio,
 vterentur, quippe finitimi & solo Albi exclusi: nisi generis
 nomine maluisse vti Romanos potius credamus, vt certius
 loquerentur, minusque in illa multiplici barbarorum no-
 minum cyceone atque confusione errarent. De ijs verò lo-
 qui Cæsarem, fidem facere potest geographus Strabo, vbi
 Batauos, non alios, innuens, scribit, *τὰς ἀποστροφωτέρους καὶ*
παρυκαίνας, id est, septentrionaliores & Oceani accolæ,
 natura magis bellicosos quā cæteros, & equitatu quem
 Romanis præstantissimum suppeditent, pollere. Confir-
 mat idem Dion Nicæus quum peregrinos equites delectos
 habuisse Augustum Cæs. dicit, quibus Batauorum nomen
 fuerit, à Batavia Rheno circumflua insula vocatis, quos
 equestri disciplina plurimum valere constitit: quorum
 certum numerum tradere se negat posse, vt neque euoca-
 torum Batauorum (ita vocantur qui ad usum bellorum se-
 positi seruātur, euocandi quoties necessitas tulerit) quibus
 cœpisse vti Augustum commemorat ab eo tempore, quo
 illos, quorum fidei opera in militia pater Iulius Cæs. usus
 fuerat, ad sumenda arma contra M. Antonium euocauit, &
 exinde retinuisse: eos verò peculiare & impermissū agmen
 constituisse, concessa illis honoris & meriti ergo virgula-
 rum gestatione, ad modum Centurionum. Ex quo luce cla-

Iulius lib. 7.

Germani pro
Batanis.

Strabo.

Batani equi-
tatu polient.

Dion lib. 55.

Euocati Bata-
ni milites.

rius liquet, Cæsare equitatum Batauicum in exercitu habuisse, (de peditatu dicitur paulo post) eiusque exemplum domesticum sequentem Augustū idem obseruasse. Batauorum equitū (communi Germanos nomine vocat) præcipua virtute, quos sibi iamdudum amicos tunc in auxilium acciuerat, Cæsarem vicisse Galliam in Romanos coniuram testatur libro sexto Orosius. De Batauis autem intelligere illum norunt, qui Cæsari nedum auxilia nulla venisse a Germanijs prima atque secūda, ex historijs sciunt, imò infestissimas illi nationes fuisse semper & cum exercitibus penè ad internecionē ab eo deletas; Orosius idē cōfirmat: nisi tātūm ab ijs, quos tertios Germanōs, propriē dictos, ac posteris demum seculis Francos, Batauix possessores, mox docebo. Quod ad equitatus laudem attinet, non discordat Plutarchus in Othonis vita in hanc sententiam scribens, Varus Alphenus Batauorum ductor, adduxit eos qui Bataui dicuntur, ijque sunt Germanorum præstantissimi equites insulam Rheno circumdatam incolentes. Accedit quod in militaribus constitutionibus ab Hadriano Imp. promulgatis, inter Palatinas vexillationes, quæ custodiæ Augustorum erant destinatæ, recensentur Bataui equites Seniores pariter & Iuniores, quemadmodum & inter Palatina auxilia, Batau & Mattiaci Seniores itemque Iuniores. Equites etiam alarios è Batauis in Cappadociam contra Persas militatum abduxisse secum Domitius Corbulo memoratur à Tacito. Ex Augusti iudicio quod de patris cohortibus virtutis spectatæ compertis habuit, manifestum fit quas cohortes intelligat Cæsar libro Belli civilis tertio; in quarū virtute victoriam eius diei constare prædicauit: quas dato signo, ita celeriter procurrisse, tantaque vi signis infestis in Pompeianos impetum fecisse testatur, vt eorum nemo consisteret, sed effusa fuga montes peterent. Quin iudicio suo se falsum non fuisse ipse Cæsar gloriatur, quod de cohortibus illis, Batauorum videlicet, pronunciauerat, quod initium victoriæ ab illis oriturum esset. Quam rem L. Florus quoque delibauit,

Orosius lib. 6.

Plutar.

Bataui inter
vexilla Rom.

Bataui Palatinis
auxilijs adnumerati.

L. Florus.

uit,

uit, communi gentis totius nomine Germanos appellans, his verbis. Germanorum cohortes tantum in effusos equites fecere impetum, ut illi esse pedites, hi venire in equis viderentur. Eas verò cohortes in tertio Gallici belli commentario legionem disertè nominat, cui propter virtutē maximè fidebat, ita ut apud milites (qui Germanorum Ariouisti militiam sequētium terrore perculsi, de se penè desperabant) gloriaretur, se cum sola legione decima (quæ & Veterana & Germanica cognominabatur) iturum in aduersos hostes. Generali Germanorū nomine vsus legitur & Suetonius in Seruio Galba, per Germanos Batauos sine vlllo dubitationis scrupulo intelligens, allectos in custodiam Imperatorum priorum, cuius rei ipsemet locuples abundè sui interpret hic auctor esse possit. verba eius hæc sunt. *Germanorum cohortem à Caesaribus olim ad custodiam corporis institutam, multisq; experimentis fidelissimam, dissoluit Seruius Galba, ac sine vlllo incommodo remisit in patriam.* Videamus nunc quæ fuerint Imper. iudicia de Batauis, quibus sui custodiam ob fidem & cognitam in difficultatibus virtutem crediderunt. Primum enim illa Tranquilli verba in Augusto, *Certum numerum in sui custodiam allegit*; de Batauis intelligi debere ex Dionis Nicæi verbis superius citatis vel cœco appareat. Tacitus similiter Tiberio Germanos (Batauos nimirum) custodes additos, eorumque accessione firmatas cohortes supra solitum scribit. Et lib. primo. Robora Germanorum, qui custodes Imperatori tum aderant, Tiberium Druso filio adiunxisse ad compescendum rebellis exercitus motum idem refert. Caligulam admonitum de supplendo numero Batauorum, quos circa se habebat, mox Germanicæ expeditionis Batauiam versus impetum cepisse Tranquillus in scripta retulit. Subijcit idem auctor, deficiente belli materia, paucos de custodia Germanos (obser-

*Germani pro
Batauis.*

*Bataui custo-
des Imperato-
rum.*

*Germani pro
Batauis.*

Lib. 19.

rarijs stipendijs & pecuniarum largitionibus deuinctos sibi habuisse Caligulam, ac propterea audita nece sui Principis obuio contrucidasse refert Iosephus illos percitos atque amentes ira iusta è munificentia nata. Constat & Corn. Taciti testimonio Agrippinam Neronis matrem Batauos corporis custodes honoris loco additos habuisse, quos filius postea deduxit. Neronem filum fuisse Batauis vt exteris, Suetonius scribit Non possum silentio dissimulare, etiam Frisios Cisthenanos etiam in numero ac dignatione Batauorum, qui custodes Augustorū erant, recensitos fuisse, quippe intra eundem Rhēni brachiorum complexum positos, de quo extat inscriptio Interamnæ in Vmbria reperta, quæ ita habet:

HILARIUS NERONIS CAES. CORPO-
RIS CVSTOS NATIONE FRISO. VIX. ANN. XXXIII.

Pergam adijcere testimonia militaris industriæ ac virtutis bellicæ à Romanis (tametsi alienæ parcis æstimatoribus, in sua prædicâda propè immodicis) scriptoribus data Batauis. Galbæ Imper. impensiore cura refocillasse milites Batauos, quos Alexandriâ Nero pro compescendis motibus miserat, maris iactatione ægros, è Tranquillo notum est; qua beneuolentiæ testatione faciliè declarauit, quanti eorum salutem & incolumitatem fecerit. Germanicus Cæsar in expeditione illa graui quam contra Cheruscos suscepit, Batauis postremum agmen ductandum dedit, teste Tacito, manifesto nimirum probatæ illorum fidei in Romanos argumento. In quo bello memorabilis Carionaldæ Bataui fortissimi ducis virtus eluxit, Taciti elogio honorifico celebrata, qui Batauos ductans in Cheruscos, auspicijs Germanici, pertractus in insidias ab hostibus fugam simulantibus, postquam diu illorum vndique coortorum cateruas sustinuerat, ipse vt hostilem globum perfringeret, in densissimam aciem irruens, suffocæquo & telorum nube obrutus, cum nobilitate aliqua, haud inultus cecidit. Magnum etiam victoriæ

momen-

Carionaldæ
Bataui vir-
tus.

momentum in Batauorum cohortibus extitisse, non dissimulat Tacitus lib. 17. quādo Vitellius metu præpeditus, Cl. Ciuilem inter Batauos præpotentē, quippe regię stirpis virum, vinculis emisit, periculoq. exemit, ne ferocem gentem illius supplicio alienaret prouocaretq. intēperiem octo cohortium Bataucarum, quæ (vt verbis eius dicam) *prout inclinassent, grande momētum sociæ aut aduersæ esse poterant.* Eædem cohortes eò rem perduxerāt, vt quartamdecimam legionem (cuius ipsæ auxilia fuerant in compescenda Britannica rebellione) coërcuerint & ferociam eius fregerint, quamuis habito delectu à Nerone, potissima illi gloria inclytæ famæ accesserat; qua re inflatæ atque insolescentes, ita superbè agere cœperant, vt apud tentoria quoque militum iactarent & quasi cum conuitio illis exprobrarent suam virtutem, suâ præcipuè operâ Neroni ablatam fuisse Italiam, imò fortunam belli omnē in sua manu positam prædicantes. Easdem quum separare vellet Fabius Valens legatus, quòd disciplinæ corruptelam in exitium erupturam vereretur, & iam partem illarum socijs in subsidium abire mandasset, quòd sic quieturam tempestatem illam existimaret, tum verò mutatis repentè animis legiones omnes mœstæ fremere cœperunt & quiritari, se fortissimorum virorum auxilio destitutos orbari, veteres illos & præteritorum omnium bellorum victores à se abduci, ac veluti validissimos artus à corpore suo auelli, illa esse sustentacula & quasi columnina Italiæ quæ abriperentur, in illis victoriæ sitam sanitatem. Quos motus quum pararet pro imperio comprimere Valēs, ægrè elapsus è manibus, & serui in veste ignoratus, diripi sarcinas suas & aurum pati sustinuit. Quod exemplum nō postremum est amoris, & fiduciæ legionum in Batauos, com militones quidem, sed qui (si æquis auribus dicendum est) nimium superbi & in æquales ac pares fastidiosi, odium inexpiabile, quàm cōmiserationem aut amorem magis meruerant. Has Batauorum copias cum quartadecumanis Britanniam petituras, agmini suo vt fidas coniunxit

Batauos offendere veretur Vitellius.

Batauorum ferocia.

Amor legionum erga Batauos.

iunxit postea Vitellius, sed, vt erat ventre ac gula sibi ipse hostis, rerum minimè prouidus ac socors, paulo pòst in Germaniam remisit, metu ne quid auderent truculentius, vbi resumpto militiæ autoramento Flauianis Vespasianorum partibus robur auxere, iam tum satis bello Italiæ domestico pariter & externo principium ordientibus. Quid dicam, quod ex Tacito Batauorum cohortes prælia auspicari, hoc est inter principia versari consueuisse didicerim, vt eorum exemplo cæteri æmulatione quadam (quæ virtutis comes est) incitati fortiter auderent; scribit enim Iulium Agricola strenuum ducē, cohortatum fuisse Batauos, vt (quod ipsis vetustate militiæ exercitatum erat) cominus ad manus venirent in pugna contra Britannos, re ad mucrones adducta, quod ipsi cum Tungris pariter præstiterunt, ita vt prorsus tunc illorum virtute apud Britannos debellatum fuerit. Ita scribit idē auctor, laceissentibus Batauis, ferocissimo cuique Romanorum cœptum certamē & ortam trepidationem: quando nimirū Romanus exercitus in prælio cum Civili inito, conferre certamen cum Batauis auspicantibus pugnae præludia coactus est, sed ita vt in trepidationem non paruam inciderit. Neque dubitarunt iidem vltro anceps cum amne & hoste periculum sumere apud Placentiam, quando animaduerso quod gladiatorum (quod genus præ alijs cædes quærit, ea necessitate vt occidat, aut eandem vicem expectet) manus completis liburnicis insulam medio amne sitam occupare moliebatur; eodem & ipsi contendere cœperunt libratis in amnē corporibus, manuumque remigio vsi citius eam tenuerunt, quàm remorū operâ illi. Itaque transgressi stabili gradu pugnantes & certa dirigentes vulnera, in eos qui nutabantē nauigijs descensum prohibuerunt, neque ea audacia contenti, in vada desilientes, illorum puppibus manus iniecerunt, & nautarum munia obeundo foros conscenderunt, multas naues demerserunt, & reliquis quæ superfuerant, abruptè fugam intendere compulerunt, quod & Tacitus & Plutarchus memoriæ

*Batani prælia
ordiantur.*

lib. 21.

*Pugnare contra
Batauos
formidat Ro-
mani.
Gladiatores.*

prodi-

prodiderunt. Batauorum cohortes aliquot Lupicinum ma- *Lupicinus.*
 gistrum armorum sub Constantio Imp. virum bellicosum
 & castrensis rei peritum in Britanniam secutas refert Am-
 mianus lib. 20. Constantius idem successibus Iuliani inui-
 dens, quem Cæsarem renunciarat, Batauos sub eo in Gallia
 stipendia pedibus facientes, quorum præcipua virtutis erat
 opinio, euocauit ad expeditionem quam in Parthos moue- *Batauorū ex-*
 bat. Sed illi iniquissimis animis ferentes se remotissimè à *peditiones.*
 genitalibus oris velut longinquum in exilium deportari, in
 Iuliani nomen iurarunt, verbisq̃ue conceptis cum dira exe-
 cratione, post admotos iugulis suis gladios, donec vitæ fi-
 nem impleuissent, quosuis pro eo casus subire velle iurisiu-
 randi religione confirmarunt, vt ab eodem scriptore tradi-
 tum est. Idem Valentiniano orbis Romani imperium obti- *Lib. 20.*
 nente, Theodosium bellicis rebus felicissimè cognitum, in
 expeditione ad cōprimendos rebellantis Britanniae motus
 susceptam secuti sunt, Londinumq̃ue (quod etiam Augu- *Londinum,*
 stam posterì dixerunt) è difficultatibus eripuerunt: eorumq̃ue *Augusta olim.*
 dux (ni fallor) vir acer, sed iusti rectiq̃ue tenax; Ciuilis no-
 mine, pro rectore Britanniae à Theodosio constitutus fuit,
 vti idem auctor scriptum reliquit. Commemorat & à De-
 centio tribuno ductam fuisse Batauorum lectissimam ma-
 num contra Parthos, tanto terrarum interuallo militatu-
 ram. Quin & missos in Britannia Constantio Imp. ad coër-
 cendas Pictorum Scotorumq̃ue excursiones, iamq̃ue adul-
 ta hyeme fretum Britannicum traiecisse, ex eodem constat. *Lib. 20.*
 Batauorum subsidiarias cohortes circum se habuit Valens
 Imp. in fatali illo prælio quo cum Gothis confligens in-
 terijt, quas cum Victor Comes in subsidiū deserti ab armi-
 geris Imp. cogere contendit, neminem ex illis inuenire po-
 tuit, siue in tanto armorum fragore turbatis ordinibus, siue
 quòd hostilis eos gladius absumpserat fortiter pro duce suo
 præliantes. Tacitus quoque refert Batauos pessimè accepis-
 se Vbios, velut leuitatis nomen in ijs ultos, qui Germanica
 origine erubescences, eiurata patria, Agrippinenses vocari

Marcodurum,
hodie Dura.

prætulissent: eorundem cohortes apud Marcodurum (quod oppidū expugnatione Caroli V. Cæs. nobile Duræ nomen seruat) profligarunt ijdem. Quid, quòd ipsorum virtus in bello contra Romanos ductu Ciuilis moto emicuit aduersus Neruios, quibus bellicæ virtutis primas ferè tribuit Cæsar, quos conatos Ciuilem transitu Mosæ arcere, obtriuere Caninefates. In conflictu quo Iulianus Cæs. cum Alemanis manus conseruit, disiectis iam equitum Romanorum cuneis, nisi Bataui auxiliares peditum aciem iam labantem ac fugam circumspectantē confirmassent restituisentque, in summum discrimen redacta res fuerat, qua inclinatione Rex Alemannorum captus fuit, testante Ammiani historia. Bataua castra in Rhœtiæ finibus commemorat Scotus auctor Codicis præfecturarum Romanarum, quod oppidum Lazius corruptè nunc ab Italis Bulsanum dici annotauit. Idem nominat tribunū cohortis nonæ Batauorum in Boioduro Norici. Eugippus quoque vetus auctor, qui imperante Iustiniano Herulorum historiam contexuit, meminit eiusdem oppidi Bataui, quod & Boiodurum in Norico. His è testimonijs omnibus liquere abundè potest, Batauorum gentem martialem, coluisse præcipuè militiam, ac longè lateque diffusam per immensos orbis tractus, nomini Romano aduersum hostes in necessitatibus vtilem operam nauasse. Batauos milites præsidarios fuisse apud Olinonem (qui locus traiectui Basiliensi vicinus, hodie Hole vocatur) sub imperio ducis militaris, viri spectabilis, annotatum est à Beato Rhenano in rerum Germanicarum commentarijs. Terrori eos fuisse nō alijs modò gētibus, sed ipsis quoq. Romanis, vnico disticho declarauit Epigrammatarius libro, cui Apophoreta nomē indidit, quum ait sub *Germani* persona,

*Sum figuli lusus, ruffi persona Bataui,
Quæ tu derides, hæc timet ora pater.*

Voluit autem innuere fictiles Batauicæ personæ vultus, quos ex argilla figulus duxerit, in ludicra ac puerorum crepundia, quibus tenella ætas lusitet, olim veros fuisse parentibus

Olino, hodie
Hole.

Batani terribiles Romanis.

Martial.

Nota ex hoc
lemmate asseri
opinionem illā Iunij, Germanos pro
Batauis
usurpatos antiquis.

tibus illorum in procinctu stantibus formidatos. Equitatum Bataucū, qui Hadriano Imp. militans, Istrum amnem natando traiecerat, armis omnibus instructus, tantum terrorem incussisse Pannonijs aciem ausis, scribit Xiphilinus verbis Dionis (cuius historiam in epitomen contraxit) ut protinus imperata facere, eiusque arbitrio cuncta permittere non abnuerint.

CAP. VI.

Batauos arte Natandi excelluisse, & Equitatu.

NATANDI peritia præcelluisse Batauos scriptorum monumenta documēto esse possunt, qua in re id mihi præ cæteris admirationem accendit, quod non modò se, manu pro clauo vsi, sed pariter & equos & arma adhæc regerent. id quod in Iulij Agricolaë vita scripto prodidit Tacitus, in hanc sententiam. *Batauorum auxilium ope Iulius Agricola tentatam antea, sed infeliciter; Monam Britannia insulam in deditionem accepit, quando non classe aut nauibus insulam ingressi, sed patrio nandi vsu, quo se pariter & equos atque arma regunt, difficultatem omnem superauere, depositis in littore sarcinis, quum obstupescerent hostes mentem oculosque in classem nauesque intenderant.* Hanc gloriam Germanis in genere Dion, exëplo Cæsaris, tribuit. Barbari, inquit, nunquam futurum credentes ut Romanus exercitus fluium absque ponte superaret, otiosius negligentiusque castra tenebant in ripa ulteriore, in quos immisit Germanos (vides lector etiam hîc Germanorum appellatione Batauos à Dione designari) quibus mos est etiam per rapidissimos fluuios leui de causa in armis transnatare. Artem atque dexteritatem in natando singularem ostenderunt iidem apud Placentiam ab Othonianis inessam, quum illi pro Vitellianis pugnarent, videntes quòd gladiatorum (quos *μονομάχης* Plutarchus vocat) manus nauigijs moliretur occupare insulam in medio amne sitam, ipsi nando præuenerunt, transgressique descensum gladiatorum in terram prohibuerunt, stabili

Tacit.

Mona Britannie insula.

Germani pro Batanis.

gradu in illos nutantes è nauibus certa vulnera dirigentes. Vbi studium illorum natandi egregium in amne non segni & profundo eluxit. Quid verò clarius ijs Taciti verbis li. 20. vbi initia Batauici motus describit? *Erat, inquit, domi delectus eques, precipuo nandi studio, arma equosq; retinens, integris turmis Rhenum perrumpere.* Cæsar quoque Batauos equites, quos semper Germanorum nomine honestat, demissioribus ripis Nilum flumen transasse refert, in expeditione Alexandrina. Ciuilem similiter in mala pugna agnitionem ex alterius oculi orbitate, telisq; hostium appetitum, omisso equo Rhenum transnataſſe ſcribit Tacitus. De Sorano Batau Suidas incertum quo ex auctore commemorat, in Pannoniam veniſſe, Iſtrum flumen, ita vt erat armis opertus, transnataſſe barbara natione inſpectante, rei que miraculo attonita. Cuius rei fidem elogio non inelegante, iuſtoque laudis encomio transmittere ad poſteros non pudit Hadrianum Imper. virtutis in extero admiratorem; quod ita habet, haud indignum memoria:

Batani equites
Nilum tranant.

Soranus Batauus
Danubium armatus
tranat.

Sorani Batani
viri fortissimi
Epicedium.

*Ille ego Pannonijs olim notissimus oris,
Inter mille viros primus fortisq; Batauos,
Hadriano potui qui iudice vasta profundique
Æquora Danubij cunctis tranare sub armis,
Emissumq; arcu dum pendet in aëre telum,
Ac credit, ex alia fixi fregiq; sagitta:
Quem neque Romanus potuit, nec Barbarus unquam
Non iaculo miles, non arcu vincere Parthus:
Hic situs, hic memori saxo mea facta sacraui.
Viderit an ne aliquis post me mea facta sequatur.
Exemplo mihi sum primus, qui talia gessi.*

Confirmat hoc ipsum Dion Nicaeus, non de vno hoc Sorano, sed de vniuerso Batauorum equitatu, verba faciens: ait enim Hadrianum Imper. summam militiæ & copiarum gessisse curam, vt diligenter exercerentur, ita vt equites Batau nominati, Iſtrum seu Danubium armati tranarent, magno ob id terrore consternatis Barbaris. Xiphilini epitomastæ

miastæ verba adscribam, vt mendum in illo Græco codice
 fœdum exteram. οὕτω καλῶς ἦσκητο τὸ στρατιωτικὸν αὐτῶν, *Locus emēda-*
 ὥστε καὶ τὸ ἵππικὸν τῶν καλεμένων βατάρων μὴ τῶν ὀπλων *tus in Xiphili-*
 διενήξατο. vbi vice βατάρων perperam impressi codices βα- *lino.*
 τάρων legunt, & scripturæ vitium secutus Georgius Merula *Merula error.*
 turpissimè impegit. Quæ etiā fiducia nonnunquam exitio-
 sa ipsis fuisse legitur. Nam quum molitus in Cheruscos ex-
 peditionem Drusus, cum pedestri pariter & equestri exer-
 citu æstuaria Oceani apud Amisiam amnem intrepidè
 transisset, priusquam æstus cresceret, Bataui, inquit Tac-
 itus, postremum auxiliorum agmen, dum insultant aquis,
 artemque nandi ostentant, turbati, quidam etiam hausti
 gurgitibus sunt. Quod hîc de Batauis testimonium edimus,
 id Herodianus qui sui temporis Impp. vitas scriptis prodi-
 dit, in Germanos transfert, quos exercitatos natatu dicit, vt
 qui non alia balneatione vtantur, quam lotione fluuiali. &
 Mela his verbis: *Quamuis sæua hyeme, nandi non patien-*
tia tantum illis, studium etiam est. Verùm ego libenter hîc
 à feriatis istis ingenijs, quæ vmbraticis literis addicta sunt,
 didicerim, militarinè disciplinæ adamussim omni ex parte
 satisfacisse existimandi fuerint Bataui maiores nostri, an
 minus: qui falsi maris sinum in Britannia, & fluuios pan-
 opolia tecti, transmiserint natatu, vnde rubigine & squallore
 infici exedique arma necesse fuerit, quum tamen Fl. Vege-
 tius in equitatu (quo nostragens præcipuè valuit) armorum
 splendorem, velut ad hostium terrorem imprimis compa-
 ratum, potissimum extollat. Equidem cum temerario Pari-
 de litem hanc decidere plenis buccis reformidem. minùs
 tamen consentaneum in speciem videri posse aio, bellico-
 sum esse cuius arma squalore fœdata, quadam dissimula-
 tionis specie, visantur, id quod necessario illic accidere oport-
 uit. Quare ita existimo, nostros maiores magis fortes esse,
 quàm videri maluisse.

CAP. VII.

*Batauos cur Auricomos Poëta vocent, & de
Batauo smegmate.*

BATAVI, exemplo fermè cæterorum Germanici nominis, cæsariem aluère flauam, vnde epitheto Auricomos Poëta, & inter hos Silius Italicus, dixerunt, quomodo & Vandalos χρυσοειδείς, id est, auricolores capillos Procopius habere ait. Eum colorem in crinibus gelidi cœli beneficio reddi existimat Plinius, ego etiam vsu smegmatis & lixiuij, quo crines rutilabant; cuius rei fidem facit Epigrammatarius, qui spumam Batauam lixiuium appellat illo versu:

*Et mutat Latias spuma Bataua comas. & Causticam alibi,
Caustica Teutonicos accendit spuma capillos,* ab ignea vici-

neris, qui lixiuio incoquitur, & quo smegma siue sapo conficitur, tam liquidus, quàm spissus, quem in trochiscos orbiculósve etiam conformabant, talemque Mattiacam pilam nominat Martialis, à Mattiacorum gente vt Batauiæ vicina, ita & eodem in obsequio Romanis deuincta, quos Selandos nunc dicimus. In promiscuum autem & viris & fœminis vsu eo vsq. cesserat rutilandi capillos mos, vt non puduerit Antoninum Imp. capiti flauam cæsariem aptare, quæ mentirètur Germanicæ tonsuræ modum, vt refert Herodianus. Domitianum quoque cultiorē fore ait Martialis, si captiuorū Germanorū comis adscititijs adornetur, quæ Poëta Cæsari adulantis adhortatio, studium illud æmulum facilè prodit, dum quadam excusationis imagine ad tegendam heri sui mollitiem vitur. Tacit. scribit Germanis oculos esse truces & cæruleos, & comas rutilas. similiter Horat. Germanam pubem appellat cæruleam. & Iuuen. Sat. 13.

Cerulea quis stupuit Germani lumina, flauam

Cæsariem & madido torquentem cornua cirro?

Istud verò rutilandi capillitij studium adedò pertinax etiamnum insedit Frisiorum Cisirhenanorum & Frisibonum genti, vt singulis fermè hebdomadibus, lotas

cau-

Lib. 2. ca. 78.

Flauedo crin-
ium vnde?

Bataua spu-
ma.

Caustica spu-
ma.

Mattiacapila.

Lib. 4.

caustico lixiuio proles, æstiuo maximè tempore locis ap-
cis exponant.

CAP. VIII.

*De Rheno fluuio, eiusq; brachijs & ostijs
Batauiam finientibus.*

FLUVIOS omnes antiquitas pro Dijs habuit, & diuinis
honoribus cumulauit, vnde passim legere est votiuos
crines illis fuisse sacratos (quæ res copiosè à nobis in Com-
mentario de Coma olim explicata est) & masculas hostias,
fœcunditatis symbola atque argumenta, iisdem maectatas:
neque abs re Homerus omnium inuentionum fons amnes
διπετέας dixit, quasi Iouios & ab Ioue genitos, vt exponit
Porphyrius, quod imbris nimirum quos aër demittit, au-
gescant, quò spectat illud Parmenonis Byzantini poetæ,
Αἰγυπτίῃ Ἰούειδε, vbi Nilum Ægyptium Iouem exemplo
Pindari nominat, ob diuinitatis existimationem: quem ho-
norem vt in genere omnibus fluuijs detulerunt Persæ, te-
stante Arnobio, ita priuatim Ægyptij Nilo, Phryges Mæan-
dro, Germani Rheno suo, diuersa singulæ nationes ratio-
ne, si Maximo Tyrio credimus. Nam Peneum amnem ob
amœnitatem Thessali coluere: Istrum Scythæ ob amplitu-
dinem: Spartani suum Eurotam legibus iussi: Illissum Athe-
nienfes propter sacrorum honorem, ad quæ non aliunde
aqua petebatur: Ætoli Acheloum ex fabula: Cappadoces
Mæotidem paludem propterea quod sacrosanctum ipsis
esset iusiurandum per eam non minus quàm Dijs per Sty-
gem, tum quòd regni ipsorum terminus esset. At enim ue-
ro diuinitatem amnium metiendam arbitror ex ope libera-
li fœcunditatis, qua limum agris inuehunt, eosque veluti
stercorant, qua Rhenum fluuiorum regem minimè defe-
ctum neque alijs secundum reor, ita vt versus illos Dionysij
accommodari verissimè illi debere existimem, quos de fœ-
cundissimo Nilo extulit, *ἔγάρ τις ποταμῶν ἐν ἀλκίῳ ἐπλετο
ρήνω, ἔτ' ἰλὺν βαλέειν, ἔτε χθονὸς ὄλβον ἀέξεν*. hoc est,

*Fluuij pro Dijs
olim culti.*

*Fluuij cur
διπετέας.*

*Fluuij cur di-
uini crediti.*

Non

Non alius Rheno valeat componier amnis,

Augeat vt segetem, aut limum pinguem inuehat aruis.

Germanorum
opinio de Rhe-
ni diuinitate.

Diuerſa ratione Germania diuinum numen Rheni ſui hor-
rebat, id ſibi perſuaſum habens, Rhenum arbitrum eſſe ſe-
uerum ac vindicem coniugalis fidei in liberis, quos recens
in lucem editos, clypeoꝛue impoſitos, in alueo fluminis ex-
ponebant, vbi clypeus fluitans, legitimi partus, ſidens, adul-
terini indicium præbebat, vnde eleganti epitheto ἑλεγχέ-
μος, Græco Poëtæ dictus eſt, velut arbiter coniugij. Quam-
rem Iulianus in hæc fermè verba ad Maximum Philoſo-
phum depinxit: Rhenus, inquit, Germanus iniurius non
eſt, qui nothos infantes ſubſidere mergiꝛue vndiſpatitur,
velut illiciti tori iuſtus arbiter, quos verò legitimo cõceptos
ſemine cognorit, fluitantes aquis effert, pauidæꝛue matri
reſtituit, reddens illi ſoſpitem prolem, ceu indubitatum ca-
ſti atque integri connubij teſtimonium. Quem gentis illius
morem Galenus, Nazianzenus, Nonnus, Simocatus tra-
diderunt, & Claudianus illo verſu,

Et quos naſcentes explorat gurgite Rhenus.

Rhenus vnde
dictus.

Atque iſta diuinitatis opinio inuexit fortalliſ & nominis
religionem, vt non à puræ limpidaꝛue aquæ nitore Rhenus
dictus fuerit, ſed ab intemerata tori puritate, cuius arbi-
trium penes ipſum erat. qua ratione duobus in locis à
Nonno in Dionyſiacis ῥῆνδ; ῥῆνρ, vocabulo purè puteꝛue
Germanico appellatur, quaſi zelotypum dicas aut zelo ar-
dentem, id enim eſt illis *puer*. Rheni curſus multiplici ratio-
ne ingenia exercuit inter ancipites diſputationes de oſtio-
rum numero & exitu, culpa maximè ſcriptorum qui rem
ambiguam & controuerſam diſtinguere neglexerunt, his
bina illi oſtia aſſignantibus, Plinio hiſtorico & oculatæ fidei
teſte ternis in mare oſtijs exire illum prodente. Prima diſ-
cultas nata eſt ex Virgilij epitheto, quo Rhenum *bicornem*
appellat, quem vt Poëticæ patrem ſequuntur Auſonius, &
illo verſu Claudianus,

Te Cimbrica Tethys

Diuiſum biſido conſumit Rhene meatu. & Panegyrici au-

ctor ad.

puer.

Pugna aucto-
rum de Rheni
oſtijs.

etor ad Constantinum, Tot, inquires, nostri greges flumine bicorni mergantur; alludens ad Matonis versum.

His, ut Poëtis, minus habendum erat fidei, quod isti generi rotundo ore loqui Musæ concesserint & libertate maiore uti; nisi Cornelius Tacitus, Pomponius Mela, & Asinius apud Strabonem geographum duobus ostiis in mare defluere prodidissent: quorum verba testimonij loco proferenda sunt ante omnia, ne quid in animis scrupuli residere patiantur. Strabo igitur lib. 4. de Asinio Quadrato historiographo suo æquali loquēs sic, *ἦνσι δὲ δις ὁμοῦ εἶναι, μεμεινένος τοὺς πλείους λέγοντας*, ait Rhenum esse bicornem, hoc est, binis ostijs in mare erumpere, in simul anseos imperitiæ qui plura habere dicāt. Taciti verba hæc sunt lib. 2. *Rhenus uno alueo cōtinuus, aut modicus in insulas circumueniens, apud principium agri Batani, velut in duos amnes diuiditur, servatq; nomen & violentiam cursus qua Germaniam præuchitur, donec Oceano misceatur; ad Gallicam ripam latior & placidior affluens, verſo cognomento Vahalem dicunt accola, mox id quoq; vocabulum mutat Mosa flumine, eiusq; immenso ore eundem in Oceanum effunditur*. Qui locus duorum tantum meminit fluentorum, vnus quo Frisia Germaniæ pars alluebatur, & alterius quod in hunc vsque diem nomen tuetur. Audiamus nunc Melam loquentem ita lib. 3. *Rhenus Alpibus decidens, propè à capite duos lacus efficit Venetū & Acronium, mox diu solidus & certo alueo lapsus, haud procul à mari huc & illuc dispergitur, sed ad sinistram amnis etiam tum & donec effluat Rhēnus, ad dexteram primò angustus & sui similis, post ripis longè ac latè recedentibus iam non amnis, sed ingens lacus, ubi campos impleuit, Fleuo dicitur, eiusdemq; nominis insulā amplexus, fit iterum arctior, iterumq; fluuius emittitur*. Neq. hic locus aliud loquitur, quàm duobus ostijs in Oceanū exonerari Rhenum. Hegesippus quoque Rhenum bicornē fluuium nominat, quem capulis (nauigij id genus erat ut lintri non absimile, ita bellicis expeditionibus ineptum) nauigasse Germanos,

Rheni duo ostia.

Strabo.

Tacit.

Mela.

Iam bal ostium
Rheni.

postea verò quàm armis Romanorù cessisset subacta Germania, liburnicis stratum opertumque scribit. Accedit ad numerum, si dijs placet, Seruius Honoratus, qui *bicornem Rhenum* à Marone dictum annotat, quòd per duos fluat alueos, vnum quâ Romanum Imperium sit, alterum quâ interfluat Barbaros, ibique *Iambal* vocari. Quibus verbis innuit, opinor, alterum ostium esse quod Rom. imperium in Belgica finiat, alterum nescio quod somniat inter Barbaros manare, Marfacos nimirù & Frisios, *Iambal* nomine; quod, nisi corrupta sit germana scriptura; *Isal* ab impostore quopiam qui ludibrio hominem habuerit, suggestum illi in aurem suspicor. Ab his diuersum sentire & loqui manifestè deprehenduntur Plinius & Ptolemæus, quorum ille Batauiam, cum reliquis quas enumerat insulis, sterni inter Helium & Fleuum ostia, tradit, mediumque inter ea os modicum nomini suo alueum custodire: quibus postremis verbis Rheni nomen patrium seruare, non adoptiuas in mare aquas vehere tertium ostium indicat. Ptolemæus verò qui posteriore sæculo vixit, post *Lugodunum Batauorum* citat nominatim tria hoc ordine ostia, *occidentale, medium, & orientale*, *latus autem Batauiæ ab oriente finiri Rheno amne ad Germaniam magnam*. hæc ille. At Cæsar pluribus illum capitibus (quo vocabulo ostia designari puto) in Oceanum influere affirmat: sed adscribamus eius quoque verba, quòd momentum aliquod adferre ad cognitionem rerum, hactenus mancā, instruendam confirmandamque videantur. *Mosa profluit ex mōte Vogeſo qui est in finibus Lingonum, & parte quadam Rheni recepta, quæ appellatur Vachalis, insulam efficit Batauorum, neque longius ab eo millibus passuum LXXX. in Oceanum influit. Rhenus autem oritur ex Lepontijs qui Alpes incolunt, & longo spatio per fines Ætuatium, (qui hodie corrupta voce Tauetschor nominatur) Heluetiorum, Sequanorum, Mediomatricum, Triboccorum, Treuironum citatus fertur, & ubi Oceano appropinquat, in plures diffluit partes, multis ingentibusque insulis effectis, quarum pars magna à*

Cæsar.

gna à feris barbarisq; nationibus incolitur: ex quibus sunt qui piscibus atque ouis auum viuere existimantur, multisq; capitibus in Oceanum influit. In his testimonijs scriptorum, quæ hætenus varia adduxi, magna dissensio, graue dissidium se aperit, vnde & non minori iudiciorum inconstantia & dissolutio vt sequatur necesse est, præsertim apud eos qui res incompertas sibi que abstrusas in literario otio rimari & ingenio altius vestigare contendunt, tantoque magis si per commentaria lucem obscuris scenerare, vel auditoribus satisfacere exempta dubitatione satagāt. nam qui obiter auctores legendo delibant, canum Niliacorum ritu, qui currendo amnem lambunt, in altioribus sensis nihil difficultatis inueniunt: id quod accidere omnibus necesse est, qui locorum & situs ignoratione tenentur, quibus negatum est oculis intueri ac contemplari ea quæ scrupulos & obscuritatem leuant. Inter quos singularem & rari exempli diligentiam Henrici Glareani, viri candidissimi & iuuandis studijs facti, vt admiror, ita doleo non obtigisse illi qui vim honestissimi desiderij in illa voluntate explere potuisset, quando in colloquio apud D. Erasimum nō procul ab ostiorum Rhēni vno in lucem editum, locorum difficilium de Rheno enodationem, quibus non Oedipo, sed solum viæ commonstratore opus videbatur, proposuerat. Quo tempore (vt quando in hanc narrationē incidi, per occasionem detexam) adiutum se & recreatum nonnihil fortuito viri eruditi aduentu non dissimulat, qui intellecto hæsitacionis modulo, professus est in volētis gratiam id se explicaturum, his verbis vsus, quæ ipsissima referam verbis auctoris. *Tertium*, (inquit) *Rheni ostium, quod hodie Isela dicitur Ptolemaeo & nescio quibus alijs celebratū, id verò antiquitus non fuit, sed Drusi aduersus Germanos bellantis iussu, fossa in mare deducta factum est, vt munimentum aduersus Barbaros esset.* Quibus viri verbis, quæ ex fide retuli, acquieuisse, neque vt aliquid sciscitaretur altiùs, in mentem sibi venisse fatetur. At enim uero oscitanter nimis & perfunctoriè viri

Henr. Glareani laus.

*Fossa Drusi-
na.*

doctissimi auribus irrepsisse ac satisfacere voluisse, quisquis ille Belga fuit, videtur: siquidem quod de Ifelæ fossa in mare deducta ait, id à veri fide absonum est, quando ad duo tantum milliaria militari opere fossam à se cognominatam Drusus perduxit, uti post declarabitur, neque solum ut aduersus barbaros munimentum esset, sed magis ut auerteret vim & impetum aquarum nouo aquæductu, tum præcipuè ut classem ea via in Septentrionalem Oceanum deduceret ad expeditionem quam in Cheruscos moliebatur. Adnitar itaq. faustis auib. pro virili has difficultatum salebras tollere, nodos expedire, dissidia componere, quamuis arduum id & laboriosum sæculis omnibus habitum sit, ita ut prouerbijs quoque locus apertus inde fuerit. Ingeniosa tamen antiquitas quatenus in his rebus progrediendum, exemplis varijs sed in illustri positis, Thesei, Oedipi, atque Herculis dico, manifestè ostendit. Theseus ad tollendum Minotaurum monstrum Labyrinthum ingressus, duce filo, quod Ariadna subministrarat, ineluctabiles ædificij errores & flexus superauit. Oedipus siue ingenij dexterritate, siue fatali sorte vsus, inexplicitum Sphingis ænigma dissoluit, exitio in auctoris caput conuerso. Herculi monstrorum domitori quantum, dii boni, negotij exhibuisse Hydram læta illa & semper rediuiua capitum repullulantium sobole intelligimus, oneri cessuro, ni ascito in societatem laborum Iólao, voti compos factus ea feliciter confecisset? Horum ego vestigijs cum laude insistendum mihi satius existimo, quàm proruptam, licet felicem, Alexandri Macedonis fiduciam sequi, quando Gordium nodū explicare aggressus, non reperto vnde nexuum capita inciperent, quòve se cōderent, gladio vinculum dissecuit. Quapropter vel veritatem duccem sequens, vel lectionis ope adiutus, vel meliorum codicum subsidiarijs copijs instructus, difficultates cum hîc tum alibi suborituras superare contendam: quod ut feliciter exequar, designatoris munus suscipiendū ante omnia mihi video, cursuq. Rhēni notandus ac digitis quodammodo designan-

Tres modi tollendarum difficultatum per exempla monstrati.

Violētijs modis tollende difficultatis.

designandus. Rhenus itaque è Lepontiorum iugo ortus, Rheni cursus.
 mox per Lemannum lacum inoffenso aluco euolutus, dein
 per confragosa ac præcipitia eluctatus, postea leni agmine
 spatiosus, infra Bingium fauces rupium angustiasque Ger-
 maniaë peruadit, multis receptis fluuijs, inter quos Nicer &
 Mœnus, post Mosella apud Confluentes (quem *Obrincum*
Prolemæus vocat) auctus, Vbiosque emensus, demum cir-
 ca initium agri Bataui (qui locus nunc Cluici iuris est, &
 Lobeco vetusta arce & telonio nobilitatur) scindit se bifi- Lobecum.
 do cursu in diuersa labens: quam diuisionem eleganter
 Mamertinus *diuortium*, Frontinus *diuergium* amnis nomi- Diuortium
Rheni.
 nant, ille à diuertendo, hic à vergendo in diuersum. Hunc
 ego locum tempore Caroli Crassi ad annum salutis 10.
 ccc.lxxxvi. cognominatum fuisse Herispich, & nefaria cæ- Herispich.
 de Gotheфриди Danorum & Frisiorum Regis per Imp. pro-
 curata funestum, qui ad eum locum legatis Imperatoris oc-
 currerat, lego. Ne verò in dubium vocetur, an idem locus
 fuerit, docent luce clariùs Reginonis Prumiensis verba. *Go-*
thefridus, inquit, *audito legatorum aduentu, illis obuiam pro-*
cedit ad locum, qui dicitur Herispich, in quo Rheni fluenta &
Vahalis se aluco resoluunt, & ab inuicem longius recedentes
Batauorum prouinciam suo gurgite cingunt. Quibus verbis
 ita dilucidè, ita planè locum diuortij ceu digito designauit,
 vt nullus metator exactiùs. Eundem locum pulchrè de-
 pinxit Claudianus de Stiliconis celeritate in festinando iti-
 nere ad cõpescendos Francorù motus loquens, his versibus: Claudian.

Impiger à primo descendens fluminis ortu
Ad bifidos tractus & iuncta paludibus ora
Fulmineum perstrinxit iter.

& Ausonius de Rheno & Mosella iunctis loquens:

Auson.

Alueus extendet geminis diuortia ripis,
Communesq; vias diuersa per ostia fundet.

Apud Lobecum igitur bipartitò cursum suum diuidit, ita
 vt pars altera Rheni nomine appellata *Arenacum* rectà pe-
 tat, à veteribus sic dictum, quod posteri mutarunt in *Arne-* Arenacum.

Arnoldi Sas-
boti laus.

Vada.

Renā.

Batauodurū.

Bilibaldi er-
tor.

Lecca Rheni
brachium.

Rhenus apud
Batauodurum
per Leccam
cursum quan-
do mutauit.

Culenbur-
gum opp.

heimum, ceu aquilæ domicilium, urbē Gelriæ primariam, & Concilij Senatorij sedem, in quo nūc caput & Præsidentem agit Arnoldus Sasbotus Hagēsis, cuius integritatis famam, & ingenij benignam venam nulla obliterabit ætas. Inde non multum sinuosis mæandris flexuosus Vadam prope-
rat, quod eo nomine oppidum Tacitus vocat, acriter & à Ciuili Batauorum duce oppugnatum, & à præsidio Roma-
no defensum, sunt qui Vaganum scribunt. Ab eo se flectit Renam, *Rinnes* Tacito nominatam, quam à Classico Tre-
uiro regia nobilitate & opibus clarissimo strenuè oppu-
gnatam scribit. Postea Batauodurum decurrit, urbem, si fi-
dem Annales meretur, olim populosam, & vasto mœnium
ambitu circūdatam, nunc *Wijck te Duersteden* vocatur, vt
oscitantiam supinam non satis admirari possim in Bilibal-
do, qui eam penitus excisam, sed arcem habere superstitem
Batenburgum dictam annotauit: hīc Rhenum fuisse ponte
sublicio iunctum oppido ex Taciti historia didici, tenta-
tumque irruptione, sed frustra, à Germanis Ciuilibus auxilia-
ribus. Inde Rhenus mutato nomine Lecca dici incipit,
quōdam riulus tenuis è fonte suo Rheno aquas trahens,
eliciis potiùs cognomento tunc dicendus (nec enim aliud
vox ipsa sonat) at nunc reuera è riuo flumen factus, geni-
torem suum aquarum pabulo (vt ita loquar) interuertit &
ad se transtulit, ac super illum animos extulit, nauium pa-
tiens, præ illo arido atque exucco; quod detrimentum in-
currisse Rhenum, & elici suo cedere coactum fama refert
ad octingentesimum & sexagesimum annum, strage arbu-
storum infamem: Annalium monumenta quadringentesi-
mo abhinc anno illud incommodum diluuium, quo vniuersa
propè Hollandia pelagi faciem repræsentarat, imputant &
acceptum ferunt: eaque tempestate Rheni obturamentum
incidisse, & Leccæ alueum latè se extendisse scribunt. Dif-
ficile est iudicium in tanto sæculorum decursu, itaque arbi-
trij incertus nihil definitio. Sic alueum illi suffuratus, Traie-
ctoq. iniurius Lecca, Culenburgum præuehitur, trifidum
oppidum

oppidum: exinde Vianam præterlabitur calamitosa Brede- *Viana opp.*
 rodix stirpis fama nuper inclytam: postea decurrit Scoon- *Scoonhavia*
 houiam, cui oppido nomen factum ab hortorum & pome- *opp.*
 torum pulchritudine: demum in Meruam amnem, prius-
 quam Mosæ nomen induat, se effundit. Iam verò è regione
 Vianæ modò nominatæ, ducta est post obstructû Rhenum
 suum, à Traiectensibus magno impendio fossa perpetua,
 emissarium habens in Leccam, per quam lintribus, scaphis,
 minoribusq. nauibus important aut exportant merces suas,
 quæ initium est & fons Iselæ, ex ea namque quantumuis va-
 dosa fossa & aquarum inope, hic annis nascitur, tenui ortu,
 primumq. oppidum adit Iselsteinium, cui fœnerat nomen
 suum, hæreditarium ornamentum ac dominium inclytæ *Iselsteinium*
 domus Iselsteinix, quæ nostro æuo clarissimos duos Heröas *opp.*
 & Comites, Florentium & Maximilianum, illum Fabij
 Cunctatoris, hûc Achillis, æmulos tulit: inde Monfortium, *Monfortium.*
 à Traiectinis Præsulibus conditum castellum in belli vsum,
 nunc pacis & otij decore lætius: hinc Oudewateram oppi- *Oudewatera-*
 dulum quæstuosam restionum & schœnoplocorum genti *ra.*
 officinam, decurrit: exinde aduenis aquis auctus Goudam, *Gouda opp.*
 non suo tantum nomine auream, sed cum suis copijs, tum
 portu opportuno opulentam, perlabitur, deniq. cum aquis
 nomen in Mosam mittit. Redeo ad Batauodurum, vbi vel
 superioribus aliquanto locis recta in dextrû flectebat Rhe-
 nus cursum Traiectum versus, urbem multis nominibus il- *Traiectum.*
 lustrem, quam interluit olim, manentibus adhuc riparum
 vestigijs & Veteris Rheni appellatione nunquam moritu-
 ra. In eaque sum opinione post æquata solo vrbis inflam-
 mata mœnia, post translatam aliò ad Ansuarios Dauen-
 triam sedem Episcopalem, Præsulem Baldericum minus
 laboraturû fuisse desiderio vrbis, si ante illud tempus com-
 moditas portus obstrueto Rheno, de quo paulo ante dixi, *Rhenus quan-*
 sublata fuisset, vt hinc persuadeam mihi, posterioribus sæ- *do obstruatus.*
 culis transcribi debere iacturam aut potius calamitatem il-
 lam interuersi & obturati Rheni. Isthic se bipartito aqua-
 rum

*Vectā fl.**Albiniana
castra.**Marna.*

rum agmine scindit in Vectam, quod fluentum Wesopium oppidulum non pœnitendum Gocylandiæ præterfluit, inde Mudam municipium, medium diuidit, arcemque lambens, Batauici maris in sinum se condit. At ipse Rhenus nomen augustum tenuis aluei angustis spacijs tuens, segnes aquas præter Woerdenum oppidum non postremi tituli, quod vsuariû à Rege possidet Illustriss. Ericus Brunswicensium dux, prouoluit: inde longo tractu per Albiniana castra tanta lenitate manat, vt oculis vtram in partem fluat, iudicari nequeat, sicque cunctabundus amœnissimum vtrinque rus secat Lugdunum vsque, Germaniarum, vti declarabo postea, caput: quod priusquam intret, in tres elices diffunditur, qui in lacum Lugdunensem se exonerant, quorum hæc sunt nomina, Marna, Zylia, & Douzia. Marnæ crepidini assident arx Pœlgeestana, Alemadia hodie dicta, cum castello cui Abbatis palus, à paludibus in quibus situm, nomen est, & Podiciorû palus, quod olim castellum Zuetensi nobilitati possessum, in monasterij vsum nunc cōuersum cernitur: adiacent & Marneburgum Lochorstanæ familiæ peculium, & arx Varamonda à Varamundo Frâco (vti auguror) olim exstructa & in stirpem Waramundiam gentilem cognominemque ipse translata. Zylia nomen dedit arci, quam Zylianam curiam indigitant, & Lugdunensi portæ quæ riuum illum respicit. Douzia porrò vetusto castello Douziæ stirpis olim peculio nomen similiter de se dedit, quod adhuc superest, non ita pridem vsu eius à vetere familia alienato venditione. Superest & quartus elix, qui in vicina Lugduni cursum flectit Rhenoburgum versus, sacrum virginibus nobilibus locum, Caninefatesq. interluens prædium D. Adelberti nomine non longius Harlemonotum, vltioraque petit. Vnde per quina passuum millia immobilis, vltra Cattorum vicum progressus, alueum per quem se quondam exonerabat, non inuenit, neque inuenire laborat, ne veteris iniuriæ sensus recrudescat, & solidato iam vulnere malû integrascat à proteruia Cauri, qui cum malè coire

nec

nec diu stabilis conseruari gratia potest. Hactenus de medio Rheni alueo, qui magna sui parte Lecca dictus, eodem quo cursum orditur, nomine definit, sermo extractus est, nunc ad caput redeamus, nempe diuortium Rheni iuxta telonium Lobeci appellatione notum. Pars igitur Rheni altera ad læuam se flectit, & Neomagum, vel ut alij scribunt Nouiomagum (utroque nomine lego extitisse & alia præfidiaria oppida) regiam olim Batauorum sedem, urbem copiosam & præpotentem, Romanorum legionis prætidij nomine ibi collocata, & palatio publico Francorum Regum notam, prætexit, urbisque mœnia areamque naualem radit, Vahalis iam nomine clarus, tamen si Rhénus Pomponio Melæ dicatur donec in mare exeat. Longo inde agmine Tielam pergit, operibus munitionibusque validam urbem: istinc anfractuoso meatu Bomelium ad læuam relinquit elegans & munitum oppidum, edita insignis operis turri, sed fastigio carente conspicuum, caput eius insulæ quam cum Vahali Mosa includit: deinde non procul Woricomio Mosam accipit, mox apud Goricomium copiosum oppidum, Lingæ amnis, incredibili lenitate tegnis, incremento auctus, Merouæ nomen accipit, à Merouæorum (quæ regia Francorum stirps fuit) arce, quæ olim fluuio imminuit, nunc validis parietinis murisque ceu machinamētis suspensa ac nutans, in medio amnis pariter & maris æstu, sua stat mole: quâ ubi præterierit, Durdrechtum nobilissimam ex urbe insulam prælabitur; demum receptis Lecca & Isela Rheni brachijs, Iselmondam Merodani Dynastæ dominium (cui nomen dedit os Iselæ, qui aduersas in eius aggerē oppositum undas exspuit) præterfluens, sub Roterodamo alumna D. Erasmi urbe, Mosa appellari incipit, ubi recedentibus latius terris, vasto iam ore Sciedamum & Vlaeringam ultimæ antiquitatis municipium ad dextrum latus relinquit, deinde Gerulietum oppidum, & Brielam piscatorum aleariæ negotiationis præcipuam sedem, à læua præterlabitur, ibique mox Oceano miscetur. Cur verò Mosæ nomen Vahalis induat, magna

Vahalis.

Tiela.

Bomelium.

Merona fl.

Merona i.

Merona arx
ruinosa.

Durdrecht.

Iselmond.

Sciedamum

Vlaering.

Geruliet.

Briela.

Vahalis cur

Mosæ nomen
accipiat.

per adoptiuas aquas affectus iniuria, quippe qui vel patriæ familiæ honore deposito, in obscurioris fluuij nomē transit. hinc natum est, quòd Mosa per Eburonum fines eluctatus, postquam Ruremundam, Venloium, Grauiam, Rauesternum præterlegit & Bateburgum à Batonis altissima stirpe nomen (ut putatur) habens, qua parte Mosauariam ad dextram respectat, sic nuncupatam ditionem à Mosæ & Vahalis confinijs, post apud Herwerdum pagum recepta Rheni, traditaq. vicissim sui parte, (quem concursum aptis verbis expressit Cæsar, ubi ait, Et parte quadam Rheno recepta, quæ Vahalis appellatur) apud Worcomium oppidum Lonestino arci oppositum, ubi confluentes iunguntur in Vaholim Merouâmue deferitur. Idem Mosa olim Hoefdenum, nobile per antiqua & illustri Heroum familia oppidum, secans & allabens, longo inde agmine D. Gertrudis sacrum montem, oppidi nomen est copiosissimo Salmorum & Alosarû piscatu celebris, præterfluebat. Postea non longè à Seuenerga (Septimontium significante id voce reddere licebit) municipio, introrsum flectebat suum cursum: relictaque ad dextram, sexcentarum decempedarum intervallo, vrbe Durdrecht, rectà Mosadamum, pagus eo nomine est à Mosæ emissario dictus, petebat, inde Vestmosam, ubi aluceus eius fluuij, qui adhuc visitur, abruptus aut interclusus, quam in partem deflexerit, ignorationem spectantibus adfert: vero tamen non est absimile, in canalem Mosæ appellatione clarum defluxisse: atque ita liber denique in Oceanum patrem & receptatorem eundem fluentorum omnium se infundebat. Porro Domitius Corbulo principatu Claudij Cæs. ne miles otium exueret, inter Mosam & Rhenum fossam perduxisse legitur trium & viginti millium spatio, qua incerta Oceani vetarentur, quod extat apud Tacitum libro vndecimo. Vahalis autem (ut obiter eius etymon exquiram) appellationē habere videtur vel à Valio colore subruffo arenæ quo tingitur, cuius tincturæ Achillis equum & Belisarij fortissimi ducis fuisse proditum est: vel

Hoefdenum.

Vahalis etymon.

est: vel Walis, vt nonnulli scribunt, quòd Rhenus eo loco nomen mutet, quòd *Walen* lingua vernacula efferat pro mutare, quo spectant voces illæ à Tacito vsurpatæ, vertere cognomentum, & mutare vocabulû, vbi de Rheno loquitur. Quòd si Vachalis lectionem quis præferat, quæ extat apud Cæsarem, Panegyristas, & Sidonium Apollinarem, coniectem dictum esse, ab effectu, quod intumescantibus illius aquis aggeres & rura omnia veluti contremiscant & concussa vacillent. id enim sonat *Bagen* (Romani sic per simplex v, quod nos geminato, scribebāt) seu *Baegen*/ aut à *Bachen*/ hoc est, à vigilâdo, quòd solutis niuib. aut continuis imbribus repletus amnis, vix aggeribus continetur, quibus perruptis vt latè stagnant arua, ita boum hominumque stragem immanem sequi necesse est, quare vigilem curam agere insomnes tunc omnes res & salus publica postulat, id quod non semel mea ætate accidisse memini, quando concussa æra tinnitu lugubri omnem ætatem sexumque ad depellendum periculum tuendumque aggerem exciuerant. Quæ res admonet me singularis in communem salutem diligentia industriæque Adriani Matenesij Riuerij Domini, qui ante annos fermè videnos in teterrima tempestate anni, perfractò penè aggere qui Rheni alueum cohibet, vix dimidiati passus spatio reliquo, in desperatissima spe, quum de conuasandis suis quisque rebus, deq. pignorum suorum & coniugum salute cogitarent, ille peruigili cura ad ferendam opem & manu & exemplo præeundo cunctos hortatus est, dignam cuique mercedem pro impensa opera liberaliter repræsentans, Claudium Cæsi in hoc imitatus, & si quid deerat, cumulaturum se pollicitus. Quod beneficium trabali clauo patriæ communi fixum, statuam mereretur, vt imaginis memoria oculis inhæres, cum præsentem, tum posteram ætatem ad imitandum exemplum inuitaret atque animaret. Hoc ideo cõmemorandum dæxi, quòd Reipub. intersit, virtutes & egregia facinora non sileri. Nunc ad tertium ostium, quod Druso Neroni acceptum ferri debet,

Adriani Matenesij diligentia in conseruando aggere.

Drusianum ostium, I. sal.

*Tres causæ
cur à Druso
Drusiana fossa
ducta fuerit.*

transitum faciamus, siue illud in beneficij loco ponendum, siue publicis inde rebus importatum detrimentum causabimur: quod vtram in partem vere accipi debeat, in difficili affirmatio versatur, quòd ignoremus quæ eum causâ præcipuè impulerit cur fossam deduxerit, quæ item locorum ea tempestate conditio fuerit. Quòd si coniectura adhibenda est, eam ad tres causas interpretatione licebit reuocare, vel ad insulæ munitiorem, vel ad aquarum stantium deriuationem, vel ad commoditatem bellici apparatus in externos hostes, quas obiter causas superiùs attigi. Si igitur obiectu noui aluei hostilem furorem parauit excludere, vt aliqui opinantur, nã ille ficulnum auxilium & inualidum comparare aggressus est, quasi defutura fuerit hosti materia in compingedis ratibus: sin fossam duxit vt breuiore viæ compendio classem Oceano inferret aduersus hostes, vtq. auxilia, commeatus, impedimenta, è Gallijs Rhenoque adiacentibus oris secundo amne defluerent faciliùs, Romanorum commodis, quàm prouinciæ, quàm sociorum rebus seruiuit magis, dum Bataviam antea (loquor de vniuerso insulæ corpore) peninsulam, rescindit & à continente deripit. At si palustri ac humili regioni semper in stagni modum natanti, laborantiq. à gurgite & inundatione Rheni, quo minùs exonerare aquas & liberare posset, consulere voluit & mederi, iam certè dignus erat, qui in Olympia aureus staret, iam cum ijsdem cum Hercule augendum honoribus censerem, quod vt ille Acheloi fluminis Ætolix læuum cornu, sinuosis anfractibus regionē lancinās, ad moderationem reuocauit ductis fossis incilibus, atq. ea re Ætolos immortalis beneficio cumulauit, ita & Drusus, modò is fuerit illi propositus scopus, aut si poscente necessitate cõmunem quæsiuit vtilitatē, in cælū nobis vehendus esset. Sed vereor ne dictura sit aliud Transisælana & Cisirhenana Frisia, quarū fines adesi & cõsumpti, hinc Rheno, illinc Oceano, in mare conuersi sunt. Sed ad rem. Antequam Arenacū vsq. descendat Rhenus ad duo passuum millia, fossa noui & immensū operis in-

ris incipit cōtinua militari opere, ne virtus otio relanguesceret, per Drusum facta, cui Drusianæ nomen fuit, teste Tacito, manetq. nomē in hodiernū diem; quam Germanicus Cæsar ingressus cum classe mille navium, post vota Druso patri facta, lacus inde Rhēni & Oceanum ad Amisiam vsq. flumen, præcipiti alueo & secunda nauigatione vsus peruectus fuit, vt ille scribit. Eam aggere quoque munivit anno à condita vrbe septingentesimo quadragésimo sexto, sed inchoatum illud opus sexagesimo tertio post anno absoluit Paulinus Pōpeius, qui exercitibus in Belgio Neronis principatu præfuit. quē aggerē putatur Tacitus appellare Drusi molem (à qua diuersa est nihilq. cōmune habet Drusi moles, quæ Magontiaci extat, vulgo dicta die Eichelstein) vbi narrat Ciuile quū in Batauiam se recepisset, diruisse molē à Druso Germanico factā, & Rhenum pronò alueo in Galliam ruentē, disiectis quæ morabātur, effudisse. Ea fossa continuat ad duo aut tria milliaria, Rhenumq. noui Iselæ nomine donatum deducit præter Doësburgum oppidulum fortē à Drusi nomine dictum, quasi Drutoburgum, quod falsò à quibusdā, qui scholia otiosa Taciti libris illeuerunt, creditum fuit esse Asciburgium, quod in ripa Rhēni situm monumentum Vlyssis errorum esse volunt, & ab illo dictum Ἀστυβύργιον, & quamuis extare nō procul Xantho in Cliuia Ascchelbergum nomine assonans pagus dicatur, alij tamen Teutoburgo siue Duilburgo vicinum Asciburgium veriùs monstrant, quā olim Rhēni alueus fluxerit. Vbi Iselam veterem, cuius in Vestphalia fontes sunt, & in cuius nomen hic adoptatus est, accipit: inde Bronchorstū præterlabens, Zutphaniam urbem copiosam & Comitatus titulo honoratam, quam ego Vsipectum ciuitatem esse autumo, vt vocis vestigia adhuc insibilantia auribus, indicant. Hinc Dauantriam petit amnis cursus, Ansuariorum ciuitatem, vnde manet notum illud omnibus & lippis & tonsoribus, Ansenstadt/ quæ vrbs rerum omnium copia circumfluit, opulenta & beata ac validè munita; de qua plura vbi

Lib. 2.

Agger à Druso inceptus.

Tac. lib. 13.

Agger perfectus à Paulino.

Zutphania.

Vsipectes.

Dauantria.

Ansuarij.

de Ansuarijs loquendum erit. Atq. hæc quæ diximus quatuor oppida Isela ad dextram relinquit, quæ sequuntur duo ad læuam situm habent, inter quæ primo loco Hattemum occurrit natura loci atque opere munitum oppidulum; inde Campi sunt, celebris vrbs, quæ Naualia putatur esse, de qua postea dicturus sum, & secundum nonnullos Manarmanis portus: hæc præterlapsus & insululas aliquot emensus in Tyium sinum effunditur, vbi nunc raptus à mari post admissum Vidrum, Nigræ aquæ cognomento appellatū, quod soli ingenium quale sit, nigrore testetur, nimirum palustre & cespitem bituminosorum parens, relinquit ad læuam exiguas insulas Ensiam & Orcam, piscatorum sedes, quas priusquam adeat, nautæ trudibus & contis æstate, quando mare illud malacia & tranquillitas tenet, explorant, deprehenduntque non altè viam silicibus stratam, vti accepi ab

elegantis ingenij iuvene Philippo Moro Traiectensi Canonico: id quod dignum mihi visum est, quod in literas referretur, ex quo manifesta elucet fides commercij hominum, vbi nunc piscium coeunt agmina. Postea idem amnis cum maris sinu concorporatus, præuehitur Frisiam, deinde præter Flielandiam, ab ostio eius Fleuo cognominatā insulam, in Septentrionalem Oceanum exit, quo loco fuit & castellum ostio cognomine, Fleuum, vt Tacitus testatur, quod non contemnenda ciuium Romanorum & sociorum manus incolebat, Oceani littora præsidens, in quo Olennius asperrimus Frisæ exactor, qui importuna sua avaritia exitium cohortibus Romanis sparsim concisis peperit, ægrè fuga conseruatus est. Iam tempus est vt promissum exoluam, & discordias, si quæ videntur, componam. Inprimis offert se Virgilius Poëtarum princeps, qui bicornem facit Rhenum, vt & Asinij auctoritate Strabo geographus (qui omnes principatu Augusti Cæs. vixere) & quidem rectè ac cum fide, nondum enim à Druso ducta fossa tertium fuerat exiturus in ostium, soliusque tunc Bataviæ, absque cæterarum insularū complexu, fines circumscribebat Rhenus.

Aufonius

Hat.

Campi.

Ph. Morus.

*Rhenus rectè
bicornis.*

Aufonius Burdigalensis tametsi bicornem illum appellet, secutus exemplum Maronis, Cæsaris tamen opinioni insistere, diuersaq. illi tribuere ostia videtur ex professo, quum inquit Rhenum alloquens ei que Mosellam suam commendans, his verbis:

Communesq. vias diuersa per ostia fundet.

*Aufonij ver-
sus.*

nisi diuersa vocarit in diuersam orbis plagam erumpentia, quando vnum in Britannicum, alterum in Septentrionalem deferretur Oceanum, nempe quod Drusianam in fossam deriuatur, de quo postremo sensisse Claudianum non ambigo, siquidem Cimbricū cum Septentrionali mari idem est. Plusculum difficultatis primore fronte ostendit Taciti dictio, qui duos extimos cursus recensere contentus, medium reticet, quod sufficeret statuere bipartitam aluei diuisionem apud principium Batauiæ in Vahalim Belgicæ oræ terminum, & Rhenum post Iselam dictum, qui Frisiam Germaniamque terminaret, ex eoque colligere videor tunc temporis medium alueum habitum fuisse loco riuī ex illo flumine deducti, præcipuumq. honorem in Drusi gratiam & ob rerum gerendarum opportunitatem Iselæ adscriptum tributumque: qua re iniuria Rheni medio alueo illata est grauis, qui de possessione nominis deturbatus & quandam capitis diminutionem passus fuit non suo merito: itaque patientiæ victricis ope proteruiam sibi factam contudit, ac superauit, nomen pristinum retinens, quod alteri detractum est. Venio ad Melam, in quo plura obseruationis indigent & explicationis, siquidem illud, *haud procul à mari*, parum attentè aut verè dixit, quum centum fermè passuum millibus spatium illud metiatur Plinius, Cæsar octoginta millibus, hic fortassis iudicium dimetientis rectà, ille amnis cursum secutus. Illud verò, *huc & illuc dispergitur*, extulit pro, in duos se alueos diuidit. Quod deinde sequitur, *donec effluat Rhenus*, parum ex fide dictum est, si de Vahali intellexerit, quippe qui non semel nomen mutat: sed si de medio ostio loquitur, verissimè sensit, ac tum oscitantia & supinitatis

*In Taciti ver-
bis difficultas.*

*Mela verba
expenduntur.*

incu-

incusandus fuerit, qui Vahalim præterierit indictum: nisi causssemur deesse quippiam, quod perflugium soler in nodis & difficultatibus scriptorum frequens esse, aut nisi ex narrantium fide perperam acceperit. Postremum illud, *ubi*

Fleui etymon. *campos impleunt, Fleuo dicitur*, disertè exprimit vocis Fleui etymon, atque ostendit æstuarium illud fuisse: quoties enim mare accedente æstu in terras se recipit, easque operit, & vt verbis Melæ utar, campos implet, vulgaris lingua id dicet, *fleut*, hoc est, maris æstus increfcit, inde Fleuum originem ducere, & campos inde fuisse completos ac fluitasse, atque inde paulatim creuisse vastitatem illam, quam hodie videmus, sinus Batauici, absumpto immenso terrarum spatio, intelligimus. insulam verò cognominem quam amplectitur, Elielandiam hodie dictam exprimit, quam inter & Scellingam è vasto lacus spatio in arcum copias suas contraxit amnis, collectisque in vnum omnibus aquarum viribus in Oceanum tandem Cimbricum se effudit: qua parte multum detriuit maris auiditas. memini namque à Boschusio viro præter generis nobilitatem, præclaræ fidei manifesto, se in archiuis reperisse, quod intra tertium sæculum, tantum spatij fuerit pratis nunc mari haustis, vt conuehendo scæno instructa plaustra, vix ter in die æstiuo iter ultro citroque conficere potuerint: ea hoc tempore loca (vt res mundanæ aliud nil sunt quàm æstuarialia & reciproca vicis ludibria quædam) iterum vadosa fieri, incrementumque accipere, præsertim quâ Tessalia proxima adiacet, benignitate quadam Naturæ, non perpetuò indulgentis auiditati maris. Locus verò Cælaris de Mosâ perplexior apparet, plusque in recessu celat, quàm fronte ostendit. Nam & Heroldus hal-
lucinatus. Heroldum in errorem præcipitauit, qui illud, *parte quadam Rheni recepta*, ad Mosellam transfert, qui apud Confluentes Rheno commiscetur: & alijs occasionem lubrici assensus in errorem facile præberet, existimaturis Cæsarem Batauiam accipere pro ea insula quæ Bommelerwaert hodie dicitur, id enim in speciem sonant illa verba, *Mosâ parte quadam.*

quadam Rheni recepta, quæ appellatur Vachalis, in insulam efficit Batauorum. Siquidem territorium illud Bommeliannum illinc Vahali ambitur, hinc Mosa apud Herwerdum recepta Vachalis parte circuit, quos Locuesteinum coniunctis aquis in gratiam redigit & consociat. Verum enimvero Cæsar quum partem Rheni Vachalin dictam nominat, subindicat superesse & alteram partem, dubium tollens hoc ipso quod parti nomen diuersum ac secretum ab altera tribuit. Quod autem in plures diffluere partes, multasque & ingentes insulas facere Rhenum dicit, de Mattiacorum insulis, hoc est, Selandicis interpretandum haud dubie erit; *Selandica insula.* nulla enim ratione aptari ad alterum ostium potest: quippe è vasto lacu in fauces insulæ arctatum, vnoque ore Oceano infusum, vti Mela docuit: at Vachalis seu Mosa olim haud perinde nudus ab obiectu littorum, vt nunc est, incurrebat in insulas illas varijs appellatas nominibus, atque ita multis capitibus siue ostiorum decursibus in mare influebat. Noui qui ostio Fleuo ista transcribere voluerunt, quasi inter insulas Frisiam prætexentes Iscla excursibus varijs exonerari potuerit, sed manifesto tenentur in errore, quod insulæ illæ aut Frisix contiguæ fuerint, vt illorum & nostri Annales loquuntur, aut breuibus vadis & æstuarijs coniunctæ, vnde manet in hodiernum vsque diem locis illis vadosis nomen, *Twat*; hoc est, Breuia seu vada: alioqui insula quæ inter cæ- *Twat; i. breuia.* teras Ouorum cognomine nobilis est (vulgo *Eyerlandt*) *Ouorum insula.* Cæsaris dicta confirmare poterat, qui ex insulanis illis quosdam ouis alitum vitam extrahere scribit: id quod Oonis attribuit Mela, qui Sarmatix obiectas eas insulas ait, quarum incolæ auium palustrium ouis alantur, nominis rationem aperiente ipsa voce *ωών*, quæ apud Graiorum gentem ouum denotat. *Oonis insula.*

CAP. IX.

Quod Bataviam Franci inuasērunt & possederunt. Qui fuerint Franci, de quæ eorum sedibus. Item de Francis Ansuarijs & Salij, de quæ lege Salica.

POSTQVAM Romana res propter inexpiabilem erga Christianos sæuitiam, & belluina maiorem tyrannidem, atque inaudita scelerum exempla, vindicem in se Nemesis concitauit, iustamque prouocauit cæli iram, immanes gentium & solo etiam nomine terribiles species, imperio tam lato ac potenti illufuras, Deus vndecunq. exciuit, quæ prouincias tanquam Penthei artus quosdam discerperent laniarentque. Nacti itaque oblatam diuinitus occasionem Franci, qua triginta Tyranni agebant, ferebant, ac distrahebant imperium, Bataviam occuparunt, diuersis Regibus seu ducibus ac præfectis vsi (nondum enim Capillati Regis imperium sibi adsciuerant) vt in diuersos populos erant diuisi, circa annum ducentefimum septuagesimum tempore Constantij Cæs. idque hyeme aspera atque ita sæua, vt per Rhenum gelu adstrictum vndique eò affluerent. Sed eos ad deditionem captiuitatemque compulit Constantius fatali cæli mutatione & quidem repentina adiutus, quando vi subita ventorum imbriumque soluta glaciei compago redditum illis intercluserat, ac hosti obiecerat, quod Panegyrici auctor his verbis testatur. *Quid commemorem immanem ex diuersis Germanorum populis multitudinem, quam duratus gelu Rhenu illexerat, vt insulam (quam diuortio sui idem amnis completitur) pedestri agmine ausa, repente laxato flumine clauderetur, & dimissis statim obsessa nauigijs se dedere cogeretur. Et iterum. Terram Bataviam à diuersis Francorum Regibus occupatam, omni hoste purgauit, nec contentus viciisse, ipsas in Romanas transtulit nationes, vt non solum arma, sed & feritatem ponere cogerentur. Rursum alius Panegyristes. Multa Francorum milia qui Bataviam aliasque cis Rhenum*

Franci Bataviam occuparunt.

Rex Crinitus.

Rhenu gelu contractus.

Francos debellat Constantius.

*Rhenum terras inuaserant, interfecit, depulit, abduxit. Terti-
 us item. Purgauit ille Bataniam aduena hoste depulso.
 Testatur id ipsum Eumenius Rhetor, qui sub dextera
 Constantij Bataniam squalidum caput syluis & fluctibus
 exerere ait. Ea de causa subactis Francis Rhenum in Bata-
 uia opportunis ad arcendum hostem castellis Romani mu-
 niuerant, uti ostendit Panegyrista ad Constantinum his ver-
 bis. Hinc per intervalla disposita magis ornant (Batavia)
 limitem castella, quam protegunt. Arat illam terribilem ali-
 quando ripam inermis agricola, tot nostri greges flumine bi-
 corni mersantur. Quin ut melius etiam Bataviæ consul-
 tum esset, constratis armatisque nauibus ad prohibendas
 vndecunque hostium incursiones Rhenum Constantinus
 obstruxerat, uti Mamertinus aut Belga orator in Panegyri-
 co declarat hisce verbis. Quippe cum totus armatis nauibus
 Rhenus instructus sit, & ripis omnibus usque ad Oceanum
 dispositus miles immineat. Quid, quod per absentiam Con-
 stantij patris alijs bellis occupati, quum rursus fœderum ob-
 liti Franci extollerent capita, seque contempta filij Con-
 stantini adolescentia erigerent, hic prospera usus fortuna,
 copijs eorum cæsis, duos gentis Reges Ascaricum & Rade-
 gysum in ipsis imperij & iuuentæ cunabulis cepit, & famo-
 lo supplicio in eorum capita ludens, bestiis obiecit, ut Na-
 zarius & Eutropius scriptis testatum reliquerunt: quod Pa-
 negyrista etiam his verbis clarum facit versa ad Constanti-
 num apostrophe. Affecisti pœna temeritatis reges ipsos
 Franciæ, quod per absentiam patris tui pacem violauerant;
 non dubitasti ultimis punire cruciatibus, nihil veritus gentis
 illius odia & inexpiabiles iras, ideoque tantum abest ut Rheni
 amnis transitum moliantur, ut magis adempta potestate despe-
 rent Alius Panegyrista principatu etiam Diocletiani Imp.
 Francos Bataniam infedis se loquitur, quando altioribus cu-
 ris occupato illo, Maximianus Cæsar pro collega adscitus
 in imperium, suscepta expeditione gloriosa, Bataniam ex-
 actis Francis vindicauit, ac barbaros sylvarum perfugijs se*

Castella Rhe-
no imposita à
Romanis.

Naves cōstra-
ta Rhenum
tuentur.

Franci rebel-
lant.

Francorum re-
ges bestiis ob-
iecti.

Franci Bata-
nia expulsi à
Maximiano.

Franci sepe
victi Bataviā
reperunt.

Franci ad Al-
bim usque.

Franci By-
zantinis for-
midabiles.

Franci in Ner-
uiis & Tre-
uiris.

occultentes, ad deditiōē compellendo purgavit. At enim-
uero Franci postquam semel patefacto aditu Bataviā te-
nuere, sæpius licet repulsi, iterato Marte repetiuerunt, Ho-
ratiani illius canis non abfimiles, quem à gustatu vncti corij
nunquam absterreas, nunc cædendo, nunc vicissim crura sa-
gittis præbendo, & paullatim proxima quæque incursioni-
bus carpendo sui iuris fecerunt. Gens namque illa suis nun-
quam contenta limitibus, alieni appetens, dominandi libi-
dine (quæ per se inexplebilis est) longè lateque finium suo-
rum pomæria propagare: Frisiorum, Tencterorum, Vsipe-
tum, Ansuariorum, & Sicambrorū loca occupare, ad Ama-
ssiam & Visurgin vsque, quorum marginibus contineri non
potuit indomitus ille furor, quin ad Albim vsque se exten-
deret, atque inde digressus ceu continenti incendio in vici-
niæ penetraret viscera, ac primùm in Vbios profecta, mox
superata Rheni ripa Coloniam Agrippinam opulētissimam
munitissimamq. urbem, graui obsidione pressam captamq.
deleuit, Ammiano teste, Iuliani Cæs. principatu, qui firma-
ta cum Francis pace eam recepit: paullo post absente lon-
gius Iuliano, Galliæ tractum ad Mosam supra Iuliacum de-
populati sunt, postea etiam Mogontiacum, Argentoratum,
Vangionas, Nemetas oppræssere, Turingiamq. & Franciam
à se Orientalem respectu locorum situs nominatam inua-
sere, circumlatis armis quò spes prædæ & victoriæ dulcedo
inuitabat, tam felici successu, vt postea Byzantinū quoque
imperium, Orientis lumen, ad fœdus commouerint secum
iciendum. Rursus eadem natio transito Rheno per Toxan-
drios, Neruiorum & Treuironum, fortissimorum populo-
rum, agros cultoribus vacuos ob vastitatem & occisorum
stragem, vt veri sit simile, belli iure possederunt: iterumque
intra paludes suas Romanorum armis compulsi, aliquam-
diu quicquere, donec assensu Maximiani Augusti in amici-
tiam recepti, ditiones illas vacuas obtinuerunt: quod Pane-
gyrici Maximiano dicti auctor disertè exprimit. *Tuo, in-*
quit, Maximiane Auguste, nutu, Neruiorum & Treuironum

arua iacentia latus, postliminio restitutus & receptus in leges Francus excoluit. Porro Gallieni Imp. hominis popinæ & abdomini nati tempore coepit Francorum nomen incrementum, ac in sermonis hominum celebritatem peruenire. Eos auxiliares sibi adiunxit armauitq. cōtra Deciū suscepta expeditione Posthumus vir bello fortissimus, qui Gallias toto septennio sanctissimè rexerat, ut Trebellius Pollio memorat. Demum etiam in Gallias victricibus armis ea gens debacchata est, domitis longè lateque omnibus, & nominis terrore ac potentia perculsis, inuitata præcipua soli Gallici vbertate, ut relictis paludibus & solitudinibus suis fœcundissimum solum possiderent, quod de Germanis Transrhenanis, hoc est, ipsissimis Francis (ut id huc referam) Cerialis apud Tacitum ait. Quapropter summo iure vicinitas Francorum non Saxonibus modò & Sueuis suspecta fuit semper, si Hunibaldo fidem dabimus, sed Romanis quoque & Græcis, ut Einhardus Caroli Magni scriba reliquit testatum, nato etiam indè prouerbio Græco, quod recitat iste huiusmodi:

Francorū nomen quando inclauit.

Franci Gallias densant.

Francorū suspecta vicinitas.

Τὸν φραγκὸν φίλον ἔχης, γείτον' οὐκ ἔχης, id est,

Francum amicum habeto, at non vicinum.

Prouerbiunt.

Cui dictorio occasionem iustam dedit gentis rapacitas: nam ut quæq. natio Francorum fines attingebat proximè, ita prima victorum armis obuia & subacta fuit. Eam parœmiam agnouit & Vrspergensis Abbas. In quantam verò potentiam creuerint posteris sæculis, velex hoc solo Agathie discas testimonio, qui legatos ab ipsis Romam ad Vitigin Gothorum Regem à Belisario obsessum refert missos, pollicitis se si in dominationis societatem reciperentur, cum quingentis armatorum milibus in Italiam descensuros in eius auxilium. At illi perfidiam veriti, quæ in regni societate plerumque adest, oblatam conditionem respuere. Tandem tamen Gothi eam Galliarum partem, quam inter belli primordia subegerant (quod ab illis in Italia gestum est) ne sibi cum gemino hoste res esset gerenda, Francis pacto fœ-

Francorū potentia.

Regni societas infidâ.

Francis possessio Galliarum confirmata diplomate.

Arelate.

Francis regibus concessum cudere aurum.

Francorum audacia exemplum.

Austrasie regnum.

dere permiserant, adhibito huc Iustiniani Imp. assensu, factum approbātis, perpetuæq. possessionis diplomate confirmantis, vti Procopius memorat. Quo factū est vt Phocaica colonia Massilia, maritimoque omni Galliarum tractu potiti fuerint Francorum Principes, constituta apud Arelate urbem solij principalis ac splendoris equestris sede, vbi & aureum illis nummum cudendi ē natiuo Galliarum metallo cum sua effigie, præter aliorum Regum ac Principum morē, qui Imperatoris effigiem ectypā vsurpabant, ius prærogatiuum indultum fuit. Neq. intentatā iisdem reliquere Britanniam, si Panegyristis credimus. Mirū verò & inauditum incredibilis audaciæ exemplum Panegyrista commemorat de hac gente: Captiuos aliquot Francos in Ponti faucibus corripuisse nauigia prædatoria, ijsque Asiæ & Græciæ oram depopulatos, plerisque Libyæ littoribus appulso, Syracusas inclytam naualibus victorijs urbem cepisse, atque immenso itinere peruectos Gaditani freti angustias euasisse: ostendentes temerario euentu nihil pyratice desperationi clausum esse, quò nauigijs pateat accessus. Hinc est quòd Panegyrici Constantino dicti auctor vocat Francos sui prodigos trucesque, quòd contemptu vitæ lethalibus vulneribus ac mortibus sese offerrent, magnæq. molis esse fatetur, eos vel superare vel capere. Sed in tanta fortissimæ ac bellicosissimæ nationis luce, quid verba fundere immoderatiùs, quidve immorari prolixius satago, quum versetur omnium manibus Ammianus Palatinæ historiæ scriptor, qui abundè docebit audum cognoscere Francorum res lectorem, instructumque copijs dimittet. Extant & Panegyrici scriptores illis attestantes, atque inter recentiores Rhennus, qui plæraque illorum gesta in aceruum collegit vndeunque, & operæ compendium alijs laborem fugientibus præoccupauit. Illud verò silentio transire nequeo, Regnum Austrasie (quæ & Teutonica Francia vocabatur propter linguæ Germanicæ vsum) quod complexum fuit quidquid secundum Rheni ripam Belgicæ nomine Romanis dictum

lon-

longissimè excurrit, à Iustiniani principatu ad Othonem primum Germanorum Imp. penes Francos fuisse indubitato: quamvis nominatim Regum Ducumve series & propago recenseri nequeat, siue ob temporum barbariem & iniquitatem, siue ob assiduas bellorum calamitates, gentibus se vndarum ritu superuenientibus, penitus oblitterata, quod ipsum Platinæ & Ricci j testimonio aliorumque clarescit. Sed res à gente clarissima gestas deponam è manibus, quòd institutæ historiæ ratio id postulet, neq. inhærere his patiatur, potiusque collocanda videtur opera in ostendendo, qui, vnde orti, vnde nomen traxerint, quas sedes principio tenuerint, vnde tanquam è lare bella finitimis semper faciendo, Belgium & Germaniam cum inferiore tum superiore suæ ditioni subiecerint, Galliam sub leges redigerint, peruaserint Italiam, Romanos fasces & imperij ius ad se transtulerint, æstuque furoris euecti (vt Nazarius inquit) Hispanias quoque infestas habuerint. Francos ergò, (vt à nominis etymo veroque proloquio multi ordiuntur) ob immunitatem tributorum ac libertatem, bellicæ virtutis præmium, inuento à se cognomine dici coepisse, Francorum Annalium concinnatores (religio enim mihi fuerit scriptores nominare, qui fidei historiæ manifestarium naufragium fecere) commenti sunt impudenti mendacio. Fabulantur namque Valentiniani tertij Imp. ætate, Francos huiusce nominis ius vsurpasse, postquam Alanorum ferociam contuderant, prouocatos alleetosque edicto Imperatorio, quo decennalis immunitas his qui Alanorum arma compressissent, proposita fuerat: Ea verò gente ad occidionem interempta penitusque deleta, illos promissi compotes quum repeterentur ab elapso decennio tributa solita pendere, longinquæ libertatis insolentia, quæ animos illis fecerat, stimulos, vindicias secundum libertatem armis trueri instituisse. In qua fuisse opinione inuenitur Paulus

Franci vnde dicti.

Pauli AEmylij de Francis opinio.

adscri-

„ adscribere. Franci, inquit, se Troia oriundos contendunt: ea
 „ capta incensaque nobilissimam civium manum, quos fer-
 „ rum hostium ignisque non absumpsisset, duce Francione
 „ ad Mæotin paludem se contulisse, nec procul ab ea urbem
 „ condidisse, quam ad Valentinianum usque Cæsarem Va-
 „ lentiniani filium incoluerint. Ab eo primū honore auctos,
 „ ac in decem annos immunitate donatos, quod rebellantes
 „ Alanos in deditionem Romani nominis redegerint: deinde
 „ cum circumacto eo temporis spatio ad vectigal pensitan-
 „ dum reuocarentur, imperiumque detrectarent, sedibus pul-
 „ sos, duce Marcomiro in eam Germaniæ regionem, quæ
 „ nunc Franconia est, concessisse. Hactenus ille. Quibus le-
 „ ctis, quum eodem delirij iure perfusum animaduertērem
 „ virum eloquentiæ laude inclytū, eodem inquam, quo cæ-
 „ teri imbuti, Troianæ facis reliquias in Mæotidos paludis li-
 „ mosas voragines seposuere, vbi condita vrbe confederint;
 „ cœpit me pigere ac pudere quoque tanti viri, qui desulto-
 „ ria vsus leuitate, nihil supra vulgum & nugiuendos sapue-
 „ rit, neque viderit vsquam scriptorum alios profugos Troia-
 „ nos nominari, quibus saluis & incolumibus incensa patria
 „ abire cōcessum fuerit, præter Æneam & Antenorem, pro-
 „ ditores patriæ, quorum domicilia suspensio maculosæ pan-
 „ theræ exuuiis, ut internosci possent, discretæ, ipsos cū clien-
 „ tum grege in tuto statuerint. Quis vsquam Sicambriæ ad
 „ Mæotin mentionem apud vllum Geographum fieri legit?
 „ quis Troianorum exsulum coloniam eò loci deductam re-
 „ perit in historijs? Accedit quod è Panegyricis, Ammiano,
 „ alijsque scriptoribus, non vno sæculo prius quàm Valenti-
 „ nianus imperarit, Francos nominatim discere potuerit, si
 „ accuratè, & non oscitanter vetusta expiscari lectione stu-
 „ diuisset. Atque interim consimilia Æmylio chartis illinere
 „ non piguit Gaguinum & Æneam Pium id nominis benefi-
 „ cio Valentiniani Imp. impositum Francorum genti com-
 „ mentos, siue quod feroces & nobiles Attrica lingua Franci
 „ diceretur (quod vbinam lectum vsquam sit apud idoneum

& classicum scriptorem, nescire me libenter fateor) siue à tributi remissione & libertate accepta. Quamquam posteriori rationi citius subscribere velim, si minutius exigendum sit vocis etymon, ut Franci dicantur, quasi *fry on cy*, nimirum à centu (quod *cy* sonat) & vectigalibus immunes: alioqui videri possunt appellati veluti, *fry an si*, Fransi: vocabulum autem *Ansi*, Gothici idiomatis proprium, denotat eos qui ceteros mortales fortuna & opibus antecellunt, Heroium & Semideorum conditioni proximi, velut humanæ sortis terminos egressi: unde corrupta vox vernacula *Anfos* & additione aspiratæ *Hansos* nominat proceres communi fortuna maiores. Mirum verò egregios viros & doctos stultitiae ac superstitiosa infania delibutos originem inclyti nominis ad Francum, quem alij Francionem nuncupant, fabulosum atque eumentum Hectoris filium, gentis auctorem referre non erubuisse: cuius nominis etymon lepide Petrus Ronfardus poëta Gallus appellatum à veteribus Astyanacta Francum, quasi *φερέρχον*, hoc est, hastigerum scribit. Illorum autem vecordiam secutus poëtico more Sabinus, ab Hectorea origine natos Fracos nominat. Paullo ante meam ætatem Ioannes Marius, titulo tenus Galliarum illustrationem professus, densissimis potius eas tenebris inuolutas obsecravit, editis impudentissimis ineptissimisque commentis, quamquam à vulgo Gallorum impensius laudari meruerit, ut est cuique genti prona fides in laudem (liceat mihi Scoonhouij verbis dicere) gloriamque suæ originis. Præli operas adhuc redolet Rosiniaci Præsidis Burdegalensis, omnifariæ lectionis viri, opus De regnorum origine, plæraque omnia è Beroso (cui dignum patella operculum commentator Anius obtigit) Manethone, aliisque eius farinæ nugonibus ac fabularum textoribus confuta & inculcata identidem repetens. In eo opere ut viam muniat Francorum origini, istud axiomatis loco proponit, sed Berosiana fide. Cimmericorum sobolem longè lateq. per cunctas Europæ regiones dispersam, diuersa affectasse nomina, his Cimbri-

Francorum
etymon.

Cy quid?

Ansi qui?

Petrus Ron-
fardus.

Rosiniaci libri
De regnorum
origine.

rum, illis Sicambrorum, alijs Francorum appellationem sibi ex usu fingentibus. Quod axioma clarius exponit postea his verbis. *Nec mirum videri debet Francos olim diuersa nomina sortitos, modo Cimbri, modo Saly, modo Sicambri, modo Franci &c.* Illo posito tanquam insuperabili axiomatis muro, subiicit: *De Germania statu ante Augustum nihil certi posse ex historijs statui.* Vnde ergò ô bone tibi est altissima illa Regum Bosphoranorum series, quam ex Hunibaldo certam & mille propè annorum curriculo infractam, nec vsquam intercisam contexis? Subdit, sed quod nemo sanæ mentis asserat, Straboni médacium impudens ac præsentarium impingēs, quippe nusquam in eo Geographo lectum, in hæc verba: *Porro de Francorum antiquitate id ex Strabone, qui tempore Augusti scripsit & militiam vnà cum Romanis secutus est, colligitur, Francos Vindelicis, hoc est, Bauaris coniunctos esse.* Verùm manifestè falsa, & quæ haud dubiè alieno errore deceptus exscripsit, oppugnare, degeneris esse animi duco. Adfert coniecturas idem auctor quasdam non ineptè, de Sicambria à Francis habitata, de paludibus regionis, sed malè, si in corollam transferantur, vinculo hæsuras, diffluxurasque citiùs quam scopæ dissolutæ. Nuper quoque exortus fuit temerariæ stultitiæ homo qui Laodamantem cum Astyanacte eundem, cognomento Francum, ab excidio Troiæ patria extorrem, Sicambriam, quæ eadè Buda sit, in Pannonia condidisse, gentis à se nominatæ ducem fecit. Omnibus verò mendaciorum facem præluxit Hunibaldus monachus, nisi me fallit coniectura, æqualis eorum temporum quæ Clodouæum lustralibus vndis tinxerant. Is namque in somniculoso illo suo, vti suspicor, lustro desidens, & veluti extra se raptus, nescio quid non somniorum deliriorumque ex altissimo atq. adedò inexhausto, non Democriti (in quo veritas scaturit) sed Troicarum rerû puteo, meras fabulas eructante, deprompsisse legitur, vt gentis Francicæ aborigines omni antiquitate priores faceret, magnisquæ præconijs exornatos daret.

Hunibaldus
monachus.

Cuius

Cuius conatus & studium Trithemius, & ipse monachus, ut in maus tolleretur, decem & octo illius historiarum, aut deliramentorum verius, libros in epitomen concisos se contraxisse testatur, haud veritus illum solidum Francorum historiographum appellare, nimirum iuxta prouerbium, Cretensis Cretensi palpum obijciens. Usque adeo ne omnes collatis quasi per satyram sententijs fabulæ & commento tam impudenter fauere in animum induxisset? neminem vnum repertum qui veram & genuinam gentis originem & nominis occasionem studuerit indagare, ac veritatem ipsam auribus approbare? quum nusquam interim ex Homero, Colutho, Quinto Calabro, Darcete Phrygio, Dictye Cretensi, & Higino, qui vel Troianas res scribere, vel principum virorum genealogias literis mandarunt, alium Hectoris filium etiam nothum, docere queant, præter Astyanactem, qui & Scamander nuncupatus fuit, & Laodamantem, si Dictys vera narrat: interim gloriosum illum & inæstimabilem aureæ libertatis, tantopere omnibus nationibus per vulnera & mortes expetitæ titulum reformident ac silentio obruant. Certè in his qui de se tanquam primigenijs Francis, si dijs placet, nimis inuerecundè gloriantur, & vanissima quæque scriptis produnt, quid potissimum incussem nescio, lata ne culpæ ac cæcitatibus cuiusdam sint arcessendi, an damnandi impietatis, an utroque pariter crimine aspergendi? Nimirum quis non animaduertit præposteram nationis & peruersam obstinationem, quæ potius quàm ut à barbara scilicet Francorum gente oriundos se agnoscat & profiteatur, meris somnijs & plus quàm anilibus Cascorum deliramentis mauult aurem præbere, fidem adferre, chartas scriptis onerare, quàm verum expendere: mauult periuræ, perfidæ, incestæ, & patriæ proditrici genti originem acceptam ferre, quàm optimis legibus institutâ, Christianam, sanctissimæ opinionis & moratam nationem (quas dotes omnes Francis adscribit Agathias) agnoscere. Proinde impietatis tantum non cum malignitate coniunctæ reos

FRANCORUM
lans.

Manethon.

Franci à liber-
tate dicti.

Scythia etiam
Germaniam
comprehendit.

teneri autumo, qui progenitoribus suis tam malam repo-
nant gratiam, vt quorum virtute creuerunt, & in illustri po-
siti sunt, quibus claritatem omnem, legum cultum, vitam
denique ipsam debent, de illorum magnificentia & decore
derogent. Nam quòd è Manethonis Ægyptij, hoc est, im-
postoris scripto deliro, & si nominis vim spectemus, infano
fabulantur gentis auctorem Francionem, qui Celtis impe-
rarit, non vident vecordes homines & Melampodis ad hanc
rem operà indigentes, se imperitiæ pariter & impudentiæ
conuinci, dum originem suam, hoc est, Francicam è Celtis
asserunt, nec animaduertūt è Germanis, qui Celtae sunt (vt
peculiari capite illi rei dicato ostensurus sum postea) tan-
quam fonte eam arcessere, id quod obstinata quadam per-
uicacia obnixè respuunt. Vt ergò ad rem redeam, Franci
postquam opes eorum conualuissent, & seruitij iugique tæ-
deret Romani, ac dominatus cupiditas animos faceret, no-
men sibi ipsi à libertate crearunt, antiquata communi illa
Germanorum appellatione. Putat Bodinus vir eximiè do-
ctus, sed falsus hac in re, vocabulum Franci Germanis vsita-
tum quidem, sed purè puteque Gallicum esse affirmat,
quasi nostras lingua non etiam Francum nominet liberum
& immunem. Abbati Vrspergeni Troianam originem re-
nunciamus, Bellaio à Phrygijs, Lazio à Frisijs ortum nomi-
nis & gentis repetentibus. Sunt qui è Scythia eorum asse-
runt ortum, quod rhythmici quidam vates augurantur: nisi
fortè Scytharum tam latè patuit nomen, vt Germaniam
quoque inuoluerit, vt Plutarcho placet, neque dissentit Pli-
nius. Albertus Crantzius è Scandinauia, gentium officinæ,
latebra primos eorum natales educit: cui subscribit & Tur-
nebus. Ceterum quia animaduerto neminè hætenus cer-
tos constituisse fines aut veras determinasse regiones tam
inclytæ & rerum gestarum memoria illustri nationi, age,
primus ego triplici istud viatentabo aggredi, conatus om-
nis in laude erit. Ac primum omnium è veteribus illis Cæ-
sare & Corn. Tacito docebo & ob oculos ponam, qui fue-
rint

rint Germani, qui adoptiuo Francorum nomine celeberrimi vbiuis terrarum euasere, & quorum annium ripis inclusi, tanquam in pinace, finitoris chorographiue ad exemplum proponam: deinde è posterioris seculi classicis atque irrefragabilibus auctoribus eos illa ætate, qua vixere, Francos appellatos comprobabo: præterea quos illi vicinos confinesque populos vel vno nomine complexi fuerint, vel socios adiunxerint, postquam iuxta superius memorati prouerbij fidem, gens ista, vt erat inquieta, paullatim confinia voraginis instar hausit atque subegit, inquadrum redactos designabo: demum è soli paludosi, (quod cuncti scriptores vno ore loquuntur) natura propositum nostrum vrgebo. Postremò de Salijs Francis Ansuariisque hætenus incognita in lucem proferam, æquos lectores id prius rogatos volens, vt posita maleuolentia & suo cuiusque gentis studio, maximo recti iudicij hoste, candidè expendant atque æstiment prius, quàm in præcipitem iudicij aleam eant. Francos haud diuersam, imò eandem esse cum Germanis gentem, fert animus vberius apertiusque cognitionem hac de re meam in tanta eruditi seculi caligine explicare, nullamq. aliam à Tacito & à Cæsare plarisque in locis, Germanorum vocabulo intelligi, quàm quos dixi, vt planissimè statuentum sit à prædictis scriptoribus Germanos appellari, quos consequentis ac posterius temporis auctores mutato nomine Francos vocitarunt. Porro haud otiosè adiecta à me sunt in Cæsaris mentione verba illa, plarisque in locis, ad defugiendam contentionem ac certaminis occasionem: siquidem Cæsar cum ceteris scriptoribus agnouit etiam superiores inferioresque Germanos, cum quibus bello decertauit, à quibus nostri (qui mihi materiam hanc scribendi præbent, tertijque vocari possent) penitus sunt diuersi atque alieni, quippe duobus clarissimis fluminibus Rheno & Albi, illo tanquam cardine, hoc decumano limite, finiti atque inclusi: quando inferiores à se debellatos libri secundi initio Cæsar memorat, superiores simili calamitate affectos cum rege suo

Germani superiores & inferiores.

Germania
Batauiæ con-
tigua.

Ariouisto, in extremo primo libro scriptum reliquerit: atque istius rei ignoratio erroris magnæque confusionis causam plarisque scriptoribus hac ætate præbuit, ad Alemanicam nationem cuncta indiscriminatim referentibus. Germaniam igitur (de qua sermo hic mihi instituitur, hoc est, quam ego seminium & genitale Regum Franciæ aruum disertè aio) Batauiæ solo penè contiguam, quippe amne duntaxat Rheno diremptam, è Tacito fidelissimo historiographo & Belgicarum rationum procuratore liquet planissimè, cuius ut in rem præsentem veniam, è secundo libro verba adscribam.

Rhenus uno aluco continuus, aut modicas insulas circumueniens, apud principium agri Batavi, velut in duos amnes diuiditur, seruatq; nomen & violentiam cursus, quâ Germaniam præuehitur, donec Oceano misceatur: ad Gallicam ripam latior & placidior affluit, verso cognomento Vahalem accolæ dicunt &c. In quibus verbis nec viuiam, si quid obscuritatis aut ambiguitatis scdere videam, quod sententiæ nostræ refragari aut aliquo modo eam infringere possit, nisi si quis in scirpo nodum quærat, aut data operâ publicæ causæ præuaricatorem agere præsumat, aut velut Atlantico in specu positus, solis se iubar oculis inimicum ferre non posse causetur.

Res itaque sic se habet, hic loci obiter repetenda, tametsi opportuniùs alibi detexta. Drusus alta mente bellum in Cheruscos Germanorum versus Albim extremos, cladique Romanis illatæ auctores, cogitans, expeditissimam breuissimamque ad id patrandum viam meditatus, explorata priùs regionis natura, didicerat Salam flumē, nunc Islæ appellatione notum, duobus à Rheni cursu miliaribus discretum, in Septentrionem suas aquas euoluere, Oceanoque illi insinuari. Proinde pacatis circumcirca rebus, ne segni otio marceret miles, intermedium illud telluris spatium, exercitus sui manibus ducta profundiore fossa (quæ ab eius nomine Drusiana audijt) egeffit perfoditque, communito atque perfecto opere Rhenum in Salam effudit, atque ita duobus alueis prioribus Batauiam circumseribentibus, ter-

Cherusi ex-
tremi Germ.

bus, tertium adiecit, à scriptoribus Strabone Tacitoq. Rhenum vocatum, qui Germanicam oram definiens, axemque Septemtrionis respiciens, cum Vahali Belgicam oram lambente & in occasum vergente, normæ in modum exactè Batauorum insulam pariter determinant. Liquet ergò eo alueo ceu termino Germanorû fines occiduos prætexi includique: quandoquidem non ambigûe loquitur, à Drusianæ fossiæ capite, ad exitum vsq. fluminis in Borealè Oceanum excurrere Rhenum, quo tanquam cardine Germania, quàm lata sit, definiatur. Hic mecum consideret studiosus lector, quod à nemine huc vsque obseruatum scio, qui sint quos Tacitus Germanos cis Rhenum colentes appellet: cum dubitationis scrupulum eximit ductus ille fossiæ, qui Transrhenanam Germaniæ oram à Cistrhenana bipartitur, illam Transsalanam, hanc Velauiam nostra tempora nuncupant. Necessario namque istud de posteriore sciendum constituendumq. est, quæ antè repetitam toties scrobis egestionem ac terrarum abscisionem socia, indiuidua, & connexa alteri ab omni æuo fuerat, ex qua auxiliares tumultuariasque Germanorum cateruas cis Rhenum colentium, Au. Cæcinnæ legato Germanicus Cæs. tradiderit, vti totidem penè verbis à Tacito relatum est. Quòd autem sedes Germanorum à Rheno initium sumpserint, & ad Albim vsque agros continuarint, disertis verbis Geographus Strabo libro septimo profitetur. Γνωρίζονται, inquit, οἱ Γερμανοὶ ἀπὸ τῶν ἐκβολῶν τῆς Ῥήνης λαβόντες τὴν ἀρχὴν μέχρι τῆς ἁλβίου, id est. Notum est & manifestum Germanos à Rheni ostio initium capere Albi fluuii tenuis. Paucis verbis testatum facit fidei præclarus scriptor, quicquid nationum & terrarum duos memorabiles amnes interiacet, Germaniæ appellatione in genere comprehendì continerique. Qui verò illi populi fuerint, paullo pòst docebimus. Idem confirmat apud Corn. Tacitum Arminius exprobrans Segestæ focero inimico sibi & infesto, quòd ipsius maximè operâ cum Romanis cõspirabundi, inter Albim & Rhenum vir-

Germani Cistrhenani qui?

gæ, se-

gæ, secures, & togæ Romanæ conspicerentur, vbi ceteræ gentes imperium illorum non agnoscerent, tributa ignorarent, neque supplicia expertæ essent. Ostendit istud & inscriptio à Germanico Cæs. trophæo ex armis congestis erecto addita, post deuictos Cheruscos ferè solos, cum superbo titulo, quasi ceterarum quoque nationum victor extitisset. ea talis erat:

DEBELLATIS INTER RHENVM ALBIMQVE NATIONIBVS
EXERCITVS TIBERII CAES. HAEC MONIMENTA MARTI,
IOVI, ET AVGVSTO SACRAVIT.

Neque verò de alijs Germanis loquitur initio commentariorum Cæsar, quâdo ait Belgas Germanis esse proximos qui trans Rhenum incolunt, & quibuscum cōtinenter bellum gerunt: & post paullum addit, Belgas ad interiorem partem fluminis Rheni pertinere. Quod de illa ora intelligi debet, quam Tacitus Gallicam nominat, quæque Vahal's nomen obtinet. quippe quum Rhenus alueus, qui Germaniam præuehitur, sit exterior illius respectu, & in Septentrionem vergat. Quid, quòd ex his Germanis Belgarum originem Cæsar libro secundo arcessat, quos Rhenum antiquitus transductos propter terrarum fertilitatem, ibi confedisse, Gallosq. priores incolas expulisse scribit. Cum istis Germanis, pro consuetudine sibi à maioribus tradita resistendi ijs qui bellum inferrent; (id namque responsi generosè dederant) prælium haud deprecantibus, Cæsar conflictit, ancipitiq. Martis alea decertauit: Sed idem dolosè perfideq. in eos pactis in tridui spatium inducijs nimium fidentes, sui que securos, grassatus est, edita ingenti illorum strage, multis hominum millibus, ob desperatam vltiorem fugam, ad confluentem Rheni & Mosæ, non procul à Worcomio oppido, vti conijcio, qui se in flumen præcipitauerant, haustis ac submersis. Quo certamine non magna virtutis cum laude edito victor, pontem super Rhenum fabricatus Cæsar, exercitum transduxit, vt perculsis maiorem terrorem incuteret. Atque id magis ostentui factum ab eo,

ab eo, quodd penitiùs in eorum regionem peruadere tutum sibi fore non putaret: quo factum est, vt vicis tantum aliquot Sicambrorum inflammatis, corruptaq. messe, discessionem parum gloriosam ex hostili terra fecerit, qua de re copiosius aliquato in Vlsipetibus à me dictum. Quia paullo antè promiseram explanaturum me, quæ nationes Germaniæ finibus inter prædictos totiens amnes continebantur olim, eas hîc ordine recensere visum est. Inter eas à fronte flexuque Rheni numeratur primi Sicabri, ad Albim extimi Cherusci & Angriuarij, quæ gentes à meridie cõterminæ sunt, Rhe- noq. adiacentem oram cludunt: hos inter secundum ripam Rheni exteriorè Vlsipetes, Ansuarij, Chamaui, Frisij, inde ad Oceanum Chauci maiores minoresque: medij erant Tubantes, Tencteri, & Bructeri. Dictorum fidem cõprobat ipse Tacitus, Germaniam hanc sine additione superioris aut inferioris breuiter ob oculos depingens in libello moribus totius Germaniæ dicato: vbi occidentem versus hos fermè illi populos attribuit, Vlsipios, Tencteros, hisq. vicinos Bructeros, Angriuarios, Chamauos, Frisios vtrosque: deinde subdit hæc verba. *Haftenus in occidentem, Germaniam nouimus: in septentrionem ingenti flexu redit, ac primo statim Chaucorum gens, quanquam incipiat à Frisijs, ac partem littoris occupet, omnium quas exposui gentium lateribus obtenditur &c.* Iam vt ad testimoniorum (quanquam vnus loco omnium esse possit Tacitus) fidem ac religionem veniam haud illotis pedibus, illud prælibandum est, Germanicum Cæs. Druso ortum, egregium præstantis animi inuictæq. fortitudinis iuuenem Augustus octo legionibus ad Rhenum imposuerat, silentibus tum vndecunque bellis, mustantibusque Romanis post acceptam memorabilem illam cladem, qua tres legiones cum totidem alis & sex cohortibus, socordia Vari Quintilij trucidatæ fuerant à Germanis ductu Arminij: cuius abolendæ infamiæ ergo magis, quam propagandi imperij, exercitus ille conscriptus erat, simul etiam vt Belgicæ gloriæ famam, qui se stragis indignæ fore vindices fuerant:

*Germanicus
Cæsar.*

Roman. clades.

Germanorum
strages.

Segimundus.

Sicambri.

Vsipesos.

vltrò professi, maculosam sibi futuram obruerent. Itaque Germanos ob rem bene gestam nimis sui securos, & solennibus epulis noctes insomnes transigentes, per obscurorum saltuum ambages, vitato itinerum compendio, adortus, quadripartito agmine longè lateque cecidit, nulla ætatis sexulve miseratione. Quacæde excitæ commotæque Bructerorum, Tubantum, Vsipetum, & Tencterorum gentes, communibus armis iniurias vindicaturæ in saltus sibi cognitos conuenere, sed nihil magnopere damni Romanis illatum est, nisi quòd nouissimum eorum agmen incursionibus molestarint. Eos verò populos còmuni Germaniarum nomine censerì exinde colligi pòtest, quòd simul quoq. rebellasse eos Tacitus ostendit, quàdo Segimundum Segestæ Cheruscorum (qui primi auctores belli fuerant) principis filium, eo ipso anno quo Germaniæ descuerant, abruptis vittis ad rebelles profugisse ait. Germanicum idem scriptor ad VII KL IVN. de Cheruscis, Angriuarijs, alijsque nationibus quæ ad Albim vsque colebàt à se deuictis triumphasse scribit. Sicambros etiam Germanorum fuisse socios vel ex eo manifestum sit, quod Vsiperù & Tencterorum equitatus, qui prædandi causâ Rhenum transierat, post malam suorum pugnam perfugiumque in Sicambrorum fines se receperat, ijsque se còiunxerat, quo tempore Sicambri acri animosoque responso, Cæsarem iniqua postulanti retulerunt: illius, ut apparet, conatibus sese opposituri, nisi suorum sociorum cedendum esse hortatibus ac aduersus furorem salubri fuga petendas interiores siluas, consultius putassent. De Vsipetibus & Tencteris quòd Germanicæ nationes fuerint planissimè lib. comment. secundo Cæsar. *Vsipeses Germani, & item Tencteri magna cum multitudine hominum flumen Rhenum transierunt non longè à mari, quòd Rhenus influit: causa transcendendi fuit, quòd à Suevis complures annos exagitati bello premebantur, & agricultura prohibebantur.* Accedit de ijsdem populis Strabonis, quasi ex professo Cæsarem interpretantis totidem verbis, testimonium.

Extra

Extra hunc numerum Catti fuere, quippe qui cum Cheruscis æternum discordabāt, testante Tacito lib. Annalium ^{III.} quod à me propterea huc additum est, ne quis existimet, ubi legerit apud Tacitum Cattos medios inter: Cheruscos & Angriuarios, Germanis adnumerari oportere. Nunc ad id quod secundo loco me comprobaturum dixi, stylū conuerto. Francos ab origine Germanos & peculiari isto vocabulo antiquitus appellatos fuisse constat ex Procopio Cæsariensi, rerum quas literarum monumentis consignauit oculato scriptore, sed qua ratione nomen principale mutarint, Francique cœperint dici primitus, deinde quomodo Gallias inuaserint, explicaturum se professus, velut epoto Mandragoræ poculo sui oblitus, dicere supersedet: ita verò libro Gothici belli primo scribit. Circa exitum Rheni antequam in Oceanum septentrionalem se effundat, regionem esse crebris paludibus abundantem, quam Germani, gens barbara olim & contempta, sua ætate Franci nuncupati ab initio incoluerint: quorum fines attingant Abotriti vicini & accolæ inter ipsos & Turingos intermedij: isthic nominis originem in suspenso relinquit: nisi fortè locum obscuriorem ob peregrinarum vocum admissionem aliāve rationem, intactum transmiserit interpretis explicandi sui incertus. Idem Vandalici belli tertio lib. scribit, Vandalos ob summam annonæ egestatem domo profectos, ad Germanorum, qui tunc Franci nominabātur, regiones peruenisse, coniunctisque viribus Rhenum traiecisse, perque Gallias in Hispanias simul penetrasse adscitis in societatem & Alanis. Similiter Agathias Smyrnæus initio historiæ, Fracos veteribus seculis Germanos dictos ad Rhenum habitare, ei que propinquas regiones incolere, suaque tēpestare maiorem Galliarum partem, vi & posteritatis hæreditati occupatam, possidere scripto prodidit. Hunc auctorum consensum secutus est & Nicephorus. Neq. diuersum sentit D. Hieronymus in vita Hilarionis hunc in modum scribens: Inter Saxonas & Alemannos gens non tam lata, quàm valida, apud histo-

Catti.

Frāci, proprio
vocabulo
Germani olim
dicti.

Agathias.

Hieronymus.

Iornandes.

ricos Germania, nūc verò Francia vocatur. Iornandes quoque Gothus, qui Iustiniano imperante vixit, Germanos suo seculo Francos vocitatos testatur, ut mirandum non sit, (quod omnibus scrupulum præcipuamque hæsitacionem attulit) si Tacitus nusquam Francorum nominatim meminerit, quum solenni vsitataque Germanorum appellatione continerentur. Alienius paullo existimat Rhenanus propterea nullam à Tacito Francorum, ut & Saxonum, mentionem factam, quod vtraque gens obscura tunc fuerit & ignorabilis: quod mihi non probatur neque satisfacit. Videntur autem sub illa appellatione tantisper delituisse, dum captata rebellium infeliciūq. temporum (quibus caput suum membra oppresserunt) occasione, ipsi aliarū gentium secuti exemplum, rebellionem quoq. cœptarunt, sumptoque amabili libertatis vocabulo, iugi excussi teste, Francos se nominarunt, hoc est, liberos. Hinc luce clarius patet, rectissime facere Chorographos, qui regionibus Transisalanæ (quàm Vspetes, Ansuarij, Salijque tenent) Tendororum, & Tubantum, quæ terræ omnes Francorum genitales fuerint, Germaniæ nomen in pinacibus adijciunt atque inferant, ut minimè sit opus recurrere ad intima Germaniæ viscera, vnde illorum sedes petamus, quemadmodum facit Volaterranus, qui nuda Agathiæ verba scribentis, Francos nationem esse Italiæ finitimam, attendens atque aucupans, Franconiam illorum natalem patriam constituit: qui si expendisset ac digitis dimensus fuisset ætatem qua historiam contexit Agathias, tam turpiter scopulo nauim non impendisset. Quare quum è Suidæ commentarijs constet illum floruisse principatu Iustiniani ad annum quingentesimum & quinquagesimum, quumque certo certius sit Francos multo antè Galliarum imperio omni potitos fuisse, exutis diutina regni possessione Gothis, quid mirum si historiographus ille consentanea suis temporibus scribens, prodiderit illos Italiæ propinquos, non de Franconia procul distanti sentiens, sed de Gallijs Francorum dominatui parentibus.

Germania in
pinacibus.

Volaterrani
error.

Agathias
quando cla-
ruerit.

bus. Cōsimili ratione Stephanus Byzantius illo posterior, in *Stephanus.*
 populorum catalogo Francos gentem vicinam Alpibus Italiae montibus scripsit auctoritate Parthenij Phocensis. Vtrunque scriptorem ratio temporum, quibus sua monumenta elucubrarunt, à mendacij suspitione excusat, quandoquidem septuaginta circiter annos prius Clodouæus, qui *Clodouæus.*
 & Ludouicus, Romanis ius & clauum imperij Gallici extorserat, suæq. illud genti asseruerat. Primus ergò metatoris munus ac personam induam ego, (bona eorum pace, qui hæreditarium nomen absque re, procul à suorum genitorum natalibus terris disiuncti, obtinent) & quod in agris limitandis sit, isti genti populos am terminos & in quadrum confines, ceu augurali lituo, definiam, qui vicem præstent terminalium lapidum, quos inter positi Franci sedes suas habuerint: qua ratione futurum confido, vt secundum tabulas nostras lis detur. Neque propterea exarsuros iracundia aut stomacho Germanos, præsertim Francones, (quorum nosse interest, se non parentes esse, sed ἀπογόνους gentis istius vietricis) existimo, si veritatis studio ductus, genituræ gloriam non propriam ipsis, tanquam Palladium ereptum veniam. Certa itaq. coniectura auguror Francos insedisse, *Francorum ditionis magnitudo.*
 quâquâ nunc auditur Transsalanum nomē, quicquid terrarum Tencteri, Tubātes, Cauci, Bructeri, quos nunc Zutphanos, Drentenos, Tuentenos, Embdanos, Bremenses, Osnabrugenses, Monasterienses nominamus cum Benthemmo Linganoq. Comitatus, ad Oceanum vsque Cimbricum possederunt. Atque istud non Aiæ clypeo, non Vulcania Achillis panoplia, non Mineruæ ægide, sed nuda veritatis armatura instructus, obtinere contendam, nimirum manifestis argumentis & locupletibus scriptorum testimonij seuicturus, deinde & genitiua locorum conditione confirmaturus. Liuiani denique auguris more, ab oriente ad occasum regiones determinaturus, quam ad partem vbi peruentum fuerit, illinc Abotritos & Saxones, hinc Salam fluium, Rhenūmve, quem accessione tertiæ vocalis Isalam hoc

lam hoc seculo nominari dixi, collocabo, quibus Franco-
rum ditio finiebatur: rursus dextra læuaque, hinc Sicam-
bros, illinc Frisios & Chaucos confines statuam. Nunc quo
dictis hætenus non arbitraria, sed certa fides adstruatur, do-
cumenta dabimus, testibusque non proiectæ dubiæve au-
toritatis scriptoribus sententiam nostram cōfirmabimus.

*Abotriti po-
puli.*

Procopij locus.

De Abotritis primo dicendum, quos Germanis, hoc est,
Francis finitimos clarè ostēdit Procopius, perperam Arbo-
ricos nominans, interpretis, vt arbitror, vitio. Hi Romanis
stipendia faciebant, eorum fœderati, quos tractum ad Al-
bim habitasse Regino satis ostendit, à Francis hostiliter assi-
duis incursionibus & agrorum populationibus diu vexatos.
Sed quum pristinæ virtutis decus sustinendo, debitam Ro-
manis fidem pertinaciùs illi tuerentur, Franci nihil profice-
re se videntes, societatem cum illis ac mutua connubia pa-
cifici cœperunt, non abnuentibus conditionem Abotritis,
vnde factū est vt coagmentata pace diuersi populi in vnum
coaliti maximas vires acquisierint, vt ex Procopio discas.
Itaque quum fideli eorum in expeditionibus operâ vsus
fuisset Carolus Magnus contra hostes, præsertim Saxones,
pagos & sedes Transalbianorū Saxonum (quos cum omni
ætate & sexu in Franciam emigrare compulerat, quorum
ego reliquias Sassemo pago Hollandiæ nomen dedisse pu-
to, quasi Saxonum domicilio) vacuas, Abotritis ille condo-
nauit, vt Regino dicit. Ex quo non suspicio oriri modò, sed
etiam pro documento stabiliri potest Abotritos cis Albim
principio habitasse, postea transito amne, communis hostis
agros, liberalitate Principis pro nauata operâ concessos in-
ualisse ac possedisse: vel certè ad vtramque fluminis ripam
agros, ædificia, vicosque habuisse, (quemadmodum de Me-
napijs testatur Cæsar) ac vicinorum Saxonum vacuis aruis
possessionibusque, virtutis præmijs, ab Imper. donatos:
Quod ipsum haud scio an obseruatum perpensumq. fue-
rit à Peucero, qui Abotritos Transalbianos facit, ac Mega-
loburgensem ducatum insedisse autumat. Equidè vt opi-

*Sassemo, pa-
go Hollandiæ.*

*Peucerus la-
psum.*

nionem.

nionem docti viri conuellere prorsus inciuile duxerim, ita verisimilius crediderim Luneburgenses fuisse, ijsque propinquos, aut si vtriusque ripæ possessionem illis permittamus, Megaloburgios ipsis coniungemus Saxonibus conterminos. Abotritorum meminit & Emhardus Caroli Magni à manibus, in eius vita, scribens eos iam olim Francis fuisse confœderatos, Sclauisque siue Welatabis australe Codani sinus littus tenentibus vicinos. Quod verò conterminos habuerint Saxonas, declarant Ammiani verba ex vicefimo septimo libro. *Gallicanos, inquit, tractus Franci & Saxones iisdem confines, quo quisque erumpere potuit terra vel mari, pradis acerbis incendijsq; & captiuorum funeribus violabant.* Fuere autè Saxones duplices, & Cisalbiani & Transalbiani. Illi à Cimbrico littore ad Lippiam amnem vsque latè Albim prætexuisse, iam tum Caroli Magni tempestate, quando Cheruscorum fortasse nomen abolitum, occupatis per Saxonum incursiones illorum finibus, in obliuionem abierat, inter Albim & Visurgin interiecti, Reginonis verbis deprehenduntur, quæ sic habet: *Totam inter Albim & Wiseram Saxoniam depopulando peragrauit.* & rursus, *Saxones qui ultra Wiseram commorabantur.* Alibi idem auctor eos secum vniuersa gente in fidem & clientelam Caroli ad Lippiam in patrijs sedibus permisisse scribit. Huc spectat quod Emhardus ait Saxonix latitudinem duplam esse ad eam quæ à Francisteneatur, parū dissentiens à verbis D. Hieronymi paullo antè citatis, quæ validam magis, quàm latam Francorum gentem loquuntur. At Transalbianos Saxonas, qui Cimbricæ costam cõtinenti adnexam tenere genitalem sedem, (qui etiam Nordluidi, hoc est, Boreales populi, in manuscripto fideliter Reginonis codice purè nominatur, pro Nordlindis & Nordiuelis, vt impressi libri perperam præferunt) ditionē latè extendisse à Slesuico incipientem, Lubecam versus, idem scriptor ostendit, vbi memorat Gotefridum Danorum regem cum omni equitatu venisse ad locum qui *Slesdorf*. (pro qua voce mangones isti

Abotriti qui?

Saxones Frācis cõttermini.

Saxones duplices.

Reginonis codex repurgatur.

Gotefridus rex Danorū.

*Reginonis al-
ter locus emē-
datus.*

*Regin. tertius
locus restitu-
tus.*

*Saxones op-
pressi.*

*Brati Rhena-
ni error.*

nes isti librorum substituerunt *Schlieswich* / non animadu-
uertētes se pro *Slia* amnis pago, vicum illius reponere) vo-
cetur, in confinio regni sui & Saxoniae. Hunc ego locum
fuisse autumo, quem Goteфридus rex, vt regni limitem,
vallo intersepire constituerat, producto à sinu Codano (qui
Hostarsal, quasi *Dostersee*/siue orientale pelagus, nō autem
Hofarsalet, nominabatur) ad mare vsque Cimbricum, ita
vt tanto interuallo vnica solū porta, quasi decumana,
commeatui equitum pariter & vehiculorum reliqua esset:
Cuius in eo Ducatu munimenti valliūque perpetui calcator
ego fui, nedum contemplator, quando isthic de equo de-
scendens, operis insani amplitudinem, Iulianae moli atque
indagini, qua Pompeium in Thessalia voluit circumdare,
non absimilem ante septennium proximum, demiratus
sum. Hanc Saxonum viciniam tetigit Orosius, vbi Saxonas
in Oceani littoribus inuisque paludibus sitos, periculosam
Romanis finibus eruptionem magna belli mole parantes,
in ipsis Francorum terris oppressos à Valentiniano scribit.
Abbas Vrspergensis in Chronicis scripto mādauit, Saxones
quum Carolum Magnū in Hispania abesse cognouissent,
nec Rhenum transire potuissent, quicquid à Tuitio ciuita-
te vsque ad Mosellam fluuium vicorum villarūque fuit,
ferro & igni depopulatos esse. Nullum discrimen sexus aut
ætatis ira hostis fecerat, vt liquidò appareret vlciscendi se
gratiā Francorum terminos introisse. Ostendit hic scriptor
viciniam cum Francis Saxonū, per quorum fines compen-
dium itineris in Galliā transito Rheno poposcerāt: id quod
per Francos negatū fuit, quòd eiusmodi transitus sine male-
ficio fieri non solet. Quo loco turpis error, ac propterea si-
lento nō prætereundus, Rhenanū transuersum agit, qui iu-
bet pro Mosella (tanta est auctoritatis cōfidentia) scribi Sa-
lam: neq. animaduertit è Saxonum terris Albi Lippiæque
vicinis in Francorum ditiones, quæ ad Mosellam vsq. per-
tingebant, armatis ferro viam patuisse, intactis veteribus
Francorum sedibus, neque tentato per Rhenum transitu.

Purat

Putat autē sensu planè lymphato, transmittendū esse Rhenum necessariò illi, qui è Saxonia Mosellam accedere velit. Sed bonaviri pace, gens illa circumuecta, vitatis extremis Francorum finibus, Vbios (quorum nunc regio Marchiæ Vbi qui? ducatus nomine Cliuensem Principem agnoscit) aggressa, Francis tunc subiectos, hostiliter depopulabatur, & quicquid vltra Rhenum Diuitense munimentum inter & Mosellam agrorum interiacet, ferro flammisq̃ue vastabat, haud ignara terras Francorum per se validas, absente procul Carolo Magno, præsidijs insuper confirmatas, sicq̃ue vltā repulsam acceptam penetrauit ad ripam vsque Mosellæ obiectam. Quia verò Saxonas pariter & Francos piraticam Franci & Saxones littorales & piratae. exercendo infesta maria habuisse Ammiani Orosijq̃. verbis paullo antè adscriptis edocti fuimus, necessariò statuendum nobis est littoralem & maritimam fuisse vtramque gentem. De Saxonibus docet hoc Apollinaris clarè ad Lampridium scribens,

Istic Saxona cœrulum videmus

Assuetum antè salo, solum timere.

Eosdem etiam piratas vocat, inagnoq̃ue vel temeritatis vitæq̃ue projectionis, vel fiduciæ in rebus marinis argumēto, coriaceis lembis vsos fuisse in nauigando Oceano: nimirum mortis periculo in mortem ruentes, scribit,

Quin & Arëmericus piratam Saxona tractus

Sperabat; cui pelle salum sulcare Britannum

Ludus, & assuto glaucum mare findere lembo.

Quod ipsum de Britannis commemorat Plinius, vitilibus nauigijs corio circumfutis eos nauigare scribens. Memini annis abhinc paucis idem facinus prospero successu tentatum ab affinitate mihi coniuncto Hornano, hic obiter memorandum, quo fides miraculi facilior sit. Is namque oraria cymbula quaternis tignorū segmentis constante, ac tribus tergoribus depsitis circumdata, cui portandæ solus sufficiebat, è Batauo sinu Oceanū Septentrionale Dantiscum vsque in Vistulam Sarmatiæ amnem enauigauit, stupentibus &

bus & ad miraculum audaciae fama praeſentia divulgatae paſſim ſe effundentibus in littus populis . Redeo à diuerticulo ad propoſitū . Innuit hoc idem Claudianus poëta apud quē Roma victrix gloriatur , quòd domito Saxone Tethys ſit mitior . Quin & Pacatus Drepanus conſumpti nauali bello Saxonis gloriam Theodoſio Imp. gratulatur . Eutropius etiam Saxonas & Francos mare coniunctis viribus inſeſtaſſe teſtatur, quorum retundendis inſultibus pacandoq. mari Carauſum quendam à Diocletiano fuiſſe præfectum ſcribit . Eorundem pandos myoparones quibus Gallica littora incurſabant, dum memorat Sidonius , fidem facit maritimos fuiſſe . Opportuniſſimus verò terrarum ſitus ad littus & in paludibus inuijs, quod ſuperiùs Oroſij verbis reddidi, Saxonas ad piraticam inuiſſe videtur , tam Citalbianos, quibus per amplū Albis alueum in mare fuit acceſſus, quàm Tranſalbianos , quos crediderim illum voluiſſe depingere ac veluti indice commonſtrare , qui Diëtmarſiam hodie diëtā incolunt, eam quæ paludium beneficio innixa ſemper obſequium Daniæ Regum reſpuit , ſuperioribus annis iugum admittere coacta . Quid quòd & Stephanus Ethnographus Saxonas in Cimbrica Cherſoneſo collocat, in cuius còdicibus deprauatè legitur *κεβρινή* pro *κιβρινή* . Iam quòd Franci littorea quoque gens fuerit, è Panegyriſtæ verbis clarum ſit , qui Conſtantio Imp. eam laudem attribuit, quòd Francos à proprij ſex origine ſuis ſedibus, atque ab vltimis Barbariæ littoribus auulſos, in deſertas Galliæ regiones tranſtulerit . Vbi per vltima Barbariæ littora videtur designare auctor oras non Halorum modò Worſtorumq. ad extremum nunc Albim diëtā , ſed & Embdanæ gentis Friſtorumq. littora , licet obiectis inſinitis inſulis lacera . Accedunt Ammiani verba antea citata, quæ mari potuiſſe illos erumpere docent, vt in dubium iſtud vocari non poſſit . Mamertinus quoque bellis piraticis inſeſtos Francos à Diocletiano ſubactos oppreſſosq. prædicat . Haſtenus declaratum ſatis arbitror Francos Abotritis & Saxonibus Al-

bim

Diëtmarſia:

Stephanus
emendatus.

bim versus ad orientem confines fuisse, & maritimos. Quòd deinde versus cadentem solem, Rheni ripa velut cardine diuisos habuerint fines, id liquidò discas ex Agathia, cuius in primo hæc sunt verba. Nam circa Rhenum Franci habitant, huicque adiacentes incolunt terras. Quod certo certius est, quandoquidè Rheni brachium à Drulo fossum & in Salam amnem corriuatum apud Drusoburgum, Rhenus quū sit, adoptiuo tamen nomine decurrit in Oceanum, ripaque dextra Trāsalsalanam ditionē, veræ Franciæ initium, alluit, vt Strabonis ac Taciti auctoritate clarissimè docuimus. Nunc reliquorum populorum confinia detexamus, sumpto à Sicambris exordio, qui secundum Rhenum siti

Franci ab occidente Rheno alluebantur.

Sicambri.

Ante ducem nostrum flauam sparsere Sicambri

Cæsariem, pauidog, orantes murmure Franci.

Hic verò ita canit,

Detonsus Vahalin bibat Sicamber.

Ad quæ penitiùs intelligenda animo recolere oportet, morem Francorum genti peculiarem, quo capillitium circumtondebant, solis intonsis Regibus: & alterū, quo victi quum in hostium manibus essent, comam alebant & promissam spargebant, succrescentemque capillum ac nouum in ceruicem reiciebant, vt Apollinaris alicubi scribit, luctus argumento: vnde colligi potest Sicambros Francis paruissè, quando in illorum mores transierint. Testatur istud tacitè alio loco Sidonius, vbi Consentij laudes legationibus obitis inelyti plenius ebullit.

Frincorum mos.

Tu Vidrum, Vahalin, Visurgin, Albim,

*Francorum & penitissimas paludes
Intrares, venerantibus Sicambriis,
Solis moribus inter arma tutus.*

Vbi innuit Consentium propter spectatæ virtutis, morum-
que integritatis famam posse tuto peruadere hostiles Fran-
corum terras, ipsis lubentibus volentibusque. ac Sicambros
quidem pro Francis vsurpat, vt pro iisdem Caucos accepit
Claudianus, & ante eum Lucanus, non tantum quia con-
termini & simili solo vrentes, vnde & paludosi à Propertio
dicuntur, sed quod gentiles ac *ὁμοθυμῆς* fuerint: quod spectat
quod etiam attigisse mare Sicambri legantur, id quod fal-
sum est, nisi cum Francis poëticæ libertatis lege confunde-
rentur, qui vno totius gentis nomine Germani coniuncti
erant. Momentum huc addere non leue possunt Remigij
Archiepiscopi verba, quæ in Remorum ciuitate in marmo-
re insculpta extitisse refert Spanheimius Abbas, quibus
Clodoueam (vetusti libri Chlodeuechum scribunt, quem
ratione recta melius Ludouicum dicemus, quod Franco-
rum lingua durior asperiorque Ch loco solius, l, pronun-
ciando efferebat) Francorum Regem à se lauacro salutari
tingendum sic allocutus fertur, facundo ore (vt liber de re-
bus gestis Francorum incerto auctore scriptus loquitur:)
Mitis depone colla Sicamber. Constat præterea è Panegyri-
stis Constantini principatu Francos aucta in immentum
stirpe Sicambrorum terras inundasse atque occupauisse: ita
vt de vicinia minus, quàm de nominis transitione atq. vsu-
capione dubitandum videatur. Quod præterea Frisij Fran-
corum accolæ fuerint, ambiguum non est, quippe qui se-
cundum littus septentrionale, quemadmodum & Cauri,
terras illorum claudabant, vt ex Taciti libello de Germania
supra annotatum est: nisi quis non absurda ratione illos in
eandem gentem & re & nomine transisse velit: siquidem
ex eodem vocabuli etymo libertatis amorem spirante &
Frisij & Franci appellationem traxisse videtur. Adde quod
Franci nominis vestigium residet in Franico oppido, siue, vt

*Frisij Francis
confines.*

alij;

alij volunt, Francico. Beatus Rhenanus qui Germaniæ rebus multum lucis primus attulit, non diffitetur Frisijs fuisse conterminos Francos. Imò suspicio est mihi Frisiam Francici iuris postea fuisse, ac propter Francici generis cognationem à Regibus illorum, ut aquilam insigne clypeis suis nobilitas adijceret, concessum. Frisijs adhærentes Caucos minores, qui Embdani sunt & Oldenburgenses, item maiores, qui Bremensem episcopatum incolunt, Francis fuisse conterminos à Boreali plaga, præter Tacitum, testantur Claudiani poetæ versus, quibus Stiliconi adulabundus immeritas laudes attribuit, illique acceptum ferri debere canit,

Cauci Francis contermini.

*Quod iam trans fluvium non indignante Cayco
Pascat Belga pecus, mediumq; ingressa per Albin
Gallica Francorum montes armenta pererrent.*

Ex quo liquet medias inter Rhenû & Caucos Francorum terras iacere, ad quas exteris patere nunc accessum indicat, beneficio pacis Stiliconis artibus procuratæ. Præter hæc documenta, quæ ad faciendam dictis fidem, & tuendam promissi nostri rationem satis esse possent, accedit nativum soli, quod incoluere Franci, ingenium, quod frequentibus paludibus abundasse Procopius testatur, & Apollinaris eo versu, Francorum penitissimas paludes: neque diffitetur Claudianus illo versu,

Francorû solum paludibus abundat.

Germanorumq; paludes Erutis.

Accedit indubitata Cornelij Taciti lib. xx. auctoritas commemorantis, ea de causa Germanos Galliam irrupisse, ut paludes suas & solitudines fœcundo Gallici soli vberem commutarent. De iisdem paludibus sensit Tacitus, ubi queritur Romanum exercitum, quem aduersus Arminium ductabat Germanicus Cæsar, contritum fuisse à barbaris in paludes vincentibus gnatas, nescijs iniquas: Idem, veluti seipsum explicans, eadem loca profunda vligine limosa, grauique cœno tenacia appellat. Neque alio consilio commotum fuisse Drusum existimo, quando in Cheruscis exercitum traiecit, quàm ut paludum discrimina vitaret. Idem

auctor Cheruscis inter Germanos extremis consuetæ apud paludes prælia fuisse scribit. Narrat quoque Cæcinnam legatum angustæ tramite inter vastas paludes & profundas vligine, vix cum summo discrimine ereptum fuisse. Propterea Germanicus excusat dictitans, Germanos iuuari siluis & paludibus, iustis locis faciliè superari. Apud eundem Romanus miles hostibus circumfusus exprobrat Germanis quum in prælio caderent, siluas & paludes quibus fiderent, contrà æquis locis æquos deos. Testatur idem ultra Rhenum versus Amisiam flumen vastas paludes, à L. Domitio Ænobarbo fuisse aggeratas angustæ tramite. Eisdem summum obstaculum atque impedimentum attulisse Cæsari Maximino, quo minùs debellatis Germanis solidam reportaret victoriam, Herodiani docet historia. Panegyrici Constantino Constantij filio dicti auctor Frâcos designans, Nationem per fugijs siluarum & paludium, solitam bellum frustrari, appellat. Gregorius quoque Turonensis Sulpitij Alexandri fidem secutus, inter inuias & Romanis inaccesas paludes Francos habitasse commemorat, quarum ut illis per fugia erant tuta ac secunda, ita his exitiosa plerumque, quod voraginibus immersi limoque implicati, permixtis hominum & iumentorum corporibus, ruina suorum interirent. Hanc paludosi soli naturam toto illo tractu inuenias, quem ut olim Franci, ita nunc tenent Transisalani, Cliuenses, Westphali, Embdani, Drentani, Lingij, Bremenenses, Bentheimij, & cum Frisijs Tuenteni, ut extra omnem litis aleam statuendum sit, alias non fuisse genitales Francorum terras. Itaque longè manifestissimis & sole meridiano dilucidioribus argumentis detegitur, imò conuincitur impudens eorum error, qui Franconiam regionem procul à Rheno dissitam, longissimè ab Oceano, imò quæ quid sit Oceanus, penitus ignorat, ac propterea piraticæ nesciam atque alienam, minimè paludotam, diuersissimo positu à Caucis, à Frisijs, Sicambris, Batauis, & veteribus Saxonibus disiunctam, primam parentem & genitalem Francorum sedem consti-

*Franconiam
non esse Fran-
corum geni-
talem sedem.*

constituunt. Neque verò dubium mihi videtur, quin lectis
expensisque accuratè nostris argumentis, doctiores cum ex
hac, tum alijs Germaniæ nationibus viri, palinodiam sint
cantaturi, reuulsisque ab oculis, quibus obsiti caligabant,
pulmunculis, veritatis lucē clariùs sint intuituri, meritam-
que mihi gratiam habituri, posito antiquatæ opinionis præ-
iudicio. Neque, uti confido, obstinatè aut mordicus erro-
rem tuebitur gens illa, quæ fabularū & consutorum men-
daciorum tænijs speciosisque vittis variegata, ingeniosè
astuteque regendos sibi dolos putauit: quæ quum Francos
in paludibus habuisse sedes non nesciret, & Sicambriam à
Francis olim occupatam legendo cognouisset, quo fabulam
suam decorè instrueret, utque augustiora sui initia faceret,
principe atque architecto nugamentorum vsa Hunibaldo,
commenta fuit Francos ad Mæotidem paludem confedis-
se, inde digressos in Pannonia Sicambriam maximam vr-
bem & copiosissimam condidisse, demum in Franconiam
immigrasse: quum nuda rei veritas, deducto commentitiæ
fabulæ velamento, id loquatur: Francos paludosam inco-
luisse regionem, Sicambrorum ditionem inuasisse, inde tra-
iecto Rheno proximas quasque Germaniæ carpsisse, in Tu-
ringiam transisse primò (vbi crinitos super se Reges creauis-
se de prima & nobiliore suorum familia Turonensis falsus
scribit) denique Franconiæ de se nomē indidisse, postremò
Gallias cum nomine occupasse. Hunc in modum perlu-
strato Lynceis mystarum sacrisque operatorum oculis luo,
ob arbusi densitatem tenebroso, aureus se ramus solet pa-
tescere, hoc est, veritas elucere, uti symbolicè Maro poëta
innuit. Cur autem Franci ad cutim resectos habuerint cri-
nes, circumtonsi omnes, quod antea in transcurso attingi,
præterquam Reges (quibus solis intonsis esse gentili more
licebat, reiectis discriminatisque à verticis æquamento ca-
pillis in vtrunq. frontis latus, ut testatur Agathias) liberta-
tis istud, quam nomine præferebant, argumentum fuisse
arbitror, ea fermè ratione, qua libertate donandi serui capil-
litium

*Caroli Franci
diploma.*

*Francorum
gloriosa na-
tio.*

*Francorū lau-
des.*

*Theudericus
Frācus à Ca-
rolo Caluo
Hollandia do-
natus.
Traiectum
Episcop. da-
tum.*

*Franci Reges
quid præstie-
rint.*

*Gallia à Frā-
cis occupata.*

*Franci Hispa-
nia subegerunt.
Saxones à
Francis su-
perati.*

litiū cute tenus detonsum ponebāt. Quò spectat quòd Ca-
rolus Francorum rex Augustus in diplomate , quo liberta-
tem Frisij confert atque emancipat, militiæ operari volen-
tes, circumtonfos supra auriculas summas recisa crinium
silua esse, modò libeat, mandat, quo fidem facere de accepta
libertate queant. Huic victrici & gloriosæ nationi, quæ sæ-
pius armis repulsa, Batauiæ tandē possessionem integram,
per funera & sanguinem emptam obtinuit, idque non vno
seculo, summum beneficium debemus Hollandi, si macu-
lam ingratiitudinis effugiemus, quòd per eam post Deum
Opt. Max. optimis fortissimisque principibus aucti & ornati
fuerimus, quorum è Regia stirpe illustris propago fluxit, ne-
que id mirum, quando aquila non producat degenerem co-
lumbam, vt Flaccus ait: quando Francis optimos mores re-
ligionis sacrosanctæ & Christianæ cultum , sanam opinio-
nem, pietatis studiū, æquitatem, legum reuerentiam , Aga-
thias historicus tribuat, nihilque à Romanis discrepare di-
cat, præter vestitus barbaricæ, & natiuæ linguæ sonū: quan-
do Carolus Caluus Francus Theudericum auito sanguine
Francum nobis præfecerit , liberali manu & caussa dona-
tum Hollandiæ principatū : quando priores Reges singula-
ri promouendæ pietatis studio & ardore , Traiectensem vr-
bem cū ampla ditione sanctis viris obtulerint, qui rudibus
animis Christum & puræ religionis semina depangerent.
Francorum Regum legibus & operâ res Germaniæ ingenti
incremento auctæ fuerunt, & ab intestinis bellorum (qui-
bus se mutuis concidebant) malis defensæ. Francorum vi-
ctricibus armis & præstanti virtute perdomitæ fuerunt
Galliæ & à Gothis assertæ , quæ toties Germanorum fan-
guine fuerant incassum appetitæ, quarum pars minima in
hunc vsque diem ad immortalitatem memoriæ glorioso
Franciæ nomine superbit. Franci Hispaniam ab Aral una
Scenitarum (qui Saraceni dicuntur) impura gente inessam
subegere. Franci insuperabilem bellis Saxonum gentem &
Romano nomini formidabilē fregerunt, reposita odij vice,
ac Dei

ac Dei cultum puramque religionem, abolitis simulacris, suscipere coegerunt. Francorum indomita virtuti cessit Italia rerum domina & gentium omnium victrix, quam non Hannibal Africae totius opibus fultus, non Antiochus Asiae terror, non Pyrrhus Alexandri Magni æmulus, non Persarum fastus debellare potuerant aut de gradu deicere. Itaque non verè minùs quàm falsè ad legatos Romanos dixisse memoratur Fridericus Imper. cognomento Ahenobarbus, se Romanum imperium, maiorum suorum Francorum sanguine comparatù, haud precarium, obnixè tutaturum. Francorum genti non dispar Equo Troiano fortuna attribuitur. nam ut ille præstantissimos duces in alui latebris absconditos effudit: ita hæc nobilitate altissima præstantes familias, lætissimam quandam segetem extulit, & quaqua- uersum dispersit, ita ut vniuersæ penè Europæ nobilitas non alijs è stolonibus pullularit. Principum nostrorù stemmata atque insignia, ortum suæ stirpis (vetus enim est, scuta virtutis testimonia & argumèta præferre) facile loquuntur. Leo namque (quem Hollandia in aureo solo rubeum ostentat, cum exerta lingua cyanei coloris) Francorum Regum fuisse insigne ab Hunibaldo traditur. Singulæ enim gentes varia in signis suis & clypeis decora expressere: ita Cimbri taurum pro insigni habuerunt, Gothi vrsum, Alani canem, Troiani scropham vel suem, quod animal etiam Troia vulgo Latinorum vocatum fuisse Messala Corvinus testatur, vnde & Troianæ vrbs memoriæ sacrauisse illud insigne. Antenor dicitur in aureo vexillo: Rursus Persæ sagittarium, Thraces Martem, Scythæ fulmen, Tantalus aquilam, pro insignibus gessere. At tu Transisalana gloriare isto lumine, quod primus ego tibi aperui demonstrator auitæ laudis, atque hac immortalis gloriæ prædicatione te efferto, apud te repertos esse fontes & natales præpotentis & inclytæ Francorum gentis, vestram esse genitalem Imperatorum maximorum & Regum tellurem, ut meritò tibi de suo iure decedere debeat Creta Iouis gloriosa cunabulis, & Hercu-

*Italia Francis
Julietia.*

*Friderici
Ahenobarbi
dictum.*

*Equi Troiani
similes Fran-
ci.*

*Hollandia Co-
mitu insignia.*

*Gentium in-
signia.*

*Apostrophe ad
Transisalanam
regionem.*

Frāci Anſua-
rij & Salij.

lis ortu ſuperbæ Thebæ: Veſtram eſſe legum, quæ vobis & pietari poſitæ fuerunt, officinam. Francorum genus, ne quis ſcrupuloſè ſectam in partes diuiſionem à me expectet, ge-
minum apud ſcriptores inuenio, Anſuarios & Salios. Mar-
cellinus libro viceſimo ſcribit Anſuarios, ſiue (quæ apud Tacitū extat lectio) Anſibarios trāſmiſſo Rheno extimam Galliarum oram inquietāſſe. *Regionem, inquit, ſubito per-
uaſit Francorum, quos Anſuarios vocant, inquietorum ho-
minum, licentiùs etiam tum percuſantium extima Gallia-
rum.* Eoſdē nihil hoſtile metuentes, quòd nullum vnquam Principem ob impeditas viarum ſalebras ad ſuos pagos penetraſſe meminerant, à Iuliano mira celeritate dicit op-
preſſos. Quo in loco prior editio ſcripturam Anſuarios ma-
gis mihi approbat, quàm poſterior, quæ Attuarios habet: quanquam & Attuarios alibi apud eūdem lego, vbi refert, Petulantes (gentis nomen aut legionis eſt) & Celtas irrito precum molimine obſecraſſe Iulianum, iam militari accla-
matione Auguſtum renunciatum, pro Attuarijs, vt mitte-
rentur ad occupandas prouincias, quas ipſi viſum eſſet: quo in loco vulgata exemplaria vitioſè ſcribunt, pro actuarijs. Eoſdem eſſe arbitror cum hiſ qui à Strabone libro 7. Chat-
tuarij vocantur, ſiue corrupta librariorum vitio ſcripturæ fide, ſiue Geographum Germaniæ populorum nomina Græciſ auribus auia, procliuiorem in errorem induxerunt. vtcun-
que ſit, dabunt id mihi doctiores quibus Græcum exemplar Strabonis ad manum eſt, mendis illud ſcatere, quando λυγίς malè pro λυγίς ſcriptum illiſ ſit, Lygiorum autē nomen latiſſimè patuit, teſte Tacito: rursus γαμβρίσσι legendum illiſ eſt loco γαμβριένιοι, & χαμαίοι pro χεῦβοι: aliaque id genus plura errata in eo auctore lector deprehen-
det oculatio: hæc me mouit ratio cur etiam ἀτταέριοι ex-
trita X. litera legere malim: Sed vt momenti parui iſtud eſt, ita illud aliquanto maioris, Anſibarios inter Palatina auxilia cenſos fuiſſe olim, & quum agros vacuos prope Rheni ripam occupaſſent, quibus iuſſi fuerant decedere

Frifiſj,

Marcellini lo-
cum.

Attuarij.

Strabonis co-
dex Gr. emē-
datus.

Anſuarij
qui?

Frifij, quum obftinatus præfecti Romani rigor idem illis quoque denegaffet, retrò conceffiffe ad Vſipios & Tubantes. Neque poſſum accedere illius ſententiæ nimis præcipiti, qui cum Angriuarijs (qui inter Veſtphalos populus fuit) Anſuarios confundit. Hos ego non abſurda coniectura Da-
 uenturios, vel certè finitimos illis libenter facerem, quòd videantur mihi ab *Anſis*, quo vocabulo proceres & heroës
 denotari monui, dicti eſſe, quod nomen illorum ciuitas non abnuit, *Anſen ſtadt*/ id eſt, Anſuariorum ciuitas nominari ſe publicis ſcriptis paſſa. Quòd ſi Attuariorum ſcripturam potiùs admittemus, recepta nunc Dauentuariorum appellatio primæ gentis nomenclationi atteſtabitur. Quid enim ortui ſuo viciniuſ. in tanto ſeculorum decurſu, & linguæ ſemper degenerantis ac ſe vulgato uſui accommodantis mutatione ſeruari potuit, quàm quòd ex articulo, De, &, Attuarij, in coagulo vocis liqueſcente vocali vna cum altera, D'attuarij nuncupati fuerint, qui nunc Dauentuarij vocantur? nam qui obſoleta ratione vulgarem pronunciationis formam ſequentes, à fortuna, quæ populariter Auentura audit, nominis auſpiciuſ trahunt, fabulam inceptare mihi videntur. Alterum Francorum genus ſunt Salij,
 quos nō à Salis riuo Sala, qui Turingos à Sorabis dirimit, in Albim ſe effundens, quod quidam exiſtimant, ſed vel à Sala
 altero Rheni brachio, quem Iſalam nominari nunc admonui, cuius accolæ fuere, vel à ſaltu & agilitate pedum nomen fortitos arbitror: quod poſtremum ſecutus videtur Sidoniuſ illis verſibus, quibus peculiareſ ſingularum gentium dotes complexuſ eſt:

Curſu Heruluſ, iaculiſ Huniuſ, Francuſq; natatuſ,

Sauromateſ clypeo, Saliuſ pede, ſalce Gelonuſ.

Hinc eſt quòd alio loco tribuit illiſ eam pernecitatẽ, quæ vel haſtas emiſſaſ præuerterent, quando ait, etymon gentiſ ſimul aperiens, *Clypeoſq; rotare*

Luduſ, & intortuſ præcedere ſaltibuſ haſtaſ,

Inq; hoſtem veniſſe priuſ.

Hos ego ad Suollos ciuitatem Transifalanan sedes habuisse autumo, nominis memoriam conseruante ac posteritatis auribus commendante ditioe Salandia, pabuli læta soli que herbidi laude famosa : non sonat autẽ Salandia aliud, quàm Saliorum regionem, quæ vrbi circumiecta peculiarem habet quæstorem tribunumve ærarium. Tuetur nominis ius etiam Salicū pagus, qui fluminis eluuioue vnâ cum Camporum vrbe ripam mutauit, è Transifalano Cififalanus factus. Proinde isti qui à Turingico Sala, cuius in ripis confederint Salij, appellationem traxisse dicunt, Luciani veris narrationibus non absona narrant. Saliorum à nomine non multum abludit Oudefalia, quasi vetus Salia, in Tubantibus vicinum oppidum. Meminit nominatim Saliorum Claudianus, ad Rhenum sedes eorum manifestè indicans.

—— *Rhenumq; minacem*

Cornibus infractis adeò mitescere cogis,

Vt Salius iam rura colat, flexosq; Sicambri

In falcem curuent gladios, geminasq; viator

Quum videat ripas, quæ sit Romana requirat.

Ostendit hîc Salios Rhenum accollere, Sicambris vicinum, alueumque Rheni alterum à Vahali, qui Romanam Gallicamve ripam finiebat, diuersum, sed propter altam pacem tunc securum viatoribus, tenuisse. Ex quo manifestus error Ioannis Poldi detegitur, qui Salios Narbonensis Galliæ populos à l'entour d'Aix (vt eius verba vernacula adscribam) somniat. Marcellinus lib. xvii. refert Iulianum Cæs. adortum fuisse improuisos Salios in Romano solo apud Toxandriam (quæ Campaniæ in Brabantia pars est) habitacula figere licentius ausos, eosque in deditioem accepisse. Idem commemorat Salios inquietasse Iuliani temporibus regionem quæ ad siluam Arduennam vergebat, quos hîc adortus, ceu fulminis turbo (inquit) perculit. Ea regio creditur fuisse Eburonum, nunc Leodiensis tractus, ac fortasse ab his Salijs Frâcis, arcis Francimonti inter Eburones non ignobili à se conditæ & appellatæ nomen mansit. Salios Francos postquam

Salandia, ditio.

Salicum, pagus.

Francimontium, arx.

postquam in Romanorum leges fuere recepti, etiam inter Palatina auxilia censos fuisse, similiter ut Ansuarios, in vetustis tabulis legas. Ab hac gente Conradus secundus Imp. cognomen Salici traxit, quod ad Francos veteres originem referret. Hinc Salicarum legum fluxere natales, quas Varamundus (qui primus Francorum in gente titulum Regium sumpsit circiter decimum principatus Honorij annum) tulisse perhibetur, & ope quatuor Regni procerum sanxisse, quorum nomina Sigibertus, Cuspinianus & alij ista produnt: Wisogastum, Losogastum, Husogastum, & Sologastum, quos ego philosophos & sapientes, à scientia rerum, & ingenij perspicientia Gastos dictos existimo, quasi Catones quosdam & excellentis spiritus viros, qui è singulis fortè ordinibus ab ipso Varamundo delecti fuere, ut in commune toti Francorum reipub. salubriter consularent. Videtur autem rectè & sapienter Princeps ille instituisse gubernandi regni officinam, quamvis barbarus, nō infelicius fortassè quàm personatus ille Xenophonticus, per quaterna consultorum genera, in quibus Wisogastus prudentis & cordati consultoris, Losogastus cati & astuti significationem præferunt, ut Husogastus nō tam œconomi, quàm eius qui vsum domesticum & consuetudinem percalleet, ac priuatorum hominum rationibus consulere possit: denique Sologastus aut potius Slogastus (sic enim in vetustis codicibus manuscriptis exaratum nomen repperi) rerum proletariarum & ad infimæ etiam fortis plebeculam pertinentium curiosum notare videtur. Decet autem eum qui ad reipub. clauum assidet Principem eos sibi adhibere consultores, qui excusso exploratoque consilio prudenter omnium rebus communiter consulant. Neque satisfacit mihi Homericus Agamemnon, qui decem Nestoras, hoc est, cordatos longoque rerum usu exercitos senes optauit: neque Darius, qui totidem Zopyros, qui simulatione & astu officiategere, hostem fallere, aut publicam rem cum alieno detrimento augere norant. Nam qui cum laude Principis personam in

Conradus Salicus.

Salice leges unde?

Varamundus rex primus Francorum.

Gasti qui fuerint?

Wisogastus qui?

Losogastus.

Husogastus qui?

Slogastus.

Principis munus.

republice tuebitur, is non tantum suarum regniq. rerum quavis tandem ratione parto incremento attendet, verum etiam civium & subditorum, etiam minimorum rationes & negotia sedulo procurabit, cum Cyro, qui in illorum opibus suas potissimum fitas existimabat. Redeo ad rem unde digressus eram. Barbara ista, sed non otiosa nomina aliter scribit Tritemius Humbaldi somnijs insistent, & à Salagasto summo Iouis, si dijs placet, pontifice, legem Salicam nomen accepisse fabulatur, & constructam ab eo in Marni ripa villam, in oppidum, quod hoc tempore extat celebre, Seletstadium muratam: cuius sententiam ferè ex professo sequitur Otho Frisingensis, nisi quod Francorum nobilissimos Salicos vocari, hisque vti legibus addit. Rursus Windegastum nominis sui vicum in Francia orientali constituisse Windeheimum dictum. Quod si ad hunc modum nugæ iuuet inquirere, quin canobium archetypum Windeheimum apud Transilanos in genitalibus Francorum terris, ad istum, si ita placet, auctorem referimus? Tertium nominat Wefogastum Dianæ antistitem ineptus nugator, qui nesciuit Fracos vero Dei cultui operatos & à lacte nutritos. quartum Bosogastum, quæ vox sonat malignum ingenium, siue spiritum, quod à consultore alienum esse debet, qui publicæ salutis consulat. Sed ista scopis dissolutis laxiora valeant longum. Redeamus ad ipsam rem, & quid de lege Salica ariolati fuerint alij, senserint vè recenseamus. Legem Salicam (inquit Pyrrhus) constat Pharamundum, accitis prius proceribus, nec citra maturum consilium tulisse, ut ab optimis legibus sanctissima regni auspicia cœptaret: quâ vel à sale rectaq. ratione, vel à Salica terra, vel à Salijs sacerdotibus, id est, à generosis sapientibusque viris conditam, vel vndeunque libet Salicam veteres & nos nominamus. Ioannes Ferrarius Montanus, vir insigniter doctus, refutans istud commentum, à Pharamundi Salici, qui auctor legis fuerit, nomine, quem maiores Salicum cognomento dixerant, appellatam putat, sed erroris manifestus. Turpius impegit

Fran.

Salagastus.

Windegastus.

Bosogastus.

Salica legis
etymon exami-
natur.

Franciscus Connanus, qui Salios Gallos exponit his verbis. *Connani error.*
 Nulla gens minùs passa est fœminarum imperium, quum
 lex Saliorum, id est, Gallorum eas successione regni exclu-
 dat. Salicas terras vocari solere propria Principum libera
 prædia atque immunia, Beatus Rhenanus annotat: quòd
 Franci postquam latè imperium auxerant, nobilitati & ve-
 teranis militibus agros assignarint immunes penitus & ab
 omni seruitute liberos. Ludouicus Schradinus terras Sali-
 cas à Iureconsultis dici ait (vt refert Spiegelius) quæ solius *Salica terra.*
 sint Regis, & à lege allodij distent, qua subditi comprehen-
 duntur, quibus beneficio istius legis datur liberum rei ali-
 cuius dominium, nò exclusa Principis maiestate. Cum quo
 sentit & Carolus Molinæus Iureconsultus alioqui non pœ-
 nitendus, Salicam terram interpretans fiscalem & regiam,
 hoc est, dominium coronæ & maiestatis regiæ Francorum.
 Paulus Volzius etiam vlteriùs extendēs Salicæ vocis vsum,
 non legem modò Salicam, hoc est, liberam, sed & ter- *Salicus pro li-
bero.*
 ram Salicam & Comitem Salicum, id est, liberû, qui vulgo
Freiſherr dicatur, nominat. Hinc satis cõstare potest, quàm
 se torserint in explicanda vocabuli istius origine docti ho-
 mines, quod à Salijs Francis simpliciter dictum fuit. Huius *Salica legis
caput.*
 legis caput excludit mulieres à successione regni, & secun-
 dum leguleos nonnullos etiam hæredijs: quam apud Sali-
 cum pagum, Campis non procul distantem, in vfu etiam-
 num esse, iuuenis & legum cognitione & nobilitate nata-
 lium clarus mihi rettulit ipse indigena loci. certè Agathias
 filios ad regni susceptionem patria apud Francos lege voca-
 ri testatur. Bodinus, vir me hercle doctissimus, in dubio esse *Bodini sen-
tentia.*
 ait, latæne lex illa fuerit, nec ne: putatque eam solùm de re-
 gni successione fœminis adimenda, vel certè non permit-
 tenda sentire, reprehensis in hoc Baldo & Iurisperitorum
 plærisque, qui cum imperij maiestate hæreditatis ius in
 prædia atque alia quævis bona confundunt. Gagninus hanc
 legem inculcat, Nulla hæreditatis portio de lege Salica ad
 mulierem venito. Ipsissima verò verba hæc esse volunt, In
 terra

terra Salica mulieres ne succedant. Extat apud Gallos libellus titulum de lege Salica præferens, sed qui legis ipsum caput, de quo agit, omittit. Hæc discrepationē ac controuersiam magnam commouit inter nostros & Gallos superioribus annis, ob Burgundiæ principatum, magnaque contentione, sed quæ in irritum cecidit omnis, agitata fuit, quando edere ac repræsentare legem Galli non potuerant, ut ex legatorum ore inaudisse se testatus est suis literis Antonius Scoonhouius præstare ingenio & eruditione vir. Non possum autem quin aliquot hoc in loco adscribam Francorum leges, è quibus gentis sagacitas & iudicij sanitas educere ac perspicere queat. *Mendici per regiones vagari non permittuntur. Suos pauperes quæque ciuitas alito. Illis, nisi manibus operentur, nullus quidquam dato. Mangones, vagabundi, & Cotiones qui imposturis homines ludunt, coercentur. Facinorosus oculum pro prima culpa perdit, culpam iterans naso truncatur: tertio deprehensus capitalem pœnam luit. Nemo militia, socium suum aut quemlibet alium ad potandum inuitato: quod si quis ebrius repertus fuerit, eiectus quoad culpam agnoscat, aquam bibito.* Plura addere supersedeo, ne quis librum me onerare legibus velle existimet, quæ publici iuris factæ typisque inuulgatæ sunt operâ & industria Heroldi. Verum enimvero parergorum vice adijciam, neque scio qua fronte dissimulem silentio, fatalem quandam ingeniorum morumque dissimilitudinem inter Romanos & Germanos. Illic astum & corrumpendi artes: hic simplicitatem & pecuniæ amorem magis viguisse animaduertas: vnde illic creuerunt res, creuit potentia, creuerunt & animi aduersum viles sibi venalesque animas: hic contrâ fractum imminutumque imperium, debilitatæ opes, corrupta publica consilia, secutæ inde clades. Quorum exemplorum ferax posteritas est, ætasque præsens imitatrix. Romani namque pecuniarum obiectis illebris occæcando: corruptelis in partes traducendo: discordias inter cognatione iunctos, ac propterea ex æmulatione, maiorumque spe minùs fidos

Principes,

Francorum
leges.

Dissimiles in-
genio Germa-
ni & Rom.

Rom. corrup-
tela.

Principes, seminando, alendoque, in sua ipsius viscera Germanicam nationem armare, aut rebus minus prosperis, pacem datis pecunijs emercati fuerunt. Ista non tacuere qui illorum res memoriæ prodiderunt, propterea sæpenu-
mero procerum Germanorum potentiam improbe ele-
uando, sed Taciti primo morsum audiamus. *Vix, inquit, & potentia Regibus ex auctoritate Romana, raro armis nostris, sæpe pecunijs iuuantur.* Loquitur de Germanis Principi-
bus, quorum egestatem occultè pariter & obliquè sugillat, quòd inde procliuis ad omne scelus semita pateat, quòd animus munerum dulcedine & corruptela deprauatus, nulla honesti ratione, aut æqui respectu ducatur, sed per
nefas accommodet se voluntati eius qui dat, sub quadam
specie & umbra gratitudinis. Istam Roman. corruptelam, *Corruptela quid faciat.*
qua mentes venenabant, non dissimulauit aut silentio præ-
terijt Iulius Tutor apud Tacitum. Neque absolum à vero est, Segesten Cheruscorum ducem magno aliquo operæ
pretio corruptum ab Augusto admisisse Romanos in suam
ditionem, passumq. illic ius à togatis exerceri, fasces & vir-
gas expediri, quod gener Arminius illi exprobrat. Non dis-
sitetur Cæsar, conscio quoq. Plutarcho, se Germanos mu-
neribus expugnasse. Videtur & Tiberius idem consilium
voluisse dare Germanico, vt bello ancipiti abssistens, Che-
ruscis alijsque rebellium gentibus ad intestinas discordias
solicitatis, ad triumphum rediret. Drusum haud leue decus
quæsiuisse, inliciendo Germanos ad discordias, commemo-
rat apertè Tacitus. Apud eundem Flavius Arminio fratri in
colloquio proponit opes Cæsaris, si se dedat permittatque
Cæsari. Traianus etiam Imper. præmijs obsequentes sibi
reddidisse Germanos, ac pecuniaria esca exatiasse legitur.
Antoninum Philosophum auxiliares Germanorum copias
contra ipsos Germanos pecunijs emercatum fuisse testatur
Iulius Capitolinus. Herodiani historia Alexandrum Imp.
eam cauponandi artem edoctum, narrat decreuisse legatio-
nem ad Germanos quæ pacem suaderet, iniecta spe certa

infiniæ pecuniarum summæ ab Imp. ipsis numerandæ. Idem scriptor de Commodo Anton. istud testatur facit, qui pecuniariæ rei copijs instructissimus, animaduerso barbaros pacem magnis impendijs venalem habere, poscentibus nihil denegauit, quo securitatem redimeret. Horum vestigijs insitisse iudicatur Stilico Honorij Imper. socer, qui paucorum dierum spatio regiones Rheno adjacentes à capite ad calcem emensus, Germaniæ Reges donis demulsit, quam corruptionem dissimulans Claudianus, poëticoque ritu illi adulans, nominis sui terrore fregisse, & ad obsequium gentes feroces eum pertraxisse canit, vitata calumniæ labe. Morem autem illum Germanorum pacem sic nundinantium, idem poëta clarè illis versibus perstringit:

Illi terribiles, quibus otia vendere semper

Mos erat, & sæda requiem mercede pacisci.

Consimili ratione Alanorum, qui & Massagetæ, vim in se surgentium auertit Hadrianus Imp. Dionis testimonio. Eorundem motus Gratianum muneribus compressisse refert Paulus Diaconus. Quin & Procopius lib. tertio scribit Iustinianum Imp. donis tanquam amuleto auertisse bellicam tempestatem à Langobardis ingruentem. Eundem Gepidis tributum annuum pependisse, vt bello abstinerent, memorat. Horum Germanorum siue Francorum incredibilem virtutem, ingentem corporum magnitudinem, atque in armis exercitationem prædicauit Cæsar. Mirum verò & propè incredibile mihi visum illud fuit in natione manu forti & bellicosa, quòd non fluentibus, sed strictis artusque singulos exprimentibus vestimentis, ac quasi corpori circumfusus vli fuerint, id quod oculatus testis Sidonius, coq. prior Tacitus memoriæ mandarunt, lato baltheo angustam aluum arctante: quum eiusmodi habitus videatur incommodus atque inhabilis in procinctu stantibus, vbi cominus gerenda res sit, corpusq. agilitate flectendum, quos tamen Apollinaris, emissas à se hastas saltu præuerrere, incredibilis agilitatis argumento testatur. Adde quòd & prælongis hastis vte-

*Stiliconis
astus.*

*Francorū ve-
stes strictæ.*

Franci agiles.

stis vte-

stis vterentur, teste Tacito, breuicstamen gladios haberent, letalibus ictibus, qui punctum fiunt, ineptos, quos patria voce Anconas illos vocasse refert Sidonius, quos ego vernaculo sermone, adiecta aspiratione, *Hangere* dici existimo: *Ancones quid?* tametsi etiam missilium securium usus illis fuerit, quo armaturæ genere Cimbri Vandalicumque genus omne hodie ad librandos destinatos ietus vtuntur: quod pulchrè ille expressit,

*Excussisse citas vastum per inane bipennes,
Et plagæ præscisse locum, clypeosq; rotare.
Ludus &c.*

CAP. X.

De Armamentario Pop. Rom. maritimo, quam BRITANNICAM ARCEM hodie nominamus.

IN ripa medij aluei Rheni, armamentarium Pop. Rom. extitisse, tum fundamentorum substructio, tum marmoris in eo refoffi inscriptio loquitur, clareq; conuincit, quod vt principio pharus fuerit, vti mox dicemus, postea tamen maiori vsui futurum in præsidarium castellum (vbi appositis excubijs & custodijs arma naualia ac tela asseruarètur) conuersum fuerit, facile vt credam adduci possum, quo sic à piratarum iniuria, à quibus mare Britannicum sæculis omnibus per Saxones Cimbricæ accolæ, & Germanos maritimos qui & Franci, infestum fuit, portus opportunus defendi posset: *Britten* vulgo in hodiernum vsque diem nuncupatur, & *Brittenburgus*, quod sonat Britannicū castellum, à vicina oppositaque Britannia, tunc Rom. Pop. vectigale, *Brittenburgus* vnde frumentum classibus ad præsidaria Romanorum horrea, Rheni supercilijs imposita, de quibus antea facta fuit mentio, importatum subuehebatur: ea namque vero similior est nominis origo, quàm quæ pacis argumento vocem in *Fridtsenburghum* detorsit. Isti meæ coniecturæ, quam ante annos sex scripto mandaram, astipulatorem nuper natus sum Hunfridum Fluddum Anglum, virum litteratum,

cuius de turri Britannica (ita enim nominat) epistolam typis procudendam dedit Ahrabamus Ortelius insignis Geographus in elegantissimo illo opere, cui Theatrum Orbis nomen est. In ea parum euariat à mea sententia, annotans ex Occidentalibus Imperij prouincijs annonam transferri per Britanniam velut horreum cōsueuisse, inde subuectam fuisse nauigijs Britannicis per ostium Rheni ad præsidaria limitis Germanici horrea, atque ita à mercatorum vel potiùs vectorum Britannicorum frequentia, Britannicæ turris nomen secutum. At ego non aliunde per Britanniam, sed ex ipsa tanquam cella penaria Reipub. Romanæ subuectum fuisse frumentum ad limitanea Germaniæ præsidia, natamque inde nominis Britannici originem autumo. Adfert idem & alteram appellationis coniecturam à milite præsidario è Britània ab Antonino loci custodiæ imposito ortæ. Adijcit & tertiam, qua putat eam turrim ad latus portus seu ostij Rheni à Batavis indigenis constructam ad defendendum periculum à Britannorum piraticam exercentium incurfionibus, quas in Morinos & Batauos faciebant, vt illius gentis loquuntur Annales, creatumque exinde nomen, mutato licet ædificij vsu. Huius armamentarij vestigia reliqua, sepulta, marique adobruta latent, nisi si quando post Africi vehementis continuatam furiam, subito sæua & immoderata tempestas à Cauro, littoris nostri tyranno, commota successerit, tunc namque nudatum arenis litus reiectas à fundamentis reliquias, recedente maris æstu, spectandas præbet, quamuis eæ tenues ac perexiguæ relictæ sunt, quando studium & improbitas hominum ad inusitatum spectaculum affluentium, quicquid residui fuerat toties repetitis vulneribus (nam tertium aperta fundamenta mea nouit ætas) omne exhaustit. Istud litus in quo armamentarij superstites reliquæ inuentæ sunt, inattritum, neque fluctibus adesum, sed ab ipsis natalibus in hanc usque lucem pertinaciter constans, idemque esse, quasi fluctus, sæuissima rerum Naturæ pars, vano atque irritò assultu hætenu

atenus pulsauerint, amicus noster scribit, sed auritæ, opinor, quàm oculatæ fidei certiore testimonio innixus, siquidem maritimi homines vno ore omnes aliud narrant, ac præsertim Catuicum pagus misero armamentario nimis vicinus aliud, si effari posset, locuturus fuerit, qui mea ætate insignè detrimentum atque damnum expertus pertulit, haustis non semel mari fluctuoso domibus aliquot: quæ calamitas tam illi propria est & familiaris, vt rarò vlla maior ingruat vis aut tēpestas (cuiusmodi plurimæ in meam memoriam incurrerunt) quin ædificia quæpiam cum solo subruant fluctus. Quod ipsum & Norduico maritimo, vico proximè propinquo, accidit, qui ad septentrionale Armamentarij latus paulo distantiore spatio inde distidet, vbi vniuersam domorum viciniam cum puteo communi, mare paucos intra annos obliguriuit. Prætermitto silentio quod de Sceuelinga in eodem littore lippi omnes & tonsores norunt, quæ memoriæ non admodum veteris (nam vix vltra paucos supra centum annos extenditur) recordatione satis explicita loquitur, templum cum præalta turri fluctibus absorptum, ad bis mille fermè passus intra maris complexum, nusquam nunc cōparere: quo tēpore magnificentius illic exædificatum templū, quam remotissimè à mari, satis cum periculò ad littoris viciniam paulatim nunc accedit, quam iniuriam nuper postridie KL Nouemb. an. CIO. IO. LXX. sensit longè grauissimam, complanatis & in fœdam ruinam tractis ædificijs fermè sexaginta: ita vt interdum inter piscatores pagi incolas agitetur de loco remotiore templi fabricæ deligendo. Quare Goropij mei vt accedam sententiæ, religione deterreor, vt qui cladis passim acceptæ spectatorum pars aliquando fuerim. Itaque eius me opinionis esse non pudeat, quæ littus illud planum fuisse, & apertum, ac in Oceanum longissimè olim procurrisse existimat, limo quem Rheni fluentum secum trahebat, littoris quod atterebatur detrimentum supplente nonnihil atque sarciente, donec quadringentis abhinc annis, inaudita illa inundatione, quæ

*Littus Hollæ-
diæ atteritur.
Catuicum.*

*Norduicum
maritimum.*

Sceuelinga.

*Hollandiæ
inundatio.*

Rhenoburgus.

*Caligula con-
ditor Briten-
burgi.
Caligula stul-
ticia.*

vniuersam Hollandiæ faciem longè lateq. operuit, obstru-
cto fluminis cursu, steriles arenarum colles littus occupa-
runt, mare terras ipsamque littoris oram attriuit: nam ar-
mamentarium ipsum à Nortmannis alijsque immanibus
barbaris, quos Borealis plaga nimbi instar Hollandiæ infu-
dit, excisum soloque æquatum existimo, solas ruinas mari
reliquas facientibus. Porro in procurrente illo, quod dixi,
littore, procul mari, solo argilloso & herbido (cuiusmodi to-
tus est ille tractus, qui Rhenoburgum, Virginum nobilium
cœnobio illustrem locum, & à præterlabente olim fluuio
nomen sortitum, spectat) littore tamen, exstructum fuisse
armamentarium, de quo hætenus sermo est, è fundamen-
torum positu, opinione augurantur. Quorum non absurda,
nec à veri fide dissidens putatur oratio, quod neminem vs-
que adeo vecordem & communi sensu orbatum fore arbi-
trantur, qui in fabuloso & sterili littore, quæ nunc rerum
species oculis occurrit, atque in ipsis adèd maris faucibus,
præsidij principalis fundamenta iacta velit, nisi idem Tragi-
cos omnes Orestas & Athamantes dementia superet. Næ
isti acutè & festiuè colligunt, reuocata ad veritatis numeros
ratione, & ad liberam cogitationem. Quis enim est paulo
liberalior & cum humanitatis sensu coalitus, qui grauem il-
lum ac tetrum vicini maris halitum non reformidet? quis
murmurantis eiusdem fremitum horrifonum ferat assiduè?
quis elisæ spumæ aspergine madere semper velit? aut quis
bruti elementi societatem colere, & inamœnam fabuleto-
rum faciem aquis contueri oculis semper sustineat? nisi
fortè Theocriti piscatores, quibus fida comes. egestas nihil
reliquerat. Cæterum refragari argumento superiori, aut id
reuellere omnino velle animum non induxi, si qui tamen
disputatione quasi cote adhibita veritatem velit acutere, is
Caligulam opponat, auctore & conditorem, meo quidem
iudicio, istius pyrgi, cuius stultitiam insignem ac famosam;
toties in exiguo libello, Apocolocyntosi inscripto, sugillat
Seneca, vt pudeat referre: neq. dissimulat impunè illi fuisse
obiectam:

obiectam Tranquillus. Omitto, quòd recepto transfuga Britanno laureatas ad Senatum literas miserit, quasi per somnium locuples, sibi que ipsi persuadens vniuersæ insulæ imperium, quam cum exercitu nūquam adierat: quodque simulacra pugnae, crediderit vera fuisse praelia. Quod verò euidentiùs innatæ stoliditatis argumentum & indicium requiras, quàm quod confecturus bellum aduersus Oceanum susceptum, instructa acie, vmbilicos & conchas Oceani spolia repentè colligi à milite præceperit, atque in victoriæ signum, excelsum in littore pyrgū exstrui curarit, de quo vt Suetonius loqui intelligatur, verba eius adscribam. *Postremò quasi perpetraturus bellum, directâ acie in littore Oceani, ab alistis machinisq; dispositis, nemine gnaro ac opinante quidnam cæpturus esset, repentè vt conchas legerent, galeasq; & sinus replerent, imperauit, spolia Oceani vocans Capitolio Palatioq; debita. Et in indicium victoriæ altissimam turrim excitauit, ex qua vt ex Pharo noctibus ad regerendos nauium cursus, ignes emicarent.* Quo ex loco viri non indocti suspicantur & conijciunt, turrim, quam è ruinis in armamentarium conuerterit postea Seuerus Imp. esse illam ipsam maritimam & littoralem, cuius facta sit à Suetonio mentio, ac tum destinata fuisse muneri accendendorum ignium nocturnorum, quibus cursus nauium regeretur ad prænuncianda vada: cuiusmodi pharum apud Gessoriacum (Bononiam nunc vocant) antiquitus constructam, sed collapsam, Carolus cognomento Magnus restaurari fecit ad nauigantium cursus dirigendos, vt Regino Annalium scriptor testatur, apud quem (vt locū obiter emendem) malè, *fanum*, scriptum inuenias pro *pharum*, & *nauigandum*, vice, *nauigantium*. Certè in Batauiæ littore eam expeditionem, Caligulæ ingenio accommodam, lusam fuisse atque adornatam, tribus verbis voluisse indicare Corn. Tacitum, videre mihi videor, quum de Brunone inter Caninefates claritate natalium nulli secundo, duce delecto, loquês, narrat patrem eius multa aduersus Romanū nomen hostilia ausum fuisse,

Caligulae stultitia documentum.
14.

Sueton. in.
Calig. ca. 46.

Pharus Gessoriacensis.

Reginonis locus emaculatus.

Lib. 20.

& Caianarum expeditionū (quas obiter transcurrens memorauit) ludibrium impune spreuisse: quo verborum compendio quid magis appositè dicere potuit, quàm Caninefatem illum conuitio inulto atque impunito, linguæ effrenioris habenas liberius soluisse in Caligulæ insaniam, qui cum mari bellum susciperet, pro spolijs hostilibus conchularum ornamentū, puerilia scilicet crepundia, legenda mandaret. Vbi verò potuerit ille impunitus debacchari in Imp. qui vitæ necisque ius in acie linguæ haberet, (vt de Alexandro quōdam dixerat Callistratus) quàm inter suos, hoc est, Batauos, aut proximos saltem Bataviæ finibus, nō intelligo. De istius expeditionis in Britannia cogitata apparatu, consimilia penè literis prodidit Dion Cocceius in hanc sententiam. Caligula ad Britannicum Oceanū profectus, conscensis triremibus paululum prouectus, euestigio reuertit, datoque è sublimi tribunali militi signo, velut ad conflictum, animatos tubarum sonitu, iussit conchas marinas colligere, quo peracto gloriatus se Oceani victorē, post numeratum exercitui opimum congiarium, cum spolijs maris ostentui futuris Romam repetijt. Verum assueuerant sententiam meam interponere, re propter altissimam vetustatem dubia ac controuersa, supersedeo, alijs, qui maiore abundant otio, & quibus rotundiore felicioreque Genio loqui datum est, libenter herbam cessurus. Quicquid sit, siue Caligulæ Pharus fuerit, siue alterius cuiuspiam fabrica, id extra dubium est, Armamentarij vsum & nomen induisse sub Seuerō Imp. & ab eodem restitutum, cuius memoriam tuetur lapis è ruinis extractus anno salutis CLXIX, & in ædes principis familiæ Wassenariorum inde translatus, cuius hæc est inscriptio:

Dion lib. 5,

Armamentarium.

IMP. CAES. L. SEPTIMIUS SEVERVS
AVG. ET M. AVRELIVS ANTONINVS.
CAES. COH. XV. VOL. ARMAMENTA-
RIVM VETVSTATE CONLAPSVM
RESTITVERVNT SVB. VAL. PVDENTE

LEG.

LEG. AV. PR. PR. CVRANTE CAECIL.

BATONE PRAE.


Quia verò multi ignorat fortasse, quid Armamentarij voce significetur, tribus id verbis explicatum dabo. Est ergò Armamentarium munimentum muris turribusq. contra vim instructum, vnde machinae, tormenta, si quando vsus aut belli necessitas poscebat, proferebatur, tela & arma militi atq. socijs distribuente Tribuno aut Praefecto suppeditabantur. Meminit Cicero armamentorù publicorum, & armamentarij Telluris; Plinius armamentarij mille navium capacis. Istud verò armamentariù forma quadratù, paribus in omnes partes spatij productù, satis loquitur ac commonstrat quam hìc damus, eius ichnographia è nudatis (quod *ter mea aetate accidit, primùm anno salutis CIO. ID. XX. deinde iterù CIO. ID. LII. die D. Pontiano sacrata: tertio CIO. ID. LXII.*) fundamentis fideliter expressa: quodlibet autem vniuersi operis latus duce nos quadragenos pedes complectitur, nimirum vicens nostrates metatorù decempedas, quo mensuræ modo decempedam in duodenos porrigi pedes cognoscitur. Turrium propugnacula in Rheni præterlabentis ripam obuersa fuisse apparet, ad maiorem operis firmitudinem contra fluenti vim, & hostilem quoque, si quam piratica adferret. Procurrentes vtrinque illinc versus orientem solem, hinc occidentem, murorù ductus extra arcis aream, cloacæ videntur fuisse, per quas omnium purgamentorum receptacula, quicquid erat sordium, aquam admissam & castellis receptam, proluisse atque in mare exonerasse crediderim. Saxa ingentia è fundamentis eruta, quæ vidi, quaternos pedes longa fermè erant, ternos crassa, quæ anno *CIO. ID. LII.* ad quadraginta numero refossa annotavi. Extra arcem ripæ margines crassioribus tabulis præstructi erant, & palis per fistucas altiùs adactis præmuniti, ne ab vndis decurrentibus adederentur.

Armamentarium quid?


Armamentarij ichnographia.

ICHNOGRAPHIA ARMAMENTARII

POP. ROM. QVOD BRITTENBVRGVM
APPELLANT.



Visitur apud Hagam Comitum in ædibus à me prius nominatis, gentis Wallenariæ, alter lapis cum hac epigraphe in ipsdem ruinis reperta anno MD. LXX. vtrunque à fronte pariter & tergo mutila.



Extat ibidem & tertius lapis falsi maris vndis, & post imbribus excusus ad modum pumicis, qui nihil admodum certi præfert, præter literarum aliquot sulcos, quæ ad dexteram malè leguntur, cuius saxi frons Victoriæ alatae imaginem ostendit, dextra lauream coronam attollentis, læva tenentis deprimentisque clypeum. Ad sinistram aquila passis alis expressa est, orbi duabus se mutuo secantibus zonis cincto insistentis, excurrentibus vtrunque tribus radijs.

IMP. CAES.

ANTO

NE

AVG. COH.

M TORV

PE.

In earundem ædium exteriore pariete visuntur & hac specie saxa, quorum primū nauigium, cuiusmodi ferme Saxonas maritimam gentem usos fuisse docui, referre videtur; alterum Victoriæ simulachrum exprimit; tertium Herculem clauigerum; de quarto quid sentiam, ignoro.



Huberti Golt-
zii laws.


Repertus in iisdem ruinis & quartus lapis memoratur, cuius epigraphen à se descriptam typis excudendam dedit Hubertus Goltzius, antiquitatum omnis generis altissimus gurgis, quæ tametsi mutilata in fronte aræ positum fuisse illum loquitur à M. Aurelio Antonino Caracalla, annis aliquot post peremptum sua manu Getam fratrem.

BRI TANNIC. GERMANIC. PIVS FELIX AVGVSTVS
PONT. MAX. TRIB. POT. X̄VIĪ. COS. IIĪ. P. P. IMP. IIĪ.
A RAM A DIVO CLAVDIO. ET POSTEA
A DIVO SEVERO PATRE SVO RESTITVTAM

Istius armamentarij clauem in ruinis repertam, anno 1520. septenos pollices longam, & ponderosa mole prægrauem ostendit

ostendit mihi Galterus Theudericus Wassenariæ stirpis egregius assertor. Aliam hic appingendam dabo à longè subtilioris ingenij artifice profectam, in annulo effictam, quam accepi à Cornelio Nicolaio Aquano, vasculario Lugdunensi, honoris causa mihi nominando, qui tametsi à literis alienus, mirum tamen quàm sit curiosus, quamque diligens in cognoscendis veteris memoriæ indicijs, conuassandis fragmentis, colligendis & conquirendis numismatibus, quæ ex argento procusa plusquam trecenta numero, cum isthic, tum apud Romæoburgum reperta, ex ære quingenta ipsus mihi ostendit: qui vir ut est candidi pectoris, quicquid egestum inuentumve eo loco vel ipse extulit, vel representato ære ab alijs redimere potuit, id omne liberaliter ac propenso ad bene merendum animo mecum communicauit.


*Galterus
Theudericus.
Cornelius
Aquanus.*



Inter cætera quæ integra & infracta fuere, idem mihi ostendit æneum sigillum togatum, quod in larario stetisse verisimile fit, stylobatæ insistens, & alterum Palladis galeatæ, dextera noctuam tenentis, læua hastam, quæ quamuis hinc aberat, aperta tamen manus elapsam amissamque testatur.



Item Samium poculum elegantissimi operis rubrum, è Lemnia terra, vt creditur, summi læuoris, collo angusto, cuius medijs in faucibus, ceu tubulus quispiam crenatus assurgit: ore pando quaterna foramina in cordis speciem figurata præferente, cuius interiorem ambitū quædam veluti margaritarum linea, interspersis cyanei coloris eranis distincta, tanquam limbus pulchrè exornat, quod eius cauum auri admotum maris murmurantis fremitum repræsentat: libuit istud sculptoris manu expressum hoc loco apponere.




Vidi illic & Simpulum è candida materia, cuius in sacris afundendo vino vsum fuisse solennem autumo, ampullula ea est stricti oris, ventrosa, ansata, fundo exiguo, cuius hñc picturam adieci.




Eodem in loco inuentum lychnum pensilem siue lampada æneam exhibuit idẽ Cornelius, hñc expressum, cui cauum est affabrẽ circinatum, cum imminente quadrato cælo, ad arcendum flammæ periculum, vti auguror, siue etiam contra fumi surgentis nigrorem. Præterea coctilem laterem vtrinq; ceu parietibus assurgentem, qui videtur aquam pluuiam ex imbricibus præcipitantem excepisse, quindecim pollices longum, integrum adhuc, qui parte sui insternebatur & vicissim substernebatur alteris, vt quasi communicatis operis imbrem per compluuium deueherent.




Multa item & varia emblemata rotunda, quæ diuersorum animalium rictus & ora referebant, per quæ guttatim liquores fundi poterant, illæsa idem monstrauit.




Extant apud eundem quinque diuersi generis tesserae, seu quadratae pauimentorum tegulae, quarum diuersitatem ipsa facile prodit inscriptio, omnes octo in quadrum pollicum, duos digitos crassae, omnes eandem, sed diuersimodè expressam inscriptionem ostendentes, & inferioris Germaniae exercitum loquentes: quae inscriptio & in imbricibus legitur tredecim pollices longis.





Vidi ibidē & alios imbrices hoc pacto inscriptōs. LEG. XXX. Præterea figlinorum fundos, in quorum vno legebatur hæc epigraphe, VITALIS FE. in altero BOVONV. F. Capedinum quoque & paterarum fictilium fragmenta, cum inscriptione MINV. EV. F.



Nomismata idem Cornelius varia ex auro, argento, ære ibidem reperta ostendit, inter quæ conditoris pyrgi Caij
 Q Cæsaris

Cæsaris duo: ab aduersa parte C. Cæsarem Germanicum loquitur, auersa tres ipsius sorores stolatas nominat, Agrippinam scilicet, Drusillam, & Iuliam: alter ad locutionem Consulum præfert ab auersa. Nam quod Ortelius, ob inscriptionem lapidis qui aram à Diuo Claudio positam loquitur, putat armamentarium istud ab eo in expeditione Britannica exstructum, facile ex Dione & Suetonio conuincitur, qui eum Gessoriaco soluisse oram & traiecisse testantur, ibique fornicem seu triumphalem arcum illi ob victoriam de victis Britannis ex Senatus-consulto positum.

Vidi & tertium cum effigie Vestæ sedentis. Item insigne numisma Septimij Seueri, qui conlapsum vetustate armamentarium restituit.



Superuacaneum foret & nimis longum reliqua Cæsarum & Imperatorum nomina, quorum numismata idem ille habet, in hisce ruinis inuenta, commemorare, quando infinitas quædam nummorum isthic reperorum, in omnem quaquaersum regionem disseminata sit.

CAP. XI.

*De Batavia peculio in partes plures distracto, oppidisq;
ab Hollandia alienatis.*

QUICQVID terrarum intra Rheni brachiorum complexum (quæ & ostia ab aditu, & vel à flexuoso alueorum anfractu, vel ab aquarum mugitu, Cornua vetustas appellauit) continetur, id vniuersum olim vno Bataviæ nomine censum fuisse, extra omnem controuersia aleam est: qui enim inficiari istud velit, arbitror esse neminẽ, nisi qui aut latæ culpæ reus ferreum os induerit, aut obstinato altercandi studio, cum Plinij Secundi grauissimi scriptoris, tum Taciti Palatinæ historiæ parentis auctoritati detrahere aut illudere cogiter, quam tamẽ irrefragabilem tum Populi Romani gentium domini dignitas facit, tum ipsa antiquitatis (cui meritò ab omnibus assurgi solet) prærogatiua conuincit. Quanquam istam vnitatem fatalis quædam lex, quæ nihil in rerum natura perpetuum patitur, diuellit atque abrupt: vel natiua populorum inconstantia, qui in diuersa studia scindi, ac cum principibus, vt veteres ritus, ita nomina quoque ponere, noua sumere amant, in partes traxit. Huc accessit cognata Traiectensium Præfulum ambitio, qui siue vsurpatam, siue donatam iurisdictionem per amplam egregiè tuendo, nisi quodam Herculeo, infractum Acheloi cornu confregerunt, bonamque Regum (quos olim habuit insula) portionem priuati & iuris & nominis inuolando fecerunt. Adde huc & victorum libidinem, qui aut sublata aut intercisâ Regiæ stirpis serie potiore infulæ partem sibi retinuerunt, ac in nominis sui ius transcriptum cõmutarunt, quando labante Romanorum potentia (quorum armis vt adiuta, ita vicissim & adiutrix fuit) in prædam cessit indefensa insula. Ita, talorũ in ludo vt fit, pars Cissulanis cessit, partem beneficio Francorum Regũ possidere, eodem quo Comites Hollandiæ titulo, Præfulatus Traiectensis magna contentione, neque citra certamina, connixus est: partem

*Cornua flum-
inorum.*

Gelriae Comites sibi vsurparūt. Ciuitatum & oppidorum, quæ extra Hollandiæ peculium sita, Batauici tamen soli iure olim continebantur, numerus est non exiguus, quæ quominus silentio transmittam, religione quadam impediatur, quandoquidem illustrandæ in commune veteri Batauiæ labor hic omnis sumptus est, vt haud immeritam aliquando officij vicem, altrici, imò parenti, ciconiarium ad exēplum refundamus. Etsi verò omnium luminibus faciliè obstruat altitudine eminentis fortunæ, dignationis sacerdotalis fulgore, ac virtutis bellicæ gloria cumulatissima ciuitas Traiectum, quin tamen prima clepsydra Neomago infundenda veniat, vetustate possessionis sese defensuræ, regiæque honore, quis sanior refragetur aut repugnet?

Traiecti laus.

Neomagum
vetustum.

NEOMAGVM.

NEOMAGVM igitur siue Nouiomagū (vtrinq. enim scripturā inuenio in hoc nomine, quo extitisse & alia præsidaria oppida, vt in itinere Argentoratū, *Neomagum*, hodie *Vdenheym* dictum, & alterū Nouiomagum infra Augustam Treuironum, & tertium *Ingelheimum* hac ætate vocatum, Caroli Magni natalibus clarum, inter Ambianos & Sueffionas lego) Batauorum caput sedesque regia omnium consensu creditur: nam præterquam quòd vero sit simile, Batonem indomitæ insulæ possessionem aditurum, locum, quo perfugium sibi pateret, extra insulam munivisse, sedemque principalis fortunæ cōstituisse, deinde Iulium quoque Cæs. præsidium illud sibi legisse, ac Romanos præsidariam illic legionem aduersum Germanos continuisse, certo certius est, palatio publico Francorum Regum exornatum. Regionis enim auctoritate si stabimus, Carolus cognomento Magnus Imp. tria regnis suis palatia primaria constituit, Neomagum, Aquisgranum, & Diuodurum seu Theodonis Villam. Idem ædiculam (quam Gerardus Neomagus Dijs Manibus consecratam fuisse autumat, quum fuerit monumentum Iulio Pudenti filijsque ab hæredibus factum) Christo Seruatori solemnī religione dedicauisse, arcem

arcem collabascntem reparasse, eamque editiore tribuna-
li, in quo sæpe ius dixerit, condecorasse memoratur. Quia
verò legitur etiam nū in fronte monumenti epigraphæ, qua-
tenus ea legi potest, non alieno loco apponenda hīc visa est.

DIS MANIBVS

C. IVLIO CLAV. PVDENTI NEOMA. VET. LEG.

XC FAN. L. ET IVNIO F. EIVS H. F. C

Vbi obiter obseruandum est peramplam atque illustrem
fuisse in hac inferiore Germania cum imperio familiam
Pudentium, cuius etiam in armamentario Romano fit in
marmore mentio, vbi Valerium Pudentem Legatum Au-
gustalem nominatum vocat. eiusdem meminit & marmor

*Pudentiū fa-
milīa illustris.*

quod apud Elquaſtum oppidum extat tale:

L. VALERIO L. F. PVDENTI, HIC CVM ESSET ANNOR XIII. RO-
MAE CERTAMINE IOVIS CAPITOLINI LVSTRO SEXTO OB
CLARITATEM INGENII CORONATVS EST INTER POETAS

LATINOS OMNIBVS SENTENTIIS IVDICVM.

qui honos eadem ætate collatus legitur L. PVDENTI patri
cuius, decreta illi insuper statua ære collato ab vniuersa ple-
be municipij Iſconensium. At istud inter corollaria rela-
tum esto. Vrbs verò ipsa situ atque opere permunita est,
prædiues, rerumque omnium affluens, quâ Cliuensem di-
tionem propinquam respicit, in arduum collem affurgit,
cum vetustissima arce, Iuliano, vt vulgo creditur, opere, à
qua parte nemorosis montibus & frequentibus fontium
ſcatebris amœna regionis facies se aperit: diuerſa vrbs ora
in paludes depressior ſidit, reliquum solum tumulo fermè
perpetuo accliuæ est. Hanc ante annos tricenos videnos
Guilelmum Hollandiæ Principem iam Cæsarei tituli inſi-
gni donatum, tradunt Annales pignori opposuisse Othoni
Gelrio, cui certis nominibus grandem pecuniam debebat;
calege, vt nisi definito tēpore repræſentata foret, ius dein-
ceps omne Gelrio posterisque cederet. Huic natales suos
debut Franciscus Craneveldius Iurisconsultus primi no-
minis, Mechliniæ Præſes, scriptis illustris: debet & Gerartus

*Arx Neoma-
gi.*

*Frāſci Cra-
neveldij laus.*

Gerardus Fal-
kenburgus.

Falkenburgius Neomagus, iuuenis eloquentiæ & doctrinæ omnigenæ gloria cumulatissimus, qui nō ita pridem in obscurissimo Nonni Dionysiacōn opere, iudicij peracris & firmi periculum cum laude adiit. Eandem patriam agnouit & Gerardus Neomagus, vir non indoctus, qui rhapsodiam Batavicæ historiæ consuit & publicauit.

Gerardus
Noniomagus.

TRAIECTVM.

TRAIECTVM, Antonia dici passim inuenio, sed quo auctore condita, aut cuius memoriam repræsentet, latere atq. ignorari video: si tamē comminisci aliquid à vero non ablimile & cōiectura augurari in tam alta antiquitatis caligine licet, ad Antonium Primū Senatorem & Legatum Vespasiani, cui cum Ciuili Batauo amicitia fuerat, originem nominis referendam putauerim, quem Senatoria dignitate exutum à Nerone, falsique damnatum, pristino inde restitutum ordini & loco memorat Tacitus: Aut ad M. Antonium Iulij Cæs. Legatum, quando Galliam Belgicam subiugauit, quorum alteruter in Batauia tum Rom. socia præsidarium castellum Rheni supercilij impositum condiderit, ubi in hybernis miles esset. Nec desunt qui titulum nominis M. Antonino Pio transcribunt, vrbis instauratori; quod sensisse videtur auctor inscriptionis quæ in aduentum ad urbem Traiect. Philippi Regis posita legebatur:

ANTONINI PII IMP. FELICIBVS AVSPICIIS VRBS
TRAIECTENSIS INSTAVRATA, FELICIORIBVS PER
PIENTISSIMVM IMP. CAROLVM V. AVCTA
FELICISSIMAM SE HOC PRINCIPE FUTVRAM
HAVD DVBLIA SPE CONFIDIT.

Sed qua ratione idem hoc loco Vetera Castra, operâ & virtute Romanarum legionum quintæ & vndecimæ defensa fuisse, in alia quadam epigraphæ dicat, peruidere aut intelligere me posse nego, qui præter errorem in *vndecima*, pro, *vndeuicesima*, commissum, (ita namque habet Tacitus) nouam opinionem de Veterum castrorum situ, concepissee videtur, quæ plerique omnes in Xanthum Cliuix oppidum referunt,

referunt, quādo loci positus aptissimè ad Taciti descriptionem, meo quidem iudicio, quadret. Traiectum postea per Vultas, seu procliuiore auribus nostris sono Wiltos gentem efferam, mutato nomine *Wiltburgum* dictum, sunt qui contendunt, hausta opinione ex Sigeberto Geminiacensi, qui Wilebrodum sedem Episcopalem statuisse in loco *Vultaburch* nominato scribit, qui tunc Vultraiectum nuncupabatur, à Vultarum gētis nomine & Traiecto compositum, quasi *Vultarum oppidum*, à voce *Drecht*/ qua oppidum denotatur, non à traiciendo; quod veritati quā sit consonum, nescio; quum *Vultaburgum* ad Rheni ripam supra Traiectum ad duo aut amplius passuum millia sedisse res ipsa loquatur, vbi ad exsiccatum Rheni alueum vicino in agro acclius collis rudera omnis generis, & elegantioris figlinæ fragmenta, ingentemque nomismatum ex ære & argento copiam, vel leuiter refossa humo, ostendit, vti ipse oculis aspexi: quam arcem Annales à Valentiniano euersam tradunt, alij per Abotritos gentem Francis fœderatam ac sociam, fuisse dirutam soloque æquatam loquuntur, idque testantur versus tabulæ inscripti in principe Traiecti æde. Postea Dagobertum Regem Clotarij Franci filiū nomenclaturam vrbis appetisse perhibent, Traiectumque denominasse, quod ibi traiectus esset & telonium, vbi & pro vectura, & pro negotiatorum mercibus stipes appendebatur: quasi non multo antè extiterit Traiecti mentio in Itinerario quod Antonino tribuitur. Inuenias & curiosa indagandæ originis ingenia, quæ ab Vlpio Traiano Germaniæ Domitiani temporibus Præfecto *Vlptraiectum*, mox P. litera extrita in tot consonantium absurdo cōcursu, *Vlptraiectum* appellatum existimant, quando idem & legionem tricesimam à se Vlpianam Traianam nuncupatam statua sua habere iusserit supra Vetera castra Agrippinam versus, non longè fortassis à Burico oppido, propter Teutoburgienſis saltus, in quo Vari Legionumque reliquæ insepultæ, tradente fama, fuerant, in opposita ripa incipientis metum. Quando idem

Drecht.

Wiltens:
burgh.

Wolfgangi
Lazij lapsus.

Lambertus
Hortensius.

do idem etiam Legionem Traianā, quæ nunc Drexhuijsa vocatur, ceu Traiani domicilium, de suo nomine appellari voluerit. Equidē mirari satis nequeo quid sensus mentis vè fuerit Lazio, viro alioqui variæ lectionis, quo non potius obsessus fuerit veterno, quū subductionē itineris à Lugduno Batauorum Coloniam vsque ab Antonino factam prosequens, Arenatium xxviii. mille passuum interuallo, hoc est, septem Germanicis miliaribus dissidere ab Vlpia Traiana colonia scribit, atq. inde colligit postremum hoc municipium situm esse in Palatinatu haud longè *Bodobriga*, quæ vulgo *Popardia* audit. Idem auctor veluti è lethargo experrectus, Vlpiam Traianam, auctoritate Ptolemæi lib. Geograph. secundo, & item Antonini inter Vetera castra & Agrippinam Coloniam ab auctore collocatam, claris verbis dicit. Erroris ansam dedit homini, Arenatij & Antennaci (vtri suspicor) cōfusio. Cæterum quia inter ciuitates, quas à Iuliano Cæs. receptas scribit Marcellinus, inuenio *Vtricesium* (ita namque & legit & citat Lambertus Hortensius rerum Vltraiectionarum scriptor) aut constantiore lectione *Vtricesima* in priore editione, pro qua irrepsit in posteriorem *Tricesima*, facile adducor vt credam isthic v. TRIC. LEG. STAT. hoc est, quintæ tricesimæ legionis statua & hyberna fuisse, & ab ea nomen loco inditum, præsertim quum non abludat vocis vernaculæ sonus. Verisimile enim est barbarum vulgus & rude, altioris indaginis nescium, pro, v. TRIC. expuncta notula puncti intermedia, v. TRIC. coniunctim legere cœpisse, vsuque prauam inualuisse consuetudinem, ad eundem planè modum, quo inoleuit error in vocabulo *Gantstadt* oppidi Sueuiæ, occasione inscriptionis vulgaribus obscuræ, qui solis literarum formulis nominis positum metiuntur: siquidem oppidi epigraphe in marmore incisa quum hoc modo se haberet, LEG. ANT. STAT. hoc est, Legionis Antoninianæ statua, resectis prioribus duobus elementis, initio *Gantstat*, postero sæculo molliorē appellationem accepit G. in C. mutato, *Gantstat*, vt ostendit Ioannes Heroldus

roldus Germaniæ antiquitatum collector. Memini ante paucos hos annos quum Antuerpiani superbissimum illum & inexhaustæ magnificentiæ murum Caroli Imp. memoriæ, gratæ vetustatis exemplum imitati, consecrassent, excisis in marmore his literis pedalibus, CALOR.V. CAES. oppidanos & rusticanum vulgus promiscuè *Senatum* inscitæ norasse, qui Carolo quinque caseos impudenter deputarent, velut iniusta nomini iniuria, ob CAES. quod plena scriptura caseum nobis signat, vbi vox eadem accisa Cæsarem denotet his qui peritiam antiquitatis ac nomismatum habent. Quare, vt ad institutum redeam, siquidem vera est & genuina scriptura Vtricesima apud Ammianum, fieri potuit vt in epigraphæ vrbis cum nota intermedia vocabulum hoc pacto scriptum fuerit V. TRIC. vnde postea vulgares homines & peregrini nomen vrbis sollicitè legentes, coalita & coagmentata in vnum voce VTRIC expresserint. Ista mea est coniectura, quam profiteri visum est cum quadam stipulationiunculæ lege, quòd Pyrrhonios hac in parte sequar, & in tanta vetustatis obscuritate atque ignoratione nihil asseueratione velim affirmare. Hanc urbem Nortmannorù procella ab axè Boreali effusa, incendio corrumpit, omnemque sexum ferro absumpsit, Alfridi Præsulis tempore, cui calamitati vt mederetur, Dauantriam & Tielam cum dominijs Carolus Imp. honorarij loco olim concessit, quòd propter excidium vrbis sedes Episcopalis Dauantriam translata fuerat, quam inde retraxit ad pristinos lares Baldricus Cliuentis Præsul, qui recidiuam urbem posuit, muro fossisque adiectis. Olim Archiepiscopus primus institutus fuerat tēporibus Iustiniani minoris filij Cōstantini à Sergio Pont. Wilebrodus siue Wigbrodus, vt alibi lego (nos ex Pontificum indigitamentis Willebrordum, tutelare Diuum Harlemæi nuncupamus) cognomento Clemens natione Britannus, qui Frisios Christianæ pietatis rudimento imbuir, summæ sanctimonix exemplum, qui pòst relicto munere, velut oneri impar ad Treuironù Augustam concessit, quin-

Wilebrodus.

*Absternacum.**Antonij Hon-
nii laus.*

toque ab ea vrbe miliario inter ardua & difficilia tesqua & montium iuga, construxit monasterium *Absternacum* nomine, siue abstinentiæ argumento, siue ab absterrendo dictum, quod loci insolentia & asperitas homines haud diffculter abstertere queat, ne religioni operatos molestant aut interuiseret crebrius, quod corrupta voce hodie *Echter-nacum* vocitatur, cui magna cum laude & pari pietate Antistites præfuit nuper medicati (vt creditum fuit) poculi hauustu intermortuus Antonius Houæus Egmondanus nostras, rarum bonæ vitæ & doctrinæ inter barbaros illos ventres ornamentum. Huic vrbi cudendæ monetæ ius diplomate indulgit Otho Imp. eius nominis primus, gratificaturus Eggidæ coniugi, Baldrico tunc episcopo. Eam scimus populosam & præpotentem, sed quadragena hominum millia in hostem armare posse, quando ferat necessitas, impudenti, nec ipsi quidem ciuitati suarum virium conscia tolerando mendacio, scribit Dominicus Niger: quod virus hausisse eum è Raphaelis Volaterrani Commentarijs, & Æneæ Pij scriptis autumo, qui Præfulem Traiectinum quadraginta bellatorum millia ad bellum educere, in scripta retulerunt: quod potuisse olim loci Antistitem non inficias iuerim, si ciuitatibus omnibus & oppidis, quæ non pauca fuere numero, auxiliares copias & socios imperare necessitate extrema adductus, in animum induxisset. Id quod veritati consonum magis si Barlandus adiecisset, in eodem non inhæsisset erroris luto: tantas enim vires vix monarcha quispiam contrahat, multoque minus contraxisse iste Præsul vltquam in Annalibus lectus est. Addit & alterum errorem Volaterranus, qui Naualia Ptolemæi hoc in loco constituit, longissimè à vero exorbitans. Manifestus erroris deprehenditur & Otho Frisingensis Antistes Germanicarum rerum non inscitus scriptor, qui Traiectenses Frisij adnumerat, propius collimaturus, si in vtrosque & maiores & minores Frisios iuris Ecclesiastici censuram habere Præfulem Traiectinum scripsisset. Porro miraculi vice tradendum posteritati

visum

visum est memorabile, quod dum ædis Deiparæ Virgini ibi sacræ fundamenta iacerentur, vorago quædam se ostendit, quæ nulla cæmentorum sarcina quàm oppleri posset, non carbonibus (vt in palude nobilissimum Ephesinæ Dianæ templum firmatum fuisse legitur) sed solo taurinorum tergorum substrato puluino stetit : cuius rei memoriam tueretur basis columnæ voragini impositæ, haud inepto, vt tunc ferebant sæcula, disticho consignatam,

Accipe posteritas, quod post tua sæcula narres,

Taurinis cutibus fundo solidata columna est.

BATAVODURVM.

Inter oppida Bataviæ olim peculiaria, postea Traiectinæ ditioni per Imp. Francos (quorum propensus in Episcopatum suæ gentis singulari beneficio institutum fauor ac studium multis in rebus eluxit) admensa atque addicta, primum occurrit Batauodurum prærogatiuo alia omnia superans, vetustatis præiudicio, quippe cuius minimè ambigam faciat mentionem Tacitus, postremo eorum qui ad nos peruenere libro, vbi Germanorum (qui postea Franci dicti fuere) manum scribit adnixam fuisse irrumpere pontem qui Batauoduri recēs inchoatus fuerat, ad elicem Rheni, Leccam nuncupatū, sed quia secunda legio (quæ & Augusta & Britannica cognominata fuit, deposita isthic post debellatos à Nerone Frisios) præsidio urbem illam munierrat contra vim externam nimium valido, frustra tentata irruptio spem oppugnationum, qui aliquam in parte fortunam affore confidebant, eluserat. Vulgaris lingua oppidum istud vocat, seruato vestigio postremæ partis vocabuli, *Wijck te Dursfede* recentior ætas Durostatum, quod ipsum euenit in Marcoduro, cui Dura nomen mansit, nimium duram fati legē ante annos aliquot à Caroleis experto, quod equidem miror cur Durostatum. Batauodurorū appellari vir quidam doctus, quasi Batauoduri populi nomen sit. Hanc opibus copiisque affluentissimam fuisse urbem memorant Annales, in qua plura quàm quinquagena abundarint fana;

cui rei (pacē dixerim bona Annalium) fidem derogare paratior sum, quàm adhibere, quòd existimem Francos Imp. pro acri & inflammato studio, quo religionem, per dispositos passim præsulatus, mactam volebant, tunc tēporis beatam & florentem copijs urbem, & ob antiquitatis nomen commendatiorem, istam potius ad eminentem honoris dignitatēq. apicem fuisse euecturos, quàm Traiectum minoris tum famæ urbem, nisi si quis opponat in illa Sybaride maius auocamentum ab otio sacro nouæ religioni necessario illos Principes fuisse veritos, aut in obscuriore vrbe tanquam in mustaceo splendidā magis laureolam quæritasse: utcunque sit, à Nortmannis, qui cuncta ferro & incendijs fœdè, absumpserunt, excisam dirutamque omnes fermè consentiunt, contractionibusque pomerijs inclusam. Locuples satis hac ætate est oppidum ob situm ad Rhenu commoditatemque subuectionis rerum necessariorum. Distat Culemburgo ad milliare vnum, Traiecto ad tria: situ loci peramœno, habet arcem veteris operis non contemnendam, in qua fermè sedem habere solent Præsules Traiectini, non ob amœnitatem tantum & omnigenam commoditatem quam locus vitæ præstat, sed quod veluti secessus quidam sit secretus à turba interpellatorum, ita extra vsum vulgarem positus, quod in magna cum sacrorum, tum profanorum frequentia euenire necesse est.

G R I N N E S.

Paret etiam hoc oppidulum Traiectino Præsuli, vetus reuera, Tacito non indictum, apud quem libentius Rhenes, quàm Grinnes voce Romanis absona legerim: quod à Classico præfecto alæ Treuirorum, militiæ togæq. artibus iuxta claro, qui cum Ciuili Batauo causam suæ gentis coniunxerat, strenuè oppugnatum fuisse scripto prodidit, fortiusque cum multorum virorum fortium cæde defensum, quòd in eo castra essent cohortium alarumque. Situm habet ad Rhenum quarto à Traiecto milliari, muris arduis & vallo cinctum, Diuæ Cuneræ, quam à Chunnis faucibus obliſis

oblisis laqueoq̃ue fractis interemptam loquuntur Annales, indigetum genti nuncupati, & quam custodem ac tutelarem sancte venerantur oppidani, sacrum.

AMERFORDIA.

Amerfordia à traiectu Amili, qui fluvius vulgo Eem dicitur, seq̃. in sinum Batavicum exonerat, nomen fortita est, quam Amerfurtū eadem lege nominare malim, qua Francofurti quàm Francofordiæ appellationem multi præferre videntur, propterea quòd in furt/nō præsidij aut munimenti, sed traiectus significatio insit. Oppidum iniurijs Geliorum obnoxium, quas non semel olim expertum fuit, neq̃. ita pridem, quando ad annum MDIS XLIII. per deditionem occupatum à Martino Rossemio, qui Iuliacensis Reguli auspicijs militabat, dicenda tacendaq̃ue passum, ad arbitrium libidinemq̃ue victoris, omni argento facto infectoq̃. exuitur, mundum muliebrem ornatui comparatum sexu imbelli tradere iussu. Amisus in Velauia ortus, medium oppidum intermeat, ab oriente sole Velauia adiacet, in meridiem obtenduntur longo tractu arenosi colles. Populus est ferox & martius, quiq̃ue occupato per proditionem Traiecto ad annum sesquimillesimum duodetricesimum Henrico Bauaro Episcopo strenuam operā nauauit in vlciscendis militariter iniurijs, edendisq̃. præsidiariorum stragibus.

Amisus fl.

MONFORTIUM.

Monfortium non ignobile oppidum opere situq̃ue loci munitum, præsidij causa à Gotefrido Præsule Traiectino olim ædificatum ad excludendam vim & arma ab Hollandia ingruentia, positum ceu in triuiu, punctiq̃ue obtinens vicem, quippe intra ambitum trium pari interuallo distantium oppidorum conclusum, quæ sunt, Ielsteinium, Oudewatera. & Woerdenum. Assidet Iselæ fluminis ripæ, arcemq̃ue habet, cuius vicarium dominium est penes Dynastas Monfortianos. Atque ista quidem Traiectinæ dittonis tutelam agnoscunt oppida. Iam sunt & in veteris Bataviæ gremio bina quæ Gelriæ peculiaria sunt, Huesseenum

*Huesfenum.**Tiela.**Bura.**Maximiliani
Burani laus.**Obertus Gi-
fatinus.**Culenbur-
gus.**Velaui.*

& Tiela, & bina alia quæ Dynastas suos habet, Bura & Culenburgus. Primum illud exigui momenti oppidulum est, Rheno contiguum, & telonij iuræ notû. At TIELA in dextra Vahalîs ripa, oppidum est utcunque frequens, oblonga facie, hinc palude prætextum, inde Rheno oblitum, suburbio in septentrionem obuerso, quod propugnaculi vicem præstat, & natura & opere longè munitissimû, quod olim arcta obsidione circumdatum à Belgis, inanes eorum conatus facilè contempsit, & pericula exiuit non sine illustri honoratæ militiæ exemplo, adiuuante obstinatam animorum voluntatem partium studio, quæ gloriæ dignitatîsq. æquationem in inferioris conditionis ductore inuidebant. BURA distat Tiela milliarij interuallo, mediocri fortunis ædificijsq. quæ oppidum, Comitatus dignitate celebre; quod Lazijs multijugæ lectionis scriptor Burtinatum Antonini esse iudicat, opinionis minimè certus, vbi sextæ Legionis statua fuisse autumat: adlitum est exiguo riuo, quem molariam fossam vulgo nominant, non procul Linga amne. Arcem habet multo omniû validissimâ; paret Philippo Guilelmo Arausini Principis primogenito, summæ spei adolescenti, nepoti Maximiliani Burani Comitîs, illius qui circumferendo arma Palladis instar Gorgoneum caput vibrantis, pauorem quaquaversum aduentu suo populis incusserat, qui cum Antiocho fulminis cognomè, cum Pyrrho Aquilæ potuerat tueri. Hæc Oberti Gifatinj patria est, qui famam laboris æmulam laudemq. cum doctissimo Lambino participare in restituendo Lucretij poemate studiosè sategit. CVLEMBVRGVs Buræ vicinus adiacet aluco sinistro Leccæ fluminis, territorium habet locuples, lateq. patens, non ita pridem Comitatus titulo honorario illustratus, Philippi Regis beneficio, nuper etiâ in fatali isto calamitatum, quæ totum inuoluerunt Belgium, diluuiò, latam fugam Dynastæ sui iniquis oculis contemplari coactus. Velaui quoque, nunc iusta Gelriæ portio, olim à socia Germaniarum tellure violenter per Drusi exercitum abscissa, immis-

soque

soque Rheno diuisa, atque ita Romano iuri cum Batavia
 haud aliena, sæpe illis auxiliares copias Germanorum cis
 Rhenum sitorum appellatione, vti Tacitus testatur, notas, ad *Cisteriani*
 belli usum euocantibus, hac tempestate Hollandiæ conti- *Germani.*
 gua, sed vt peculiaribus legibus addicta, ita maiorum no-
 strorum ætate illi infesta atque inimica. Hæc fabuletis, eri-
 ceris, & collibus alicubi minus fertilibus, vastaque eremo
 incultior, cespitumque fodinis paratior, neque subessorum
 latrocinij olim ignobilis, quina habet oppida, inter quæ ca-
 put Velauiae Arenacum, & Vada, Rheno assident, Hatte-
 num Isalæ; maritima sunt Elburgum, & Harderuicum.
 ARENACVM, docui antea Arneheimum, quasi imperia-
 lis aquilæ domicilium hodie vocari, Concilijque primarij
 ditionum Gelriæ Zutphaniæque sedem, nō longè bifidum
 Rheni diuortium spectare, copiosum, elegans, & omnibus
 modis munitissimum oppidum. Hoc loco addendum è ve-
 tustate, ista in vrbe statiuā fuisse Legionis X. quod auctori-
 tate Taciti cōstat, quam à cristatarum cassidum insignibus,
 Gallico vocabulo Alaudam dictam Cæsar fidem facere po-
 test, quanquam & Veterana & Germanica eadem post ap-
 pellata fuerit: quam propter virtutem maximi semper isto
 fecit, & in rebus dubijs vsus feliciter fuit: quam ita quoque
 adamauit, vt quum ipsa ob excitatum tumultum militari
 more decimationem (id est, animaduersionem capitalem
 in decimum quemque militum) flagitaret, noxæ eam exe-
 merit: quam denique vniuersam compositis bellis ciuitate
 donauit, quod disciplina cultuque Romano instituta præ-
 clarè ornataque esset. VADA, Tacito dictum oppidum, *Vada.*
 quod Vaganum alij nominant, olim Rheno adsitum, nunc *Waghe-*
 vicinum, solo palustri & argilloso inædificatum, natura &
 opere validum, quondā irrita oppugnatione à Ciuili Bata-
 uo tentatum, dum hic odij procax infestis armis oppugnan-
 dum sibi nepotem è sorore Iulium Briganticum destinat, il-
 le pertinaciore sed exitioso sibi odio auunculum repellit,
 inter fortissimum quemque fortiter pugnando desideratus.

Hattenum

Hattenum.

Hattenum in læua Ifalæ ripa situm, oppidulum exiguum & lutulentum, sed aduersus vim validum cum arce munitissima. ELBVRCVS ad interiorem freti Batauici sinum in littoris crepidine sedet, oppidulum quadratum, piscario negotio deditum, rerum alioqui egens, quod olim inter bella bonis fortunisque alienis deprædandis instructius fuit, quàm

Harderwic.

locupletando externo hosti. Harderwicum, pastorum seu opilionum perfugium sonat, Batauici in sinus littore seu æltuario potius sedet, quem multis annis infestum myoparombus habuit, viuentem Carolo VIII Adolphi Impij filio,

Caroli
Gel-
rus
flagellum
Dei.

viro mauortio, & (quod de Attila dictum fuit) flagello Dei in finitimos. Oppidum est valdè munitum opere, cum arce: quod ignis depastus fuit ad annum salutis tertium supra sesquimillesimum, tam furens & violentus, vt totum intra tres horas conflagraret, fortunis corruptis omnibus, cū multorum etiam interitu, fartis tectis seruatis quinq. aut summum sex ædificijs: oppidani piscatoriam fermè exercent. Eodem in littore, sed extra Velauiam, sui iuris solum habent Campi, ad sinistram Ifalæ ripam, secundum amnis decursum opportuno loco situm oppidum, circuitu amplum & spatiosum, ædificijs splendidis & elegante structura superbis, ponte sublicio coniungitur cum Transisalana vetere Francorum ditione, vt docuisse me puto. Hanc urbem volunt esse Naualia Ptolemæo sic dicta, fortè quòd eo loco nauigia quæ aduersum hostes & piratas instruebantur, illic apparari aut stationem habere consueuerant. Bilibaldus, alijque Portum Manarmanis appellant. Porro sine ne multitudinis numero Naualia Romano more dicta, an vnitatis numero Naualia primæ inflexionis, ambiguum me fecit Taciti locus in fine historię, vbi de loco conuentui inter Cerialem & Ciuilem delecto hunc in modum loquitur:

Campi opp.

Naualia.

Manarmanis
portus.

Petito colloquio, scinditur Naualia fluminis pons, in cuius abrupta progressi duces. Videtur enim indicare apud Naualias pontè sublicium fuisse destinatum cōgressui colloquioque ducum, cum, inquam, pontem qui flumen Isalam

continenti

continenti iungit, cuius vtrunque asseres & tigna securitati vtriusque abrupta fuerint & sublata, ne per comparatas infidias alterutri periculum crearetur: neque videtur vsquam locus aut pons super Rheno opportunior commodiorque colloquio potuisse tunc extare aut à nobis excogitari: tametsi illic loco Navalix Beatus Rhenanus substituendum Vahaliscenset. Hos Camanos quasi Campanos Antonius Scoonhouius nostras vir non infeliciter in historijs versatus, esse iudicauit, ac trans Isalam, qui cursum postea mutauit (vti constat) olim sedisse.

Taciti locus.

Camani.

CAP. XII.

De CL. Ciuili regia Batauorum stirpe nato.

PRIVSQVAM res militiæ cum magna laude gestas à Ciuili describam, non alienum rationi nostræ fore existimaui, si quæ de eo passim memoriæ prodita extare memini, sub vnum quasi obtutum congesta proferam. Fuit CL. Ciuilis summo inter Batauos loco, regia stirpe multo cæteris illustrior, solers ingenio, militaris disciplinæ laude clarissimus, dux exemplo, miles factio, nullius laboris fugitans, & qui benè gerendæ rei occasionem è manibus elabi nunquam passus est. Animus eius in periculis adeundis vt cætera prælia fortiter decerrata, ita & postremum illud apud Vadam (Vaganum nunc vocamus) quam oppugnabat, ostenderunt, vbi in retinendis suis fugientibus in extremum vitæ discrimen coniectus Rhenum transinotare coactus est. Altero lumine orbis fuit, quam oris fœditatem non modò non ignominiosam duxit, vt caluitium Iulius ac Domitianus, sed vt decus & ornamentum virtute emptum verbis etiam vltro ostentauit, laudata oculorum in spectatissimis maximisque ducibus orbitate, inter quos præter Philippum Macedonem, (quem Arimaspi genti vno oculæ cognatum falsè vocabat Aristides) Sertorium summæ sed calamitosæ virtutis ducem, & Hannibalè pœnum representabat, quorum ille dum manum ipse conferendo impigrè periculis caput

CL. Ciuilis.

Vada, hodie Waghenin: ghe.

Lib. 20.

Taciti locus
explicatus.Iulius Paulus
frater Cl. Ci-
vilis.

primus obiectat, hic dum munia ducis obit, contracta è per-
uigilijs lippitudine, alterius oculi vsum amittere : quod malè
intellectus à nonnullis Tacitus minimè dissimulauit his
verbis; *Ciuilis ultra quàm barbaris solitum, ingenio solers,
& Sertorium se aut Hannibalem ferens similioris dehone-
stamento.* malè intellectum dixi, quòd nouerim qui arro-
gantix Ciuilem hìc insimulari autumant, quasi qui iactan-
tius & non sine probro se cum fortissimis clarissimisque du-
cibus æquauerit, quorum nominibus in re manifesta tur-
piter errantium, honoris causa parcetur. Eam fortissimi du-
cis gloriationem è laudis ac honoris studio profectam, ne-
mo honesti æquus arbiter vitio verterit in illo magis, quàm
in hoste Philippo prædicat Demosthenes, qui artus suos (vt
ait) fortunæ prodigendos dederit gloriæ cupidine, nempe
oculum Asteris Sagittarij telo euerberatum, clauiculam hu-
meri perfractam, & crus mancum : quando & Sertorium
aduersas semper ostentando cicatrices orbumque lumen,
maximè gloriatum ceu præcipuo ornamento Plutarchus
dicat: quem Sallustius quoque in historijs quum laudat, quod
compendio & quæstu gloriarum, fortunæ arbitrio mem-
brorum iacturam permisisset, dicit illum maximè lætatum
fuisse eo corporis dehonestamento, effosso videlicet oculo.
Ciuilis veteri gentis Batauæ instituto cohortem rexit, quod
& in oratione apud Montanum Treuirum ipse fatetur, vnus
cohortis præfectum se vocans, quo in munere viginti quin-
que annos consumpsit stipèdia Romanis faciendo. Fratrem
habuit Iulium Paulum, fortissimū ducem, quem Fonteius
Capito auaritiæ & libidinis fœditate maculosus, falso rebel-
lionis crimine obiecto interfici iussit, vt testatur Tacitus,
cuius immeritam necem graui oratione deplorat ipse apud
Alpinum Montanum, conquestus egregium se pro labori-
bus periculisque quæ tot per annos pro Romanis dominis
exhauscrat, operæ pretiū tulisse, nempe fratris interitum,
iniectas sibi catenas, & exercitus sæuitiam, qui sua scelera
supplicio ipsius expiari flagitabat. Constat autem Ciuilem
compe-

compeditum iussu Capitonis ad Neronem fuisse destinatum, sed eo tyranno interea temporis è vita sublato, quæ res illi salutem peperit, Galbæ beneficio absolutum ac dimissum, neque toto vertente anno, rursus ab exercitu appetitum & supplicij capitalis postulatum, initio principatus Vitellij, qui periculo virum exemit ob potentiam & auctoritatem, qua inter Batauos eminebat, ne gentis bellicosæ studia ac voluntates supplicio illius ab se alieno tempore auerteret, tum vt cohortes lectissimorum militum Batauorum, quæ in ciuitate Lingonum confederant, sibi eo facto conciliaret atq. obstrictiores redderet, quæ vtramq. (quod dicitur) paginam facere, & magnum in alterutram partem vel amicæ vel aduersæ momentum adferre poterant, eæ namque discordia temporum (quæ breui interuallo plures Imperatores salutauerant) à quartadecima legione discessionem fecerant. Vxorem habuit, ex qua virilis stirpis prolem suscepit, cui etiamnum paruulo captiuorum quosdam iaculis puerilibus sagittisq. confingendos obiecisse patrem Tacitus ex fama refert. Eum filium inter motus Germanici primordia deprehensum, Agrippinenses honoratè custodiuisse ex eodem constat: cuius beneficij memoria flexus pater, obstitit quo minus in excidium vrbs direptionemq. Germania prouerit. Vxorem flagrante bello Germanico apud Agrippinam Coloniam fœderatam urbem cum sorore suâ, pignora societatis deposuerat, proditas post leuitate & perfidia Agrippinensium, post malam pugnam vercordia Germanorum commissam, qui omissis telis, manus Romanorum spolijs impediuerant. Soror illi fuit fœcunda plurium liberorum genitrix, inter quos numero Iuliû Briganticum animo perduellem ipsi, & Claudium Victorem, ac Veracem, auspicata nomina, vtrunque studiosum Ciuiliſcultorem: quorum ille promptissimum quemque aduersus Dillium Voculam duodeuicesimæ legionis legatum, ab auunculo missus duxit, eiusq. castra ingenti strage compleuit: hic præsidium Romanorum, quod Vadæ inerat, con-

Julius Bri-
ganticus.

iunctis cum auunculo copijs fortissimè oppugnauit. Tertius filius Iulius Briganticus, quem nominaui, ala equitum præfectus, fidem Romanis datam ad extremū vsque spiritum obstinacè coluit, inexpiabili & pertinace odio (vti plerunque proximorum inimicitia solent esse acerrimæ) aduersus Ciuilem auunculum imbutus, qui cum fortissimis quibusque interemptus cecidit, quum ad sustinendam vim & impressionem Batavorum apud Vadam Renelque pugnantium, impar esset. Fuit autem Ciuili vetus consuetudo & obseruantia erga Vespasianum post Imperatorem, ob militarem industriam, mutuamque illi amicitiam, quamdiu priuatus ille fuerat, aluerunt; quin & prætextu illius amicitia à Vitellio, non sine ingratitude quadam macula, defecisse legitur, eoque sublato iugum Romanorum à ceruicibus deiecit; Batauiamque in libertatem asseruit, vicinas ferè gentes omnes Germaniæ Galliæq. in socium bellum conuoluit. Quo ex facto considerare possumus & animo colligere quanta viri auctoritas, quanta eloquentia in persuadendo bello difficillimo vis atque pondus fuerit. Hæc ferè de viri conditione, ingenio, & familia comperi, nunc reliqua viri præclara bello facinora detexere aggrediar, vestigijs inhaerens Taciti, qui Belgicæ rationes olim procurauit & exacta fide cognitas percalluit. sed priusquam ea enarrem, digrediendum mihi erit & explicandum, quæ res vt alias nationes, ita Ciuilem quoque bellum sumere iustaq. arma inducere compulerint. Ei rei ansam dedit Roman. intolerabilis ac nefaria crudelitas, tyrannica violentia, & auaritia insatiabilis, id quod non dissimulat locuples testis Corn. Tacitus fidei in historia integer, Britannia rebellionem auaritiæ legatorum centurionumque imputans, quando extincto Icenorum Rege vastatum fuit eius regnum per Centuriones, domus per seruos, ipsa Regina Boudicia siue Voadica (vt alibi nominatur) verberibus confecta, violatis stupri iniuria filiabus, & primoribus auita hæreditate ac bonis exutis, haud aliter quàm si regionem vniuersam muneri ac-

cepissent.

cepissent. Idem non obscure Frisios Transrhenanum populum corrupisse pacem cum Romanis memorat, magis implacabili cupiditate illorum exacerbatos, quàm quod obsequij impatientes fuerint. Nam quum Drusus exiguum illis tributum imperasset, rebus illorum angustioribus, annum bubulorum tergorum numerum in militares usus, non adiecto mēsuræ modo aut firmitudinis ratione, Olenius quidam Frisiæ procurator à plebecula vrorum (ij in taurorum genere immani corporum mole sunt beluæ, inuijs Germaniæ saltibus frequentes, Frisijs nullæ) coria asper & improbus exactor flagitauerat; cuius libidini quum omnia cessissent; principiò bobus, mox agris, demum etiam liberis corporibus seruitio traditis, vbi reliqui iam nihil esset, quod implacabilem illum sinum ac voraginem expleret, cōuersa in rabiem sera patientia, sumptis armis iniurias ultum eunt, suffixis patibulo militibus, qui præsentes tributo aderant, fuga celeri elapso duce in castellum Fleuum, alioqui seruili supplicio iniustam dominationem expiaturus. Quoties Romani securos datæ fidei hostes, præter belli legem, quæ hosti quoque fidem seruat, trucidarunt? Seuerus militiæ dux Valentiniani principatu Saxones, quibuscum inducias pepigerat, ac datis obsidibus solutiùs iter facientes, ex insidijs abdita in valle abstrusis ad internecionem vsque fraudulentè cecidit, teste Marcellino. Eadem doli mali libidine Lib. 28. vsus Iul. Cæsar quum permulsis confirmatisque legatorum (quos Germani paciscendi causa miserant:) animis, ob tridui inducias securiores, immisso equitatu foedissimè profligauit. Nōne Iulianus nefario exemplo Guldemundum Lib. 16. Romanis fœderatum pacisque vinculo obstrictum, & intermerata fide clarum per insidias interemit? Gabinium Quadorum Regem à conuiuium ad quod rogatus venerat, digredientem, post hospitales epulas, officij sanctitate immani scelere violata trucidatū Valentiniani Imp. permissu scribit Ammianus, cuius facti atrocitate efferatæ gentes ingentem Lib. 19. Romanis finibus cladem intulerunt. Eodem modo Paras

Armeniorum Rex nihil hostile à Rom. duce metuens, vocatus ad conuiuium hospitale Valentis iussu, inter epulas etiam barbaris sacrosanctas ac reuerendas, perforato pectore miseranda victima concidit, dispersis maximo horrore (vti par erat) conuiuiis. Quid de Valentiniano adhuc dicam, qui curam omnem eò contulit, vt Macrianum Alemannorum Regem ob nimiam potentiam sibi suspectum, vel vi vel occultis insidijs tolleret immiſſis percussoribus? sed quum ille velociori carpento impositus dolum manusque euasisſet, mirum quàm tristis frustratum successum indoluit, vt idem historicus scripto prodidit. Eadem caussa Dalmatis motuum occasione aperuit, nihil dissimulante apud Tiberium Batone rebellionis auctore, qui pro se & cæteris pactus liberum comitatum, fide publica in castra Rom. venit, perductusque ad Tiberium pro tribunali sedentem, interrogatus cur motus illos concitasset, negauit illi, se crimini obnoxium, quin potius Romanos eiusce rei auctores fuisse, qui non pastores aut canes tuendis gregibus præficere, sed dilaniandis lupos immittere soleat, vt Dion Nicæus scripto mandauit: quod ingentis spiritus heroicique pectoris viri dictum liberè castigantis flagitiosos Rom. mores dignissimum quod memoria teneatur, mihi videtur. Hinc est quod Arminius ille assertor Germaniæ, pugnam aduersus Cæs. Germanicum initurus, milites suos pugnam poscentes admonet, meminisse auaritiæ, crudelitatis, & superbiæ Rom. vt præ oculis habeant ea præcipua & notissima omnibus crimina in hoste notata, à quibus vel gloriosa morte, vel bellica virtute vindicare se possint. Nō minor itaq. (vt ad carceres redeam vnde euolaui) sæuitia & dominationis impotentia, tyrannis denique nouandarum rerum occasionem Batavis attulit: Nam quum gens ista à vectigalium oneribus immunis, virtutis merito & socia haberetur, solumque viros atque arma ministraret imperio ad stipendium & ductu nobilissimi cuiusque è suis popularibus (magnum priuilegium) non autem Romanorum, militiæ ope-

ram:

Lib. 30.

Lib. 29.

Lib. 56.

ram nauaret, fortè iussu Vitellij Batauorum iuuentus ad delectum excita, dabat nomina; ibi tum ministri cogendis cohortibus præpositi, auaritia & fœdo luxu onerabant magis ac magis delectum, suapte natura grauem & molestum, quando vel ætate fessos atque inualidos conquirunt, vt certo pretio repræsentato dimitterentur, vel annis impuberes, sed forma & liberali specie conspicuos ad stuprum rapiunt. Ea ex re orta inuidia, mox concitata seditione gens delectum abnuir: gliscentem populi motû iuuir Ciuilis, de quo sermo est, qui primoribus gentis & inter populares præcipuis, quos in sacrum nemus (sunt auctores qui apud Vordburgum fuisse autumant, vulgo *Scaecken bosch* / voce non multum à veteri appellatione absona, vt à me alibi dictum est) epuli obtentu conuocarat, post cœnam & liberalius symposium in multam noctem extractum, vbi mero incaluerant animi, orationem inflammandis animis comparatam, aggreditur, exorsus à bellica laude & immortali gentis gloria armis factisque stipendijs toties illustri, illis ob oculos exponit iniurias, raptus, iugû plus quàm seruale, legatorum vitæ necisque ius è libidine statuentium imperium, sanguinis & fortunarum vilitatem, quæ ex arbitrio præfectorum & infimæ conditionis Centurionû pendeat; ingeniosa prædandi exhauriendiq. sui vocabula in varias mutata species, quæ hirudines illæ ad viuum cuncta exsucturæ, noua semper excogitent: præfectorum frequentes mutationes, qui postquam sanguine & spolijs regionum ditati, tanquam spongiæ, intumuerint, ad Vari Quintilij exemplum, pauperes diuitem ingressi prouinciam, eam opulenti pauperem relinquerent, pro brutis, quasi præter vocem & membra nihil haberent hominû, subditos habentes. Addit sub ficto societatis olim validæ, nunc inorientis nomine, grauiam imponi onera, libera iuuenum corpora ad nefarij stupri consuetudinem abripi, in foribus adesse delectum, qui charissima pignora à parentibus diuelleret, fratres consanguineosq. arctissimo necessitudinis vinculo coalitos suprema quasi

forte

forte dissociaret. Docet res Romanas grauiter esse affectas ac penè profligatas, intestinis malis conuulso imperio, quod affectantes plures sanguine mutuo licitentur, militem qui in hybernis sit præfidiarius, emeritum esse & senio fractum atque exoletum, nomen magis quàm robur, non esse metuenda nomina inania & simulacra quædam legionum: esse sibi integram militiam, peditum equitumquæ manum validam, Germanos habere vicinos, cognatione sanguinis sibi iunctissimos, causæ futuros vindices & adiutores, Gallias quoque à tristi seruitio anhelare communem libertatem, Romanos etiam ipsos belli potiùs spectatores fautoresquæ fore, quàm ex professo aduersarios, siue ob partium studia, siue quòd Vespasiano omnia conturbanti, ytcunque res cadant, belli ancipitem fortunam. sint imputaturi. Dicta viri non dissonus fremitus, sed vnanimis omnium consensus comprobauit. Itaque ritu patrio conceptis iurisiurandi verbis omnes obstringuntur, illo sacramentum præeunte, ac desertoribus compositas diras carmine solenni imprecantur. Interim priusquàm delectus qui mandato Vitellij nouus haberi debebat, appeteret, tota Batauorum ciuitas pertinaci consensu respuendum illum prorsusquæ repudiandum decernit, deinde per admissarios qui seditioni alimenta suggererent ac per nuncios & occultas literas Caninefatù bellicosagens & foederata in belli societatem pertracta, sollicitata in superclandestinis tabellis Britannica legio. Tum destinatos iam hostes astu eludendos ratus ac Lyfandri consiliū secutus, Leoninam vbi non sufficeret, vulpina assuta supplere cogitans, Vespasiani amicitiam militiæ rudimentis partam, illiusquæ partium studium prætexit, quo obtentu cohortes Batauorum & Caninefatum, iussu Vitellij, qui principatus titulū iam circumdederat, accitas per nuncium reuocat Magontiaci, quò peruenerant urbem petituræ. Dum hæc aguntur, primi Caninefates non diu moram nectunt, Brennonem proiectæ audaciæ virum, sed illustri inter suos loco natum, ducem creant, humeris succol-

lantium

lantium more patrio iactatum vibratumque in clypeo. Is confestim collecto tumultuario milite & euocato Frisiorum agmine, improvisè cohortium Romanarum hyberna opprimit, castra diripit, lixas & negotiatores Romanos latè dispersos inuadit, castella excindere apparat, quæ ipsi cohortium præfecti incendio corrupere, quod ad arcendum hostilem impetum minus essent valida. Signa & quicquid Romani erat nominis, in superiorem insulæ tractum fugam intendunt, Aquilio primipilum ducente. Conuersus ad dolum Ciuilis præfectos probri inculsat, ob desertas castellorum stationes & munimenta aduersus incurfantium iniurias satis firma: curarent sua quisque, hybernacula repetere admonet, se cum copijs suis tumultum repressurum. Fraudis suspicionem mouit vltroneum consilium, quasi diuulsa ac distracta exercitus membra facilius opprimi conficique, vt res est, possent. Neque diu stetit occultum consilium, quippe quod è latebris erupit per Germanos (ita Franci nominabantur) proditum. Postquam insidiarum apparatus spes euauit, vim apertam parat Ciuilis, Batauos, Caninefates, & Frisios generatim, in singulos quamque gentem cuneos distributam componit, atque ita instructas copias secundum amnem Rhenum in hostem ducit, vtraque acies auidè se offert certamini, quod haud diu æquo Marte gestum est, transitionem ad Ciuilem faciente Tungrorum cohorte, qua repentina inclinatione rebus per socios proditis, ingens occisio & cædes perpetrata est. Parem fortunam sensit hostilis classis, quæ perfidia vectorum & remigum (quorum non minima pars Bataui erant) in manus hostium venit, dum ficta quadam imperitia non modò nautarum, sed & propugnatorum munijs officiunt, eaque turbant, aut de industria puppes ripæ hostilis crepidini obuertunt, aut denique rectores nauium & præfectos militares, nisi secum consentientes, interimunt: qua ratione quatuor & viginti naues partim captæ, partim perfugio usæ hostium se potestati permisierunt. Ea victoria, quæ paucorū sanguine Ciuili

T

stetit,

sterit, ut per se illustris in præsentia, ita magno deinceps vsui fuit. Nam præter celebre patriæ liberatoris nomen iam par- tum, famamque inclytam per Gallias Germaniasque latè vulgatam, non solum nauibus armisque, quarum rerum fuerant inopes, potiti sunt, verum etiam vna istius momen- ti ope in auxilium opportunum vicinas Germaniarum na- tiones attraxerunt Bataui, missis ad id legatis belli subsidia confestim promittentes. At cum Gallis alia ratione coire belli societatem, easque ad amicitiam adiungere satagebat Ciuilis, versatili ad omnia ingenio, nimirum ut beneficijs donisque ad vsus suos traduceret, dum cohortium præfe- ctos, quos hoc bello ceperat, gratuito & sine mercede di- missos, in ciuitatem quemque suam ablegat: militem grega- rium ab armis dimittit, facta optione & delectu libero vel abeundi vel manendi: illis spolia proponebantur hostilia, isthic honorata & stipendiaria militia. Interim non cessat secretò omnium aures imbuere sermonibus, instillâs iden- tidem malorum infinitorum ærumnosam recordationem, quæ tot per annos indigna perpeSSI fuerant, in graue & lon- gum seruitij iugum, falso pacis nomine velatum, præcipi- tari. Nos, inquit, quota Galliarum pars Bataui, vacui licet à vectigalibus & tributorum oneribus exempti, arma tamen induimus, ut impotentem ac superbum Romanorum do- minatum, quem nobiscum communem sustinetis, & quo libertas omnis armis victa penitus concidit, exiremus, & ac- ceptum à ceruicibus iugum deijceremus. Primo prælio fu- sa à nobis illorum est acies, castrisque exuta: quid futurum auguramini, si Galliæ arma expediant, & coniunctis viribus seruitium excutiant? Italia præter exercitum aduenam & è prouincijs collectitium quantulum obsecro virium armis onerare potest? quibus deductis legiones certè perpaucæ defensionis, multo minus inferendis signis reliquæ supersunt. Id enim uero neruis omnibus contendunt Romani, ut mer- cenario prouincialium sanguine, quem vilem habent, prou- incias debellent, haud suo. Non subeat vos cogitatio de

Iunij Vindicis acie, qui defectionis auctor concitatorq. aduersus Neronis tyrannidem, cum viginti Gallorum millibus commisso infelicitè prælio, suis ipse manibus mortis arbitrium occupauit, temeritatiscue pœnas à se ipse exegit: is namque exercitus prauo consilio ac vi quodammodo ducem suum, aurigæ moderari habenas impotenti non dissimilem, ad arma impulsit, ipse lingua bellare, quàm manibus rem agere instructor: ne nunc dicam quod à Gallis & Germanis Rhenum accolentibus proditus fuerit & concisus. Heduos à lymphatico duce, qui se pro Galliarum assertore ferebat, in arma tractos, & Aruernos itidem nouas res molientes, Bataucis equitatus profligauit. Verginius Rufus nullo ducum, seu nominis claritate, seu rerum gestarum gloria inferior, qui maximum momentum rebus Romanis à tyrannide vindicandis & consopendis Gallicis motibus attulit, is inter auxilia cōtra Gallos etiam Belgarum cohortes habuit. Itaque verè dicere licet Galliam suis ipsam viribus occidisse. At verò nunc par est & æquata vtriusque partis conditio, nihiloque inferiores nos Romanis deputo: nam vt illis in castris vigeat militaris disciplina, neque pœnes nos sepulta eadem iacet. Est nobis veteranus miles, à quo concisæ nuper Othonis validæ legiones. Patiantur illi seruitutis vincula, quibus inuisa libertas, qui Regum Imperijs assueuere, id quod Syria facit & Asia. totusque Oriens, quæ gentes sub impotente dominatione vitam trahere in beneficii loco ponunt. Multos esse in Gallia superstites, qui ante inuecta tributorum onera sunt geniti, ambiguum non est. Stragis beneficio, qua Varus Quintilius virtute Arminij liberatoris cum legionibus cecidit, Germania respirans seruitutem exiit: quo bello tentata fuit & prouocata potentissimi Imperatoris Augusti patientia, non autem Vitellij, apud quem gulæ studio infamem, cuncta temulenta, & peruigilijs Bacchanalibusque, quàm castrensi disciplinæ propiora sunt. Cogitate vobiscum naturæ beneficio libertatem omnium animantium generi concessam, eamque non ab hominibus

modò, sed à brutis quoque expeti. Deinde in virtute verum decus esse positum, quippe qua nō proprium magis bonum habeat homo. Adde quod ope & auxilio Deorum fortiores iuuantur. Proinde oblatam occasionem ne amittite, quin vacui & expertes bellorum, occupatos impeditosque, integri fessos longis militiæ laboribus, opprimamus, dum diuersis in Vitellium Vespasianumque studijs distinentur. Facilis est & expedita via qua vterque occupari possit. Hæc similiaque spargebat Ciuis, ad auxilia è Germanijs Gallijsque intentus: creditusque fuit duas & opibus & potentia florentissimas nationes imperio suo fuisse adiecturus, si peruenire ad institutum sibi propositum ac spe destinatum potuisset. Primos Ciuis motus conatusque non modò non prohibuit, verum etiam aluit auxitque. Hordeonius Flaccus, consularis ac superioris Germaniæ exercitus legatus, quippe qui consilio monitisque haud obscuris illum instruxerat, vt auxiliares Bataurorum copias Vitellij imperio accitas ex itinere reuocaret, sub imagine ac prætextu Germanici tumultus, quod iam in Vespasiani partes ille transferat. Verum postquã aduersus rumor res trepidas vulgauit, castra Aquilij capta, cohortes cecidisse, profligatum pulsumque tota Batauia quicquid Romanorum militum fuerat, confestim Mummius Lupercus Legatus cum duabus legionibus, quas in hybernis habuerat, festinatum iter ingredi atque in hostem ducere iubet. Ille ducis imperiũ impigrè exequitur, legionarias cohortes & è vicinia Vbiorum auxilia, equitatumque è proximis Treuironum agris euocat, raptimque in hostes mittit. adiungitur & Bataurorum equitum veterana turma, cui præfectus erat Claudius Labeo, iam antè pecunijs pollicitationibusque corrupta, sed fidem simulatam ingeniosè premens, quam mox per proditoris scelus abruptit, dum stantes in procinctu Romanos deferit, transfugioque spem commilitonum destituens, magnum operæpretium suorum rebus attulit. Romanus exercitus iustis iam viribus auctus, aciem apparat, vt rebellionis castigatæ exemplum statueret,

statueret, cædemque cæde expiaret. Idem fit à Ciuili, qui deletarum captarumque cohortium signa circum se statuit, ut & hostium animos frangeret repræsentatæ cladis memoria, & suum militem alacriorem erectioremque redderet. fœminarum gregem, in quibus mater sororesque erant, & promiscuam cõiugum turbam, cum paruis liberis, à tergo exercitus consistere iubet, tum ut ad patranda victoriam incitamenta essent, tum uti à fugæ cogitatione, pudore imbellis sexus hosti obijciendi deterrerentur sui. Iam signa canere cœperant, quum ingens à viris clamor tollitur, fœminarum ululatus tota acie personat. Haud eadem paruo alacritate clamor à legionibus surgit, quorum animos ut pavor cladisque recordatio defixerat, ita à pristina virtute deflexerat equitum Batauorum præsens defectio, qui pro sinistro cornu locati, perfugio illud nudarant, facto hostiliter à conuersis in suos paulo ante cõmilitones impetu. Vbi Romanarum legionum virtus & constantia rebus afflictis ac propè depositis se ostendit, quæ seruatis ordinibus, armæque retentans, pedem retraxerunt, effugioque conseruatæ in Vetera castra (qui locus nunc Xantho oppido Cluensis ditionis occupatur) se condiderunt, disiectis in turpem fugam sociorum auxiliariis copijs. Labeo Batauus, qui perfugorum alæ præerat, Ciuili æmulus oppidano certamine (ut solent populares quibus par potentia nobilitasque est, simultates æmulatione alere) ei que aduersus, iussu Ciuilis iniectis vinculis captus, in Frisios extra conuentum paullo post amandatus fuit, ne dissensionis ac discordiæ semina excitaret retentus, neve interemptus vir strenuus magnoque natu ipsi inuidiam pareret: quanquam ille non multo post corruptis pecunia custodibus elapsus ad Vocolam legatum in Vbiorum ciuitatem perfugit, maiora viribus illi pollicitus. Eodem tempore Batauorum & Caninefatium cohortes auxiliariæ, quæ delectu acto stipèdia Vitellio faciebant, Italiam petituræ, ex itinere reuocantur Ciuilis literis per nuntium missis: quibus perlectis omnium animi repente

auerſi ſunt ab inſtituta profectione, itaque præter ſolitus ſuperbia ferociaque elatiores factæ, donatiuum itineri poſcebant, geminari inſuper ſtipendium, augeri quoque alacriorum equitum numerum flagitabant, nulla aſſequendi quod poſtularant ſpe, ſed vt diſceſſioni ſeditionique anſam quærent. At Flaccus importunæ poſtulationi indulgens multa conceſſerat, ex quo ingentibus illius pollicitationibus inflati, acrius inſtabant impenſiuſque expoſcebant, quod ſibi negatum iri præſcibant. Eò tandem erupit audacia, vt contempto Flacco, quem præter ſocordiam ſenium pedumque debilitas contemptiorem faciebant, patrias ſedes inferioris Germaniæ repeterent, Ciuili ſe coniuncturi. Flaccus communicato cum tribunis militum ac centurionibus conſilio, quid tali in re fieri oporteret, conſultat, rebellẽ ſine imperio obſequẽtes redderet vi adhibita, an coactum & expreſſum militis obſequium, vt inſidum, rebusque ſuis incommodum valere ſineret. Sed ſiue ingenita ignauia, ſiue miniſtrorum ſocordia, qui exequi periculofam pugnandi cum veteranis rationem horrebant, cum ob lubricam incertamque auxilium copiarum fidem, tum quòd tumultuarij ſubitarijque militis, qui legionum ſupplemento ſcriptus erat, delectu parum fidendum videretur: illos inuitos non eſſe cogendos aut contra voluntatem retinendos iudicans, diſcedere permittit, ſuosque caſtris continere ſtatuit: mox tamen pœnitentia ductus, factumque etiam improbantibus illis ipſis ſuaſoribus, per literas Herennium Gallum primæ legionis Legatum, qui Bonnam præſidio tenebat, monuit, vt obſtricto itinere Batauos imperium detrectantes, intercluderet, ne pateret tranſitus, ſe cum exercitu aſſecuturum ac rebellium terga impugnaturum: id quod factu procliuẽ fuerat, ſi interceptos vtrinque medios clauſiſſent. Sed ab incœpto deſtitit Hordeonius, literisque diſcordibus prioris conſilij inſtitutum reuocauit, monuitque ne moram abeuntibus iniiceret: quæ res mouit ſuſpicionem, bellum ſeri accendi que voluntate ducum, qui è cædibus compendium facerent; illorum

lorum astu & fraude, non militum socordia aut hostium virtute accidisse quæ euenerant, & quæ deinceps expectabantur mala. Bataui castris Bonnæ propinquâtes, per fidum nuncium Gallo suam sententiam exponunt, non esse sibi animum ut Romanos bello iniuriâve laceessant quibus tot per annos mercede militassent, se diuturnæ militiæ atque inutilis labore perfunctos fessosque, desiderio patriæ moueri, ac quod reliquum est ætatis in otio quî transigant affectare: absque maleficio iter se facturos si nemo vim adhibeat, quodd si arma opponantur, haud inultos ferro viam aperturos. Legatus dum lenta cûctatione tempus extrahit, à militibus compellitur prælij fortunam tentare ac periclitari. E legionarijs tria millia, & tumultuarius è Belgio miles, cum paganis lixisque (qui stolidi iactantia ac procacitate ante periculi experimentum cœlum tantum non territare consueverunt) è castris repentè prouolant, Batauos numero impares multitudine circûdaturi. At illi militiæ impigri, & antiquæ disciplinæ memores, densatis ordinibus agmè aduersum perrumpût, coniectisq. in fugam Belgis, legionem loco pellunt. Ibi dum scæda fuga dispersa acies palatur, vallumque & castrorum portas effuso cursu petit, ingens edita fuit strages, completis ruina cadentiû suisq. telis intereuntium fossis. Hac patrata victoria Bataui iter inceptum prosequuntur, Coloniam Agrippinâ ad dexteram relinquentes de via publica nonnihil declinant, neq. hostilius quidquam reliquo in itinere ausi, pugnæ ad Bonnam commissæ occasionem legitimam excusant, quasi petitiæ pacis repulsa afflati vim defendissent. Ciuilis veterani agminis accessione auctus, & iusti iam exercitus dux, inter ancipitem spem metumque dubius, dum belli molem populiq. Romani potentiam secum animo reputat, vniuersos dare nomina Vespasiano, sacramentumque dicere compellit, eademque religione obstringere se duas legiones, quas in Vetera castra fuga peruasisse diximus, missis ad id legatis postulat. Reiecta fuit contumeliosè petitio, responsumque nec se proditoris perfidiam

perfidia secuturos, nec perduellis consilio vsuros: agnoscere Vitellium Principem, pro quo spiritum citius deposituros, quam fidem: itaque desinat ad arbitrium nutumque suum res Romanas fingere atque temperare, cogitetque breui libidinis scelerisque poenas iustas luiturum. Quibus nuntiatis Civilis ob contumeliarum aculeos ira inflammatus, Bataviae ciuitatem vniuersam armat, Tencteros Bructerosque in societatem belli attrahit, & praedae cupidine, bellique prosperè gesti fama prouocati Germani Transihenani vires suas coniungunt. Aduersus ingruentis vndique à foederatis gentibus belli metum, duarum legionum legati Mumius Lupercus & Numisius Rufus vallum reficiunt, moenia reparant, sed quae municipij oppiduli que imaginem repraesentabant proximè castra, domicilia diutinae pacis beneficio secuta haecenus, solo aequant, ne ex hostium usu forent. In eo erratum est, quod frumentum, quod in castra conuehi copiosum potuerat, rapi permiserint, quo factum est ut paucorum dierum spatium confectum absumptumque fuerit, quod necessitati diu suppetisset. Civilis ripa utraque fluminis Germanorum cuneos disponit, quod terrorem geminaret obsessis, ipse medium agmen cum Batavorum robore obtinens, equestribus copijs hinc inde patentes per campos insulantibus. Accedebant eodem nauigia aduerso Rheno acta. Deinde veteranorum signa, & ferarum ora ac species horribiles è syluis prolatae, cumulando terrori in conflictibus (ut suus cuique genti mos est) comparata armamenta, obsessis pauorem incusserant, repraesentata ob oculos quadam belli civilis pariter & externi imagine, quando & cum socijs commilitibusque pugnandum esset, & aduersum externos: quid, quod & obsidentibus spem potiundi castris excitabat valli amplitudo, quod duarum legionum statuiis in sessioneque aliàs exstructum, nunc vix à quinque millibus armatorum defendebatur, quorum vicem suppleuerat ingens lixarum multitudo, quae ad bellici rumoris initium vndique affluerat, bellique ministeria implebat. Porro Veterum

terum castrorum situs is est, vt pars in tumulum editiorem molliter assurgat, pars in planitie sedeat, quo loco vix quidquam munitius & ad reprimendos Germaniarum motus insultusque opportunius iudicauit olim Augustus, quippe quem nunquam tentaturos ratus fuit, neq. in illud discriminis adductum iri rem Romanam, vt barbari vltro ad oppugnandum illum fuerint descensuri. Quæ fiducia effecerat vt de loci natura munimentisq. securi nihil vltra laboris suscipiendum sibi putarint in reficiendo muniendoque, viribus suis atque armatura confisi. Bataui & Transrhennæ gentes suum singulæ locum seorsum præcipiunt, stationesque occupant, vnde eminus rem iaculis gererent, quo separatim suæ cuiusq. virtutis specimen innotesceret. Postquam emissa in irritum tela turribus ac murorum loriceæ adhærere viderunt, vulnerarique desuper missilibus saxis ipsi cœpere, magno clamore impetum in vallum faciunt, ad motis scalis nonnulli scandere, alij per testudinem è scutis supra capita elatis continuatisq. irruptionem facere, rursus obfessi strenuè se defendere, supra stantes sudibus crebris pilisq. muralibus conficere, aut contis præcipientes impellere. Ita per initia illos stolidè feroces, rerumque successu nimium elatos, fefellit primus impetus, ab incepto destitutos, nisi prædæ cupiditas spem remorata illos continuisset in tolerandis aduersis. Vbi hac via res non procedebat, machinas murales fabricari cœperunt, nouo & inusitato ipsis artis tyrocinio, ac propterea rudi atque deformi: quumque deesset industria solertiaq. adornando operi, monstrarunt transfugæ & captiui rationem struendi contabulandi que è materia pontis, quem rotis substratis prorsum agerent ad muros, eo consilio vt partim isti pegmati insistentes, de loco superiore velut aggere prælium confererent, partim occultati intus è latebris muros molirentur ac dolabris subruerent. Verum susceptus frustra labor, opusque informe excussis catapulta saxis afflictum dissolutumque fuit, crates vineæque quas admouerant, iniectis hastis, pice ignisq. ali-

mento illitis corruptæ fuere: quin & oppugnantes immis-
sis ignibus appetebantur, vnde re iam penè desperata, destitit
experiri vltima, consiliumque ad trahendam obsidionem
mutarunt, rati ea mora frangi compelli que ad deditionem
posse, neque ignari alimentariae rei penuria breui laboratu-
ros, tum ob raptum frumentum, tum quòd abundabant
multitudine imbellis ætatis: iuuabat illorum expectatio-
nem proditoris spes, quam inopia plarumque parit, deinde
seruorum perfidia, adhæc belli natura, in quo varij surgere
solent casus rerumque inopinati euentus. Interea Orde-
nius intellecto castra obsidione premi, auxiliares e Gallijs
copias quantas potest contrahit, eas habito delectu Dillio
Voculæ decimæ octauæ legionis Legato tradit, vt magnis
itineribus secundum amnem contenderet, matureque ob-
sidionis periculis occurreret, ipse interim segnem moram
apud Magontiacum trahere, inuisus odiosusque suis, quæ
res illi exitium properauit. Neque verò dissimulanter fere-
bant, ea ex vrbe Batavorum cohortes liberè dimissas bona
ipsius gratia: dissimulasse Ciuile machinamenta, data at-
que accepta fide Germanos flagitij socios adhiberi, illius
opes atque potentiam auxilio Flacci conualescere, non ali-
ter quàm Primi Antonij & Mutiani adiumento creuerint
res Vespasiani: apertas quidem simultates & vim arceri, op-
positisque armis frangi, sed dolos fallaciasque latentes caue-
ri non posse: Ciuilem ducis pariter & militis obire munia,
ipsum aciem disponere, in procinctu stare: at Elacum va-
letudinarium, artubus inualidis infirmum, è lecto mandata
hosti quàm suis vtiliora dare atque præcipere. Itaque pro-
ditoris nece expiandam esse fortissimorum militum virtu-
tem, ducis socordia hætenus torpentem atque eneruatam.
His similibusque inter se verbis seditionis plenis tumultuo-
sisque in Ducem vsi, acri insuper ira excanduerunt ob alla-
tas à Vespasiano, rerum summam tunc affectante, ac pro-
pterea Flacci animum in suas partes solitante, literas, quæ
quòd celari res detecta non poterat, pro concione militi re-

citatae fuere iussu ducis, qui ut conscientiae suspicionem ab se remoueret, compeditos tabellarios ad Vitellium duci iussit. Hac ratione placatis non nihil animis, Bonnam ubi prima legio hybernabat, peruenere: quo loco nondum resederant irae ob acceptae cladis memoriam, cuius culpa Flacco assignabatur, quod discitarent illius consilio iussuque concursum esse aduersus Batauos, iniecta spe aduenientis à Magontiaco exercitus, eaq. proditione dum nulla sequuntur auxilia cladem ingentem accepisse. Ista clam haberi neque ceteris exercitibus aperiri, aut Imperatori exponi: quod factum si fuisset, potuisse vnus perfidiam occursum prouinciarum opprimi. Ordeonius ad purgationis sui periculum conuersus, literarum omnium exemplaria, quibus auxiliares se copias exciuisse docebat, non è Gallijs modò, sed & ex Hispanijs ac Britannia, legionibus legendo praeiuit, pessimoque & in futurum nocituro exemplo instituit, ut vexillarijs tabulae nondum obsignatae in manus darentur, vulgoque militum prius quam ductoribus praelegerentur. Tum verò seditionis vni manum injici iussit, ad ostendendum magis ius poenae in rebelles usitatum, quam quòd vnus culpa totius mole sustineret. Deinde in Agrippinensem coloniam traductae legiones, eodem copia è Gallijs accurrere, quae magnum principio Romanis momentum attulerunt opportunis admodum auxilijs, sed paullo post repentina voluntatù inclinatione ad Civilem defecerunt. Interim augescentibus Germanorum rebus, plarumque ciuitates dum partim amissam libertatem vindicare satagunt, partim deposito seruitio in alias imperium affectant, arma contra Romanum nomen induere. Isthinc praesens exarsit exercitus iracundia, quam vnus militis, quem seditionis reum dux fecerat, colligere non potuerunt aut reprimere vincula: neque destitit ille imperatoris sui conscientiam obtinere, quasi crimine seditionis attentatae in periculum capitis vocaretur, qui ab ipso ad Civilem vtrò citroque internuncius crebrius comesset. Dillius Vocula admirabili animi con-

stantia ac firmitate vsus, clamantem fidemque hominum obtestantem militem ad supplicium rapit, quo malis in cæto terrore compressa fuit omnis seditio, reditumque adebsequium. Sic conciliata gratia Dillium cunctorum vocibus & assensu ducem delectum, summæ rerum præfecit Ordeonius: mansit tamē superstes in discordibus animis scintilla furoris, quem accendebant inopia atque egestas à stipendio pariter & frumento: deinde rebellio Galliarum delectum & consueta tributa recusantium: accedebant eodem cœli inusitata siccitas, & aquarum prodigiosa penuria, quæ Rhe-no nauium vsus negarant, commeatus terra marique interclusus, crebrioresque per totam ripam stationum arcendis à vado Germanis dispositarum operæ, qua occasione rem alimentariam absumi accisioresque indies reddi, necesse erat. Porro aquarum, quam dixi, inopiam vulgus stolidum & focors prodigij loco habere, proque ira cœlesti interpretari, quasi mutatis inuersisque rerum naturæ vicibus Romani imperij fines suis destituti munimentis hosti obijcerentur. Itaque fortuitam & quæ casu aut ex astrorum lege euenerat tempestatem, ad fatalem imperij occidionem interitumque trahebāt. Inde Nouesium peruentum, vbi decimam tertiam legionem sibi, & Herennium Gallum legatum curarum socium ac participem Voclæ coniungere: mouere tamen in hostem potentem non suppetijt animus, atque ita apud Geldubæ castellum statua communiuere, vbi miles iam disciplinæ immemor ac nuper adscriptus colligere se in aciem, aduersus hostilem insultum durare, vallum ducere, aliasque belli artes meditari edoctus fuit atque exercitus: tum ut ad virtutē præda incitamentum adferret, ac in posterum animaret, in Gugernorum (qui Iuliacenses nunc audiunt) agros exercitus eduxit Voclæ, quod cum Ciuili societatem illi coierant: pars exercitus in castris apud Herennium mansit. Eo fortè tempore proximè castra nauis oneraria frumento onusta vado adhæserat, quam quum hinc Germani, inde Herennij miles ad suam ripam pertrahere

Gugerni qui?

pertrahere summo molimine conarentur, augescēte vtrinque cohortium subsidio, iusta propē acie collatis signis conflictum est, mansit penes Germanos abreptæ navis victoria cum nō exigua Romanorum strage. Legato Herennio crimen perfidiæ pro sua socordia, qua rem malè gesserant (ut plærunque solet ignavissimus quisque culpæ propriæ conscientia alios onerare) intentant, lacerata veste è tentorio protrahunt, pulsatum verberatumq̃. iubent è vinculis delictum profiteri, pretium & occasionem prodicionis aperire. Redit in mentem Ordeonij factum, in hūc invidiæ materia quæritur, cum prodicionis auctorem, Gallum ministrum vocant: eoq̃ue res venit ut intento mortis metu subactus illorum libidini acquiesceret, & in scio immerentiq̃ue Ordeonio prodicionis nomen imponeret. Ita asseruatus aliquamdiu in custodijs, adueniente demum Vocula vinculis absoluitur, seditionis auctoribus morte multatis. Mirum verò quantopere in eodem exercitu duo pugnātia, vitium ac virtus, simul regnauerint, & ad peccandum licentia, & in castigatione scelerum maleficiorumq̃ue patientia. Id certè constat gregarium militem Vitellij obsequio prōnorem, splendore ac dignitate præditos Vespasiano fuisse addictiores: quæ studiorum diuersitas effecit, ut post flagitia quibus se inquinarent, vicissim ederentur supplicia, quadam delicti poenæq̃ue consequentis vicissitudine. Interim Ciuilis fortia facinora per vniuersam Germaniam secunda fama increbuerant: illum cuncti cœlo tollere, cum illo datis fidei obsidibus nobilissimis quibusque societatem confirmare, illius arbitrio iussuq̃. proximos sibi fines Vbiorum Treuironumq̃ue vicini depopulari ac vastare: alij transito Mosa in Menapios, Morinos, extremosq̃ue Galliarum agros incursions facere; Præda vndecunque ingens conuecta, sed immitiùs cum Vbijs actum, quòd hi Germanicæ originis eiuuratione, ob prælatum Agrippinæ agnomen, odium implacabile incurrerant: siquidem eorum cohortes in vico Marcoduro (Duram hodie nuncupamus) socorditer nimisq̃ue

otiosè extra hostilem metum agentes oppressæ deletæque fuerunt. Vbi tamen vindictæ cupidine flagrantes, prædas è Germania repetunt inulti primò, mox per insidias circumuenti cecidere: vsque adeo iniquior fortuna quàm fides secuta illos per omne belli tempus fuit. Subactis compressisq; Vbijs rerum successu elatior ferociorq; Ciuilis ad obsidendas apud Vetera legiones animum adiecit, adhibitis vbique acribus custodijs vigilijsque quibus viæ erant obseptæ, ne quis nuncius occultè perueniret ad castra, de aduëtu auxilij spem illis facturum. Machinarum custodiam Batavis mandat, Germanis præliũ flagitantibus copiam subruendi valli oppugnandi que facit, præliumque redintegrare si fors velit iubet, iacturam leuem æstimans in tanta multitudinis affluentia: nulla quies aut remissio à labore, neque nocti parcitum est, quam peruigilio inter epulas transigere, circũ pyras & accensas lignorum strues accubâtes, quæ res multam cladem ipsis attulit, dum aut inconsiderata ac dementi temeritate ebrij hostem oppugnantes cadunt, aut è tenebris ad ignem lucentem conspicui certis telorum ictibus configuntur. Qua re cognita Ciuilis, ne sic inulti sui more pecorum occumberent, totis castris ignes restingui, perque tenebras pugnam obeundi potestatem facit. Ibi tum dissono strepitu cuncta misceri, nihil certis ac destinatis ictibus geri, nihil consilio aut virtute, casus ancipites fors regere, ad clamorem vnde ille cunque ad aures peruenerat, circumagere se quisque, arcus obuertere, tela destinare, nullus denique inter fortuitos euentus virtuti locus, vbi fortissimũ quemque sæpe ignauissimus sternebat. Germani effrenato ac præcipiti furore occæcati in mortem ruebant: contrà Romani periculorum gnari valli que lorica defensi præpilatas sudas & saxa non temerè in confertos euibrabant: quòd, sicunde à vallũ molientibus sonitus redderetur, aut si qui, dum scallas applicant propius hostem accefferant, eos obiectis clypeorum vmbonibus deturbabant, elapsos è manibus eminus telis missilibus impetebant, & si qui fortè in valli fastigium

gium euaserant, pugionibus configebant. Hunc in modum exacta nocte, ubi se laboribus periculisque perfunctos arbitrantur, nouam atque integram Batauorum aciem ob oculos prima lux ostendit, qui validam & gemino tabularum corio contratam turrim, aduersus prætoriam portam, quâ militaris via æquior planiorque est, promouerant: cuius molitionem ut impedirent, inutilemque redderent, vastas asserum moles in viam prouoluunt Romani, ipsamque turrim adacta trabe perfractam deiecere, non sine ingenti superstantium strage atque exitio. Itaque tentata eruptione repentina, in attonitos percussosque inuecti, feliciter depugnarunt. At legionarij, militaris rei peritia longoque bellorum usu exerciti, maiora etiâ ausi, machinam tympani instar suspensam ac funibus libratam, in hostem promouere, qua subito demissa, vel singulos, vel plures, sicubi cōfertiores consisterent, sublimes in altum abreptos, conuerso machinæ libramento intra castrorum aream effundebāt. Ea res ingentem hosti terrorem incussit, ita ut Ciuilis reiecto oppugnandi consilio, quasi deposita potiundi spe velut deses otii acturus, assidere ad Vetera decreuerit, submittens interim nuncios occultos, qui magnificis onerati promissis, legionū animos pertentarent, si quâ ad defectionem sollicitari possent. Ista ferè in Germania gesta sub id tempus, quo ad Cremonam Vitelliani bis profligati, cecidere; cuius prælii euentum Primus Antonius scriptis ad Flaccum literis significauit, addito Cæcinæ consulari edicto, in Vespasiani verba cunctantem exercitum adigentis. Literarum fidem confirmabat locuples testis Alpinus Montanus cohortis aduersæ præfectus, victus, sed cladi superstes. Hæ literæ in diuersa studia motusque egerunt militū animos: in quibus auxiliares è Gallijs copiæ ab inclinata iacenteque Vitellianorum fortuna desciiuerunt confestim, uisitatam mercenario militi, qui neque odio in hostem depugnare, neque fideli amore suos complecti, atque ita militiam citra animorū affectionem sequi consuevit. accedebant ad id velut incentiuum

Præfectorum adhortationes. Ex ijs veterani cunctabundi tergiuersabantur, sed ijdem mox impulsu Ordeonij Flacci, instigantibus eodem vrgentibusque tribunis, sacramento auctorati dedere nomina, quanquam inuito parumq. sereno vultu voluntatem suam abundè satis testati, quando inter cætera præeundi solennis sacramenti verba, Vespasiani nomen vel de industria silentio inuoluunt, vel exili murmure, submissaque voce illud immurmurant. Recitata deinde pro concione Antonij ad Ciuilem epistola, militem exasperauit, suspicioneque imbuir, ad partium socium dictatâ fuisse, hostiliterq. de Germanico exercitu scriptam. Neque multo post allatis apud Geldubam (nunc Colonien-sis ditionis vicum) vbi Vocula statua habebat, perlectisque pro concione literis, idem factitatum, idem quoque motus extitit. Montanus ad Ciuilem ablegatus, additis mandatis, & cœpto bello abstineret, neve insidiosè sub vmbra & obtentu externæ expeditionis occulta arma circumferret. Quod si Vespasiani partes capeſſat, auxilioque adiuuare habeat in animo, cumulatè ipsum causſæ satisfecisse, & pulchrè habitura se initia. Ciuilis vsu callidus ac regendis consilijs obscurus, Montani sermonè excipit versatque, & illi astutè respondet: sed posteaquam aduertit impotentiorẽ ingenio ferocioremque Montanum, ac rebus nouandis ferio intentum, cœpit conqueri & suam vicem deplorare, susceptos labores & adita pericula, toto viginti quinque annorum interuallo, in castris Romanis exantlata commemorare. Videor ne, inquit, tibi egregium militaris operæ ac laboris præmium affecutus, quod fratrem germanum Iulium Paullum intentato falso rebellionis crimine necarunt, mihi catenas iniecerunt, è quibus Galbæ beneficio liberatus, in discrimen salutis denuò adductus, sanguinarijs totius exercitus vocibus ad supplicium tâquam hostia nuper deposcebar. nunc postliminij iure talionem & vindictam ab ingrata pernicioſaque gente stat animus repetere. Quid autem vos Treuiri cæteraque peregrinæ nationes, quas vt manci-

pia Romani duro seruitij iugo premunt, quæ vos præmij spes sustentat, quod operæ pretium expectatis profuso toties in prælijs sanguine, præter ingratam, quæ meritis honorem non reponit, militiam, speciosam verbis, re inanem: nisi tributa nunquam finem habitura: nisi virgarum contumeliosa verbera: nisi capitali supplicio destinatas secures, ac denique superciliosum Legatorum imperium dominationemque crudelem atque impotentem. Metuendane vobis tantopere Romana videntur arma, vbi ego cohortis olim vnus præfectus, cum Caninefatibus Batauique, quota, dii boni, Galliarum, si verum æstimabimus, portione, castra illorum patentibus immensisque porrecta spatijs, non alio formidolosa nomine, corrupimus; aut circumfessa ferro inediaque ad deditionem compellimus? nos in dubiam libertatis seruitijue aleam imus, victores libertatẽ pristinam vindicabimus, victis eadem manebit seruitus. His verbis inflammatum, ac meliorum quæ nunciaret spe imbutum ab se dimittit. Montanus vt re infecta inutilique legatione perfunctus redit, occulta premẽs dissimulansque quæ paullo post in propatulum venire. Ciuilis copiarum partem penes se retinet, veteranos & è Germanis impigerrimũ ac promptissimum quemque ad opprimendum Voculam exercitumque amandat, ducibus Iulio Maximo & Claudio Victore è sorore nepote. Hyberna hostium ad Asciburgium in præsidio collocata, in ijsque ala equitum, raptim ex itinere oppressa sunt, adeò subita & inopinata impressione in Voculæ castra irruperunt, vt illi tempus explicandæ aciei defuerit, & alloquendo militi, id solum in tam improuiso tumultu admonere licuit, vt in mediam coirent aciem, eamque sub signa collecto milite firmarent: quod dum faciunt, ipse auxiliarem manum vndique submissam circumfudit: equestre deinde agmen adoriri hostem ausum, excipitur instructis paratisque ad pugnam Germanorũ ordinibus, itaqueuestigio in fugam compulsus terga ad suos conuertit: cædes inde cruenta, non prælium, exoritur. Neruiorũ agmen,

latera Romanorum destituta nudat, siue perfidia attactum, siue metu consternatum. Inde ad mediam aciem quam legiones obtinebāt, penetrant, quæ amissis signis intra vallum fugam cœptabant, quando ecce de improviso facies & fortuna pugnae superuentu noui auxilij mutata est. Siquidem Vasconum mercenariæ sed pauca cohortes iussu Galbae conscriptæ, ac iam demum euocatæ, castris fortè (vti insperatos repentinosque casus Mars belli secum trahit) propinquantes, exaudito confligentium clamore, hostem intento infestoque agmine castra oppugnantem à tergo adortæ ceciderunt: ita vt trepidatio pauorque maior quàm pro numero Germanos præliantes occuparit, dum suspicantur vniuersum exercitum Nouesio Magontiacoque superuenisse. Hoc errore, qui Germanis pulchram & spectabilem victoriam corrupit, Romanorum fuere confirmati animi: ita alieno auxilio, in quo fiduciam collocarant, vires suas recepere. Occubuit è Batauo peditatu fortissimus quisque: equitatus saluus euasit cum militaribus signis, & captiuis quos in prima congressione rapuerant. In eo conflictu plures è Romanis desiderati fuere, sed segnis numerus & bello grauis, inter Germanos fortissimus quisque cecidit. Neuter ducum culpæ exors fuit, imò cladem ambo meruerant, quòd fortunæ propitiæ defuissent. Civilis namque si maioribus copijs in prælium descendisset, præterquàm quod hostem castris exuisset, à tam exiguo Vasconum agmine nō potuerat circumcingi. rursus Vocula feliciter otiosus, neque in hostem inquirere, deque eo certior fieri laborauit per emissarios & exploratores: quæ causa fuit cur vix è contubernio progressus, victus fuerit. deinde parta per Vascones victoria, non curauit hostem euestigio persequi, sed extracta dierum aliquot mora, deinceps in hostem motis castris contendit: quem si maturè adortus, & fortunæ ad vota affluētis euentum fuisset persecutus, legiones apud Vetera obsessas eodem cursu liberasset. Explorarat interea obsessorum animos nihil cunctatus Civilis de facienda deditioe, velut potitus victoria

Victoria profligatis ac deletis Romanorum copijs, simulq. ad ostentationē veri circumferri propius castris signa, captiuosq. circumduci iubet, quorum vnus quasi vitæ saturitate quadam facinus audax & memorabile aggressus, rei gestæ veritatem magna voce vt exaudiri posset, exponit, à fide veri dissidere eorū verba prædicans: quem simul cum dicto Germani illuc contrucidarunt, quam rem dissimulatam oportuerat, ne, quod accidit, indicij fides ex eo confirmaretur: auxit fiduciam conspectus procul ignis è vastatis ardentibusq. villis confurgens, qui victoris exercitus aduentum manifestabat. Vocula loco vnde à castris conspici poterat, signa collocat, fossa valloq. circummunit, vt, si prælio decertandum foret, impedimētorum agmini (quod ad iniurias opportunum ægrè defenditur) & sarcinis consultum esset, ipsiq. expeditiūs pugnarent. Neque moram attulere quin signum pugnæ dari sibi à duce efflagitarent, quasi minabundi, id quod in morem verterat. Itaque nullo opportuni temporis habito delectu ad instruendam aciem, inconditum agmen & de via fessum, pugnam inijt aduersus Ciuilē, quem non minus explorata & cognita hostium vitia, quam suorum virtus erant, ac propterea fiduciam addebant. Varia vsi sunt fortuna Romani, apud quos seditionis incentiui & auctores plæriq. trepidare & fugam adornare: alij nuperræ victoriæ memores, locum quem ceperant in conflictu tueri, cum hoste manus conserere, se pariter & propius stantes strenuè hortari, reparataq. in ordinem acie, elatas in altum manus ad obfessos protendere, indiciumq. facere, vt commodam iam occasionem è manibus non amitterent, qui de murorū corona prospectantes quid ageretur portis omnibus eruptionem faciunt. Ibi tum casus fortuitus ingens ad cladem victoriamq. momentum attulit, dum prolapsus equus Ciuilem effusum humo allisit, corpore cum suo, tum equi pondere grauiter afflicto. vnde confestim vulgatus per vtrunque exercitum peruasit rumor, vel mortuum, vel grauiter saucium, dictuq. incredi-

bile quantum hinc pauoris ac consternationis inuexerit, illic alacritatis plurimum. At Vocula nec fugientem hostem persequi, aut cædendo tergis instare laborauit, solum augendo vallo, turribusque pluribus ad castrorum munitionem erigendis intentus, quasi mox redituro è fuga hoste ad priorem obsidionem: quæ res effecit vt non vanam prorsus falsamque de se præbuerit alendi belli suspensionem, qui victoriam quam in manibus toties habuerat, effluere sinisset: quum tamè re nulla præterquam paucitate copiarum tum Romanus exercitus fatisceret. Ipse impedimèta legionum, lixas & calones cum cætera bello inutili turba Nouesium ablegauit, vt inde terrestri itinere frumentarium subsidium vehiculis conueherent, quòd Rhenum amnem hostiles obtinerent naues. Primum autem agmen ne viso quidem hoste tutò & liberè ab omni insidiarum excursionumve metu iter fecit, infirma etiamnum & ægra Ciuilis valetudine è prædicto equi lapsu. Deinde vbi denuò ingressos iter qui frumentariam rem aduectabât, per nuntios intellexit, cum subsidiarijs cohortibus, securos, velut alta in pace consopitos, milite procul à signis dispalato, & sine armis (quæ vehiculis subuehebantur) licentiùs errante, Ciuilis composito agmine inuadit, instructis nõ vno loco insidijs, quibus pontes & viarum angustias infederat: pugnatum est agmine in longum porrecto, & ancipiti Martis alea, in noctem vsque, quæ prælium diremit. Geldubam petiuere cohortes, castris ita vt fuerant etiamnum integris, quæ præsidio militari ibi relicto tenebantur. Dubium non erat quin res in maximum periculum atque extremum penè discrimen Romanis fuisset adducta in reditu, quòd pauciores essent qui frumento conuehendo adiuncti fuerant, & prægrauia onere vehicula adducerent, fugæ importuna, nisi Vocula è quinta & decimaquarta legionibus apud Vetera à Ciuili obsessis delectum millenarium agmen, militem maximè trucem & duces exosum exercitui suo adiunxisset. Maior quàm imperata fuerat multitudo vnâ erupit, apertè palamque præseferens,

ferens, nolle se diutius inedia macerari, qua legati vrantur insidiarum vice, vt militi obsequium exuenti, ac rebellio- nem cœptanti immincant. Relicti in castris conquereban- tur se parte legionum orbatos, atque ab omni spe dereli- ctos. Ita gemino deflagrarunt seditionis incendio milites, quorum alij reditum in castra constanter abnuebant, alij ducem Voculam vti regrederetur reuocare non cessabant. Interea dum Ciuili Vetera cum exercitu circumfidet, Vo- cula Geldubam, inde Nouesium properat, velut Ciuili oc- cupandam Geldubam permittēs. Ciuili haud procul No- uesio equestri pugna collatis signis prosperè confligit. At Romanus miles à seditione non alienus, siue res secundo- res vota implerent, siue aduersarentur, ducibus suis insensī, in quos ira & indignatio exarserat, meditabantur exitium. Itaque concitato tumultu, præsertim auctis iam accessione quintanorum & quintadecimanorum viribus, donatium flagitant, intellecto pecuniam à Vitellio submissam. Nec diu moram largitioni gratæ futuræ interponendam ratus Ordeonius, donatium Vespasiani nomine elargitur. Hinc nata seditionis occasio & fomes, quæ in noctem producta in neruū erupit, postquam exsaturati epulis vino incalue- rant: tum etenim cœtus quos agitabant tenebris obscuran- tes, iram in Ordeoniū conceptā olim recordatione reuoca- re cœperūt. Itaq. dum veterum factorum memoriam ob- literatam, præsentium cura renouat exasperatque: dum le- gatorum ac tribunorum nemo furentibus refragari aut ob- sistere audet, victo noctis tenebris sublatoque pudore, itur in tabernaculum eius, lectoq. detractum trucidant. Idem exitus Voculæ parabatur, sed salutari consilio mutatus in feruilem amictum cultus, periculo eum exemit, accedente noctis obscuræ beneficio. At enimvero postquam cōpresso iam impetu restinctoque tumultus ardore, supplicij metus obuersabatur ob oculos, factique tædebat, emisere circum ciuitates Gallicas centuriones, adiunctis epistolis instru- ctos, qui auxilia stipendiaq. obnixè deposcerēt. Ipsi interim

nunciato Ciuilis aduentu, vt insitum est atque innatū vulgo, vt, vbi deest gubernator ac rector, præpostera consilia maximè sequatur, rationi non obsecundet, & animo facile concidat consternereturque, arreptis turbide armis, moxque abiectis vniuersi effusè capeffunt fugam. Tum verò res aduersa & improsperè cadētes discordiæ fons ac seminarium hos inter & superiorem exercitum extitere, dum isti suam causam ab illorū maleficio separant, dissociantque. Interea quanquam interfecto iam Vitellio principalis fortunæ insignia Vespasianus adeptus fuerat, mansere tamen superstites Vitellij imagines in castris pariter & proximis Galliarum ciuitatibus. Primani, Quartani, & Duodeuicesimani poenitentia commoti, Voculæ duci se coniungunt, vbi in Vespasiani verba sacramento solenni adaçti, ad liberādum obsidionis periculo Magontiacum ducti fuere. Soluta obsidio exercitum qui è Cattis, Mattiacis, & Vspijijs constabat, prædæ copia onustum, ac propterea bellando satutum, nec incruentum, adoriuntur Romani longè lateque dispersum, atque hostium aduentus ignarum. Treuiri quoq. fines suos ab incursionibus Germanorum egregio opere militari tuebantur, perducto vallo fossaque perpetua cum lorica ad corporum defensionem exstructa: ita accidit vt mutuis se claudibus & Treuiri & Germani conficerent: neque diu tamen ea obstinata pro Romanis fides mansit integra, aperta mox rebellionis vomica. Siquidem vulgata per Gallias Germaniamque mortui Vitellij fama, duplicatum exarsit bellum. Ciuilis namque deposito dissimulationis velamento, apertè iam in populum Romanum arma vndique ciebat. Gallia quoq. animos erexerant: nam post Ordeonij cædem (qui coniurationem ita suppresserat clamque habuerat, vt nihil vnquam detectum fuerit) inter Ciuilem Classicumque alæ Treuirorum præfectum, missis vltro citroque crebris internuncijs communicata fuere consilia. Porro Classicus genere atque nobilitate magnisque opibus, suæ ciuitatis facile primus habebatur, quippe Regia editus stirpe, omnibus belli.

belli togæq. artibus eminens, qui non obscure ferebat maiores suos prætulisse inimicitias populi Romani societati atque amicitia. Cōiungere se Iulius Tutor natione Lingon, & Iulius Sabinus Treuir : illum ripæ Rheni præfecerat Vitellius, hic præterquam quod ingenio levis & inconstans erat, falso nobilitatis titulo gloriosaque stirpis ostentatione tumens, generis originem ad Iulium Cæsarem referebat, quem quum in Gallijs bellum gereret cum proavia sua stupri commercium habuisse iactitando ad gloriam vertebat. Hi secretò ab alijs coquebant consilia, animosque pertentabant eorum quos consilijs suis haud alienos iudicabant, ac data acceptaque fide societatem illis firmabant. Itaq. apud Coloniam Agrippinam communicandis secretis ædes privata deliguntur, quod ciuitatis fidem ab huiusmodi cœptis abhorrentis suspectam haberent : non defuere tamen qui ex Vbijs Tungrisq. vicinis societatem consilij coierint, sed multo maxima pars è Lingonibus Treuirisque fuit.

CAP. XIII.

De Hollandiæ appellatione, deq. Selandia nonnihil.

Res omnes de quibus narratio instituitur, triplici modo atque ratione in medium proferuntur, nimirum aut historicè, aut poëtice, aut fabulosè. Historia disertis verbis memoriæ prodit atque explicat quod verum est, quodque contigisse & factum nouit. Poësis figmento ingenioso adumbrat res fictas & commentitias, quæ nunquam acciderunt, vt planè factæ gestæque videantur, id quod Vlyssæa Homérica, Mimi, & Comica argumenta dilucidè ostendūt. In Fabula res à veritate prorsus alienæ, quas esse falsas quibus odoretur, nec vnquam fieri potuerunt, exponuntur: veluti quum è Titanum cruore Nicander, è Medusæi capitis sanguineis guttis serpentum genus enatum esse Apollonius Rhodius & Lucanus canunt. *Historiam reudæ & simplex decet veritas, nullo maculata fūco*, vbi narratur quod ipse videris, quod compereris, cuius periculum feceris, quod auctoritate

Historia.

Poësis.

Fabula.

Historia veritatem spectat.

Mors Vlyſſis
variè narra-
tur.

toritate communire, quod commentariorum fide obtine-
re poſſis. Cum qua tamenſi diſſideant reliquæ duæ, tamen
in cauſis & originibus adiuumentum ab ipsis petendum sæ-
pe venit, tum ad coniecturæ probabilitatē, tum ad illuſtra-
tionem rerum quæ tractantur. Qui interitum Vlyſſis An-
nalianum monumentis conſignabit, diuerſam necis quæ tra-
ditur occaſionem narraturus, ſcribet eum à filio Telegono
ignoratū & per imprudentiam necatū ſerrato marinæ
paſtinacæ (vt Oppianus ait) aculeo, quem à matre Circe ac-
ceptum, & iaculi mucroni inſertū arte Vulcani, Euſtathius
annotat: quod alius Poëta retulit ad Larum qui Trygonis
ſeu paſtinacæ radio emiſſo eum interemerit: nonnulli in
equum fuiſſe transformatum, exemplo Hecubæ quæ in
canem abiit, ſinxere, vti Sextus Empiricus commemorat.

Æſculapij in-
teritus prodi-
gioſè ſcriptis
traditus.

Conſimilem ludum excitauit mors Æſculapij (quem me-
dicinæ auctorem vetuſtas ſtulta credidit) fulmine cœleſti
extincti, quando tactum ſcribit Steſichorus quod Capanea
& Lycurgum duces, qui in expeditione Thebana occubue-
rant, ad vitam reuocarat, vt Panyasius quod Tyndarum de-
functum: Eratoſthenes & Apollodorus quod Hippolytum
iniquitate noueræ circumuentum vitæ reſtituerit, quem
non à morte vitam iteraiſſe, ſed profugum è Troezenē, eius
ope valetudini reſtitutum, voluit Staphylus: at Philarchus
quod Phinei Regis Paphlagonum filijs oculorum lumine
orbatis, viſum reſtituerit, in gratiam matris Cleopatrx
Erechtheidos: Pherecydes quod Delphis quotquot è vita
emigrarant, eius ope reuixerint: Orphici, quod Hymenæo,
alij quod Glaucō Minois filio vitalem auram afflaſſet: Po-
lyarchus Cyrenæus quod Proeti filias ira Iunonis in furo-
rem actas medicari præſumpſerit: Damascenus propter
Darij Lacedæmonij filium, ſi rectè vertit interpres, ſidera-
tum fuiſſe ait. Teleſarchus denique quod Orion eius bene-
ficio vitā recuperauerit. Vnde velut è ſpeculo liquet, quàm
variè argumentum multiforme, & Poëtæ & mythographi
pro arbitrio verſent, ſingant, atq. in diuerſas rerum formas
tranſ-

transfigurent, ad modum figulorum, qui eadem ex argillæ massa, cantharum, vrceum, scaphium effingunt. Itaque, vt ad institutum reuertat, in rebus indefinitis, obscuris, controuersis, nullaque certa ratione circumscriptis, vt iudex esse debet historicus, quo verū artificiosa indagine exquirat, ita vel inprimis id operosum est illi & arduum, cauere ne in alterutram voragine in impingat, neq. temerè quisquam eò pertingat perfectionis, vt nusquam Sirenibus illis, quæ incredibilia & manifestò falsa occinunt, aurem accommodet. Quare vt in exemplis, quæ commemorauimus, non omnes causæ veræ esse possunt, simulq. consistere, est tamen vna quæpiam cui tribuere fidem historicus artificiosa ductus coniectura debet: verbi gratiâ, de Vlyssis in equum transformatione, aut de Laro, quis non primore statim fronte auditum auerfetur & fastidiat? quod verò ex vulnere facto vi radij pastinacæ mors sequi potuerit, physici & naturalium caussarum ventilatores faciliè obtinebunt, qui radium illum lætale habere virus prædicant. Consimilis est ratio de Æsculapio, cuius etsi multiplex interitus occasio tradatur, vnâ tamen solâ fuisse contenderim, quòd videlicet quum ob artis medicæ prosperum successum vltra humanum fastigium tumidus efferretur, diuinosque affectaret honores, imò vt Deo sibi thus adoleri ab ijs quos valetudini restituerat, tanquã ipsi nexu obnoxij, interposito etiam iureiurando, vellet à vindice Deo percussus fulmine interiij. Ita in caussarum inquisitione, fictas, vulgatas, & fabulosas commemorare potest historicus, velut ex animis senticetum illud reuulsurus, vt dum arbitri vices gerens verum subiicit, fidelius depactum istud infideat, & fides in dubijs per illum afferatur stabiliaturque. Non dissimilis varietas spectata est in regionum aut vrbiû nominibus, quemadmodum (vt ab vno exemplo reliquorum ratio cognoscatur) Mycenæ Agamemnonis imperio inclytam urbem, Pausanias à Perseo conditam ob ostentum quo capuli ensis caput eo loci ipsi exciderat, nominatamque scribit: quod & Nicander

Historici indicium.

Medela fabula de Vlyssè.

Radius pastinacæ.

Medela fabula de Æsculapio.

Mycenarum nominis origo variè fabulosa.

confirmat in Alexipharmacis. Chrysermus Corinthius in Peloponnesiacæ historiæ primo in hoc discrepat, quod excidisse quidem capulum Perseo profitetur, sed quod posteaquam illū inuenisset Gorgophonus Epidaurius regno exutus, ex oraculi iussu, urbem inde nominasset. Testatur Pausanias aliam se nominis causam accepisse, de fungo, quem dum sitibundus è terra reuellit Perseus, manāte inde aqua, quæ sitis incendium leuarat, expletus, nomē inde loco Mycenæ dixerit, est autem *μύκης* dictio æquiuoca & pro fungo, & pro capite capuli. Ctesias Ephesius ad vlulatum sororum Medusæ refert, quæ obtruncata à Perseo Medusa, quum desperarent se posse percussorem assequi atque intercipere, grauem vlulatum ediderunt, mugitui non absimilem, à quo locus populari sermone appellationem traxerit: rursus alij Iūs mugitum huc reuocant. Auctor libri Hesiodo attributi, quem *Hoías μεγάλας* vocāt, refert denominationem ad Mycenen Inachi Argiuorum Regis filiam, Homericis versibus notā. Euripidis scholiastes à Myceneo Spartonis è Phoroneo nati filio conditam appellatamque urbem annotat, cui opinioni refragatur Pausanias. Quorsum hæc tam multa? partim vt ostendam quantæ historicum circumuallēt res, vnde difficulter emergi possit, quantæque difficultates in iudicando subeundæ illi sint: partim vt appareat haud nuperum esse ac nouum certamen contentionemque de urbium regionumque appellatione. Neque verò minor opinionum dissensio atque discordia, ne dicam nunc ambitio, discrepantes nostratum animos in partes varias traxit, de Hollandiæ, quæ Bataviæ bona pars est, appellatione, quam dum mecum considero, animoque contemplor, rationem reuoco ad iudiciorū morositatem, quæ neminem patitur facilè priuato iure cedere, omitto philautiæ animis insitæ studium, quæ cæcū nostri amorem nobis instillat, qua in parte præiudicata opinio plurimum valet, imò aliud non facit, quàm quod amnis turbidi more ingeniorum arua oblimat; vt hîc Isocratis prouidentia planè sit

In historico
requiritur iudicium ac delectus.

Opiniones de
Hollandiæ appellatione.

Isocratis industria.

nè sit opus, qui duplex pretium exigebat, ab his, qui prauis
 vñ doctoribus, ad discendum meliora mentē aliter imbu-
 tam adferebant: difficile enim est quod penitus insedit in-
 ueterauitque, extirpare, veteresque auias de pulmone re-
 uellere, quod Satyricus quidam dixit. Nobiscertiùs aliquid
 de origine nostra in medium adferre aut saltem probabi-
 lioribus documentis inniti licet, quàm alijs gentibus. Bra-
 banti Brabonem fictitium socium commilitonemq̃. Iulij
 Cæsaris, quem Regis Arcadum (Euandrum eos designare
 velle suspicor, quem multis antè sæculis vixisse constat) fi-
 lium nugantur, gigantis interfectorem, nomē genti suæ in-
 didisse hariolantur. Scoti nescio quam Pharaonis illius, qui
 Erythræo in mari, dum temerario animi studio profugos
 Hebræos persequitur, submersus periit, sororem, suæ gen-
 tis cum nomine conditricem, somniant. Brutum Æneæ
 pronepotem, Syluij filium nominis auctorem Britanni me-
 morant. Francioni Hectoris (si dijs placet) filio originis suæ
 honorem Franci transcribunt. Ita vt militaris planè ac re-
 gia cœperit esse semita, ad locorum cognomines personas,
 natalem ortum nominisque occasionem referre, illis, ceu
 conditoribus gentium, vrbium, regionumque appellatio-
 nem acceptam debere, ac iure postliminij proprietarios no-
 minis facere: quo modo à Iulio Caroli Brabonis filio condi-
 tore suo, Iuliacum nomen accepisse fabulatur Amandus
 Zyricæus. Eundem non puduit Tornaco clarissimæ inter
 Belgas vrbis nominis auspiciū venditare, à Torno quodam
 duce, quum priùs Hostilia & Neruia appellaretur, vt ait.
 Miror, quod non Turnum potius, Æneæ victimam, Virgi-
 lij pœimate famosum, pro Torno hactenus obscuro & igno-
 to nobis omnibus, nominarit. Sed omnium vecordiæ impu-
 dentiaq̃. septa longissimè transiliere in his rebus, Berosus,
 Manetho, iam ante à doctiss. Goropio è ciuitate historico-
 rum eiectioni meritò atque exterminati, & Marius quidam,
 quos omnes eiusque farinæ alios missos facio, ad rem, quæ
 in controuersiam vocatur, properas. animus enim est litem

Brabo.

Brabātia ori-
go commen-
titia.Scotorum fa-
bulosa origo.

Brutus.

Britanniarum
origo à Brito.
Francio.
Francorū fa-
bulosa origo.Iuliacum vn-
de?Tornaci ap-
pellatio unde?Marij impu-
dens signen-
tum.

Hollandia cry-
mon à lignis.

Hollandi/
quasi Holt:
lant.

Moortwij-
Ferhout.

Sacrum ne-
mie.

Vorburgum
arx.

Scafen-
bosch.

Sylva feralis.

contestari, non cum iudice in rem meam vertere. Hollandiam ergo à sylvarum saltuumq. frequentia, quibus commune cum lignis nomē in lingua indigena est (nam & syluam & lignum promiscuè *Holt* / vel *hout* dicimus) maior scriptorum nostratium numerus nomen obtinere voluit: quod vt in vulgus probent qui causam volunt obtinere, omnia arbuſtis olim inhorruisse referta prædicant, toto quaquâ patet Hollandiæ tractu, quandò quicquid fermè spatij est inter Harlemum & pagum cui *Norduici sylua* nomen durat hætenus, quod ad ^{XII. M. P.} extenditur, quercubus fagisque asperum & incultū olim fuerit. cui rei documento sunt frequentes quaquâ versum scrobes, excisarum arborum monumenta: indicio esse ijdem memorât immensum soli spatium in noualia conuersum, arboribusque viduum, quod Dionysij tyranni minas, quas in Locrorum agros effuderat quondam, sensisse videtur, coactis humi canere cicadis. Certè, vt verum fatear, non absurda eorum est oratio, quod ipse memoria repetam intrâ quadragenos proximos annos centurias aliquot iugerum, hoc arborum honore orbata, totos etiâ saltus & nemora procubuisse, ita vt colendi agri studio penè exoleuerit copia illa saltuum, quam aorum memoria perfrequentem vidit. Taceo tot pagorum nomina in *Walt*/vel, vt nunc loquimur, *Woud* exeuntia, qui à syluis vocati fuere. Taceo de *Nemore sacro*, cuius Tacitus meminit, quod superioribus Batauiæ locis extitit, epulo Ciuilis memorabile: quanquam sunt qui inter Lugdunū & Delphos id extitisse sibi firmissimè persuadent, apud Vorburgum, quo loco arx stetit vetus, seruareque in hunc vsque diem nominis corrupti vestigium, vulgo dictum *Scafenbosch* / transpositis nonnihil literis, quasi *Sacrenbosch*. Taceo de *Luco ferali*, quem Hagæ Comitum propinquum & ob horrorem inaccessum fuisse memorât. Id verò ambiguum non est, quod littus etiam Hollandiæ arboribus obfessum non negant magno natu homines, qui mihi in plaustris littus Norduico vicinum obeunti narrarunt, sua memoria

memoria frequentes arborum truncos in ipso littore extitisse, qui nunc diminuto ac decrescente semper littoris spatio, intra maris gremiū redacti aut extriti fluctibus lateant.

Cui hystoriæ non dissentit Plinius, qui haud procul Cauchis populis altissimas quercus ipsa littora obtinere, maxima nascendi auiditate, memoriæ proditum reliquit. Quam viri summi auctoritatem tantum abest vt eleuem, vt etiam Tessalici littoris conditionem comprobare dicti fides possit.

Plin. lib. 16.

cap. 1.

Cauchorum
littus arbori-
bus consitum.

nam apud Tessaliam insulam Batauorum septentrionem versus inter procurrentis littoris salebras (quod immenso spatio decreuit in tanto sæculorum decursu attritum haustumque) ingentem arborum sylvam stetisse, trunci reliqui magno numero docent, quorum iniuria importuosum & stationi nauium iniquum littus illud efficitur, in quod si fortè aduersa tēpestas nauigantes adegerit, vt iactis anchoris firmare naues cogantur, vna eademque necessitas etiam præcidere illas compellit, quando inter altissimis fibris actarum quercuum radices impliciti anchorarum dentes, nullis ergatis, nullo vectium molimine, liberari aut expediri possint, eademque ex causa retia iacere co in littore prohibentur piscatores: vtrunq. auita fide cum ab alijs, tum ab eius insulæ Prætoze Boshusio, quem honoris causa nomino, viro militari, & omnigenæ hystoriæ auidissimo lectore, didici, qui inter cætera illud mihi affirmavit hæc meditati, ante annos plus minus quadraginta relatum fuisse in publicos commentarios, operâ & industria quæstoris Petri de Santo, viri integri, testimonium annosi senis Tessali, qui ætatis annos centum viginti vegeto adhuc ingenio pariter & corpore numerabat, qui sua memoria stetisse in illo littore sylvam sanctè religioseque asseuerarat: nisi quis fortè reliquias illas insularum esse velit, quas Plinius si vera & explorata scribit, vastas complexu radicum, fluctibus suffossas, & ventorum flatibus propulsas, nauigasse ingentium ramorū armamentis, commemorat, quas postea in vada Rheni ostio Fleuo propinqua appulisse, & hærentes coaluisse non absonū vero

Tessalia littus
olim sylu-
sum.

Boshusii laus.

videatur. Præ cæteris rei fidem munit roborum multitudine, quæ cum nostra, tum prior ætas passim effodit ex agris pratisque, & in tectorum scandulas ac tigilla ferris dissecta expetuit, quas arbores Rheni eluuiionibus prostratas olim & limo arenisque haustas ac terra adobrutas, alij vi maiore procellarum, cui ope nulla humana obuiari potuerit, procubuisse, penè pro comperto affirmant. Quam profligatorum arbuſtorum stragem incidisse in annum salutis octingentesimum ac sexagesimum, triennio ante inaugurati & Comitatu Hollandiæ donati Theuderici Primi aduentum, monumentis Annalium mandatū inuenio. Sunt auctores qui ruinam stratarum arborū transferunt ad Wilebrodi Archiepiscopi Traiectini preces efficaces, quibus diuini numinis euocata potentia, *Nemus sacrum* Deorū falſorum ſimulacris conſecratum, proſtrauerit, reuulſis ab imis radicibus quercubus, quādo à Sergio Pontifice deſtinatus Archiepiſcopus primus Traiectenſium, dono Pipini Francorum primi ex præfecto prætorio Regis, ſedem ibi Episcopalem obtinuit ſupra centū ſexaginta annos ante illud tempus. Hæc ego adminicula eorum deſenſionis adieci, quæ veriſimiliorem nomenclaturæ rationem facerent, ſed tamen non ſatis valida aut inexpugnabilia munimenta, quæ euincant nominis legem ac neceſſitatem, ceu *παραδύχην* quadam adhibita. Illa verò frigida eorum eſt & ieiuna oratio, qua opinionem ſuam ſuperficiariā ſtabilire contendunt, manuſcriptorum codicum fide, qua tamē Achillei argumenti loco videntur, ſcriptoris barbari atque inelegantis auctoritatē ſequentes, qui annis abhinc fortè trecentis etymon non improbabile commentus, vulgarium auribus (qui ſua ætate priora vetuſtioraq. ignorarunt) facilè potuit approbare initio Hiſtoriæ ſuæ: at hi temerè (vt fit) perſuaſi, neque altiorem cogitationem in iudicij trutina expendentes, virus illud quod hauſerant, in libros ita deſcribēdo à ſe propagatos tanquam ex vno fonte diffuderunt, vnde perſuaſionis origo. Multo ineptiores magiſque friuolas nugas ſparſerunt, qui ab Ar-

Arborū ſtragēs quo tempore?
Anno 860.

Arborū ſtragēs qua cauſa?

boricis populis nominis occasionem ortam existimarunt, quasi Arborici ab arboribus dicti fuerint, Francorum fœderati, quorū Procopius græcus scriptor meminerit, quum Abotritis socijs vsi sint Franci, quæ lectio vt verior pro irreptitia vitiosaquæ Arboricis, auctori restituenda est. Quæ verò gens illa fuerit, dicetur postea. Iam qui à soli cavitare etymon vocis aduocant, ratione probabili inniti quidem videntur, quando omnibus in explorato sit tellurem regionis minimè esse solidam, sed palustrem, ad pedum pulsū vacillantem, nixuique facilè cedentem: quod soli nostratis ingenium ita graphicè accuratequæ describit Mamertinus, vel quicumque alius fuit Panegyrici Maximiano Herculeo dicti auctor, vt viuis pictorum coloribus nemo exactiùs representauerit, cuius verba vt à mendis repurganda legi debent, hæc sunt, ne fastidium pariam bis eadem propè ingerendo: *Quaquam illa regio diuinis expeditionibus tuis Cæsar vindicata atque purgata, quam obliquis meatibus Vahalis interfluit, quamq̃ diuortio sui Rhenus amplectitur, penè (vt cum verbi periculo loquar) terra nō est, ita penitus aquis imbuta permaduit, vt non solum quā manifestè palustris est, cedat ad nixum, & hauriat pressa vestigium, sed etiam vbi paulo videtur firmior, pedum pulsū tentata quatiatur, vt sentire se procul mota pondus testetur, ita, vt res est, subiacentibus innatat, & suspensa latè vacillat, vt meritò quis duxerit exercendum fuisse tali solo militem ad nauale certamen.* Huiusce rei & vacillationis dico & innatationis documentum præbent prata quæ immixtis tignis confirmantur, ne æstu maris vehementiore, aut inundatione altiore, quæ sæpius accidit, abripiantur, & item alia quæ crescente aquarum mole incrementum sequuntur. Irenicus quidam ab aquarum cavitare vocis etymon deducit, similiq̃ ratione Batauiæ Græcam originem confingit à βαθύ, quod profundum significat: quo dicto quid ineptiùs, quid ridiculum magis excogitari potuit, qui nos tantum non Hybridas facere aggressus est? Longiùs à vero discedunt, qui à *fæno*, cuius

Arborici populi.
Abotriti populi.
Procopius emendatur.

Hollandia aliud etymon, à cavitare.

Panegyrista locus de Bataunia.

Prata Hollandia nascantia.

Irenici error.

Hollandi/
quasi Hoy-
landi.

Carolus Ca-
luis Thende-
rico Hollan-
diam donat.

Hollē quid?
Hollādiæ ery-
mon absurdū.

Phladirtinga
Hollandia.

cuius lætissima est, *Hoylandiam* dictam autumant, quòd pascendis accommoda bobus armentisque, fœnificijs plæ-
raque olim destinaretur, quod etiamnum depressoire infu-
læ parte obseruatur, quando altiora quæque arua sationi de-
dicentur, postquam hydromylæ vtilissimo inuento aquas
latissimè exonerando, aruorum ingenia mutarunt. Hactè-
nus ferè prodideram, quādo aliud fortè agens incidi in Col-
lectanea Medici Goudani, qui huic texendæ historiæ labori
manum quondam admolitus fuit (cuius manes rectè con-
ditos stylo laceffere, hoc est, cum larua luctari nolim) vbi
magno auctore inditam regioni nomenclaturam seuero su-
percilio asserit, sed, vt liberè dicam, paradoxon mihi neque
expectatam, nimirum à Carolo Caluo Francorum Rege,
qui Comititis titulum Theuderico primo, beneficio haud
postremo, contulit: quasi Rex ille quum indomitum ac fe-
rox gentis nostræ ingenium animaduertisset, quemadmo-
dum etiam armatus rei periculum fecerat, quod odio exte-
rorum rebellionem semper cœptaret, Bataviæ nomen mu-
tari, & ex re præsentis Hollandos, quasi Incitatos, ab *Hollen/*
nuncupari voluerit. Effertur autem propriè vocabulum il-
lud de equis, qui panico quopiam terrore perciti, rapiuntur
in præceps, quando cum equis differtur auriga, nec audit
currus habenas, vt Virgilij significantissimum versum huc
obiter accommodem. Inuenioque eandem à Ioanne Stella,
Philippi Regis historico eloquentissimo, rationem deliba-
tam esse, siue ab alio acceptam tradiderit, siue ipsdem Con-
lectaneis adiutus dignam duxerit quæ referretur. Quod si
ipsam veritatem altè abstrusam nobis iste in lucem protu-
lit, quid prius, quid vè antiquius hoc nomine à Rege po-
tentissimo indito, nobis esse debuerit? nobis inquam, qui-
bus vt obsequij gloria debetur, ita auctoritatem regiam de-
fugere immane flagitium & inexpressibile fuerit. Libet verò
appendicis vice adijcere, Hermannum cognomento Con-
tractū, qui quingentis ab hinc annis in illa barbarie scripsit,
Hollandiam nominare *Phladirtingam*, à municipio vetu-
tissimo

stissimo quidē illo, vt videtur, quod *Vlaerdingam* præsens ætas vocitat, totam regionem æstimans, id quod perabsurdum mihi visum fuit. Hactenus ferè, quid alij de Hollandiæ appellatione senserint prodiderintque, commemorare prolixitatis breuitatisque mediis institi, nunc meam aperire sententiam est animus, ne inofficiosa mora lectori officiam.

Ego itaque firmiter Hollandiam Gothicæ Danicæve gentis coloniam esse persuasum habeo, vt & Zelandiam: quod antea quàm doceam, deducendarum coloniarum præcipuam rationem ex Halicarnassæo, qui eam, vt cætera omnia, luculenter explicat, commemorabo, in hanc fermè sententiam.

Hollandia Danorum colonia.

Quoties, inquit, ingenti multitudinis incremento auctæ essent ciuitates, vt necessaria ad victum alimentorum copia cunctis non suppeteret, aut tellus, ex cœli iniuria intemperieque, contractiorem frugum hubertatem protulisset, vel similis quæpiam calamitas communis incidisset, quæ necessitatem amputandæ multitudinis suaderet, siue ea res vtilitates fructum præbitura, siue noxam esset allatura, tum verò quantū hominum vertentis anni curriculum in lucem effuderat, Dei cuiuscunq. numini consecrabant, armisque instructos educebant extra fines. Quod si rebus feliciter gestis partaque victoria Dijs grates persoluerent, mactatis prius de more victimis, in coloniam emittendos optimis omnibus prosequiebantur: sin cœlestem iram expiarent, ac præsentium malorum finem Deos precarentur, similiter faciebant, sed mœsti, & à suis in colonias profecturis veniam petebāt, qui digressi, ceu patrio Solo perpetuum carituri, nisi sedem ipsos recepturam conquirent, terram quamcunq. vel belliure captam, vel amicitia adiunctam, patriæ in loco habebant. Ea lege vsos Aborigines, gliscente immensum multitudine, idem scribit. Sic Vinnuli patrio

Coloniarum deducendarum ratio.

idiomate à promissis quas alebant barbis Langobardi vocati postea, latissima sobolis aucti propagine, cuius alimentis Scandinauia non sufficeret, trientem populi vniuersi sorte ductum, ducibus Ebore & Agione, nouas sedes quærere

Aborigines. Vinnuli Langobardi dicti.

*Celtarū emi-
gratio.*

*Normanni,
eorūq; emi-
gratio.
Olandia &
Zelandia in-
sula in sinu
Codano.*

*Coloni nonas
sedes veterum
nominibus or-
nant.*

*Tarentini à
Lacombis or-
ti.*

*Agrigentum
Rhodiorum co-
lonia.*

*Helenus pa-
tria loca aspi-
ciunt.*

compulerunt, tradente Paulo Diacono. Ad eundē modum Celtarum Regem scribit Liuius, quum prægrauante multitudi-
ne regnum exonerare cuperet, sororis suæ filios impi-
gros iuuenes amandasse, quæsituros sedes quas Dij augurijs
dedissent, atque ita ductis fortibus, additisque quantas ipsi
vellent, copijs, vnum Hercynios saltus, alterum Insubres te-
nuisse. Consimili planè ratione barbari aquilonares (quos
illa tempestas ab axe cui subiacent Nortmannos, nostra
ætas etiamnum Noremannos vocitat) cælū cum solo mu-
taturi, quòd abundans hominum turba vix regi posse vide-
retur, nobiles duas insulas Olandiam Zelandiamque, con-
stante in hunc vsque diem appellatione inclytas, quæ in ex-
tremo Codano sinu, à Scandia exiguo freto dirimuntur,
cum socia manu deseruere, ventisque vela facientes, classe
Batauorum Mattiacorumque agros tenuerunt. Iam qui
constituendis colonijs destinati regionē aliquam occupant,
verso solo, plærunque solent similia veteribus sedibus loca
deligere, quibus nomina imponant, & patrijs vocabulis qui-
bus assuevere, fluuios, arces, oppida, municipia, vicos, orna-
re. Sic commemorat Polybius grauissimus veracissimusque
scriptor, Tarentinos, quibus coloniæ deductæ ius ac indu-
bitata cognatio cum Lacedæmonijs intercedebat, amnem
qui vrbe præterlabitur, Galesum, ad similitudinem La-
conici illius Eurotam nuncupasse; diserteque ait consimilia
multa & intra ciuitatis mœnia & extrà in agro, nomina ex-
tare, ad Spartanum ritū concinnata. Similiter Agrigentum,
eodem teste, Rhodiorum coloniæ, Iouis Atabyrij fanum,
quod apud Rhodios religiosum fuit, & celebre, consimile
in edito monte dedicauit. Quin & Helenus Priamides, qui
Neoptolemi morte in partem regnorum venerat, in Chao-
nia Epiri, oppidulum Troiam cum arce Pergamo dicta,
condidit, magna paruis assimulans, addita & imagine Scææ
portæ, indito quoque riuo pertenui, qui oppidulum allue-
bat, cognomine Xanthi Troiani amnis, vt ingeniorum fons
Maro indicat, quòd tali imagine præsentis fortunæ acerb-
tatem

tatem optimè leniri posse putaret. Neq. diuersa causa mortos Nortmannos, insularum quas reliquerant nominibus, nouas colonias donasse, qui veritatem ad rationem reuocat, iudicabit. Quòd si quis dubiũ velit facere, quòd vetus nomen, aut (vt veriùs dicam) vñitatum Olandiæ (quam scribendi rationẽ secutus fuit & Chrysostomus quidã Neapolitanus, qui non inerudita epistola nostram insulam morefque ad Nugarolũ Comitẽ describere voluit, quam huic capiti à fine adijciam.) nomen creuerit, accessione aspiratæ auctũ, nã ille in nodo scirpũ quæritat: nam si cogitet ille apud maiores nostros frequentiore in vsu fuisse aspiratam, atque inde diuturnitate vsus receptam inoleuisse, admirationem faciliẽ exuet. eius rei documentum dabunt vetustissima membranaceorũ codicum exemplaria, quæ vocibus nonnullis etiã à consonantibus initium sumentibus, H, (siue illa aspirationis nota, siue litera dicenda venit) præfixerunt, vbi Hrenus scriptum inuenias, Hlotarius, & Hludouicus; vnde fieri potest, vt error irrepserit in libros, qui præferunt Klotarius, pro Lotarius. Nolo nunc Arrii stultã pronunciatione aures onerare, quem Catullus *Hirsidias*, & *Chommoda*, pro *Insidijs* & *Commodis*, dixisse fugillat. Nolo Florentinos in societatem huius legis aut consuetudinis loquendi vocare, quibus aspirata in ipsis faucibus sibilat propè omnibus in verbis. Satis sit vocem patriæ genitalem, siue ab ipsis Nortmannis, siue à nostratibus tunc vñitatẽ sic loquentibus, aspiratæ pronunciationem sumpserit, Hollandiam hætenus per aspirationis notam & in sermonem quotidianum ac familiarem confluxisse, & in calami ius vsurpatione transisse. Sed de ea re satis copiose, nunc venio ad Annales nostros, qui oblitterato in tanta vetustate vero, neque adiut alijs è re literaria subsidijs, fabulosè narrant germanos & vterinos fuisse fratres Battum natu maiorem & Salandum, qui cum ingenti suorum manu verrentes solum, nouas quæsitum sedes profecti sint, atque ille Bataviam Rheni insulam, hic Selandiam occuparit, suisque

Florentinorũ
vñitũ in pro-
nunciatione.

Hollandia pro
Olandia.
H veteribus
semper in ore.
Annaliũ no-
strorum com-
mentum.
Battus est
Selandia fra-
tres.

nominibus vtrunque dixerint, nimirum vſitata illa & planè
 regia via, de quâ alibi à me dictû eſt, Annalium auctor vſus
 in hoc videtur: additur fabulæ, Batauodurum à Batto illo
 conditum, miræ atq. inauditæ amplitudinis urbem, quam
 diruerint poſteà & ſolo æquauerint Dani cum Nortman-
 nis tempore Hungeri, vndecimi Episcopi Traiectenſis: ſi-
 mili æmulatione exſtructam à Selando arcem Metellobur-
 gum, patris ſui nomine dictam. Sed animaduerto veriſſimè
 dici, nihil eſſe difficilius, quàm decorè fabulam ſcenicam
 repræſentare. Quod ſi nugator iſte malè feriatuſ Annalium
 concinnator, qui lectorum luminibus glaucoma iſtud pa-
 rum proſpicientibus offudit, cogitaſſet Selandos alio no-
 mine Latias Muſas olim dixiſſe, nempe Mattiacos, tunc
 quum Hollandi iſdem Batauieramus, potuiſſet directiùs
 aliquanto ad veritatis ſcopum collimare, ac probabiliore
 narratione irrepere, & philalethiam inſinuare, nimirum
 Batauos & Mattiacos è duobus germanis fratribus princi-
 pem inter Cattoſ locum tenentibus ortos, quorum vni no-
 men fuerit Batoni, ſiue, vt ipſe appellat, Batto, alteri Mattio
 (quandoquidem Mattium Cattoſ caput agnoſcat Ta-
 cituſ) qui cum ingenti popularium ſuorum multitudine
 patrio ſolo extorres, aut nouam coloniam quæſituri, vnus
 Rheni inſulam, alter adiacentes eodem tractu inſulas à ſe
 occupatas, nominibus proprijs inſigniuerint. Aut ſi verna-
 culas & domeſticas appellationes quærebat, cur non Olan-
 dum potiùſcum fratre Selando ſubſtituit? eoſque coniu-
 ctis viribus claſſibuſq. fraterno ſodalitij ſœdere expeditio-
 nem tentafſe ſcripto prodidit? Quod ſi alterutram viam in-
 ſtituiſſet, probabilia & conſentanea dignitati vtriuſque po-
 puli dicere viſuſ fuiſſet, neq. vereri debuerat, ne in poëtici
 figmenti ſtructuram iſta commentatio aſſurgeret, quæ veri
 ſimilitudine ſeſe vltro approbaret. Nam quod Zallum Scy-
 tham aliuſ quidam exciuerit, zelotypiæ aut æmulationi ho-
 minis ignoſco, qui reliquorum exemplo hoſpitem & per-
 egrinum exulem pari fermè interuallo è Scythia gentis ſuæ
 conditorem

Metellobur-
gum.

Mattiaci.

Mattium ca-
pit Cattoſ.

Zallus.

conditorem eduxit, quo Galli Francionem suum è Troia. Quare vt fabulis nuncium remittamus, & veritati propiores certum aliquid statuamus, Hollandiæ nomen ex hac occasione factum censemus. Scandinaviæ littus prætexit Olandia insula, fortassis à lupulacei potus ceruissæ ve bonitate antiquitus nuncupata, quod vernacula Cimbrorû lingua etiamnum *Ol* (cuius vocis deprauatæ reliquijs superstitionibus Britannia eundem potum *Ael* nominat) Cereale potculum vocetur. Eidem littori obtenditur & altera insula Selandia, in hunc vsque diem seruans nomen, Hafnia (quæ *Copenhauia* nunc dicitur) celebri emporio & academia nobilis. Hæ à Nortmannis ac Danis (quæ vox abietinis & piceis in syluis eductos homines, idenim est *Dannemans* significat) habitatæ, quum graui indigenarum multitudine laborarent, instructis classibus Britanniam, pulsis domitisq. veteribus colonis, sui eam iuris fecerunt, armisque victricibus occupatam tenuerunt, Galliæ oram infestam classe habuerunt, Batauiam quoque inuadendam sibi putarunt, non tam præsumpta auidis animis opum cupidine incensi, quarum spem faciebat insula nullis vnquam tributis Rom. obnoxia, & præclaris sempiternæ militiæ stipendijs ditata, quàm quòd opportunitas insulæ, medio in cursu inter Britanniam & genitales terras iacentis, eos illexerit. Itaq. eam adorti suæ ditioni subiecerunt, immaniter in victam debacchati sunt, & antiquato veteri nouû Olandiæ Holladiæ ve nomen indiderunt, id honori patriæ datum. In quod autem tempus ista calamitas & mutatio nominis inciderit, exactè aut certo affirmare non licet, quòd vigente omniaque confusè obtinente barbariè, historiæ & scripta silerent. Veritamen fit simile incidisse in annum salutis 15. CCC XXXVII. quando ab illis Batauodurum ferro & incendijs vastatum, Frisijsq. (qui Hollandiæ pars sunt) tributum imperatum est, vt Sigiberti testinonio liquet: eiusdem calamitatis sortem sub idem tempus experta & Walachria, quæ potior Selandiæ pars erat, ita vt existimem tunc potissimè Nortman-

Olandia insula.

Ol, ceruissam significat.

Hafnia emporium.

Quando Hollandiæ inuaserint Dani.

Walachria insula.

nos cuncta ad arbitrium & libidinē suam trahentes, & crudeli superba atque impotente dominatione, (quæ victoriæ natura est) vſos, nominis mutati duram legem imposuisse.

Hungerus
Episcopus Ty.

Qua tempeſtate vixiſſe Hungerum, vñdecimum Traiectenſium Præſulem, furori aduenæ gentis ceſſiſſe, atq. exultatum abiſſe legas. A quo tempore inſulam Rheni tyrannide ſæua oppreſſerunt, arces & oppida ferro & igne graſſati exciderunt, donec vicesimo ſexto poſt anno Theudericus primus Comitibus titulo & regionis iure donatus eſt à Carolo cognomento Caluo, ea lege vt Nortmannos poſſeſſione deturbaret atque exueret, id quod & præſtitit. Cæterum lectori rem non ingratam me facturum reor, ſi iſthic loco haud importuno Chryſoſtomi cuiuſdam Neapolitani, vt inſcriptio præfert, epiſtolam non inelegantem adiungerem de Olandia, quæ quòd libelli iuſti modum non impleat, viſa mihi eſt huc transferenda ne intercīdat, quam reuocata ad calculum ratione ſcripſiſſe videtur anno ſeſquimilleſimo quarto & decimo. Ea ita habet ad verbum.

Theudericus
primus Holl.
Comit.

OLANDIA omnis (ſicuti ego ab incolis intellexi) paſſuum ambitu fere ſeptuaginta milliū cōtinetur: eam à Septentrione ac Oriente magna pro parte Oceanus; ab Occidente bicornis Rhenus abluit; à meridie quæ nunc dicitur Gelria, olim vt multi volunt, Sicambria terminat. Terra natura eiꝰſmodi eſt vt ab Oceano ad interiorem partem ſit paullo deuexior, ſed Rhenus accepto Moſa, multisq. alyſ fluminibus, licet bipertitus, & mutato nomine in mare influat, tanto tamen aquarum fertur impetu ac magnitudine, vt Oceanum ipſum longè propellat, & tam influens, quàm refluens ſupra triginta millia paſſuum inundet, ac alterius penè maris ſpeciem reddat. Quinetiam veluti à vaſtioribus aquis indignetur abſorberi, cum Oceano tamdiu luctatus, ab omni (quod ſupra memorauimus) pelago illius amarorem excludit. Quapropter iratus ille, vt opinor, ab hinc tres & nonaginta annos licentiꝰſ egreſſus ſines, magnam Olandia partem & in ea duos ſupra ſeptuaginta pagos immerſit, è quibus omnibus vnum tantum

tum infantem elapsu natu grandiores affirmant, & cum so-
 felem, ut in iisdem fortè cunis uterque inuentus innatauit.
 Heu rem dictu, nedum visu miserabilem! Enauigauit ego, nec
 paruo quidem nauigio, loca illa quæ adhuc extant quæ memi-
 nerint aratris profcissa, & ferratis peruia plaustris. Visun-
 tur adhuc multis in locis turrium cacumina, quæ tanquam
 aliqua sepulchrorum monumenta, cadauera ibi oppidorum ab
 aquarum gurgitibus tumulari, prætereuntes cōmonent. Hæc
 maria sic Olandiam ambiunt, sic passim interfluunt, ac per
 crebras fossas & canales intermeant, ut fasciatim, modò
 aquæ, modò terra veluti Zonis quibusdam distincta cernatur.
 Neque vrbs vlla pagusve est, quò non curru pariter & mari
 possis duci. Neque usquam in tota regione, quantumus peni-
 tissima, esse possis, unde trium horarum spatium ad mare non
 posses excurrere. Loca ferè omnia palustria sunt, non tamen
 inuia, ut non in aquosa viæ quâ currus commeant, suggestis
 ut plurimum aggeribus, non silice aut coctili latere, sed qua-
 drato cespite in ordinem posito passim strata, hinc atque hinc
 aquarum fossæ linitibus ac nauigijs innatantur. Tum crebri
 illices, in quos excrecentes aquæ deriuantur, paludosa & vix
 aliud, præterquam pecori pabulū subministrantia distinguunt
 arua. Mortales ipsi æquè propemodum in aquis ac in terris de-
 gunt, ita ut amphibia quàm terrestria animalia verius dix-
 ris. Vrbes fossa & muro cinctæ duodecim perhibentur. Pagi
 & villa, quæ neque magnitudine neque cultu, quibusuis op-
 pidis cedant, supra sex & triginta, tum vici, compita, & ma-
 galia, sic passim interiecta, ut vix quoquā oculos vertas, ubi
 non aliquod ædificij occurrat genus. Vrbes ipsæ plenis aqua
 fossis & lateritijs mœnibus cinctæ sunt: nam saxi & tophi
 expers omnino regio est, tum amplissimos ac adamussim de-
 mensos vicos habent, & eos quidem glareæ, nauigijs aliunde
 inuecta, stratos, nulli luto, nulli cæno obnoxios. Curia, Præto-
 ria, templa, xenodochia, & cætera id genus publica ædificia,
 plerisque in locis angustissima: privatarum ædium una ferè
 omnium facies, una structura est, lateritij parietes in altum
 haud

haud multum assurgūt, sed in acuminatam formam, pinnisq̃ quibusdam ad decorem distinctam, desinunt. Intus è regione ostij (nam inferiora adium ferè omnes incolūt) abacus & paries ipse aduersus, grandioribus ex nitenti aere peluibus & peltris (vt aiunt) omnis generis lancibus & poculis instructi, pratercuntium oculos ad spectandum inuitant ac radianti quodam fulgore luminū aciem penè perstringunt. Bone Deus quis vasorum nitor, quis lectulorum, quæ mensarum lautitia, quis mantilium, quis mapparum candor? qui sedium ornatus, quæ denique parietum, quæ soli, quæ rerum omnium ceterarum munditia? Cenaculorum, diatarum, cubiculorumve pauimenta leui aspergunt arenula, vt si aliquid immundum in ea casu aliquo decidat, si cænosa fortasse cuiuspiam vestigia in ades inferantur, sedari pauimenta non queant, sed verri scopis euestigio sordes facilius possint, antequam solo inhaereant. Hominum genus, vt planè inspexisse videor, maximè industrium & negotiosum, sed versutum & callidum. Addo etiam essedarios, qui currulem vectationem exercent, subdolos & in aduenas praesertim, lucelli cuiuspiam captadi gratiā fraudulētos. Mulieres vt pulchrae, vt lacteae, vt simplici munditia omnes, ita partim mercatura pertractande, partim lanificio aut linificio potiùs, dies & noctes intenta. Victus omnibus parcissimus est, secundario pane, aut lacte macerato, aut butyro leuiter oblito vitam ducunt. Tum si quando se volunt inuitare vnctius, aut bubulas, aut ouillas carnes pridè coctas & in sextum interdum diem seruatas apponunt. Has ego intuens auerti statim iubebam, videbar enim inspicere semilacerū & vt tu festiuissimè dicere soles, quatríduanum aliquod cadauer è sepulchro aut scalis gemonijs ad mensam pertractum. Bucularum & equarum ingens numerus, illarum lacte non magis aluntur, quàm ingentes caseos quosdam conficiunt. Equarum seruitio ad currus trahendos, quorum in Olandia frequens vsus est, magis vtuntur. Hanc ego ferè totam regionem sex diebus perlustravi, aut percurri potiùs. Sed audi rem miram. Est ibi Vrbecula quadā apprimè concinna,

cui nomen est Roterodamo, in eam & proficiscens & rediens, duabus noctibus sum diuersatus. Cumq; miro quodam studio diligentius illam quàm ceteras pertractarem, nescio quo pacto factum est, ut illius intuitu vix mihi oculi possent expleri. Cognoscebam sanè illam & magnitudine & opibus multis alijs cedere: occultioribus tamen nescio quibus causis, ea mihi placebat impensius. Mœnia, porta, strata viarum arridebant mihi: parietes ipsi, tecta, ædificia omnia ultrò mihi videbantur adulari, denique cælum illud nitere purius & aura spirare nescio quid diuinius: vernari propinquus ager, tepere circumfusus aër, herbaq; ipsæ ac salicta, quibus Olandinus ager maximè confitus est, olere nescio quid amabilius videbantur. Dum id stupeo mecum, & caussam eius rei tacitus quero atq; vestigo, tandem cuiuspiam relatu cognoui ea in urbe auras primi hausisse luminis, primum illud Latine atque Atticæ lingua lumen Erasmmum agnoui extemplò hinc illud calè nitere defecatiùs, hinc illos aëris vernos tepores, hinc illā arborum, herbarum, locorum olentiam tam suauem. Vah quanto repente perfusus sum gaudio, quàm benè mecum actum censui, cui fortunatum illud solum intueri contigerit, quod fortunatum ac salutare illud Germania sidus aliquando protulisset. Veneratus igitur loci genium, urbis mœnia ter & quater exosculor, tum pijs quibusdam conceptis verbis, nutricula illius diuini hominis urbi bene precatus, inde pedè extuli. Sed quum postremò ad illam Oceani partem peruenissem, quæ haud procul ab Harlemon urbe infremens magnis arenarum cumulis longè lateq; campos replet, è curru statim profiliens Oceanum patrem rerum salutavi. Sed ubi tam dirum Olandia vitricum illum fuisse animo subiit, qui tot oppida, tot ædificia, tot mortales vno haustu absorbit, magnis eum conuicijs & inanibus diris sum excratus. Deinde quantam rem egerim, diu mecum contemplatus, quòd homo iam sexagenarius à Lucanis usque in Italia ortus ad extremum illum orbis terrarum limitem venerim, tot montes, tot siluas, tot flumina tranans, tot terras, tot maria emensus, tam audax, tam memorabile

facinus dignum censui, quod aliquo posteris monumento testificatum relinqueretur, ac sicut Herculis quondam iter erecta ad Gades in Atlantico mari columna, Alexandri expeditione ad Caspiae portas posita ara, Pompeij arma ad Pyrenaeos montes illata, de ipsa identidem columna testantur: Sic & nostros quoque tam longae via labores & tam magnos ausus insigne aliquod monumentum memoria hominum commendaret: qui enim magis meruerint praedones illi hostes humani generis, suum ipsorum nomen illustre ac aeternum fieri, quam ego meum? cum illi regnandi libidine ac propagandi perfas & nefas, imperij auiditate, quietos & insontes populos vexare bellis, cadibus, rapinis, incendijs omnia vastare ac diuina & humana permiscere non veriti sint. Ego videndi tantum studio ac ea perdiscendi, quibus & mihi & alijs prodesse possim, tantum via percurrerim, tam multa pericula, tam multos labores exhausserim. Tantumq; abest ut indigenas quospiam infestem aut expilem, ut vel illorum plerisque pecuniolam meam ultro impertiam, dum pretio mihi hospitium & victum in diem paro. Iure igitur aeternitati nominis nostri consulendum statuens, pro copia rerum & temporis angustia, cum in arenarijs campis illis, neque marmoris neque aeris ulla daretur facultas, ingentem arenam cumulum congero, eum viridati cespitem munio, ac dispositis circumquaque in valli modum crebris iunctorum manipulis sepio, tum rem ipsam duobus versibus signo,

Erexit molem Chrysostomus, urbis alumnus

Parthenopes, studio qui haec littora adusque videndi.

Rides fortasse me qui tam imbecillum opus contra tam vastas aquorum ac ventorum procellas satis firmum putauerim. Ne mirere: ab ipsis Olandis Oceani accolis exemplum cepi. Villas illi habent, ad ipsas undarum fauces positas, eas ibi sepiculis quibusdam ex simplici stipula vel iunco intextis muniere, illarum obice contra praeruptos undarum montes & terrificos Oceani fluctus se satis superq; tutos putant. Sed ego mi Comes pro epistola iam libellum ad te do: dum longo literarum
alloquio

*alloquio intermissa consuetudinis nostrae iacturam me inuat
resarcire, dumq̃ tecum partiri bona fide studeo, quicquid ipse
de Olandia properantibus oculis haurire potui: nam ne omnia
oppida circumirem, nève diutius usquam immorarer, pesti-
lencia quae plerisque in locis grassatur, prohibuit.*

C. A P. XIII.

*De Hollandia Comitatu in plures partes &
segmenta diuiso.*

HOLLANDIÆ Comitatum, quando ita placuit Fran-
corum Regibus à reliquo corpore Bataviæ separare,
ceu in frusta dissectum, ambitiosius describere laboris su-
perflui foret, vt è diuerso negligentius, socordis animi ac su-
pinæ operæ probro incessendum. Quare Asiatici cultus &
ieiunæ humilitatis medius regiam viam ingrediar, de qua
idem dici posse animaduerto, quod olim de Ægypto tradi-
tum accepimus, nimirum quod Niliamnis beneficium illa
fuerit, hoc est, quod limo ac cœno, cuius affluentē copiam
Nilus ubi alueo crescit inuehere solet, incrustatis oblimatis-
que aruis ingens incrementum acceperit. Hoc namq. per-
suasum plerisque est, maiores nostros rerum suarū nimium
sategisse, quando opposito aggerum vallo limum, quo Rhe-
nus stagnans agros & pascua faginabat, stercorabat, & altio-
res reddebat, excludere: quod si omissum ab illis studium il-
lud fuisset, putant à multis iam annorum centurijs non fu-
turum aggerum præsidium tantopere necessarium, Rheno
non minus, quàm olim Nilo, *ὡς αὖθις*, id est, nouum sem-
per & annuum cœni sterquilinum aruis illaturo: imò exi-
stimant annorum aliquot tolerantiam, damnum & mole-
stiam illam fuisse facile compensaturam aruorum cremen-
to, quum præsertim potuerint, si ab inundationibus pericu-
lum immineret, ad editiores tumulos (tribunalia nominat
Plinius) perfugere, quos extructos manibus è cespitibus ag-
gestis, in omnem euentum habuisse constat locis humilio-
ribus, ad experimenta altissimi æstus, in quos receptus pate-

*Ægyptus Ni-
lii beneficium.*

*Hollandia
Rheni munus.*

Tribunalia.

bat pecori, armentis, pastoribusq. contra fluctus. Sed ijdem homines, si illis temporibus, quibus maiores nostri gnauī & non desides vixere, fuissent, diuersum opinor censuissent: ita ingeniosam curam inquit & inexplētus animus ad longinqua solet extendere. Est ergo Hollādia, pars insulæ Batauiæ, contigua illi statim à Culemburgo & ad Goricomium, ita vt reliqua superiorq. Batauiæ pars sola quatuor oppida retineat, ab Hollādiæ hæredio separata: deinde Traiectensi adhæret ditioni; quæ, relicto ad dexteram extra suos fines Iſelsteino, Monfortium includit cum pagis & arcibus aliquot intra Vectam amnem. Quod extra eum est, Gocylandia vocatur, tria complectens oppida, Wesopum, Nacdenū, & Mudam, exiguo interstitio disiuncta. Quod agrorum in austrum vergit à Rheno medio, intra Mosæ supercilia clausum, Australis Hollādia dicitur, cui ad occasum Mattiacorum, hoc est, Selandorum insulæ adjacent cultoribus frequentes, & tritici bonitate ita celebres, vt bina illū iugera colonum magis beare dicantur & augere, quàm quaterna Brabantica: quas post medium ostium Rheni fluminis ad Orientem sitas loquitur Dominicus Marius Venetus, vento magis inania effutiens, quum Selandia in Africum potiùs excurrat. in hoc non minus vanus, quàm in Batauoduro, quod Butatodurum ipse appellat, sub quod statim subsequi Bonnam vult, alio longè situ quàm Ptolemæus censuerit, eamq. Batauorum ineptissimè stultissimeq. asserit, fortè quia legerat apud Tacitum ductu Ciuilis Bataui Bonnam occupatam: consimili errore Batauodurum pro Aquisgrano accepit Ptolemæi interpret. Nimirum verissimè dicitur, Multos inueniri thyrsiferos. sed paucos Bacchos. Rursus post Rhenum mediū statim Kinemariorum ditio, seu Caninefatum, secundum arenariorum collium tractum in longum porrigitur; post eos Westfrisi, quos Cis-rhenanos aut minores Frisios ego nomino, versus ortum iacent, qui cum Caninefatibus simul, Frisiabones velut in sinum receptos includūt, qui Waterlandiam ab aquis,

Hollādiæ metatio.

Gocylandia.

Hollādia Australis.

Dominici Marij error.

Ptolemæi interpretis error.

Caninefatum tractus. Westfrisia.

Frisiabones. Waterlandia.

ab aquis, quarum iniuriæ obnoxia est, nominatam habitant inter perpetuas paludes & pratorum longas ténias fossis incilibus vndiq. diuisas. Hæc vniuersitas omnis terrarum, cum insulis adiacentibus Tessalia, Wieringia, & Flielandia, vno Comitatus Hollandiæ nomine censetur. Eam à plaga mundi occidua, Britannicum mare, à Septentrione Cimbricum ambit & littora pulsat, ab ortu Solis fretū amplum Frisiam procul aperit, ad Euronotum Transisælana & Velauiā, ad austrum Traiectina ditio obtendūtur. Totum Hollandiæ corpus diuiditur à chorographis in Austrinā Hollandiam, Kinheimariam, Westfrisiam, Waterlādianā, & Goeylandiam. Austrina semper auctoritate & dignitate superior fuit: cuius caput Durdrechtum nemo ignorat. De Kinheimaria, dixi prius vbi initium habere existimem, & finem, eamque Caninesatum regionem esse docui: de quibus litem controuersam mouisse veluti de industria coniuratis animis visi sunt Diuæus & Stella, sed discussisse nubilū illud abundè me puto, nisi fortè fiat qui præiudicata opinione imbuti, veri lucem nō admittunt, illorum instar qui in Platonico specu beatæ suo sensu vitæ assueti sunt, quibus si fortè discedente ac diducta hiatu tellure, repentinus lucis fulgor infundatur, quanta cōtinuò turba oritur, quanta existit animorum indignatio? diem detestantur, beneficium in iniuriam vertunt, donec assuetudo & veritatis notitia erroris caliginem exemerit animis: quos ego longū valere iubens, ad Caninesates nostros venio. Eorum etymon è locorum & regionis quam incoluerunt natura ac conditione coniecturā colligo, quandoquidē vera nominum impositio cum rerum ac gentis ingenio conuenire ad quadrum solet: eam verò cuniculorum esse refertissimam feracissimamque, vt alio loco à me commonstratum est, nemo ita peregrinatione alienus est qui nesciat. Itaque iam tum à prisco sæculo Caninesates audiuerunt, vt cuniculorum raptores, hoc est, *caninefates*, molli pronúciationis lege ad Frisicum idioma propius assonante, à præhendendis cuniculis, vel per con-

*Hollandia ter-
mini.*

*Australis Hol-
landia digni-
tas.
Kinheimaria.*

*Caninesatum
etymon.
Caninesates
unde dicti.*

uicium, quòd eos in cadis condirèt ac victorum more compingerent ad vsum seruandos, nisi exterminata canina litera per Romanos pronūciationi ineptos *Canine fraters*, vt cuniculorum comedones helluonesque nominati fuerint. Illud verò memoratu dignum est, non procul Hemskercka, tumultum accliuem visi, in omnes æqualiter partes editio-rem, in ipso fermè soli Caninefatium meditullio situm, in quo retroactis sæculis soliti sunt Hollandiæ Comites, vt Kinheimariæ domini, in frequenti ac solenni popularium & nobilitatis conuentu inaugurari ditioni illi, ac mutuo sacramento imbui cum Principem, tum nobiles cum vulgo.

Kinhemus fl.

Hos ego portum habuisse & alueum quo Kinhemus defluebat, non procul Crabbedamo existimo, quādoquidem in Caninefates appulisse Nortmannos Danosve cum classe ante annos fermè septingētos Regino Prumiensis testatur.

Westfrisia.

Caninefatium caput est Harlemum. Westfrisiam à positu orbis sic hodie nuncupatam Frisij minores seu Cistrhenani incolunt, gens olim fera, inquires, & seruitij impatiens, vti docebunt res cū Comitibus fortiter gestæ, nunc pacis otijque tranquillitas pariter & opes magnæ ferociam ex animis pristina exegerunt. Agros ea habet feracissimos, sūmen quoddam terræ. Ex hac Nortmannos, qui ijdem & Dani dicuntur, prædas egisse principatu Pipini patris Caroli Magni, ex Einhardo liquet. Hæc videtur vnâ cum Kinheimaria falces agnouisse & imperium Gotefridi Danorum Régis, quandoquidem cum classe Nortmannos huc intrasse ex Regione constat, cui innumera damna & clades terris inferenti, Frisia ex pacto concessa est, cum Gisela Lotharij filia matrimonij foedere illi coniuncta, vt lustralibus aquis tinctus nouamque religionem amplexus Christo nomen daret, sed fera pœnitentia admissi in extimam regni sui oram hostis, Carolus cognomēto Crassus Imp. cū non auderet palam & aperto Marte bellum illi Regi facere, eò quòd sciret Frisiam hanc inaccessam esse exercitui, propter innumeros diuersarum aquarum decursus, & impenetrabiles paludes, dolo,

dolo,quàm virtute tollendum eum potius iudicauit. Itaque clandestinis insidijs ille petitus sub specie amicitiae, & ad colloquium vocatus, immisso Eberhardo percussore nefariè interèptus est, vt cōmemorat Prumiensis Regino. Meam de Frisijs sententiam antea exposui, vt hīc iteranda non sit, ne cramben recoctam, proverbio notam, fastidiosa ingenia obijciant. Huius etiā, nunc Rex, nunc dux Radbodus apud Ecclesiasticos istos scriptores nominatur, quem apud Medenblicum regium Palatium sedemq. habuisse vulgò creditum est. Goeylandia videtur cōnationis aliquid habere cum Ostergoa & Westergoa ditiunculis Frisiæ Transrhenanæ, sed qua ratione, id verò me fugere fateor, alijsque quibus ea loca sunt notiora benignè aperiendi materiam præbeo, vt in publicum ea prodant & cognitionem adiuuent. Dicam tamen quod sentio, si vlli fuere inter Batauiaë populos Cauci, vt à Plinio commemorantur, eos Goeylandiam tenuisse, olimq. Cauclandos, velut Caucorum ditioris incolas, deinde paulatim senio linguæ Goeylados transnominatos crediderim. Hæc obiter de Hollandiæ secundum nonnullos diuisione dicta sunt. Regionis ambitū ad sexaginta milliaria extendi audio, latitudo perexigua est, quandoquidem è meditullio eius, creditur viatori patère aditus ad extremos ipsius fines in latum trium horarum spatio, vel etiam hinc ad Oceanum, illinc ad maris sinum, est, vbi latitudo non æquat milliare. Ex quo æstimari potest deductam à reliquo corpore Hollandiam, longæ tæxiæ aut litui potius incurui faciem præferre. Memorabilis verò est maiorum nostrorū industria & digna gentis huius gloria, quòd cūm Rhenus & Mosā in plures singuli ramos & brachia alueosque diffusi regionem quaquauersum interfecent, illi tamen haud contenti hoc naturæ beneficio, arte & industria hanc adiutarunt, passim emissaria, opportunos euripos, & aqua-

Radbodus Rex
Westfrisia.
Medenblici
arx.
Goeylandia.

Cauci.

Hollandiæ circuitus.

Maiorum nostrorum industria.

frequen-

Pontes longi
qui?

Poel.

Volen.

Meieri Flan-
dri somnium.

Rebus huma-
nis quomodo
insit diuini-
tas.

Scylla.

Caphareus.
Syrtis.

Thontf-
bosch.

Cyclopea mo-
les.

frequentatione quæstus vberior increfceret. Neque hos in-
tra terminos stetit vigilantia illa, quin ductibus aquarum
adiecerint & Pontes longos (*Kaeydijckos* appellant) qui in-
ter paludes, quibus omnia abundant, aggesti, tramitibus
angustis peditem deducât vltro citroque, vt & aquâ & ter-
râ commeatus pateat cunctis. Nec illa obliteranda est pro-
genitorum sollertia, quâ prospexerunt accretioni agrorum
extrâ aggeres, quos ijs locis erexere, quibus regurgitâs æstus
alluuiione quadam accrementum gigneret: agrosq. eiusce-
modi gentili vocabulo *Poldros* propriè appellarunt, qui è
fluuiio aut mari, cui loco æstuariorum postea fiunt, educti
aggestis pontibus longis aggeribusque ab aquarum iniuriâ
obsepiuntur. Fortè quod è stagnis, quæ *Poli* vulgariter di-
cuntur, recuperati fuerint, quæ melior etymi ratio esse mihi
videtur, quàm à *Polis*, hoc est, equorum pullis (*πώλις*; Græ-
ci vocant) quorum pastioni vtiles sint & commodi, id quod
Meieri somnium est. Illud verò indignum fuerit, quod si-
lento à me transmittatur de Hollandia loquente, eam ha-
bere clarum sæuitia & periculi magnitudine formidolosum
monstrum, alteram Scyllam, vt si quid diuinitatis inesse
immanibus rebus, pestibus, monstris censendum sit (quod
ideo fortassis finxit antiquitas, quòd per ea plecti puniri-
que scelera diuinitus crediderint) huic, de quo dicam, loco eam
quoque opinionem affingamus. Dedit Natura Siculo freto
Charybdin & Scyllam, quam sæuis canibus succinctam la-
trare fabulantur Poëtæ vtramque naufragijs infamem: de-
dit Euboïæ Caphareum importuosum & procurentibus
cautibus formidabilem montem: dedit & Libyæ Syrtium
metuenda vada: eodè iure addiderit Hollandiæ eam quam
Caninam syluam accolæ nominarunt, quòd murmurantis
maris fremitus & vndarû fragor perpetuis latratibus eum
locum circumsonet, & continuatis nocte dieque assultibus
tundat, conuellat, dissipet. Cuius furori opposita surgit mo-
les immanis, mortalium manibus laborata, quam verè Cy-
clopeam dicas, ardui môtis caput superans, propugnaculum
infirmum:

infirmum futurum aduersum canes illos, nisi assiduus operis confirmaretur, & cresceret semper decrescendo, quando mare illud prodigum, quod ludit sub mole illa depressum amplius, quàm quo telum robusto lacerto excussum adijci possit, cuncta aut haurit & absomit, aut in tempestate eiecit. Vidi namque ducenaria marmora pilarum instar fuisse euibrata decumanis fluctibus in planiciem moti subiectam. Eam verò molem ordines palorum inter se validè confibulatorum altè depacti & fistucis adacti dissepiunt, spatia intermedia farcturis opplentur aceruanturque, quæ constant immensi ponderis saxis aggestis. Annuei saræ fabrorum atque opificum operæ assidue illam communiunt, delectis viris ex optimatum numero pro magistratu illic agentibus, quæ trabes conuehunt, saxa comportant, marmorum pondera moliuntur. Moles autem illa ad tria passuum millia secundum mare littoris loco exporrigitur, Cauri furori imprimis obnoxia, desinitq. apud Pettemum tribus milliari-
bus Almeria distans, pagum captura musculorum nobilem, quos è conchyliaceo genere delicatissimos candidissimosque inter omnia littora educat in furiosissimi Oceani salebris natos, & saxis trabibusque adhærescentes, præ quibus facile Lucrina conchyliia despuas. Isthic initium capit Zipa vadoso naturâ mari, intercurfantibus tenui alueo æstuarijs, quod de Illyrici orâ retulit Plinius, quod solum aggerum indagine cinctû, & ad vndecim nostrarium iugerum millia ambitu complexum, nunc hominum cultum admittit, tractatuque mansuescit, seminiumque cum fœnore discit reddere, vbi piscium ludebant agmina inter algas, anteaquam Nicolaus Nicolaius vir diuina ingenij vena præditus, maioreque fortuna dignissimus, animum adiecit ad cingendû aggeribus immensum illud agrorum spatium, in quo Salinas instituit non ita pridem virtutibus non minus quàm gentilitijs imaginibus clarissimus heros Bucholdius, destinatis ad conficiendum salem concreto coactoque humore lacubus, ijsque summâ industriâ ita comparatis, vt

*Pettem:
Musculi Pettemij delicatissimi.*

Zipa.

Nicolaus Nicolaius 10. Secundi frater, Zipam obnalar.

Salina in Zipa. Bucholdij laus.

iniuriam aëris præuisam non sentiant. Hoc territoriū quod Hollandia in beneficijs ponere & æstimare auctarij vice, quando alibi detrimentum ceperit, poterat hætenus, turbulentissima Autumni tēpestas immani diluuiο adobruit ante biennium: quando, proh dolor, ipsis anni Septuagesimi KL Nouembris multi illic mortales cum pecore & armentis interiere hausti aquis, passis eandem calamitatem plærisque Belgij terris maritimis; quando quicquid illic culti fuit, & fœcundæ glebæ, aut altis arenarum puluinis tectū, aut salugine maris enectum & sterile redditum fuit.

C A P. XV.

De Hollandiæ nativis bonis & dotibus.

*Patriā amare
omnes decet.*

POSTQUAM Bataviæ situm & magnitudinem Rheni ambitu circumscripsi, Hollandiæ nomen vnde natales suos referat explicui, nunc vt ad regionis dotes ac peculiaria naturæ largitricis bona, inde ad gentis mores, ingenia, ritus, & quæ his gemina sunt & similia stylum cōuertam, æquum esse existimo, quod par & mutuum beneficium patriæ reponi à nobis nequeat, quippe quam chariorem nobis esse decet, quàm nosmetipsos: quando & immortalitati à Dea oblata patriam licet asperam & insolentem anteposuerit Vlysses Homericus. Quæ lex quum in bruta etiam animantia, quæ nidulorum suorum amore tanguntur, transierit, quid absoni facturus sim, si de ea benè mereri satagam, quæ lucis huius vsuram mihi fœnerat, si vicem genitrici rependam, si non modò debita laude non fraudem, sed gratiam insuper referam, quæ beneficijs me cumulat atque adauget. Inuenti fuere qui immeritas laudes & indignas rebus pariter & personis attribuerunt, velut Buliridem immanissimum hominem flagitijsque notissimum Isocrates, Helenam Græciæ bustum & Ilij ruinam Stesichorus encomio celebrauit: Alcidas mortis laudes, Phauorinus quartanæ febris, Synesius caluitij, laboris Heraclides Lycius, stultitiæ Erasmus, somni, & muscæ alij quidam cōtexuere.

*Laudes im-
meritis tri-
bute.*

Quæ

Quæ si ita sunt, quis tam iniquus fuerit censor, qui inuideat iustum præconij honorem in patriam conferri? Est igitur hac tempestate Hollandia regio longè maxima parte palustris, solo depressiore ac demerso plerisque locis, multis etiam natante, non in nouum modò, sed in adultum quoque, ver, quâ Traiectinos fines respicit: stagnis & euripis passim irrigua, lacubus immanibus, quorum finem nulla oculorum acies metiatur, diuulsa: alicubi aruorum culturis distincta, arboribus pomiferis consita, aut nemusculis amœnam faciem ostensura: terriam fermè partem mari obiecta sabuleta occupant, sterilia quidè illa, sed cuniculorum fœcundissima: arbuistorum magna raritas est, quæ olim, vt diximus, abundarunt: Aquarum multitudinem quæ demissioribus aruis gratus est, & stagnantibus innatat, frequentioribus hydromylis exonerant, ita vocantur molæ aquariæ, quaternis instructæ alis, quæ vento operam dante circumaguntur, & pinnato tympano aquas in altum euehûnt, atque in euripos & inciles fossas eiectant, inuento valdè vtili ac prope necessario, quæ altioribus aggeribus vtrinque coërcitæ & in maiores latioresque aquæ ductus corruatæ per emissaria opportunis locis fabricata, quotiescunque maris reciprocantis æstus refluit, in maris sinum aut amnem, aquas effundunt. quam rem ne per somnium quidè cogitasse veteres colonos autumo, vnde tanta agrorum vilitas. Alij demersos illos agros magno studio impendioque educûnt, melioresque reddunt, inducto ex arena corio pedem cubitumve alto, quod desuper infuso cinere, & luti aliarumque quisquiliarum & sordium reiectamentis simòve stercoreant, insigni profectu & successu læto. Regionibus nonnullis rerum miracula & dotes Poëtæ pariter & scriptores assignant, sed singulas. Sic Gargara prouentu tritici celebrâtur, Panchaiæ thuris, India aromaticum, Chalybes ferri, Vmbria armentis, Lydia aurifero flumine Pactolo, Fortunatas insulas à viris iusti tenacibus habitatas summis laudibus prædicat Homerus fabularum notus parens, vbi inarato solo fruges prodeant, fortuitis &

Hollandia palustris.

Hydromyla.

Studium meliorandi agros.

Regionum singulares dotes.

sponte ematis vitibus iuga montium vestiantur, grauentur
 vltroneæ arbores vberè pomorum fœtu, vulgoque promif-
 cum olus ad graminis vicem crescat: quæ munera, qui ve-
 lit rem ipsam expensius examinare, inueniet si minus no-
 stris, multis certe terris cõmunia, vbi illaborata tellure fru-
 menta citra culturam agrorum nasci possint (vt apud Aqi-
 tanos odorati frutices omnibus passim semitis) præsertim
 vbi matura semina è glumis elapsa, vltroneæ sationis instru-
 menta fiunt: vitis per se racemos fundit: arbor quamuis non
 putetur falcibus fert poma: & edules herbæ læto semel se-
 minio è terra exeunt. Quid ergo inauditũ aut stupendum
 ille ante cæteras illis insulis tribuat, non video. Laudat Ma-
 mertinus aut Belga orator qui Panegyricum Constantino
 dixit, Britanniam omnibus à natura cœli solique bonis do-
 natam, non omnino falsus, quam neque nimius hyemis ri-
 gor exasperet, neque feruor æstatis exurat, ac proinde tanta
 segetum fœcunditate redundet, vt & Cereris & Liberi mu-
 neribus sufficiat. quo dicto non illam vini prouentu (quo
 caret) abundare ostendit, sed ita circumfluere frugum co-
 pia, vt non ad panificium modò & alimentum annuum sa-
 tis sit, verum etiam excoquendo vino factitio ceruisiæque
 suppetat. Addit quod eadem innumeram, vti res est, peco-
 rum multitudinem alat lacte distentam & velleribus onu-
 stam. Nolo hic, neque possum, vel Fortunatis Insulis vel
 Britanniae Hollandiam nostram componere, nedum æqua-
 re, ne hinc inuidiam colligam, illinc fabulosum Saturnij
 aurei vè sæculi somnium pro fide historica adducere velle
 videar. Soli bonitatem in alendis armentis extollere nobis
 licet, in cæteris mediocritatem probare, cœli clementia de-
 stituimur, hyems nobis maturior asperiorque, vis vëtorum
 infestior aërem turbat, præcipuè Caurus, qui Hollandiæ
 peculiaris tyrannus additus videtur, arboribus hostis, satis
 inimicus, valetudini aduersus, procellosus, marisque turba-
 tor. Halicarnassæus regionis opes metitur, & quidem rectè,
 in fructuum quos producat nõ vno genere, non in feracibus
 solum

Britānia fœ-
cunditas.

Mamertini
locus explica-
tus.

Hollandiæ soli
bonitas.

solùm aruis, quæ præter fruges vix aliud quidquam magnopere proferant ad communem vsum: eamq. optimam iudicat, quæ sibi maximè sufficit, exoticisque & importatis rebus minimum indiget, cuiusmodi prædicat esse Italiam. Cuius viri testimonium tantum abest vt eleuem, vt etiam oculatus arbiter maximè comprobem. Neque verò Italiæ nostram hanc Helenam componere est animus, benignæ tamen parentis Naturæ qualescunque opes prædicare, quibus contenti simus, quis inuideat? Prouidentia diuina ita comparatum constitutumque in rebus humanis videmus, nulla vt sit regio tanta feracitate, quæ non aliqua ex parte alienæ opis adminiculum requirat, neque id alia de causa, quàm vt societate commercioque mutuo gentium, voluntates & amicitia stabilirentur hominum, firmareturque ea ratione animorū hinc inde cōsensus. Habet regio ista agros frugiferos quoque, & quidem luxurioso ac opimo frumento supra modum scatentes, sed qui tantillo in spatio & in regione, qua vix aliam populosiorem inuenias, ad suppeditandam tantæ multitudini alimoniam sint impares, neque frugum vbere sufficere possint. Pascui ergo agri bonitate cum alijs certare & verticē attollere nobis licet, absit dicto inuidia, vnde præcipui redditus ac prouentus existunt, siquidem è caseis & butyro, quæ exportantur in externa loca, in singulos annos ducēties sestertiūm cogi putatur, quæ summa ad decies centena Caroleorum millia extenditur, præter ea quæ in quotidianum alimentum, quo vix alio bona tenuioris fortunæ hominum pars victitat, cedunt. tot illa boum armentis abundat, tam læta vaccarum parens ac nutritrix est, his copijs quàm Britannia longè superior, siue opimitatem & aruinæ vbertatem spectes, siue laxiores capacioresque vberum sinus, qui triplo plus lactis fundunt: sola

Вонн опими-
146.

rum & argentariorum metallorum riuos, aut ærarias plumbariasque fodinas iactant, quæ bona negauit nobis naturæ inuidia, hoc, de quo dictum est, liberalitatis genere damnum illud dissoluens atque compensans: quando ijs, quæ nobis superant, vberissimi prouentus copijs, non finitimas modò prouincias, sed & longè distitas, Galliam, Hispanias, Africæ littora, & antarcticum nostroque oppositum orbem instruimus atque explemus quodammodo. Lactis bubuli, quod caseo fertilius est, præstantia atque excellentia summa, vt & butyri omnium iudicio hîc est, quantumuis stolido conuittio Plinius butyrum barbararum gentium laudatissimum cibum, quo à plebe discernantur diuites, appellare non dubitarit. De Caseorum bonitate cum quibusuis etiam nationibus in certamen venire non erubescat Hollandia, non dubitanda palmæ gloria, nisi exoticas delicias fracta luxurie & profunda ingluuie palata præferrent, nisi rerum venalium pretijs maioribus accenderetur gulæ ingenium, & (vt dictitabat Heliogabalus) orexis. Laudatissimum caseum Lunæ imagine signatum, sicut & Vestinum, Epigrammatarius commendat, neque dissentit Plinius: sed ille sola molis magnitudine vt pluribus sufficeret, hic vt obsonij vicem pani coniunctus præstaret, commendationis caput secum adferunt, si rectè intelligantur Martialis versiculi, qui in Xeniorum libro extant:

Caseus Hetruscæ signatus imagine Lunæ;

Præstabit pueris prandia mille tuis.

Si sine carne voles ientacula sumere frugi,

Hæc tibi Vestino de grege massa venit.

Quasi verò non in quouis etiam nostro gregali & vulgari caseo bubulo dotes istas quisque agnoscere possit. Nunc luxuria, quæ per improbam lasciuiam parata & facilia fastidit, gratiam præcipuâ Parmensi caseo & Placentino tribuit: at nostra Tessalia metas lactis dat anchoræ forma signatas, celeberrimi inter primas nominis, illique vicina Grinnia, principatus tamen illi deferretur, qui apud pagum Corni-

tis Arenæ

Lactis bubuli
præstantia.

Butyrum.

Caseorū Hol-
landicorū bo-
nitas.

Heliogabali
dictum.

Caseus Lu-
nenfis & Ve-
stinus.

Martialis
versus decla-
rati.

Parmensis ca-
seus.

Tessalicus &
Grinnius ca-
seus.

tis Arenæ vocabulo insignem, Grauesandium inde dictum, Grauesandius
caesus.
 conficitur, qui acri succo sitim alere, & poculi gratiam ac-
 cendere creditur. Proxima palma Edammeni cedit, quem Edammenſis
caesus.
 Parmenſi nihilo inferiorem, ſi vetuſtatis accedat commen-
 datio, cenſores iſti, qui præſtâtiora omnibus alijs eduliorum Cybiratici ca-
nes.
 domicilia veſtigant ad modum Cybiraticorum illorum ſo-
 dalium, de quibus apud Ciceronem eſt, prædicant. Atque
 iſta quidem vna eſt & verè aurea hubertas, quam lactis, ca-
 ſeorum, & butyri larga copia inuehit, vnde ceu è diuite
 Amaltheæ cornu mirum quanta opum affluentia Hollan-
 diam ditet. Addunt rerum longo uſu periti bina alia huber-
 tatis genera, quorū alterum in copioſa alecum (præter alios
 omnis generis piſces) captura, fidem omnē ſuperante, con-
 ſiſtat: alterum in infinita cuniculorum foetura, è qua ſola
 collectum in caput fœnus annuum centies & quadragies
 ſextertiū excedere creditur. De alecibus poſt mihi dicen-
 dum. Cuniculorum innumeram multitudinem alit paſſim
 regio, ſed in collium arenariorum ſubterraneis ſpecubus,
 quos ſibi effodiunt, potiſſimum, animalia ſatis plantisquæ
 damnoſa, quod non ignorauit Strabo, *Leberidas* eos nomi-
 nans & γεωρῦχες λεγιδ' εἶς, velut lepufculos telluris effoſſo-
 res, in Leberidum nomine nonnihil deceptus: quandoqui-
 dem vocabulū iſtud in cuniculorū ſobolem recens ena-
 tam, ab omni prorfus pilo nudam conuenit, orta inde
 parcemia. Quorū numeroſiſſimas copias tametsi in Gym-
 neſijs ſeu Balearibus inſulis fuiſſe prædicet, ita in immēſum
 auctas, vt ab Auguſto (quo viuo Geographiæ ſuæ libros ſcrip-
 ſit) militare auxilium contra earum prouentum & iniu-
 riam meſſes populantium, poſtularint, aſtipulante huc &
 Plinio (vnde eſt quod animal iſtud λιμοποδὼν, velut annonæ Lib. 8. ca. 55.
 penuriam faciens famemq. inuehens apud Erotianum di-
 citur) nihil tamē ad has noſtras copias accedere crediderim:
 neque enim barbaries illa ſatis inſtructa canibus ac viuerris
 fuiſſe videtur aduerſus graſſatores ſuos, quemadmodum
 gens noſtra, quæ nō ſolū ſepes arundineas aut è ſtramini-
 bus con-

Cuniculorum captura. bus contextas iniuriæ opponit, verumetiam Gallicis canibus insidiatur & venando occupat, aut immisiss in specus multifores viueris, eiectiones supernè capit, vel in sagenulas specuum ostiolis obiectas compellit. Hi ut fecunditatis inuictæ sunt (quippe quum è coniugio vno intra vertentis anni curriculum septuagesima proles fermè existeret queat) ita gratissimo in cibatu habentur. Leporum quoque non infelix prouentus est, agris præsertim altioribus, nobilitatis præcipua venatio. Ceruorum etiam & damarum toto illo collum arenariorum tractu cum interiectis conuallibus, qui Egmondam vsque ab Hagenensi nemore in longum porrigitur, magna frequentia est, quorum examina sæpenumero certam perniciem satis adferunt, ea depascendo absumendoque, aut cubilibus suis obterendo, si fortè repagula perfringerint, aut ex incuria aperta inuenerint. nam furcillis erectis excluduntur, quibus transuersa tigna triplici aut quadruplici ordine alta, ad felicium agrorum margines posita, perpetuam sepimenti cratem per miliaria aliquot continuare agricolarum vulgus tenetur. Horum non eadem nostris venatoribus capiendorum ratio, quæ Gallis & Britannis in usu est; qui plærunque plagarum indagine aut carbascio septo includunt circumdatos: nostri verò numellarijs canibus per insidias sparsim dispositis, exceptos inuadunt, aut in agmen Dianium aliunde vrgens reiiciunt, vbi conficiantur. quod si canum dentes eludat fera, pateatque effugij spes, in litus se proripere solet altoque mari innatare, donec tuta circum omnia, & ab hostili satellitio liberum litus animaduenerit. quod commodè facere putatur, quòd ceruini pili intus sint caui, qua occasione sustentantur in natatu, non secus quàm vesica vento inflata vrinator solet. Haganio in nemore videas & pascētem capreolorum gregem, latiusculis cornibus, corpore ceruum mentiente, pelle maculosa in pantherarum modum, vti ab Oppiano describitur in Cynegeticis, quos ἰόρκης & alibi δόρκης nominat, *Capreoli*, inquit, *corpus cerui, maculisq; notatum*

Tergus

Tergus habent varium, pardo non dispare cultu.

Quid dicam de equis, quos generosos, præstantes, torosos, Equi Hollan.
idoneosque ferendæ panopiæ, sed succussatores plærosque
ea pars Hollandiæ producit, quam Cistrenanam Frisiam
dixi, & Caninefatum regio, fœcundior illic equarum nobi-
lium, quæ ducendis matronarum pilentis in Italia expetun-
tur, ad luxus ostentationem. Australior regionis pars lacer-
tosos quoque & optimos profert. Ingentem equorum nobi-
lium vim exportari quoquouersum, docebunt pagi aliquot
mercato equorum frequentissimo celebres, quos inter de-
cantatissimi sunt Valkenburgus Wassenariæ gentis domi-
nium, Scorelium, pluresque alij.

Auium concentum alibi gratiorem ad fontes & virida- Auium copia.
ria, ut in Brabantia luscinia, quæ nobis non canit aut perra-
rò, non negarim: at captura nusquam gentium felicior, in- Auium in ge-
niosi captu-
ra.
stitutis ad id quæstuosis admodum auarijs, in quæ illices
aues mansuefactæ feras pelliciunt primò, eas deinde catulus
artem edoctus latratu consternatas diffugere in caueas co-
git, ubi aucupis manu intereunt ceu in carcere. Quid me-
morem iucundissimam & nobilitati promiscuè expetitam
earû auium capturâ, quas *Scolopaces* Olympius, *Rusticulas*
Plinius, *Rusticas perdices* Martialis vocauit, vulgus *Sneppas*,
mensarum delitijs dicatas, quas autumnalibus mensi- Rusticarum
auium captu-
ra.
bus, in quibus deciduo foliorû honore viduantur arbores,
capere solent expansis inter arbores raras distitasque, nebu-
lis, hoc est, pensilibus retibus, albescente diluculo, & dubiæ
lucis crepusculo, demissisque audito auium plangore: quam
capturam cum aue eleganter à Nemesiano expressam non
possum hoc loco non adscribere:

— Præda est facilis & amœna Scolopax,
Corpore non Paphijs auibis maiore videtis.
Illa sub aggeribus primis, quæ proluit humor,
Pascitur, exiguos sectans obsonia vermes:
At non illa oculis, quibus est obtusior, et si
Sint nimium grandes, sed acutis naribus instat,

*Impresso in terram rostri mucrone, sequaces
Vermiculos trahit, atque gula dat premia vili.*

Has auiculas Aufonius videtur existimasse eas quæ à vitibus ἀνιπιδεῖς dicuntur, & periphrasi quadam descripsisse, ni fallor, quas Hesperio dono mittens, dicit crepero sub lucis Eoæ, præcipiti volatu in retia delatas esse: verius eius sunt,

*Vel qui lucentes rapuit de vitibus unas,
Pendetq̃, nexus retibus,
Quæ vespertinis fluitant nebuloſa sub oris,
Vel manè tenta roſcido.*

Aufonij ver-
sus declaran-
tur.

Alecm cap-
tura.
Arengi.

G. Rondileij
laus.

Vbi lepidè & nebularum quibus capiuntur rationem, & tempus vtrunque capturæ accommodum depinxit, quod ipsum, vt, & cognitio non omnibus obuia, me in digressio- nis istius voluntatem adduxit. Nunc ab auibus ad aleces, de quarum prouentu, præcipuo insulæ ornamento, vt dicam, promissi fides postulat. Ea voce arengos nobis dictos pisces intelligo, argenteo quodam squamarū fulgore, noctu præfertim, lucentes, dodrante vix maiores, quos è *Thrissarum* genere statuit Rondileij grauiſſimus piscariæ rei iudex, *Leucomenidas* Franciscus Massarius vocat, & cum *Gerribus* Plinij confundit. ego insiſtens Cæsaris iudicio, & cum multis loquendum censens, aleces nomino, quòd Prisciano & Sosipatro nobilissimis Grammaticis ita placere approba- ri que video, qui alecem pro pisce muria condiri solito acci- piunt. Sunt autem ex ijs quos ἀνιπιδεῖς Aristoteles, gregales nostri nominant, quòd agminatim per Oceanum ferantur palabundi, tanta interdum multitudine, vt oppositis reti- bus fisti nequeat impetus, quin illa rapiantur, ac liquidi æquoris faciem offuscent. quæ caussa est cur tam copiosa sit illorum in retia infusorum captura. Nam postquam ex Arctoi maris latebris discedentes, id quod præcipitante iam vere solet fieri, velut commutatis natalibus in æstiuam con- tendunt, tum verò classes variæ, inter quas Hollandica, Se- landica, Frisica, Flandrica, Gallica, Britannica, & Scotica, quasi ex condic- to ad euitandas simultates & contentiones, partitæ

partitæ inter se certas ac definitas stationes, sub Britannia, Scotiæ ora, & Orcadibus, singulæ pro viribus isti piscium generi insidiantur nauigijs rotûdis, aluo panda, obtusa pro-
ra, Bafas nuncupant, quas rectius *domicilia maris* cum vul-
 go noltrate, quàm *pelagi vehicula* cum Æschylo vocare li-
 ceat. Hi pisces viui, quo ad eius fieri potest (nam simul cum
 deserto falo vitam quoque protinus expirant) per iugula-
 torem eundem & cuiſceratorem, cui præ cæteris omnibus
 liberalissima merces datur, aperto prius iugulo exenteran-
 tur, dein per salitorem condiuntur, festinatis operis, inde
 conduntur falsamentarijs cadis (*orcæ* Latini dicunt) postea
 venditi, per alecarios cupariosque de integro stipantur, inani
 turba quæ lactibus aut ouis caret, numero submota, noua
 muria obruuntur, postremò per delectos iuratosque arbi-
 tros bonitatis fides exploratur, sigilloque addito obstringi-
 tur, non absimili religione à vetere, qua Dianæ sacerdos
 Lemniam rubricam (quam *minij glebam* Celsus vocat)
 probatæ notæ sigillo impresso insigniebat, vt testimonio
 Galeni constat. Atque istud quidem primû genus alecum
 est, conditaneum, seu muriaticum nominandû cum Plau-
 to: alterum est quod leuiter salitum in fumario fumo dura-
 tur, vbi auri vel æris potiùs colorem ducit, vnde *Soretum*
 voce Gothica Galli id genus nuncupant, quòd subruffus ad
 atrum accedens color ealingua *Sorus* vociteretur. Ista alecum
 piscatio quantum operæpretium, quâtam Reipub. Hollan-
 dicæ vtilitatem præstet, quo ore efferam ignoro, quando
 non vnus, sed plurium ciuitatû salus & fortunæ inde pen-
 dere propemodum videantur: inde plebs vrbana pariter &
 rustica victum quærunt, æsalienum dissoluunt, familias su-
 stentant, opes qualescunque conquirunt, aut partas tuen-
 tur. Constat namque Oudewateram, Woerdenum, Rote-
 rodamum, Sciedamum, Brielam, neq. ignobilia neq. exilia
 oppida (vt de alijs taceam) præcipuas inde fortunas traxisse,
 plebem omnem propemodum in texendis tragulis, euerri-
 culis, sagenis, reliquoque instrumento omni reticulato, quo

*Bafa nanes
quales?*

*Aleces fumo
durati.*

Bucking.

Lang.

Soretus.

Sorus color.

*Vilitas &
enolumentum
ex alecibus.*

piscatio instituitur, item in torquendis restibus, vnde retia plectantur, toto anno occupatam habere. Ex quo facillè æstimare potest quivis, quantum momenti ad omnia positum sit in huius piscationis fausta vel aduersa captura, de qua dici potest, quod de Fortuna extulit Plinius, quod vtramque paginam faciat. nam cum secunda piscatione decrescit minuiturque rerum omnium fermè edulium pretium, aduersa augescit atque intenditur: neque sola huiusce tunc calamitatis vim regio nostra experitur, quinimo & ad alias celeriter trahit doloris sensus, eò quòd in magnam Europæ partem diffundatur ea merx, vtcunque res ceciderint, vendibilis & expetita. Iam si velim, postquam piscario in foro res vertitur, nostri maris delicias omnes recensere, tempus me deficiat. Neque verò obsoniororum (quo nomine dicebantur olim qui piscibus delectabantur) conuitium in nos distringi velim, aut Romanæ luxuriæ nota inuri, quam non veritus fuit attingere Cato, quum nimium vero elogio testatus est, pluris Romæ piscem vænire, quàm bouem, propterea quòd piscibus luxum metirentur, (vt Asinius Celer qui mullum piscem octo millibus nummum emit:) cui rei attestatur ganeonum prouerbiū, quo se mutuò ad indulgendum comestationi prouocantes, dictitabant, *σήμερον ἀντάσωμεν*, hoc est, vt verbū fingamus, *Hodie littorisemus*, volentes innuere gulam cœna è piscibus explendam, vt à Plutarcho relatum est. Tolerabile tamen illud studium fuerat, nisi in peregrinis lautitijs popinones illi ac gurgites, quibus vitæ modulus culina erat (vt lepidè Varro dixit) ingluuiem exatiandam duxissent, vti in Satyris auctor ille ostendit, quando è Lucrino lacu conchylia, è Benaco anguillas, alosas è Tyberi, asellos Pessinunte, Rhodo acipenterem, rhombos Rauenna accerserent, vt alia omittam infinita, ne prolixitatis tædio odiosus fiam, quum hæc omnia abundè delicatis palatis nostrum mare vnum suggerat. Pamphili fabula, secundum Aristidem, narrat vrbes aliquo tempore dissidijs mutuis agitatae, quum rogo fuissent impositæ, subitum

*Alecum fuisse
stam capturā
annonæ esca-
riæ utilitas se-
quitur.*

ὁ ἰσχυρὸς.

*Romaniorum
luxus in pis-
cibus.*

Prouerbiū.

*Pamphili fa-
bula.*

subitum vigorem in artus rediuiuos recessisse, & inopinato imperio auctas, non potuisse tamen exprimere, vnde incolunitas illa nata, vnde tam repentinum bonum extitisset, non magis quàm qui è somno euigilat, opes modò vitas ostendere. At Hollandia Oceano (quem *rerum originem* Oceanus, ausus est Homerus nominare, alij rectius *mundi balthicum* dixere, Cyrillus *terre inuolucrum*, quòd complexu suo tellurem cõtineat) copias suas omnes, vt debet, ita & acceptas fert, ac grata memorq̃ue beneficia immortalia agnoscit, illum meliore ratione aurifluum, quàm Nilum suum vetustas, dignatur, quòd huius ope & merito merces vndecunque terrarum importatas accipiat, eo pacto nullus indiga, rursumq̃ue quibus ipsa copijs abundat, per nauigia exportet, commercij causa terras quascunque non inaccesas petens: quo dum peruiro vti licebit, (licebit autem dum rerum vniuersi ordo suis constabit legibus) non defuturas sibi opes, sed perennaturas confidit. Sed ne arcem ex cloaca (quod dici solet) facere velle videar, aut ex humili tumulo Olympum attollere, me ipse oppugnabo aliquantisper, neque ibo inficias, nostram patriam non circumfluere tantis copijs, vt alienæ opis non indigeat, absit vt id in animum inducam.

Haud nego eam robusteis lignis alijsq̃ue carere: quibus bene accidit quòd non perinde, vt olim, abundemus. tunc enim culti agri minus esset. nunc tantam eorum vim nauigia & celoces nostræ è Noruagia & Vestophalorum syluis aduectant, vt difficulter quis crediturus sit, tantũ trabium, quæ ædificiorum fabricæ destinantur, aut ad aggerum munimenta aduersus maris impetum comparantur, extare posse. Quis vsquam in ditiuncula (si ita appellare fas licitumq̃ue est) à syluis nuda, tantum nauium mari innatare vidit? Conferant in vnum nauigia sua aut classes Regna aliquot, non æquabunt numerum, si vel triremes in supplementum aduocent, quarum in procelloso furiosoq̃ue pelago nullus hîc vsus esse potest, vt periculo suo didicerat olim Drusus. Nam præter minorum nauium vim, quæ innume-

Lignorum in-
opia Holl.

Nauium nu-
merus innume-
rus.

ra ad conuehendas vitrò citroque merces, vtensilia, ceruissiam, alimentariam annonam, epibatas & vectores, inter adiacentes ac contiguas regiones, Oceano abstinent, quantus, dii immortales, est onerariarum nauium numerus, quas Græco vocabulo *Holcadas* vocamus! quas mille aut minimum octingentis pauciores non esse crediderim, quæ in cunctas orbis habitati partes commerciorum causa vela faciunt, nulla anni temporum tempestatumque reuerentia, aliter quàm Romana quondam constituit seueritas, quæ maria cludebat & referabat statim anni temporibus: proculcata adhæc maiorum nostrorum (qui genituræ meæ initia paululum præcesserunt) religione, qui nisi cõsignatis tabulis testamentorum, expiatisque mentibus, mare non tentabant, solutis immutatisque. nunc prisceis moribus, & antiquaris institutis, quasi per summum vitæ contemptum & religionis ludibrium. Earum verò holcadum nonnullæ in Galhas enauigant vini salisque gratiâ: nonnullæ Hispanias petunt aromatum, sals, olei, vini, aluminis, sacchari, & fructuum causa: aliæ Liuios, Borussos, Sarmatas, Gedanum, Vandalos, Cimbros, frumenti secalicei gratiâ adeunt: sunt quæ extremam Thulen (Islandiam à glacie concreto solo nominant hodie) sub axe iacentem quærunt, vt duratis vento piscibus faburrentur, eodem periculo etiam Bergos Plinio non incognitos vestigantes. Neque desunt quæ malos nauticos velificationi destinatos, naualem materiam, & scetilia de robore ligna, vtensilibus, cupis, dolijs, arcis, & intestino domorum ornatui copiosum apparatus è Noruagia requirunt: atque hæc omnia cum quadam vitæ proiectione audent homines, sui prodigi, vt merito Zoroaster eos, audacis Naturæ opificia nûcuparit, qui fragili se ligno & tabularum compagibus credunt, *digitis à morte remoti*. Quatuor aut septem, vt Satyroglyphus inquit. Sed vt ad institutum reuertar, vicem propè castrorum præstant nobis naues: sunt prætorix loco ducum, catafcopia exploratorum, graues & onerariæ lignatorum, corbitæ frumentatorum, sunt & aliæ pro pabu-

Thule Islandia.

Homines audaces
 in nauigando
 mari.
 Naues loco
 castrorum sunt.

pabulatoribus & aquatoribus. Itaque tametsi nobis alicubi sylvæ extent cæduæ, alneta sint frequentia, concædes & trunci arborum lignorum aliquantas strues, coccinnatosque ramorum ac virgultorum fascies ministrent, haud suppetit tamen tanta eorum copia, quæ Martialis Flaccique votis responsura, perennem & larga manu exstructum focum onerare possit: quæ Mattiace in agro longè minore est. Verùm provida rerum parens Natura alia via nobis affatim prospexit, qua inopiam lignorum leuaremus, & quidem melius, quàm nonnullis inter Scythas populis, qui lignorum egentes, ossibus ignes alere scribuntur, nimirum fossitio cespitis, qui è terræ fodinis erutus, sole excoctus, ventoq. arefactus, igni alimentum obuium, minimeque contemnendum præbet, estque tuendo igni fomes, quàm Promethea illa ferula, paratior. Huius tam copiosa materia & luxuries in lucem profertur, & per vniuersam Hollandiam Zelandiamque annis omnibus crematur, atque in alienas regiones tanta cespitum sylua, quibus multæ nauium centuriæ onerantur, exportatur, vt vix annos pauculos suffecturam eam non sine causa quis existimare possit: ita vt, quod de Hispaniæ metallis Posidonius orator dixit olim, iure huc accommodari queat, esse *Ἰνσαυρὲς φύσεως ἀέναντος καὶ ταμείου ἀνέκλειπτον*, hoc est, perennis atque affluentis Naturæ opes, & inexhaustum penum. In quo fodiendo mirum quanta sit laboris indefessi sedulitas, quàm pertinax hominū patientia contentioque, vt sperare videantur è subterraneis latebris se in lucem producturos Plutonem ipsum diuitiarum Deum: quod scitum refertur Demetrii Phaleræi de metallarijs fossoribus, qui argenti fodinas in Attica exquirebant. Materię huius cespititiæ plura sunt genera, quæ colore, leuitate, & pondere materię, adhæc cineris, quo se obruit, bonitate & candore, differunt atque examinantur. Primum genus vile est, rarum, inane, fungosum, valdè leue, color illi impluuiatus, qui rubiginem parietum è pluuiæ defluxu natam mentitur: quod genus deterrimū est, neq. vsui ciuium expetitur,

*Ligna alendo
foco.*

*Cespites fossi-
ty.*

*Cespititiæ
materię co-
pia.
Posidonij di-
ctum.*

*Demetrii
Phaleræi
dictum.
Cespitum ge-
nera plura.*

expetitur, feruit ferè cortinis ceruisiariorum inflammandis & concoquendis; quod accensum vultus è viuido colore plumbeos, cadauerosos, laruisque assimilés homines facit, tetramque exhalat mephitim: quo odore non rarè etiam animi defectus (vti præsentius in bituminosis carbonibus fit) conciliatur, quem tal inspersus tollit. Alterum densius est, furuum, segmentis virgultorum intermeantibus & palustribus cannis intercisum, grauitate mediocri, promiscui vltus. Tertium ponderosum, laterum coctilium duritiam quandam imitans, quod cæteris natatu fluitantibus solum subsidit aquæ immersum, tardeque ignem cõcipit, sed conceptum diutissimè continet, cinereum colore, fabulosoque solo effossum. Est & quod è falluginosa terra conformatur

Darii turff. in glebas Zelandiæ domesticum, Dariam vulgus vocat. de qua Plinium sensisse credibile est, vbi Cauchorum in afluarijs maris Oceani degentium, inopem turbam, luto terræve (vtrouque enim vocabulo vtitur) vento magis, quàm sole siccatis, & cibos coquere & membra frigore rigentia calefacere testatur. quæ verba eius propè definiunt cuiusmodi cespitum genus sit Daria, nam & lutum est, vbi permaduit, & terra, vbi aruerit expresso madore. sic enim ait: *Captum manibus lutum ventis magis quàm sole siccantes, terræ cibos & rigentia septentrione viscera sua vrunt.* Præter hæc est quod verriculis è fundo aquæ extractum pingui luto constat, quæ materia in lacus quosdã quadratos, vbi aqua prius redundans disfluxerit, affunditur & complanatur, postea arefacta in metas rariores aggeratur, vt vento perflatæ soliq. penetrabiliores ad vsum durentur. Habent & inopes rusticorũ familiæ inter Cistrhenanos Frisios peculiare cespitum genus in tessellas, prius dictorum more, cõformatum, fimo bubulo constans, interspersis straminis, arundinum, fœni quisquilijs, ad solem æstiuum excocto: sed cuius fumus infesta acrimonia sic vrit oculos, vt lippitudinem facile conciliet. Hactenus Naturam haud nouercantem nobis, sed cum in arcendo frigore corporibus, præsertim gracilibus (quod

Euripidi

Cespites è fimo.

Schocken.

Euripidi cum Cicerone placuisse video) infesto, tum in fouendo calore vitæ amico benignam, hoc est, pro inopia nos cumulos domestica pariter & externa copia, inuenio. Percurram obiter vnum præterea atque alterum nostræ egestatis argumentum, non aliò comparatum, nisi vt intelligatur, nullam regionem vndecunque beatam, aut felicitatis numeris omnibus perfectam dici posse, quâdo ita Deo opifici vniuersi, mundi animo, à primis rerum primordijs placuit, pro ea quam gerit rerum humanarû cura, ne in vnam cuncta largitatis suæ munera semel effunderet, singulis nonnulla benignitatis parte mutilatis, quo sic admoniti mortales discerent mutuo auxilio, & adiumento subleuari, in mutuis opibus subsidijque conuiuiscere, per commercia bonorum, conspiratione amoris consentire, & societatis vinculo conligari. Affluentia itaque lini lanæq; copiosa nos deficit, illuc agrorum paucitate, huc raritate pecoris, nulla tamen regna linificio, siue linearum telarum textura comparari, multo minus æquari nobiscum valent, certè operum subtilitate Arachneos labores, ne dicam Palladias manus prouocant nostratia lintea, toto orbe notissima, Regum ac Reginarum præcipuæ delicia, quorû cum niue certat candor, cum sindone tenuitas, cum bysso pretium. Lanificio

Linea tela.

Lanificium.

Pannificium
Holl. copiosum.Cuniculorum
pelles.

vocat) & Scythicis mustelis detractas, quibus Sebellinis no-

De men-

men est, remittunt, mira mortalium ingeniorum analogia, quæ penes se nata & domestica bona plærunque despuunt, exotica ac periculis empta amplectuntur: vsque adeo speciosa illis sunt, quæ nobis vt propria vilescunt ac sordent. Hactenus & adoptiuas & priuatas Hollandiæ opes, non fugitiuas quidem illas & Tantaleas, sed cum æternitate, citra inuidiam loquor, communes enumerare volui, de quibus non verè minus quàm faceret respondit Nicolaus Nicolaus, primi nominis Poëta, nullam esse in ea regione quantumuis exiguam terræ aut aquæ portionem, quæ non ingentes fructuum prouentus affundat: nec mirum, vbi steriles arenæ ventri alimenta, gulæ cupedias, vestibis munimenta è cuniculis suppeditant; aquæ & euripi pisces ministrant mensis, & insilium aquarum margines vim ingentem ouorum producunt, quæ fulicæ, merulæ, capræ, vanelli (kiuitas vocamus) & anates exclusæ ibi in nidis deponunt: nam aues quibus quotidie culina instruitur quis enumeret? præter communes illas, capos, gallinas, columbas, coturnices, alaudas, perdices, turdos, gallinagines, rusticulas, catarractas (scoleros dicimus) anferes, cygnos, ardeas stellares, grues, otidas, (trapganzas vulgo) penelopes, querquedulas, pardalos, pavos, hæmatopodes, sturnos, & parorum genera. Nolo hîc gloriosius prædicare pomaria, & hortos omni felicitum arborum genere confitos, qui passim tota insula plurimi videntur, tanta pomorum vbertate scatentes, vt voluptariorum Phæacum regio, & decantata illa Alcinoi Regis pometa, manus victrici huic sint ultro porrectura. Neque desunt quæ sitit delicijs horti, & topiario opere lumina pascentes, quibus felicior tamen (non inficior) est Brabantia, & benigniore cælo vtens, & dominos habens qui de suo transferri peculio imperent. Sunt & Lugduno Hollandiæ sua rosaria cultissima, nō bifera aut Pæstanis comparanda, interim tamen citra luxum & inuidiam, oculos, animi fenestras, recreatura. Venio ad potum quo sitim leuare solemus: is pro conditione hominum variat: opulentiore vino vtuntur,

Cereali

Nicolaus di-
ctum.

Pomaria Holl.

Horti delicia-
res.

Rosaria Lu-
gduni.

Potus genera.

Cereali poculo plerique omnes, rusticanae familiae lacte aquoso, eiusque fero, aut oxygala; plebeium vulgus prisana hordeaceove cremore. De vino, ut exotico, posterius dicam, tum quia Cereris prior usus est, à qua, hoc est, fruge Ceruifiam dictam Plinij testimonio constat, eandem & Celiā Hispanis dictam, quam appositè describit Isidorus Hispanensis his verbis. *Celia* (inquit) à calefaciendo appellata, portio est è succo tritici per artem confecta, suscitatur enim igne vis illa germinis madefactae frugis, ac deinde siccatur, post in farinam redacta molli succo admiscetur, quo fermentato sapor austeritatis & calor ebrietatis adijcitur, quae sit in his partibus Hispaniae, cuius ferax vini locus non est: quibus verbis eandem descripsit Paulus Orosius, addens, ea potione vfos Numantinos post longam ex obsidione arctissima famem, incaluisse, atque ita praelio sese obtulisse. Similiter & L. Florus narrat eos ad extrema redactos, postquam se epulis quasi inferijs semicrudae carnis & Celiae (sic indigenae, inquit, potionem è frumento vocant) impleuissent, in Romanos eruptionem fecisse. Hæc illi de *Celia* ceruifiæ specie, quæ cum *Zytho* ferè eadem est, Ægyptiorum inuento, unde & *Pelusiaceum* Columella vocat illo versu,

Et Pelusiaci proritet pocula Zythi.

Dicam autem

quod sentio cum bona pace doctiorum, quid putem fuisse discriminis inter illius sæculi potum, & nostram ceruifiā, si prius Cereale poculum multis nominibus variè appellatum ostendero. Galenus itaque ζυθον, Theophrastus ζευθον, Plinius cum Columella. *Zythum*, Aristoteles οἶνον κριθῶνν ceu *hordeaceum vinum*, idem etiam πῖνον, dixerunt, Hellenicus βρύτον, ubi de Thracibus loquens, πίνεσσι, inquit, βρύτον οἶον θράκας; ἐκ τῶν κριθῶν, hoc est, bibunt Thracæ bryton ex hordeo; quod & Hecataeus de Pæonibus, quos Pannonios dicimus, testatur: & Archilochus, cuius locum ex Athenæo liber adscribere, tum ut Thraciæ potationis documentum sit, tum ut interpretis fœdè lapsi errorem aperiam, qui ita habet, ὥσπερ αὐτῷ βρύτον ἢ θράξ αἶνον ἢ ποζὺ ἐβρίζετο βῶτα;

Ceruifia.

Celia.

Lib. 2.

Ceruifia Varijs nominibus dicta.

Pæones Pannonij.

Phocadion.
Curmi.
Corma.
Sabaia.

Sarmatæ.

Kuvas Ru-
thenorum.

Plin. lib.

Lib. 6. de
simpl. facult.

Malta.

hoc est, *More Thracis aut Phrygiæ, reclinu capite cernisiam stertendo efflabat, tanquam tibia insonans*. Eundem potum Græcorum vulgus *Phocadion* nunc vocat. Accedit eodem & *Curmi* Dioscoridis, aut vt Posidonius appellauit *Corma*. Neque diuersum potum esse puto *Sabaia*, quem pauper-tinum esse in Illyrico potum ex hordeo vel frumento in li-quorem cõuersum scribit Marcellinus, vnde iniurioso pro-bro Valens Imp. à Chalcedonensibus *Sabaiarius* compella-tus fuit, eodem teste. Lego & apud Sarmatas, quos Rutenos appellamus, monachorum mensis vñtatam esse potionem acidam frumento mistam, quam sua lingua Kuvas nomi-nent. Videtur itaque ex ijs quæ de Celia superius memo-raui, & è viribus quas Dioscorides Zytho & Curmi attri-buit, hoc discrepare à Ceruisia Zythum, vel quocunq. alio vocatum nomine, quòd hordeum aut triticum molita, ma-cerabant in aqua, donec ex putrilagine acorem indueret li-quor, & vineum saporem gustui offerret, citra coctionem. Idque Plinius quoque ostendit his verbis. *Est & Occidentis populis sua ebrietas fruge madida, pluribus modis per Gallias Hispaniasq., nominibus alijs, sed ratione eadem, Hispania iam & vetustatem ferre ea genera docuerunt. Ægyptus quo-que è fruge sibi potus similes excogitauit, nullaq. in parte mundi cessat ebrietas: meros quippe hauriunt tales succos, nec diluendo, vt vina, mitigant. Heu mira vitiorũ solertia: inuentum est, quem ad modum aqua quoque inebriaret. Me-minerunt omnes madidæ frugis, nusquam concoctæ: hinc est quòd Paulus Ægineta Zythum tradit esse acrem vi pu-tredinis, & rursus ob acorem frigidum, pugnantibus inter se facultatibus (quippe quum acre calfaciat, acidum refri-geret) ac proinde malignum succum generare. quod diser-tius extulit & Galenus professus Zythum calfacere nonni-hil ratione acrimoniæ, longè maxima ex parte refrigerare ob aqueum acorem: illinc caput ferit, hinc neruis incom-modat, quod de eo scribit Dioscorides. Noster verò Cerea-lis potus conficitur decoquiturque ex ea, quam *Maltam* (forte*

(fortè ἀπὸ τῆς μαλθακοῦ, quod mollis eius & ori gratus sa-
por,) vocamus, quæ est Aërij Amideni *Byne*, quam exponit *Byne*.
esse hordeum aqua madidum, ex quo germen erumpit, at-
que inde cum enatis ligulis torretur, quæ descriptio aptissi-
mè quadrat in Maltam nostratem: inde adijcitur postea tri-
ticeum far mola fractum, cum lupo salictario: at iste potus
dulcis est, neque vinosam mordacitatē ad linguam adfert,
nisi vetustatis momētum accesserit, quæ acorem admistio-
ne fermenti cōciliat, quum zythus illico vinosum saporem
repræsentet. Quid, quod totum etiam annum duret sine
acoris vitio nostra Cereuisia, sed Martio mense cocta corti-
nis, cuius causam referunt ad primi veris vim atque singu-
larem efficaciam. vbi ridiculum se præbet Cardanus, qui *Cardani ex-
ter*.
lupi salictarij seminibus, è quibus superuacaneus humor
omnis, putredinis parens, absumptus sit atque exinanitus,
vim eam assignat, quasi solūm vetus lupi istius semen co-
cturæ immittatur valido effectu. Cur verò nō cæteris men-
sibus eadem vis perstat, quibus etiam magis humiditas de-
coxit? Sed de Cereuisia plus satis. Vino Hollandia non nisi *Vinum*.
importato vitur & exotico, cuius tamen tanta est affluen-
tia, vt fidem superet. Quid verò gloriōr importati copia?
quasi ignorem vinum temulentia nasci, neruos virtutum
incidere, mentes ad insaniam præcipitare? Vtinam Ner-
uorum mores in exemplum traxissent, neque vinum & re-
liquas res ad luxuriam pertinentes inferri permisissent ma-
iores nostri, excluso mercatoribus aditu; quod fecisse illos
scribit Cæsar, quod ijs rebus relanguescere animos & virtu-
tem remitti existimarent? quod ipsum & reliquos Belgas
secutos confirmat, absterrēdo mercatores ne importarent,
quæ ad effœminandos pertinerent animos. Vtinam cum
Minutio Felice gloriari nobis liceret, quod conuiuia non
mero duceremus, sed gravitate hilaritatē temperaremus?
Sed stultum est & præposterum, malo admissō atque inue-
terato mederi velle, nimirum serò Cumani sapimus, quan-
do in mores receptum iucundum nefas seriū querimur:

*Eras mundi
triplex.*

Amystis.

*Potatores Ro-
mani.*

Torquatus.

Bicongius.

Piso.

Antonius.

Pergreacari.

quando dulcedine tanta huic dedita iam tum suo tempore millia hominū deplorat Plinius, ut vix aliud vitæ præmium intelligerent, quàm vinum absumere, imò tunc se rapere vitæ vsuram existimarent, quum quotidie priorem diem, atque etiam venientem perderent. Liberet familiare istud bibendi vitium in Arctoas gentes reijcere, unde in modum gangrenæ contagio mali proserpens, mores nostros infecerit corrueritque, & quidē in hoc triplicis mundi ætatis senio, quo post primū tunc frena tenentis Rationis principatum, dein post auiditatem ingenitam animosē ac fortiter facienti viris armisque incitato sæculo, nunc demum decoxit ac verē consenuit. Verūm quando penitiūs mecum rem considero, non Thraces aut Scythæ nos docuerunt, sine respiratione pocula obducere, hoc est, amystide certare, sed eius rei crimine arcessendi potius mihi videntur ipsi Romani, si quam haberet genuinam sobolem Roma illa rerum domina, quæ Torquatos ea laude gloriosos dedit: Illa Cicerones Bicongios aluit, qui binos congios (qui duodecim sextarios efficiunt) vno impetu sicco ore hausere: Eadem Pisones edidit bidui binotijque moram perpotatione continuantes: Antonios extulit, qui edito volumine temulentia suæ patrocinium, ceu velum quoddam intempestiæ crapulæ obtenderunt. Taceo de Græcis, famam ea arte in proverbij ludicrum versa meritis. Taceo Parthos gloriam ea virtute quærentes, quos eò magis sitire, quò plus biberint, scito responso legati Scytharum dixisse produntur. cui dicto quia non alienum est Iberæ gentis diciturum quamvis falsum attexendum est, quæ Belgarū admiratur solertiam, quasi dum alter alterum poculis ad bibendum inuitant, Lynceis oculis peruidentium eos sitire, velut aucta auiditate ex bibendi consuetudine. At enim uerò si quis ad calculum reuocet, qua in re culpæ exortes (id quod defensuros nonnullos arbitror) Romani magis, quàm nostri homines, fuerint, momento præponderaturam graui illorum bilancem deprehendet, conuictosque damnabit. Dedit Græcis,

dedit:

dedit Italis, dedit Hispanis, aquæ fontanæ laticem ut saluberrimum, ita palato æstuantioribus in locis gratissimum, Natura nobis hac parte iniqua, quibus corruptius elementum istud impertiuit: qua ratione Niliacolas vina non expetere Spartianus scripto prodidit, quod tanta esset illius fluenti dulcedo. Dedit insuper illis generosa vina, quibus hilarescant, nobis cremor ex hordeo tosto ac frumento, vini factitij locum tuetur & nomen speciosum, de quo Tacitus *Tacit.* inter Germanos meminit: *Potus humor ex hordeo aut frumento in quandam similitudinem vini corruptus.* Illi natio vini sapore non contenti, ita ut à dolio depromptum est (quod laudat Hesiodus) sacco vires eius frangunt; nervosque minuunt, tum ut plus capiant ventres, tum ut ea inritamenta palatum exsurdent (liceat Horatianò vocabulo uti) adulterina suauitate corruptum, ac veluti exectum castratumque: quid mali, si nostri homines natio plerique gaudeant impensius, haud dum edentulo? Illi æstiuæ glaciæ falernum frangere in delicijs habuere, neque inuidemus nos illorum gulæ (cui totus orbis olim angustus nimium fuit, quorum luxuria annum vertebat) istam orexin, dum ne vicissim inuideant nobis morem excipiendi nos mutuis scyphis, ab Homericis *Homer. Odyss.* Dijs assumptum. Sugillat Tacitus Germanicam bibendi consuetudinem, qua diem noctemque continuabant potando, probri tamen vice nulli inter illos obiectum ait: at ea gloria L. Pisonem Tiberio Principi commendauit, ut urbis Romæ curator deligeretur, quod biduo & duabus noctibus pergræcationem illam continuasset. Torquato terni congij vno spiritus impetu epoti, proconsulatum peperere, quod factum inter miracula & ostenta habitum & prodendum quoque. E quibus exemplis disciplinam Romano supercilio dignam accipimus, Imperatores Romanos maius præmij illectamentum, maiusque operæpretium statuisse arti illi, quam Mithridates ille Ponti terror assignarit bibacitati, quod argenti talentum fuisse refert Athenæus. Illud verò æquissimis animis accipiendum & cõdonandum etiam

Germanis,

*Bibacitati homines habitus.
Piso bibo in-
explebilis.
Torquatus.*

*Vina Holl:
familiaria.*

Germanis, quod commemorat Tacitus illos vinolētos crebris cieri rixis, quæ dimicatione vulneribusque transigantur, sed demum reconciliari & similitates atque inimicitias inter pocula datis mutuis dextris obrui: id quod vt longissimè abest à nominatarum antea gentium moribus, quæ immortalia atque inexprimibilia odia pertinacissimè colunt, ita indignum Christiano homine, cuius iræ cum Sole pariter occumbente sepeliri debent. Porro inter vina quibus Hollandia vititur, præcipui vsus sunt quæ Germania secundo amne submittit, varia nomina è natalibus collibus sortita: Secundi loci est Gallicanum & Sequanicum: inde Hispaniense seu defrutū, seu sapa, seu alterius generis temetum, quibus succedunt Falernum, Aruifumque nectar: quod Dyrrhachinæ naues longo sanè itinere fretum Herculeum emensæ subuehunt, discutiendis ac serenandis animi humani nubibus conuenientissimum. Sed quid immoror in fecundissimi argumenti materia disertus, quin transitum paro ad peculiaria nostræ regionis propria, Britannicam herbam, ob singulares virtutes transplantari iam cœptam & veluti mangonio corrumpi, cælumq. mutare, & Phallum Catulliani tenti non dissimilem, vnde & nomen illi primus creauit, in Caricibus densis sobolescentem. Hollandiæ itaq. peculiari dono Natura dedit prouentum lætum Britannicæ herbæ, quam præsentanei remedij vim præbere in profliganda Scelotyrbe & Stomacacce, vitijs Straboni & Plinio notis, experiuntur cum incolis exteri quoque, quibus malis dentes labuntur, genuum compages soluitur, artus inualidi fiunt, gingiuæ putrescunt, color genuinus ac viuידus in facie disperit, liuescunt crura, ac in tumore laxum abeunt, quam herbam confines Oceano populos Britannicæ ex aduerso sitæ velut propinquæ dicauisse nominis originem Plinius autumat, lapsus (ni fallor) linguæ imperitia, quando herbæ nomen dedisse cespites videntur, quibus aggerum moles val-lare aduersus maris impetum atque munire nostri maiores docuerunt: in quibus copiosè nec alibi temerè prouenire solet,

*Britannica
herba.
Zepelbladē.*

*Britannica
vnde nomen
sortita.*

solet, quos patrio vocabulo *Brittas* nuncupamus, in quibus natalibus præsentio rem longè efficaciorēq. herbæ succiq. potentiam quotidiana commonstrat experientia. Vulgus rhizotomorum & herbariorum Cochleariam à specie nominasse videtur, quòd in folijs oblongis ac nigricantibus extremitas in cochlearij formam rotundetur. Huic à liberandis malo dentibus, quasi Vritandix nominis originem asserit Goropius noster, fingēdis etymis dexterrimus. Produxit eadem Natura in sabuletis nascentem inter carecta *Phallum* Hollandiæ quoque proprium, dum virilis membri rudimentum exprimere per se illa conatur; cuius descriptionem è commentariolo olim à me publicato hinc adscribendam duxi. In medio acutarum caricum (quos helmos nominamus) velut umbilico, sub extrema arene superficie massula inuenitur alba, rotunda, pilam manuariam aut bulbum specie pariter & candore referens, cui nervus bisulcus aut fibra gemina radicis loco subest, quo succum (uti arbitror) rapit; mucco ea lento, viscido, coacti iusculi cremorisve in modum spisso abundat, graui usque adeo, ut aquæ pondus superet, fusilis plumbi ferme adequet, eodem adeo gelido, ut vola manus apposita massa (quam Pliniano vocabulo dixisse *Voluam* non abs re licebit) penetrabilis frigoris sensum adferat. Ea ubi primum scrobe reuellitur, pallidior est, mox paulatim purpurascit, intercurrentibus sparsim ceu venulis quibusdam sanguineis; à quo colore nonnihil euariat fibrarum magis liuidus coles, in concreti sanguinis nigrorem paulatim emoriens. At muccus, quem dixi, reuulsa à terra volua citissimè liquitur ac disfluit: quin & coles ipse non multo post flaccescit: idem virosum usque adeo halitum efflat, ut vel totius cubiculi aërem sit infecturus satiaturusq. Hac volua, quæ vernaculo idiomate à rotunda, quam præ se fert, forma, *Ungers eijeren* hoc est, *Manium* siue demonum oua, alij *busonum* oua nuncupant, mensibus autumnalibus citius tardiusve pro diuersa anni facie ac temperie disrumpi vomica instar diffundiq. solet: quo tempore rectus inde scapus colēsve exilit, illa sa volua

Cochl.

Goropij de
Britannica
nomine indi-
cium.
Phallus.

exemptilis, ac tum quidem scroti faciem propè mentitur turgida volua moles. Neque vero silentio inuolucendum est, id quod miraculi vicem implere posse, ne dicam superare, crediderim, quod nimirum scrobe reuulsa massa siue volua etiamnum integra καὶ ὁλοήνῃς, priusquam colem effuderit, si forte recondatur in penum, aut quemuis etiam domus angulum seponatur, post exactū diei vnius atque alterius curriculum, in iustam suamq. magnitudinem erectum scapum emittet: cuius rei documentum ab vno atque altero indubitata fidei homine quum accepiſsem, volui & ego periculum facere. itaque abstruſis in penetrale Musai mei adytum binis eiusmodi voluis, oculatus ipse testis eorum fidem approbaui. Materia scapus fungosa constat, rara, pluma leuiore, maculosus, cinerei propè coloris, foramine peruio rimosus, eoque laui ac velut dedolato, interius latiore, sub exitum arctiore, teres, ad duorum palmorum mensuram accedens. Sunt qui etiam dodrantales inuenisse se pradicant. Huic insiſtit, non uti fungo petasus, sed galea aut capitellum in figuram metæ propemodum fastigiatum, exemptile, cætera glandis virilis specie, nisi quod cancellata sit cute, quale elephanti traditur esse corium, vel qualis echinus, bouis ventriculus, cancellis rhombiformibus pradiſtus spectatur: eiusdem extimus vertex rugis adstrictior foramen habet, qua grauis exspirat halitus, propterea à muscis frequenter obſeſsus: id capitellū cauli est concolor, vidi etiam sæpenumero, anteaquam hac cuderem, atrum in caule prorsus niteo, sed senio id acceptum referri debebat, exoleto namque pro candido anthracinus mutatur color: interdum etiam è leucophao virorem induit capitellum illud, qui non multo post in furuum abit.

CAP. XVI.

De Hollandiæ ingenijs, studijs, & moribus.

DE Hollandorum ingenio ac moribus, quo natura gentis maximè inclinet, superuacaneum aut certè nimis in tenui positum laborem sumpturus sim, si perscribere accuratè

curatè & minutias sectando velim, attigisse tamen breuiter patriæ amor postulat; sunt namque singulis ferè gentibus certæ & peculiare morum ideæ; quum Afris bilingues & subdolos animos tribuat Firmicus: Scythas immanis feritatis crudelitatisque damnet: Græcos vanos & leues: Asiaticos lasciuos & luxuriosos: Hispanos elata iactantia præpositos idem appellat: Gallos Trebellius Pollio leues, Vopiscus inquietos & nouarum rerum audios insinuat: Ægyptios litigiosos & acerrimos repositos Marcellinus non semel notat: Francos mendaces, sed hospitales, Saluianus Massiliensis dicit: Gothos perfidos, sed pudicos: diuersæ ab his naturæ Alanos: Saxones idem crudelitate efferos, sed castitate venerandos: Britanni manducones & palati minimè surdi appellantur. Adeundem modum Hollandi stupidi audimus & crassæ Mineruæ homines: quod mirum aut nouum videri non debet, in ijs qui in extremo Oceani ambitu ad Arcton expositi, crasso caliginosoque sub aëre nati & educati simus: quando & Cordubæ natos Poëtas in æstuosa Hispania subtiliore longè cælo, pingue sonantes cum conuitio appellet Cicero, tametsi ciuitas illa protulerit clarissimos ea in arte, duos Senecas & Lucanum: tantoque etiam magis, quòd, iuxta Heraclitum, anima sicca sit sapientissima: quomodo autem in regione vliginosa, ventorum rabiei atque pluuiæ obnoxia, adde & saginæ corporum addictiore, siccitas illa mentis, subtilitatis & industriæ comes, requiri tanta posset, perinde vt in ea, quam modò nominaui, regionem? Sed video nos hac in nota eiusdem esse conditionis ac loci cum Spartanis, quibus cælo parum benigno natis rerum incertitia & crassum ingenium à Romanis suarum laudum amplissimis præconibus, alienarum detractoribus, attributa fuere: illi rudes, imperiti, planeque hebetes, res tamen domi militiæque decantatissimas, vel hostium testimonio, prorsusque inauditas gessere: Et nos Bataui olim crassi ingenij, & tantum non bardi Poëtis habiti, rebus tamen fortiter gestis & præclara fide, tale documentum dedi-

Gentibus singulis sue morum ideæ.

Asiatici.

Galli.

Ægyptij.

Franci.

Saxo.

Brit.

Hollandi.

Cordubenses à Ciceroe notati.

mus, vt eirones illi nos ab extremo Oceano perfidiae suae vindices redimere atque euocare nō sine tacita flagitiorum suorum conscientia coacti fuerint. Dixerit Martialis omnium hominum irrisor, aurem Batauam pro crassa & stupida, nos conuitium in decus vertimus eodem modo, quo Pindarus deprecatur vetus maledictum probrumque suae genti, hoc est, Bæoticæ ingestum, quæ suina audiebat, à stupore mentis: id enim non dissimulat in Olympijs ipsemet his verbis, ἀρχαῖον ὄνειδος ἀλαθεὶς λόγοις εἰ φεύγομεν βοιωτίαν ὄν, hoc est, vt intelligatur, an re vera vetus probrum Bæotiae suis effugimus. Genus hominum procerum habet Hollandia, alta magis quàm humili statura, corporibus validum, forma liberali, ingenio aperto & facili, quod olim doctis atque exterorum artibus obnoxium propterea fuisse notatum est: sed nunc ea simplicitas, tanquam eos attritu, peregrinationibus longoque commerciorum vsu exercita, vafriciei nonnihil attraxit, quod mercaturæ & negotiationis studio bona pars hominum quantumuis longinquas toroq. terrarum orbe semotas ac dissitas regiones peragrat, vnde multiplex linguarum & ingeniorum cognitio mores imbit, & in Vlyssæos mutauit, homines à barbarie prima quam Rom. scriptores illis dant, multum diuersi, sermo & congressus comis illis est, laboris patientia summa. Id in genere dicendum est & verè, & cum laude, imò & finitimorum confessione, Hollandos esse frugi & attentos æconomos patresque familias: qui formicæ exemplum secuti condunt sub hyemem, quæ illa anni partis iniuria negatura videtur, coëmpis piscibus carnibusque, quæ vel muria domant, vel fumo durant. Vix etenim est honestior vlla domus, quæ pro ratione capitum familiæ (vt quæque est vel numerosa vel exigua) non mactet in autumno bouem integrum, aut dimidiatum saltem, præter porcum, quorum carnes in bonam anni partem esui futuras, dum ver sinum plenum effundat, ita vt dixi, condiunt. Hinc succidiarum, pernarum, petafonum, quæ sumaria instruunt, opes, quas magnatum aulis &

Bæoti suini
audiebant.
Holl. ingenium,
conditio, &
habitus.

Apiciorum

Apiciorum culinis, annuas delicias, & notas cupedias nemo non nescit, quòd gentium nusquam salitura benigniore, aut molliore fumi natura cuiusmodi carnes condiantur. *Fœmina Holl.* mineum genus proceritate, formæ naturali & non fucato nitore & lacteo candore gentes finitimas superat, viragines dicas, vsque adeo nullius laboris parçæ aduersus quasuis æris tempestatisque iniurias duratæ maria terrasque obeunt negotiationis studio: cultus ac nitoris domestici (cuius primam laudem gentium consensus nobis tribuit) ita curiosæ, vt vitio propiores sint præ nimia diligentia, vt rectè dixerit Nazianzenus vitia & virtutes esse cognatas & ἀλλήλους, quod vitium fallere sub vmbra & specie virtutis sæpe soleat. Eam verò diligentiam non modò ostendūt in dealbando & mundando instrumento omni & supellectile, quam multam plærunque & lautam ac magnificam habent, verum etiam alijs in rebus. omnia atria & cubilia (quæ fermè constant intestina materia è ligno, vt ita dicam, vndulato, hoc est, crispantes maris vndas imitante) mirifico luxu & apparatu gaudent exornare, quæ non satis est assidua peniculorum tritura læuigare, nisi etià decocti laticis fuculo adulterare satagant, vt propemodum speculorum officium nitore eximio præstent. Accedit quod in parietibus quicquid nudum extra materiam relinquitur, non calce modò purissima, verum etiam creta inducere solent, quòd candor sit maior. Quid, quòd & specularia quæ Solem admittunt ac vitreas fenestras oleo & terra selinusia à sordibus & maculis quas cœli horror atque iniuria inuehit, extrita limpidaque mirum in modum reddere quasi suscepto certamine auent. Pavimenta quoque asarotis sternunt, & ne quid cœni insideat, cribrato arenæ pulvisculo operire infano quodam studio consuevere. In mundo muliebri & cultu vestium modum non excedūt, vt Brabantia contermina facit, nisi quod lineis corallorum propendulis, vel quæ orbiculis constant argenteis, sinus ornare gestiunt; nonnullis locis Frisæ Cisterhenanæ spintheribus, bullis, fibulis, bracteis, vncinulis, globulis

Virtutes & vitia cognata.

Specularium: nitor.

Pavimentorū nitela.

bulis omnibus ex argento affabrè factis etiam rusticanæ puellæ fœminæque exornantur. Lintearia negotiatio studiosè excolitur à multis. Plæræque omnes aut fusos pollice torquentes pensa ipsæ trahunt, vel orbiculo versatili in cannas fila agglomerant, vnde telas lineas accurant, aut torto rhombo ea rapiunt, aut radijs telas cum Penelope percurrunt, aut operosa pepla arte Palladia cõsuunt, otio hebescere ac languere minimum solitæ. Coniugatæ à virginibus maturis & nubilibus dignoscuntur annuli gestamine, & plagularum linearum quibus capita velantur discrimine, in quibusdam locis capillitio in cirros implexo, nullo tegminis vsu durandis capitibus. Viri omnis generis opificia studiosè exercent, aut mercaturam faciunt, bona pars quæ triginta aut quadraginta millia superat, nauigatione victum quæritat, sibi atque liberis, hæc nauiculariam faciendo, illa operam naucleris locando: multos annui proventus alunt. Rusticæ gentis mores diuersi sunt; nam qui borealem tractum incolunt, austeriusculè & duriter vitam exigunt, parsimonia magis, quæ ingens est vectigal, quàm inopia adacti: qui scetaliceo pane cum caseo & lacte & expresso inde sero vice potus victitant: quos inter repertos aliquando audio, qui viridi propemodum & infracta senectæ centesimū ætatis annum excesserant à vini zythiq. vsu prorsus alieni, alioqui nunquam otiosi, laborum patientes, operarum acres repositores. Iuuentus inter eos æstate Cimbricas & Scythicas regiones, Hispaniasque nauigando interuifit, sub hyemem alecum capturæ operam locat, brumam solam fouendo genio liberaliùs impendit. Australiores & solstitiali plagæ obuij quibus opimius benigniusque solum obtigit, per vicarias ministrorum manus telluris opera tractat, ipsi otio vitam desidem transigunt, innata quasi hæreditaria segnitie feriantur, pergræcantur, vsuarios agros & pascua, quasi dotalia dominia, liberis colendos transcribunt, tantæ peruicaciæ vsufructuarij, vt conducto in certos annos vix nisi per vulnera necesq. cedere velint. Frisij Cisirhenani fidem præcipuè

*Coniugarum
& Virginum
discrimen.*

*Rusticana
plebs.*

*Iuuentutis
rusticæ studia.*

*Frisij Cisirh.
rustici.*

cipue semper coluere, ita ut iurisiurandi fidem solennem frangere, vel saltem fallere ac ludificari, ut parricidiale nefas, fugerint: nusquam gentium religiosius obseruatam dictorum conuentorumque constantiam certum est, ita ut commercia conuentionesque sola in manum additione certiora magisque rata essent, quam quæ nunc septenis testibus confirmantur. Iuuat hic committere nostratium mores cum Germanorum institutis, secuturus in hoc Cornelium Tacitum, qui accuratè monumentis consecrauit, peculiari ad id edito libello, morum & institutorum Germaniæ memoriam, in quibus multa sunt quæ adamussim maiores nostri obseruarunt, multa etiamnum in vñ sunt quotidiano, in nonnullis dissentimus. Nullas ille Germanis scribit fuisse vrbes, nobis sunt frequētes. Ille improbat morem separatarum ædium, diuersum ab Italica fabrica, quæ connexa & cohærentia coniungit ædificia; nostra in regione domuū parietes spatio disiunguntur, siue aduersus ignem remedio, siue diffidentia quadam & cautione aduersus curiosos auscultatores & coryceos. Ille Germanos non fluante veste, sed stricta artusque singulos propè exprimente & quasi corpori assuta, dicit fuisse vsos, qualem & Francis dat Sidonius oculatus testis. Simile vestimenti genus maiores nostros adamasse è picturis vetustioribus paulò discimus, quale nunc in consuetudinem redit, ut solet ea insania in orbem redire, constantiore in hoc Germanorū more qui antiquam obrinet, nec temerè habitū mutat. Tunica olim striatæ, rusticis adhuc vsitata, nobis explicatæ. Ferarum pelles antiquitus, eadem nunc quoque in honore & vsu sunt. Maioribus nostris, ibidem ut Germanis, sagum omnibus tegumen fuit, fibula aut vñcinulo fermè confertum, qua refixa resibulatave diffuebat de humeris sagū. Literarum secreta viri pariter & foeminæ excolunt, in eo diuersi ab illis. Scram ille iuuenum Venerem, atq. eo inexhaustam puertatem Germanis dat, eandem ne virginibus quidem festinatam. Neque placuit maioribus nostris properum con-

*Comparatio
morum Holl.
cum Germ.
ex Tacito.*

*Connubia se-
ra.*

nubium,

nubium, & quasi præcoquum, sed ad vires adultas vsque & validas dilatū, vt proles inde natæ robora parentum referrent; vt rectè suaserit Flaccus, *tollendam esse cupidinem immitis vna*, & Varrone teste, *veteres virginis acerba aures Veneris vocabulis imbui noluerint*. In conuictibus & hospitij conuenit inter vtramq. gentem, quibus effusissimè indulget: quando pro fortuna quisq. apparatus epulis, sed ferè supra sortem, excipiat. in conuiuijs profundendum est, etiam si postea sit esuriendum, qui & Baccho hilarantur & canticis perstrepuunt, nulla sine vino placet, quasi Varronem edidicerint, ita vbique & mussitari & occini audias,

Vinum hilaritatis dulce seminarium,

Hoc continet coagulum conuiuia.

Luxus mensarum.

Paulò ante hæc tempora luxus mensarum citra exemplum maximus & nepotinis tantum non prodigisque sumptibus exercitus, & in immensum auctus, profligatis iam moribus civilibus, finem modumque omnem transierat, quādo pretiosa fames & macelli cōturbatrix (vt Epigrammatarij verba ad eam rem aptius exprimendam adducam) terra marique exquisitas ciborum delicias & cupediarum indagines vestigabat, donec dites & generis etiam claritate celebres familiæ, studio magnificentiae in epularū apparatu ad summa progressæ, aut comesis deuoratisque patrimonijs decoxere, aut in vetere ære alieno obstrictæ ac vacillantes fortunas suas conturbarunt, posteris nihil præter luctum & querelas relinquentes. Sed ea vesania & profusio paulatim, Dijs gratia, iam exolefcit, postquā magnitudo famæ exitio esse cœpit, & exemplo docti ditiores, ad sapientiora animos conuertere, & noui exorti homines ac Reipub. clauo adhibiti, parsimoniam inuexere, aut ad pecuniosam senectam (vbi egestas quouis flagitio deterior habetur) priorem animum adiungunt. Cæterum fieri potest, vt cum temporum vicibus, etiam morum vertantur: sicut res mundanæ omnes velut orbe iactatæ voluuntur. De cōcertatione poculorum, & pergræcatione, dixi antea, sed istud qualecunq. studium,

firmitatem

Mensarum
luxus insania
residet.

firmitatem corporis gladiatoriam, non probrum existimant. Illud verò medullis intimis haustum sedet, quod Tacitus scribit, crebras inter vinolentos existere rixas, quæ non intra conuitia stant, sed ab hac iniuria ad maiora fit gradus, ita ut sæpius vulneribus homicidijsque finiantur: mirum quoque inimicitias non indictas modò & apertas, sed infitas etiam ac veteres in compotationibus ceu Bacchi auspicijs deponi in perpetuum, atque obrui velut obliuione extinctas, hausto utrinque Philotesio cratere, concordia firmamento, nefasque contrahere inexpiabile creditur, qui per pocula fartam teclam coire in gratiam fœdusque abnuat. Parthorum gloriae tributum fuit, antequam de Germanis Tacitus id prodidit, quod de rebus grauissimis in conuiuijs consultarent, tanquam nullum sit tempus quo animus melius efferatur intendaturque ad cogitationes de rebus arduis, aut simplices cõprehendat. alioqui non dubitauit Poëta illud iactare,

Parthorum
mos.

γὰρ τὸς ἀπὸ πλεῖνς βελὴ καὶ μὴτις ἀμείνων, hoc est,

Consilium saturo sequitur presentius alio.

Nihil certè verius, non illo tempore magis, quàm hoc nostro, quod propter intemperantiam potus, qua sitim non depellunt, sed quærunt, facilius vitijs suis, quàm armis hostilibus vinci queant utrique, præsertim si indulgeas ebrietati ac suggeras (ut ipse ait) quantum concupiscant. Appianus abhorruisse priuscos Romanos pariter & Græcos à fœnerandi cõsuetudine refert, quòd existimarent illud genus esse quoddam cauponandi, graue, litium parens, & simultatum seminarium; quamobrem & Persis fuisse exosum; ut in posturæ plenum mendacijsque debitum opus scribit. At exercere fœnus & in vsuras extendere ignotum fuisse Germanis tradit toties iam nominatus scriptor; quod nostris hominibus non ita multos ante annos notum esse cœpit, Cisthenanis Frisij haëtenus inuisum; seruatur tamen in pecunia quæ faciendis nominibus occupatur, Calendarioque destinatur, ne otiosa maneat, quincuncialis; sed maiore ex parte, semissis vsura, quæ pro centũ representatis nummis,

Fœnus exosum
Germanis
Græcis.

*Adulteria
Germ. rara.*

senos refundit. Vnciarium scœnus inter mercaturam facientes non ita pridem irrepsit. Rara in numerosa gente adulteria inter Germanos agnoscit Tacitus, & nos extra hunc numerum non sumus: illic capite anquiruntur, hic multis coercentur grauibus, aut ignominia afficiuntur, quando deprehensæ aut catamidianæ, aut corbi impositæ aquis merguntur, aut ligneam togam circumferunt. Prostitutæ pudicitia non faciliè maritus inuenitur, quamuis ætas, forma, opesque adsint. Virgines in manus virorum conueniunt, parentum vtrinque consensu, sic maritum accipiunt, quomodo vnum corpus vnamque vitam, quod in illis quoque ita laudat Tacitus, vt plus bonos mores ibi valere prædicet, quàm alibi bonas leges. Homicidium pœna eadem manet in deprehenso, vel lata fuga, vel asyli reuerentia eximit, satisfactio non nisi vniuersæ domus conscientia & assensu recipitur. quod olim extra religiosa delubra non fiebat, reo cum proximis consanguineis supplice in genua prouoluto, veniam pacemque humiliter deposcente, ac piacularibus sacris inferijsque institutis manes propiciante, atque ita cædis offensam expiante. Monumentorum superbum & operosum honorem nostri itidem vt Germani, tanquam defuncti hæredibus grauem, aspernantur. Fatidicarum mulierum fidei addictiores ad superstitionis vsque infamiam fuisse Germani produntur: è quibus vnus Chattæ vaticinio velut oraculari tripodi acquiescens Vitellius Imp. matris funus maturando, regium nomen parricidiali piaculo polluit. Velledam virginẽ Bructeræ nationis fatiloquam & augescen- te religione Deam tantum non habitam latè imperitasse memorat Tacitus, ad quam non temerè cuiquam accessum patuisse, ex eiusdem verbis liquet: quippe quæ edita in turri habitadi sedem sibi legerat, vt glisceret auctoritas cœli siderumque vicinitate: delecto etiam è propinquis vno velut internuncio, qui Mercurij vicem obiens, effata respon- saque Numinis portaret. Ab hac insania nondum liberati omnino sunt nostratium animi, anicularum creduli oracu- lis, atque

*Fatidica inter
Germ. earumque
auctoritas.*

lis, atque haud scio an bona orbis pars huic superstitioni obnoxia sit; quod & de Maurusijs testatus est Procopius: & hac tempestate Mauritanii diuinatricibus mulierculis ita addicti sunt, ut certam illis tribuant fidem, quæ dæmonum diuersicolorum commercio deditas se vtrò prædicant, maioris fidei auctoramento: habentque velut pro comperito euenturum, quicquid illæ prædixerint; quamuis indigenæ sapientiores earum auctoritatem eleuent, imò abrogent ac tollant, & *Tribadus* contumelioso nomine appellitent. Aurimam inter Germaniæ numina recēset Tacitus, quam ego *Alirunam* veriore scriptura & conuenientiore vocabulo nuncupandā autumo: (nam *Alioruna* apud Geticum scriptorem Iornandem accessione literæ deprauata est.) sonat autem ea vox sacram & fatidicam, composita ab *ali* seu *hali*, id est, sacra: sæpe enim negligitur, interdum etiam otiosè adijcitur à Latinis aspiratio in barbaris vocibus: & *Oruna* siue *Runa*, quo significatur in aurem mussatrix, id namque sonat Germanicè *Runen*, quod sagæ & fatiloquæ pro more religiosè obseruāt, ut veluti ex oraculi adyto profectum vaticinium certius fidei pondus accipiat. Certè *Alirunis*, quæ sagæ fuerunt aut magæ, auctoritas non vulgaris olim fuisse cognoscitur, quæ sanguine humano extis ve captiuorum, quos ipsæ iugularant, inspectis, futurorum euentum prædicebant. Quod mulierum genus Vilimer Gothorum Rex sedes fertiliores quæsiturus in exercitu suo quum deprehendisset, veritus cruentas illis manus injicere, conquisitas in solitaria & inaccessa hominibus loca abegisse legitur. Illud corollarij vice adijciendū est, dubium mihi esse huic ne genti sagarum, mandragora herba nomen dederit, an ab illa acceperit: siquidem Germanica lingua *Alrunam* in hunc vsque diem eam herbam appellat, veneficijs magicæque imposturæ nomine infamem, & magorum portentis expetitam; nisi quis originem vocis deducat ab *Alp*, quæ Incubum siue Ephialten lingua Saxonum intelligit, quòd fanatica ista mulierum natio incubis vehiculum præstare

Aurima.

Aliruna quid?

Alruna Mandragora.

Teutates.

Hertus.

Tanfan.

detestando flagitij genere putetur. Quod ad Religionem attinet, qua mentes hominum velut illigantur teneturque præsumpto Numinis metu, Germani maximè Mercurium siue Teutaten coluerunt, Tacito teste, ab humanis non abstinēdo hostijs. Alij Germanorū *Hertum* Deum masculino genere, *Tellurem* Romanis dictam, & *észav* Græcorum innuentes, vel domus cuiusque præstitem Larem, quem *Hecrt*/hoc est, focū dicimus, significantes. Nonnulli *Tanfanam*, cuius celeberrimum gentibus templum solo æquavit Germanicus Cæsar, vt Tacitus dicit, pro numine præcipuo habuerūt, non intellecto hæcenus, vt existimo. Videntur autem sapientes viri religionis conditores voluisse designare genitalem originem & primordium rerum, seu primam principemque omnium causam, Deum videlicet. Neque enim aliud est *Tanfana*, quàm initium & primordium, à *the* articulo, & *ansan* principiū, & per crasin *Tanfan*, quod hodie *the ansang* scriberemus, vbi barbaries magis oculatam se & altiore mentis indagine plus peruidisse, quàm Romana, si Dijs placet, sapientia, ostendit, Deum sub principij nomine colendo, qui fons est & principium mouendi, principij autem origo nulla existit, quippe ex quo vniuersa oriuntur, ipsum verò principiū non aliunde nascitur, nunquam id futurum, si vlla ex re alia gigneretur: quod si nunquam oritur, ne occidit quidem vnquam, vt pulchrè differit in Phædro Platonis Socrates, & ex eo transcripsit Cicero in Tusculanarum primo. Saxones à rectacolendi rerum auctoris conditorisque ratione diuersiūs ligneam columnam sub dio positam, numinis loco habuere; fortassis innuere volentes Dei naturam affectibus inconcussam, rectam, nec in diuersa nutantem, ad modum scapi columnæ; quam *Yrmenscul* nominabant, aut rectiūs *Hermonstul*/quasi Luni Dei sedes & habitaculum (facilis autem occasio lapsus fuit apud imperitos barbaræ linguæ descriptores, scilicet pro *stul* scribentes.) Est enim *stul* receptum pro *stabulo* & habitatione: nisi maius *Hermonstul*/hoc est, soliū & sedem

Luni

Luni Dei: Per Lunum, Deum vniuersi auctorem & vegetatorem innuentes, cuius beneficio cuncta incrementum capiunt atque augeſcunt, vnde manauit eorum opinio, qui Lunam exiſtimarunt eſſe ſidus ſpiritus, vt Plinius admo-
 net, apud quem cap. vndecenteſimo perperam in patrio caſu Lunæ legas pro Lunam. Conſimilem ob cauſſam Cel-
 tas Germanos excellam quercum coluiſſe, Iouiſque nomi-
 ne indigitaſſe ſolenniter (id quod Maximus Tyrius de illis prodidit) crediderim. Pars Sueuorum, quæ præpotens erat Germaniæ natio, Iſidi ſacra faciſſe memoratur à Tacito, cuius ſignum in Liburnicæ modum figuratum, peregrinæ religionis documentum dabat, ea ſpecie fortas Lunam loquente, quæ dum in cornua ſinuatur, nauiculæ hinc in proram, inde in puppim accliuſ atque aſſurgentis, figuram non malè mentitur. Quin & Naharuali populi ad Hercynium iugum Lygijs, quos nunc Sileſios vocamus, vicini, Dioſcuros ſeu Caſtorem & Pollucem, Romana interpreta-
 tione Deos, *Alcin*, quaſi *Halgin*, & vt nunc dicimus *hailis gen*/hoc eſt, ſanctos, nullo peregrinæ ſuperſtitionis veſtigio coluere, vt refert idem Tacitus. Vandali *Vodan* & appendi-
 celiteræ, (quam Diaconus addit) *Guodan*, Mercurium ſua lingua dictum colebant, à quo nomine Mercurij dies videtur appellationem traxiſſe, quaſi *Vodans*, & geminato W loco G, *Wodans dach*/qui nunc *Wenens dach* molliore pronunciatione vocatur. At quòd Bataui cum reliquis in ſulis peculiare Dei numen venerati ſint, non certò liquet, niſi quòd in Mercurium, vt eius cultù ipſis receptum credam, magis inclinat animus. Quodcunque tandem habuerint, Annalium fidei credimus ſatis, precibus Wilbrodi cum ſyl-
 uis lucisque procubiſſe, id namque traditur, aut certè inſtillata animis purioris religionis luce, ſimulachra dolabris ſublata, conuulſaque fuiſſe à populo, qui veri Mercurij, hoc eſt, paternæ mentis ac voluntatis interpretis, ſincerum cultum iam acceperat tradente illo. Non poſſum hîc præterire morem ab Ethnicis tranſumptum, relinendi dolia muſto

Plinius reſti-
 tutum.

Vodan.

Mos relin-
di dolia musti.

plena, vt Probus testatur (cuiusmodi ferias *ἡμεροίαν* ab aper-
tione cadorum nominat Hesiodus) quando idem nobis so-
lenne sit facere in præcidaneis ferijs D. Martini, quibus ca-
dos musti resignant. Illud quoque lepidè excogitatum est,
quod geniali mense, Ianuario scilicet, matronæ & nymphæ
viris ac procis munuscula mittunt: postridie Idus Ianuarias,
qui dies Pontiano sacer est, eamque actionem nominant
Pont sennen/ quasi dicas Pontiano xenia aut pondo mitte-
re, rursus viri procique vxoribus ac nymphis eundem præ-
stant honorem, octiduo post, idque *nyien* (quod arietare aut
cornu petere sonat verbi vim reddenti) vocant à nomine
Agnētis virginis, quæ diem quoque illum sacrum habet.
Allusionem in nominibus quæ sitam laudarem, vt argutiuf-
culam, nisi in re sacra licentiùs id fieri oppido improbarem.
Eam enim uero consuetudinem mutuati videntur maiores
& Diuis transcripsisse à Romanis, apud quos Saturnalibus
mense Decembri fœminæ viris munera missitabant, vt hi
vicissim mulieribus ipsis Martij Kalendis, quas propterea,
Fæminæas, Iuuenalis appellat. Tacitus refert morem fuisse
militiæ receptum inter Batauos, vt ducem delectum scuto
imponerent, & sustinentium humeris vibrarent: eius con-
suetudinis vestigium quoddam reliquum seruauerunt gladia-
torum collegia, qui districtis certoq. implexu firmatis ensi-
bus vnum quempiam velut antesignanum & ducem im-
ponunt & gestando in orbem vibrant. Quin & alium mo-
rem tradit Batauorum cohortibus vsitatum, si quando op-
pugnatio tentâda erat, & inuadenda mœnia hostium, tunc
enim truci cantu, & patrio more nudatis corporibus scuta
super humeros quaterere consueuerant. Mos inoleuerat olim
à priscis (vt opinor) sæculis receptus quasiq. per manus tra-
ditus, vt festis diebus, ac profanis quoque, accincti gladijs
minutis ac proinde districtu procliuioribus incederent,
quem Persis etiam in vsu fuisse lego, & in vetere Græcia,
antiquatum postea & reiectum ab Atheniensibus primis,
vti locuples testis est Thucydides: sed is quoque, postquam
à Gelris

Mos Batavis
receptus.

à Gelris & Frisijs secura sunt omnia, nec Martē illi spirant amplius, desijt atque ex hominum propè memoria deletus est. Erant autem ij gladij lata lamina, leues, ancipites, breues, inepti ad punctim feriendum, ad solum cædendi vsus, habiles, neque ad aratrum & stiuam colonus absque illis armis accedebat apud Goeylandos. Illud operæpretium est scire, singula Hollandiæ oppida, pro suis opibus & pro loci conditione, honestissimorum, quique opibus mediocribus instructiores sunt, ciuium centurias in certas classes distributas habere, quos robora & neruos Reipub. dicere liceat, Sagittarios communi nomine appellant, siue illi balistis arcubusque chalybeis spicula fundunt, siue acernos arcus ducunt, siue manuarijs tormentis sclopiisque plumbeas pilulas spargunt. Quibus olim pro insigni vestis erat bicolor, adiecto argenteo emblemate, qui vestitus honos eos à plebe secernebat. vestitus plærisque oppidis obsoleuit, emblematis alicubi durat. Horum quemadmodū apud Romanos euocatorum militiam fuisse honoratiorem antiquitus constat, quum singulæ ciuitates Principi in armis præsto aderant, delectu ex his habito. hi si exercitus mercenarius ducebatur, Triariorum locum tunc tuebantur. At nunc si vsus postulet, ad comprimendam seditionem, ad arcendam hostilem incursionē armati adhibentur, vel si ornandus sit Principis aduentus, vel noui inauguratio decoranda, tum verò honoratæ custodiæ ac solennis vicem præstant. Haud temerè inuenias maioris nobilitatis altricem regionem alteram, sed plærxque familiæ, & quidem vetustissimæ, vel bellis absumptæ, vel intestinis factionibus oppressæ interierunt, vel deficiente generis propagine in aliarum nomina transierunt, quam rem peculiari capiti destinaui. Vtitur Hollandia Duumuiris Capitalibus, qui custodiam habent, in reos animaduertūt, causas priuatorū hominum in iudicijs versant coram Iudicibus, quos à certo numero Septemuiros vocitant; quorum alter in ciuitatibus intra pomœria ciuium ius dicit, Prætorque nominatur, Scultetum Carolus

*Sagittariorū
classes.*

*Schutters
rijc.*

*Nobilitas
Holl. magna
olim.*

*Duumuiri
Capitales.*

Scultetm.

Magnus

Magnus nouo indito nomine, *Scuttheus* Francica voce dixit, velut noxæ debitiue exactorem, quod & pœnas irrogare & multas exposcere ab ijs qui deliquerint, soleat. Alter qui peregrinus est, & ruri (quânquam & intra portas ius illi dicere liberali caussa non negatur) causas audit municipum & in agris degentium, quem Gallico vocabulo *Baliuum* appellant: is in iudicijs operâ vitur nobilium, qui colonias & prædia beneficiaria possident, & ex illorum Iudicum sententia vitæ ac necis ius exercere potest. Quos autê Septemuiros nominaui modò, vulgus Latinorum Scabinos vocat, cuius origo vocabuli à sæculo & instituto vsq. Caroli Magni petenda est: etymon enim habere videntur, à *Scaschin* à mera potestate illis tradita interficiendi atque è medio tollendi: id namque est, *hin scassen*. quæ potestas quia temporum vices similem ferè promittit, vnde ortum traxerit, paucis hîc repetenda est. Quum Carolus Magnus cognomine Vestphalos subactos sæpius, rebellando tamen refractarios, datam semper fidem violare animaduerteret, visum est illi ex re fore si diritate supplicij exemplorumque terrore castigaret illorum proteruiam. Itaque iudices arcanos constituit, quibus ius ac potestatem animaduertendi in periuros, aut temerariæ fidei reos, aut facinoris compertos, inauditos atque indefensos, delegauit. Ea seueritas & truculèntia Vestphalorum gentem in fide atque officio continuit, quum sæpius in syluis magnates & non mediocribus fortune viros suspensos perfractis laqueo ceruicibus vitam finisse cernerent, nulla accusatione præmissa. Scribit *Æneas Pius* ad suam vsque ætatem continuatum fuisse illud iudicium, secretosque ritus obseruari, quibus criminosos iudicant, & reos damnationis suæ incisos, vbicunq. reperti fuerint, supplicio affici; eosque Scabinos appellari, qui huic iudicio cum potestate præsunt, testatur. At nostri Scabini siue Septemuiroi causas iudicât, deductam in iudicium quæstionem decidunt, quæstionibus & tormentis adsunt, crimina excutiunt, denique vitæ necisque potestatem habent, sed

auditis

Baliuus.

Scabini.

Schepenen.

auditis prius reis. Habet eadem regio, ut est palustris atque eluuiionibus obnoxia, ac propterea uti cogitur aggerum obicibus è viuo cespite aut alga æquorea constructis, quibus tanquam firmissimis corporis sui propugnaculis aduersus amnes Oceanumque se muniat, ea videlicet parte qua colles arenarios natura negauit, habet, inquam, chomarchos, sic voco aggerum præfectos & curatores, quos promiscuum vulgus *Dijstgraues* / ceu aggerum Comites, qui sedulam *Dijstgraue.* suis quique locis curam reficiendorum aggerum gerunt, rusticis & colonis opus quotannis imperat, sæpius collustrant, ex arbitrio & æstimatione iudicum, firmitatem molium altitudinemque exigunt, rebelles multis onerant, quod publica salus ab illis pendeat, & è neglectu incuriaque hominum in discrimen venire possit ac periclitari. Quorum in numero sunt præcipuæ ex omnibus dignitatis, splendidisq. orti natalibus viri, qui *Wilhelmi* Romanorum Regis, aliorumque *Hollandiæ* Principum priuilegijs compluribus aucti, cum publica auctoritate præsunt aggeri perpetuo, qui *Cannefates* interfecat medios, ab *Amsterlodamo* *Velsen* usque pagum, vernacula voce ex re imposita *Heimradi* *Heimradi.* di, quasi domestici cōsultores, aut (ut ipse *Cæsar* augustius interpretatur in suo diplomate) communis terræ cōsiliarij, quod in commune rebus ipsius tanquam frugi & viles æconomi consulere teneantur: quorum immutabile arbitrium & sacrosancta auctoritas Regio diplomate non vno communita sunt, quo insuper sibi ipsi & posteris retractanda reuocandaque voluntatis aut sententiæ arbitrium adimit. ij Septemviri sunt quidam septenario numero constituti. quorum ad exemplum *Sciedamensis* & *Delphenensis* tractus singuli *Quinqueuiros* aggerum tuendorum curæ præfecerunt. Quod ad linguam attinet, ea Germanica est, Belgicæ commercio affinis, cuius dialectum atque idioma infectum deprehendas à propinquæ gentis vicinia, aut cōmercio: nam *Traiectensis* lingua *Gelricum* spirat, quod illis populis vti sint in bellorum societate coniunctissimis & quotidianis;

quorum moribus non multum dissident ingenia. Frisium sermonem affectant proximè Enchusani & Medenblicenses. Brabantico accedūt Durdrechtani & Australioris Hollandiæ incolæ. De Harlemæis Haganis & propinquis dicere licet cum Aristophane Comico:

*Sermo vsitatus vrbis in meditullio,
Nec fæmininus, nève iusto agrestior,
Linguam imbuunt.*

Hollandica ingenia.

D. Erasmus
Roterodamus.

Venio ad ingenia, quæ pro-
ducit Hollandia non infelicia neque sterilia: quorum non-
nulla nisi luxu protererentur obruerenturque, ac velut in
herba interfirerent, aut nisi è medio studiorum cursu retracta
ad negotiationem & lucrosas artes, à Mercuriali salua alie-
nas, spem luderent atque abrumperent, poterant cum veteri-
bus illis in dubiam certaminis aleam ire. In his sine exem-
plo maximum illuxit clarissimumque D. ERASMI RO-
TERODAMI, qui multitudine operum Didymum Chal-
centerum, ab inuicta scribendi patientia sic nuncupatum,
fermè æquasse putandus est, cuius scriptorū numerus tria
libellorum millia transcendisse, si Hesychio Milesio credi-
mus, memoratur. Certè vniuersi propè orbis testimonio
doctrinæ omnigenæ ac præsertim sacræ lauream meruit,
non sine inuidia assidua eminentium comite, & quæ altissi-
mis ingenijs adhærere durante vita solet, à fato conquesce-
re dicta, cuius tamen scintilla rediuiua tanto post funus an-
norum interuallo necdum sopitæ nuper se prodere cœpit.
Ille fulgore suæ claritatis cæteris propemodū tenebras ob-
duxit: ex eo, quemadmodum ex Oceano amnes sui cursus
auspiciū accipiunt, minores quiq. in eruditorum nume-
rum libenter nomen suum referunt, hausere suæ institu-
tionis seminaria, ceu deposito isthïc tyrocinijs rudimento.
Ab hoc, quod eum excipi par sit, vt inter duces Achillem,
nomen memorabile studio eloquentiæ acquisiuit Petrus
Nannius Almerianus, multis apud Louanium annis Lati-
næ linguæ professione clarus: qui iniqua æmulatione, diffi-
ciliore imitatione successor datus. Conrado Goclenio lite-
ratissimo

Petrus Nannius
Almerianus.

Corn. Gocle-
nius laus.

ratissimo & omnibus oratoriae facultatis numeris prope
 perfecto viro, inuidiam apud multos excitatam extinguere
 non potuit: sed dum literis sacris in otio honesto se manci-
 pare, iam sacerdotio opimo auctus, curisq. ergasterij exolu-
 tus, cogitat, communi luce priuatus est. Protulit Amstelro-
 damum Cornelium Crocum magna eruditi ingenij laude
 florentem, qui purissimam linguæ Romanæ elocutionem
 sectatus, omne Terentij myrothecium, Ciceronisque arcu-
 las consumere adnixus est, editis in lucem libellis aliquot
 pueritiæ accōmodis: sed tetricitas ex atra bile aucta quid-
 dam Bellerophontæum homini afflans, adhuc iuuenem ex-
 tinxit. Eadem vrbs dedit Sartorium insignem formandæ
 pueritiæ formatorem, simili prope morbo absumptum, li-
 bellis ad puerilem captum perquam accommodis clarum,
 & posthumis quoq. operâ doctissimi Henrici Iunij qui ge-
 ner illi fuit, à plagio alienissimus, prælo traditis. Dedit Gou-
 da Guilhelmum Hermannū, infelici sæculo non infelicem
 scriptorem ac poëtam, luxu ante diem ereptum: quem lau-
 de sua fraudandum non duxi, quòd vt summis admiratio,
 ita inferioribus merita laus debeatur. Vtroque & Poëtices
 & Historiæ nomine celebrari video Cornelium Aurelium
 eadem ciuitate ortum, quam obscurè magis quàm malignè
 (vt arbitror) sub Aurelij nomine designauit. Extulit Horna
 Iacobum popularē meum, qui Ceratini, Graio, quàm pa-
 triæ suæ, vocabulo appellari cur. prætulerit, equidē ignoro.
 nam me non adeò pudet natalis soli, vt non multo malim,
 barbara patriæ voce, quàm centies benè Græcā in linguam
 conformata dictione cognosci. Docuit ille Louanij Græcas
 literas, quarum erat non minùs, quàm Latinarum ad mira-
 culum vsq. peritus, rara modestia & virginali quodam pu-
 dore, Partheniæ cognomento Virgilium interuersurus, si
 vixisset ille; qui Erasmo libellum eruditum de sono Græ-
 carum literarū dedicauit, Chrysostomi sermones De digni-
 tate sacerdotali Latio donauit, & Dictionarium Græcum
 primus studiosis dedit, Louanij in ipso iuuentæ flore raptus.

Cornelius
Crocus.

Ioannes Sar-
torius.

Henricus Iu-
nius.

Guilelmus
Hermannus.

Cornelius
Aurelius.

Iacobus Cera-
tinus.

*Iudocus Sef-
botus.
Arnoldus Sef-
botus.*

*Ioannes Se-
cundus.*

*Ianus Douza
Nordouices.*

*Guilelmus
Fullonius.*

*Guilelmus
Cripinus.*

*Hadrianus
Scorelius.*

*Nicolaus Ni-
colaius.*

Extulit Haga sylvam felicium & poësi natorum ingenio-
rum. inter cætera Sefbotos quis non novit à patrē Iudocum
& filiū Arnoldum, qui in Senatu Gelriæ, in principem con-
fessum, genitori successit: quos rerum arduarum amplitu-
do, dignitas, & Reipub. intentissima cura, paulatim ab ijs
studijs auocarunt. Dedit eadem felicissimū & ab ipsis Mu-
sis effectum ingenium Ioannis Secundi, cuius in poëmatijs
omnes Veneres & elegantix Catullianæ renident, qui, si par
contigisset à fatis ætas, Vmbrum vatē in Elegijs longo pōst
se intervallo reliquisset: cuius Basia viuēt, dum basijs aman-
tium ora patebunt: cuius in exprimendis per ectypas ima-
gines vultibus elegantiam & lineamentorum subtilitatem,
cū nostra mirabitur, sed non satis explebit se, postera ætas.
Proximus huic est, nec longo proximus intervallo, Ianus
Douza, Nordouici Dominus, paululū extra iustos adoles-
centiæ terminos egressus (id quod honori carminis eruditi
tributum volo) qui edito nuper in lucem egregio exigui li-
belli fœtu, in tantam excitatæ famæ opinionem irrepsit, vt
non modò à Secundo secundi votum depositurus, multis
etiam primam laudē sit erepturus. Protulit eadem Guilel-
mum Fullonium, qui Comico argumento Acolastum, siue
Decoctorem lusit tantā elegantiā, vt Comici numeros om-
nes expressisse creditus sit. Tulit eadem benigna genitrix
Guilelmum Cripium Senatorem, virum eloquentiæ laude
clarum, & Poëtam argutum, lepidum, ac festiūm, id quod
monstrant edita eius aliquot epigrammata, & docebit ple-
nissimè liber, quem apud se premit in molem abiturum,
breuique, vti spero, pleno iam vtero erupturum. Neq. obli-
terari fama se patitur Hadriani Scorelij, è Scorelio pago ge-
niti, cuius nisi molle, argutum, ac festiūm in poëmatijs ap-
probauisset, & sæculi oculos posse iudicasset sustinere, ope-
rarum prælis non indigna eius opuscula existimasset Nico-
laus Nicolaius ipse Poëtarum Coryphæus. At ille dum
Romæ se corrumpit, & reuersus arentibus semper fau-
cibus intempestiua ducit pocula, cum paralyticis artubus
mentis

mentis stuporem accersit, & venæ igniculos omnes obrutos extinxit in ipsa viridi adhuc iuuenta. Quid festiuius, quid mollius, quid subtilius primis illis Epigrammatijs, quæ olim dedit Cornelius Musius? quâta cum Venere atq. gratia rident! sed otij quodam genere segni, quod cum monasticis virginibus per summas opes attinetur, acris illa & benigna ingenij poetici vena relanguit non parû atq. decoxit. Quantum Solitudini, quam scripsit, decoris accessisset, si poeticiis quàm rhythmicis numeris eam exornatam dare (quod illi procliue factu fuerat) maluisset? recoquet fortasse, quod infœcundum effluere non finit, senium. Delphi præclara vrbs hunc genuere, & tenent. Celebratur & Egidius Delphus poeta simul & Theologus, sed cuius scripta in manus meas nunquam venere. Accedit inter Batauos Cornelius Valerius professor Vltraiectinus natione, quo viro, delictijs suis, fruitur Louanium, vtrique paginæ factum ingenium, in vtroque scribendi genere prope par, nisi quod in pedestri oratione argutijs & docendi acumini proximior sit, in ligata & aures ducit & frequenter sublimis assurgit. Quid ciue huius Guilermo Cantero doctius? quid diligentius? quid fœcundius? cui rectè à puero instituto, in re domestica lauta (quæ felicitatis partem auxit) genius prosper Gallici nominis doctorum omnium consuetudine frui, eorumque penetralia perreptare ac cognoscere. musæa dedit. Qua occasione vsus adolescens, multiplici thesauro suum instruere penum potuit. Documento sunt copiosi Nouarum Lectionum libri: Aristides conuersus: Lycophron explicatus: Felicitatem in carmine Græcorum æmulam vel Synesij hymni carmine redditieodem docuerint. A quo nil nisi præclarum & absolutum expectandum erit, si iustos annorû cursus Parcæ iuueni permiserint. Vltraiectinus fuit & Gisbertus Longolius, ab illustri stirpe Langerackia nomen præ se ferens, annotationibus non indoctis, multæque lectionis iam tum ab adolescente editis in libellum de morum honestate notus, professione Medicus. Hortensius hi-

Cornelius
Musius.

Egidius Del-
phus.

Cornelius
Valerius.

Guilelmus
Canterus.

Gisbertus
Longolius.

Lambertus
Hortensius.

storiarum, Germanicæ & Ultraiectinæ, Satyrarumque scriptor, alibi nobis memoratus est. Superfunt & alia ingenia, qui (quod de Menandro dictum est à Fabio) iustiora posteriorum, quàm suæ ætatis iudicia consequuntur. Fuere & qui scientiarum dotibus clari, in suo quisque scientiæ genere, honoris famæque apicem attigerunt, sed aut ob styli horrorem incultum ignorantur, negligunturve, cuiusmodi fuit ille qui supremum rerum humanarum fastigium Cæsareo patrocinio (cuius pueritiam finxerat) ingressus, Quodlibet dedit: aut qui publico nomine conscriptorum invidiam, nominis sui celebritate sustinere coguntur, alioqui latebras facillè quasi turturi in publico, aut currucarum malignum nomen cuitaturi: in quo ordine sunt qui collocarunt virum celebrem, Demosthenici vitij lingua rebus affinc. Sed quis tandem invidiæ obtrectationem effugere potuit vnquam? Cognata literis res est Pictura, quæ ars vt nobilis, Regibusque expetita, ita olim etiam in primum liberalium gradum recepta, & quos posteris tradere dignatur, nobilitans. In ea habet Batavia florentia aliquot ingenia, quæ neque possum, neque debeo silentio præterire. In his principem honoris ac gloriæ gradum ascendit primus Ioannes Scorelius, pago cognomine, equini generis mercatu nobili, oriundus; post Canonicorum collegio Traiecti adscitus: cuius insignia opera tota passim Hollandia magnacum admiratione pluribus infans spectantur, sed quod pulposos lacertososque artus cum iusta symmetria exprimant viuidæ imagines; vulgus profanum & supra crepidam sapiens, minus dignè de picturæ honore loquitur ac sentit: vtcunque sit, in coloribus austerior est. Huius discipuli fuere Martinus Hemskerckus & Antonius Morrus Ultraiectinus, vterque magistro proximus, sed suo quisque (vt dicam) in genere, vterque inter primos nominatissimus, & penè alter (si liuor, qui viuus infestior à morte cessare solet, pateretur) Apelles; nisi quod huic nomini, facto propior videatur Martinus, tum quod parcus temporis dispensator nullum tam occupatū habeat diem, quo non

Hadrianus
v l. Traie-
ctensis p. m.

Pictura.

Pictores præ-
stites in Hol-
landia.
Io. Scorelius.

Martinus
Hemsker-
ckus.

quo non aliquid agens, lineam ducendo artem exerceat, tum etiam operum multitudine, quæ infinita propè sunt in omni genere, & penicillo ducta & calamo exarata, vt encaustarum typis efformarentur. Vtriusq. certè operum æternitas haud alium interitum, quàm vniuersi excidium sensura putatur. Martinus in omni argumèti genere varius, inuentionis subtilitate nulli secundus, in exprimendo amœnissimo quoque ditionis, conuallium, villarû situ, amnium & curiporum decursu, velificantium nauium, aut mulis, vehiculis vè vrbes adeuntium, aut solem petasis defendentiû ambulationes, mirificè luxuriat. Morrus confessione artificum in exprimendo ad viuum indiscreta similitudine vultuum filo, inque danda illis symmetria, palmam faciliè adeptus, idque asscetus quod rarum in artis successu inueniri posse existimat Plinius, de Parrhasio loquens, nimirum extrema corporum facere, ac desinentis picturæ modum includere. Artifex operum fœcundus principalium, à quo quicquid fermè Regum & Primatum hæc habet ætas viuide expressum est. Hos ætate superior paulò præcessit Ioannes Mostardus Harlemo oriundus, qui circa minuta potius, vt illi colossicoterâ, triuisse ingenium videtur, manupretio in pedalem tabellam satis magno constituto: ars eius eluxit in venustate ac decore oris, compositu corporû, argutia vultus, capillitij elegantia, lineamentorum tenuitate, Protogenica fermè: virosis inimitabili apparatu, alio circa lucos, arbores, muscosos fontes, alio in vestitu, cæterisq. rebus. Antonium Blocklandium Monfortium extulit partu, pictorè non postremi nominis. Qui in repræsentandis venustè vultibus minimè durus, in reddendis historijs nulli faciliè secundus audit, idq. loqui mihi videntur nonnulla quæ spectauiope-
ra propè spirantia, solaque anima defecta. Neque sua laude atq. gloria fraudandus est Theodorus Bernardus Amstel-
rodamæus, inuentionis dispositionisque & eius Veneris, quam Charita Græci dicunt, gratia nemini libenter cessurus, vultuum imitator insignis. Neque silentio prætereundus est

Antonius
Morrus.

Ioannes Mostardus.

Antonius
Blocklandius.

Theodorus
Bernardus.

Petrus Longus.

240
 dus est Petrus cognomento Longus, quem Pyreico Plinij comparare iure, si non anteferre videor posse, qui ex proposito, ut apparet, humilia penicillo secutus, humilitatis summam adeptus est omnium iudicio gloriam, ac propterea *ὑπαεργραῖα* cognomine cum illo pariter insigniri, vel me arbitro, potest, usque adeo in operibus illius ubique relucet gratia quaedam, expresso elegantissimè in rusticanis puellis corporis filo habituque, obsonijs, oleribus, mactatis pullis, anatibus, asellis, piscibusque alijs, culinario denique instrumento omni, ita præter consummatam voluptatem, infinita etiam varietate, tabulae ipsius oculos nunquam satiant: quo fit ut pluris ea vaneant, quam multorum accurata maximæque. Habet Hollandia & sculptorem marmorarium Guilelmum Tetrodium, quem nedum Praxiteli, sed etiam toti propè Romæ nunc opponat. de quo in natali ipsi vrbe Delphis fusiùs agam. Restât duo lumina artis non propriè encausticæ, ut quidâ putant, sed quæ in laminis æreis & quouis è metallo ductilibus, auerso cœli scalprique tractu pingit iconas historiasque omnes, quas illitu atramenti cuiusdam encaustici, imò colorum quorumvis aduersas lammellæ in gypseistabulis chartis ve reddût. Isunt Theudericus Volcardus Amstelrodamæus diuino homo ingenio, sed fati aduersi, & Philippus Gallæus Harlemæus magistro illo, dij immortales, quanto superior! nisi quòd inchoatam cum laude artem ille intermisit; in hoc cum surgente ætate etiam artis gloria gliscit.

Guilelmus Tetrodinus.

Theudericus Volcardus.

Philippus Gallæus.

C A P. XVII.

*De Hollandiæ primarijs urbibus, deq;
 oppidis & municipijs.*

IN ITIO ante descripta iura palabundi homines vago errore ferarum instar per agros dispersi, tantum habebant, quantum manibus per cædes & vim poterant extorquere aut retentare, dum potentiores cupiditas, inopes fames, quàm fama virtutis, magis commouet. Illam belluinam vitam ad
 tam ad

tam ad mantuetudinem & societatis humanæ coniunctionem retrahere fabulosus Orpheus & Theseus, alijque consilij præstantes viri aggressi, homines primò ad conuenticula contraxerunt, inde coniungere ædificia docuere, eorumque coniunctiones vrbes appellarunt, quod aratro circumducto sanctos earum terminos finesque præscriberent. Eas antiquitas quo à prædonum maria infesta habentium iniurijs essent remotiores, procul à littore condidit, si testimonium nobilissimi scriptoris Thucydidis non abnuimus. Tum deinceps quæ pecuniarum copijs affluebant, vel ad ipsa littora sedes ceperunt, vbi muris ac mœnibus aduersus vim tuti se circumsepirent, vel angustias terrarum vtrinque mari expositas (isthmus nominant) occuparunt, partim negotiationis opportunioris gratiâ, partim vt finitimis vim parantibus facilius obsisterent: prius enim quàm piratica & latrocinia vigere & in gloriam trahi cœperât, vicatim Græcos habitasse idem scriptor locuples testis est, quando non speciosæ vrbes, sed vires & potentia æstimabantur, præsertim in hoc gloriantibus Lacedæmonijs, qui muratas vrbes gynecæis, hoc est, mulierum lustris comparabant, quod intra illas degener & imbellis suisque diffidens viribus multitudo latibula quæreretur. Idem Germanis quoque fuisse studium ex Tacito liquidò deprehendimus, qui nullas illis habitatas vrbes, imò ne sedes quidem inter se iunctas pati potuisse, ac proinde vicatim discretos diuersosque ædificia collocauisse commemorat. Quin & Alemannos siue Sueuos scribit Marcellinus maluisse solum ipsum & territorium deuictarum gentium incolere, quàm earum oppida, quæ non aliter vitabant, quàm arbuta quædam retibus tensis circumdata: propterea quòd liberis in campis, si ingrueret hostis, temporarium consiliū de emigrando, aut de faciendis cœtibus capere possent, id quod inclusis intra mœnia vallumque negatum est, qui obsidionis pericula ac mala sustinere coguntur, neque pugnam arbitrariam capeffere, obstructis eruptioni vijs, aut statiuis oppositis præmunitisque

valent. Nimirum veteres in animosa iuuenum ac virorum virtute, haud in mœnibus videntur fiduciam omnem posuisse, quodd existimarent nihil iuuare turres & muros, vbi deesset animus & bello viuida virtus: ita vt rectissimè iudicaret Hippocrates felices eos qui cogitent viros esse regionum præsidia & muniméta, non turres aut lapidea mœnia: neque minus scitè Lycurgus legislator dixisse proditur, non videri viduam mœnibus urbem, quæ viris, non costilibus laterculis sit cincta. Quare meritò custodiendus est memoria Alcæi Lyrici versiculus decantatissimus, *Αἰδρεῖ πόλεως πυργοὶ ἀρήϊοι*. quo significat viros esse martias urbium turres. Neque diuersam fuisse causam autumo, cur serò apud minores Frisios oppida condi cœperint, imò raras admodum extitisse antiquitus in Hollandia vrbes & oppida muris circumdata, aut vallis propugnaculisque communita ex veterum scriptis intelligere satis possumus, quæ præsens ætas frequentia aduersus vim comparata tutamenta numerare potest, vt pari spaciò haud tèmèrè plura vsquam videre liceat, quæ cum urbibus recensere hîc fert animus, cum vt decora atque ornamenta regionis exteri absentes domi in Musæo quisque suo extra peregrinationis periculum molestiamque intueantur ac contemplentur, tum vt hi quos studium peregrinandi detinet, quæ petant, quid inquirant, ad pascendû oculos simul & animos in numero habeant. Solet autem illud studium quod in lustrandis urbibus consumitur, præsertim si ratio explorandi cognoscendique populorum ingenia accedat, magnam felicitatis sapientiæque partem addere, quod in Vlyssæ suo inter peculiaris operis initia voluit innuere Homerus, quasi summo laudum cumulo beatus fuerit, qui multarum gentium vrbes lustrarat & mores inspiciendo perdiderat. Habet verò Hollandia primarias vrbes sex, tanquam matrices & cæterarum columnina, quibus velut ex arce signum tollentibus, cæteræ ad obsequij vices ciconiaria quadam lege præsto adesse solebant: (quæ nunc obsoleuit consuetudo) Eæ tunc fuere præ-

potentes & felices, quando ex earum arbitrio Princeps belli pacisque munia temperabat, hostilia vel ordiebatur, vel finiebat; denique vtranq. paginam solæ faciebant, quæ nunc cum Illo & Milesijs, quibus strenuitatis gloria quondam animos fecerat, vicissitudinem rerum (vti in rebus humanis nihil diuturnum aut perpetuum Natura patitur) experiuntur, postquam libidini ius concessit, maiori summum rerum iudicium dii detulere; manet tamen honos & dignitatis gradus integer. Hæ quotiens ad Comitia vnâ cum primoribus è Nobilitate (Ordines siue Status peculiari vocabulo honorificoquæ nuncupantur, siue ab auctoritate, siue quod in potiorum consilijs salus Reipub. vertatur atq. consistat) conueniunt, indicuntur autem ea non rarò ob res arduas & profanis auribus ignorandas, tum verò statos subselliorum ordines singulæ adeunt, quos inter vt principē confessus locum iure prærogatiuo Durdrechtani obtinent, ita quoque sententiæ dicendæ principatum trahunt; proximæ dignitatis vices Harlemæis attributæ sunt: tertiū ordinem vendicant sibi Delphenfes: quartus penes Lugdunenses, siue (vt vsus obtinuit) Leidanos consistit: quintam classē ducunt Amstelodamæi; sexto loco Goudanis seruato. Id tamen obseruatur caueturquæ religiosè, vt Nobilitatis primates, vt vetustate & stirpis claritudine antecellunt, sedes ac dicendæ sententiæ ius singulare priores occupent, antequam Magistratus occipiant. Cæterum vrbes atque oppida nostratia & pagi haud otiosis fermè vocabulis insigniuntur: ex illis pleraque à *Dam*/qua voce emissarium significatur, *Dam*. siue cataraetæ claustrum, vt Rutilius appellat, quo mare vel excluditur vel admittitur, appellationem sortita sunt; nonnulla in *Drecht*/de quo dicendum mihi erit in Durdrecht; *Drecht*. multa in *Wyck*/de quo inferius mentio incidet; quadam etiam in *Dijck*/quæ ab aggere dicta sunt, exeunt. Inter ea quæ à *Dam* nominis sortem trahūt, principem ferè locum obtinet Amstelodamum, quod Amstelæ riui non ignobilis, *Amstelodamum*. ac illustri Amsteliorum prosapia clari emulatio appositum,

Roterodamū.

Sciedamum.

Edamum.

Monickedamum.

Sparendam.

Xijnlandt.

inde nuncupatum constat. Roterodamum Rotæ siue Roteræ, vtrunque enim inuenio, in Mosam se exonerantis fluenti emissarium, originis suæ materiam agnoscit. Sic vicinum illi Sciedamū Sciæ profluentis ostio, cui assidet, nomen acceptum refert. *Edamum*, siue rectius *Tedamum*, Yarruium prætexit, eiusque emissarium habet. à quo oppido disiunctum ad tria passuum millia Monickedamū nomen obtinuit à lacu vicino, quem aquagio emittebat. Sparendamum pagus Harlemo propinquus, nōne manifestum nominis sui indicium profert, emissionem Sparni riui, si non potius Spirneri (de quo paullo inferius dicam) in sinum Tyum illic excurrentis per plura emissaria? è quibus vnum, quum necessariò reparandum, (quippe exelis ac vetustate cariosis ruinosisque trabibus) nouoque operi iacienda essent fundamēta, visum est altioribus ingenijs, si nouæ fabricæ latius solito os adijceretur profundiusque, magno id futurum Reipub. commodo; nam præter exonerationem copiosiorē aquarum, quas amplioribus faucibus effunderet, nouo quoque portui viam pandi, quo nauigia maiora in vrbs sinum penetrarent. Quod vt obtineretur, tentandum prius assensum Curatorum aggerum, (quos Cæsareo vocabulo Heymrados nūcupari diximus) quo sine inanem sumi operam: deinde trahendos in partē impendiorū, si fieri posset, atque emolliendos, qui Rhenolandia (ita vocatur vniuersitas agrorum intra Rheni alucum iacentium, cuius impensis agger, qui Amstelrodamum vsq. à pago Velsio tria millia longa pertendit, curatur sustineturque) capita & consules nominantur, qui in vtilissimum opus certam pecuniæ summam liberali causa elargirentur. quod etsi factu perdifficile videretur, citiusque è pumice aquam elici posse, delectus tamen ad id persuadendum fuit Nicolaus Verlaenius, qui Periclæa sermonis vi atq. copia, alienissimos à numerando ita permouit, vt postulationi eius concederent, & in trientem prope impensarum assentirent. Itaq. opus admiranda firmitate & pulchritudine, incredibili impendio, atque

atque operarum multitudine egestis per machinas & tympana aquis, soloque prius diligenter fistucato, hoc ipso tempore quo à nobis ista cuduntur atque elucubrantur, ciuitas Harlemensis perficiendum curauit, per quod ingentes corbitas & celoces onerarias frumentariasque ad intimum & penetralem vrbs sinum passis velis peruehi videmus. quam rem ne per somnium quidem progenitores nostri vnquam sperassent, vt ab ipso vsque Oceano terras ambiente in vrbs suæ gremium merces, rei frumentariæ acerui, aliæq. strues subuectarentur. Sic studio & industria vnus hominis opus immortale conceptum, insignem impendiorum deductio- nem sensit, afflicto minùs ærario, & singulari Consulum di- ligentia ad colophonem perductum, manum extremam fe- liciter accepit. Non defuere tamen oblatratores, à quibus inchoatum opus conuitorum aspergines ac mordaces sales cum dentato risu, ceu inutile & operæ irritum, pertulit. Hæc suo quodam iure dici à me exposulauit emissarium iustæ omnium admirationi expositum, dignum certè in quod architecti neruos ingeniorum contendant. Redeo à diuerticulo ad institutum. Est & Sanerdanū, vbi Sana eun- Sanerdam.
dem in Tyum sinum exit, lacusque aliquot exonerat. Sca- Scaredam.
redamum non abest à numero Scaræ exitum patefaciens. Maesdam.
Huc adde Maesdamum, quod vetus Mosæ alueus, nunc Gysedam.
obstructus, emissarium illic habuerit. Gysedamum à Gysæ Crabbedam.
alueo dictum, in eundem ordinē venit & Crabbedamum
apud quem locum elix quidam à Rheno productus in
Oceanum putatur defluxisse. Nunc vt fastidiū abstergea-
tur deducaturque, ad capita Regionis stylum conuertam,
inter quæ principatum sibi vendicat Durdrechtum..

D V R D R E C H T V M.

D V R D R E C H T V M iusta veraque prisce appellationis Durdrechtum ..
lege scribendum duco, quod Grammatistarum vulgus ex esse dicendū.
vsu Dordracum hætenus scripsit, dicendumque auditori-
bus inculcauit. Sed isti nimis otiosè dissimulanterque præ-

Drecht quid? *teriuere* silentio vernaculæ vocis natalem, quæ **DRECHT** vetustioribus Bedæ natione Anglo, & Sigeberto Geminiacensi, aut quæ nunc inoleuit scriptura, Gemblacensi monacho, pro oppido agnita fuit. Equidem apud maiores nostros *Drecht* vocabulum idem sonuisse existimo, quod apud

Forum. priscos pureque loquentes Latinos *Forum*, non tam quoddus ibi diceretur (quod tamen in mercatibus inprimis exerceri conuenit, ut suum cuique tribuatur) uti vox ipsa spirat, quàm quoddò merces comportentur, ceu in forum rerum

Forum quid? venalium. Quemadmodum ergo *Forum* videtur fuisse oppidum aut municipium mercatu celebre, quod ostendunt variorum ducum nomina, Forum Varronis non procul Mediolano, Forum Cornelij in Æmylia, quam Imolam hodie nominant, Forum Claudij, Tarentasia nunc dictum, Forum Liuij notum hodie, Forum Iulij, & Sempronij Forum, in

Dureti. Vmbrisciuitas: ita etiam Durdrechtum Dureti cuiuspiam gentilitia nota insignis olim viri forum fuisse conijcio, cuius in Annalibus nostris sed obscura & exilis fit mentio. Ex eodè fonte manauit Haestrechtii ortus, quod ad tria passuum

Haestrechtii. millia Gouda distitum, nunc pagus, olim oppidum tribus (si vera narrantur) præsidarijs arcibus insigne binisque xenodochijs traditur fuisse, in ipso fermè Comitatus Bulosij meditullio positum, inter Goudam & Scoenhouiam, quarum urbium proprietarios fuisse Comites Bulosios certius est, quàm ut ex hominum memoria longa dies id deleat, quorum monumenta marmorea Gouda in sacello ferreis

Comites Bulosii. cancellis septo visuntur. Eadem haud dubiè conditio fuit Moeredrecht, Papendrecht, Barendrecht, Swindrecht, & Slydrecht, nunc pagis in vicinia Durdrechtii aut certerè non procul disjunctis. Est itaque nomen Dordraci reformandum, & quasi cum sene Pelia in cortina recoquendum, ut in vicem eius, Durdrechtum reponatur, quam scripturæ legem tuetur augustius istius ciuitatis sigillum, cuius epigraphen hanc esse, **SIGILLVM OPPIDANORVM IN DVREDRECHT**, testatus est suis ad me literis Petrus Cor-

netus,

Sigillum ciuitatis Durdrechtii.

netus, olim ciuitati isti à pensionibus. Illud verò obiter & veluti in transcurso adijciendum putauì, in antiquis membranìs me reperisse nomen inclytæ vrbis Thuredrecht perscriptum in diplomate Henrici *iii.* Imp. quod accidisse reor ex affinitate aspiratæ th, cum media, d. Facies vrbis oblonga exit ad modum triremis: ipsa opulenta & copiosa, imò eorum omnium quæ in annonæ rei quæ alimentariæ vsum venire atque expediri possunt, locuples quoddam penu est, fluminibus, vadoso mari, stagnis quæ incredibilem piscium volucrum quæ foeturam & copiam subministrantibus. Vix alia vrbs toto Hollandiæ tractu magnificentiora habet, & Agrippinensium fermè æmula ædificia, quæ cælum prope modum culminibus feriunt: hypogæa & cellæ vinariæ, nunquam solem nocturnam vè Lunæ facem admissura, arcuato opere fornicata sunt. Templum habet magnificum, aris signisque pulchrè exornatum, & artificio arcuati operis quo concameratum est, meritò suspiciendum, & collegio Canonicoꝝ celebre; de cuius fabrica quod narratur, quamuis putidiusculum atque à somnio parum abhorrere videatur, quia tamen ante me chartis illitum video, silentio non præteribo, fidei periculum penes auctorem relicturus. Ferunt enim virginem quandam Soterem nomine, ni fallor, tribus nummulis, eiusdè cum Tityi iecinore naturæ, semper rediuiuis atque immortalibus, quos crumena nūquam detrimētum passura continebat, operas omnes impensasque ædificatæ ædis sustinuisse: qua ex re nata inuidia auidas opificum manus in virginis necem armasse, ipsaque mox rediuiua cum percussoribus suis expiandæ nefariæ cædis causâ Romam petiisse memoratur, ibique peractis votis religionem exoluisse, animam exhalasse, corpus quæ tumulandum dedisse dicitur. Mirum ni Medæ cuiuspiam aut Sagæ veneficio, aut vera Luciani narratione aures saturare, tædium quæ leuare voluisse videatür quisquis est nugator ille, qui tam infelicitè legentium patientia & oculis abusus fuerit. Vrbs ista ius præfert priuilegiarū, Stapulæ nomine dictum,

Vrbis situm & forma.

Durdrechtum ædificiū magnificentiā nulli secundum.

Virgo Soter. Soteris nummulis renascētes.

Stapula ius.

quod

quod controuersum diuq. litigiosum, firmissimis arietibus totisq. Hollandiæ viribus oppugnatum, neruū & adamantinum illius Reipub. clauum, vrget, cæteris ringi & Heraclicum illud relinquens, dum ipsa diplomate & longinqui temporis præscripto beneficium pulchrè sibi fœneratū ad se trahit: sed animorū dissidiū dissipauit, & quasi prætexta sagum mutauit Carolus Imp. arbiter & disceptator causæ interpositus. Stapula autem vox barbara, & Latinis auribus auia, purè puteq. Gallicæ originis creditur, qua significetur priuilegium beneficiaræ vrbi collatū, sistendi & ab instituto cursu retrahēdi merces exoticas, quas negotiator importat, vt nimirum eo loco stabulentur (si ad vocis originem alludere licet) ac conquiescant, quo venum prostituantur quauis tandem conditione, nisi damnosam venditionem causatus, vel meliorem aliunde lucri auram olfaciens institor vectōrve malit recurrere vnde venerat, & vbi domicilium habet: quod illi integrum est & liberè facere licet, etiam non persoluto stato portorio. Quod si emptæ illic merces aliò deuehendæ veniant, haud temerè in alia quàm popularia nauigia merces recondi patitur ciuitatis ius. Simile exemplum Stapulæ obtinet Atrebatum ciuitas, in vina Francica quæ plaustris importantur. Middelburgo quoque idem ius in vina Hispaniensi, Lusitanica, & Gallicana concessum est. At Durdrechtum non in vnum genus, vina nimirum Germanica, quæ secundo Rheno Mosaq. deportantur, sed in cerealia etiam quæcunq. semina & lignorum carbonumque strues, & si quæ sunt aliæ illius generis merces vectorijs nauigijs è Gelris Cliuijsque conuehi solitæ, ius suum extendit. Adde quòd huic soli ob principatum quem inter Hollandicas ciuitates tenet, honorarij loco & prærogatiuæ datum est, cudere monetam Principis auream argenteamque, quod nusquam alibi quam hîc licet: deinde vt isthîc Hollandiæ Comitum inauguratio fiat, nec alibi solenni sacramento adigantur in mutuam fidem cùm Principes tum Ordines, ex quo cùm antiquitas, tum eius in Principes meri-

Stapula quid?

Stapula Atrebat. & Middelbur.

Moneta Comitum nusquam alibi cuditur, quàm Durdrehti.

Inauguratio Comitum Durdreht. fit.

eipes merita æstimari possunt, quorum beneficio in primariam dignitatis atque honoris sedem prouecta ascenderit. Hanc urbem latè imperitantem atrox & miserranda tempestas disiectis aggeribus auulsit à continente, quando ad centum prope millia animæ miserrimo mortis genere extinctæ dicuntur, submersis duobus & septuaginta pagis, præter villas & arces: ex quo in hunc usque diem mari insula circumluitur, ad modum Venetæ urbis, nisi quoddam spaciū contractius hanc à continente dirimat, ad maioris balistæ iactum vna tantum ex parte, à duabus interuallum excedit decem passuum millia, quod nauigari se non patitur vltro citroq. nisi ex arbitrio æstus marini affluentis aut remeantis. Incidit autem in annum ab orbe redempto millesimum quadringentesimum vicesimum & primum ea horrenda calamitas, cuius etsi secuta, acerbata tamen recordatio, hos à me numeros anni indices expressit:

*Durdrechtum
à continente
auulsam.*

*Durd. quando
sit factum
insula.*

D Vrdri Chto In CVbVlt Vls atroX In Clta VentIs,

Vrbs qVa dIsI LVlt prot In Vs haVsta Marl.

Eam calamitatem à rustico procuratam fama loquitur, qui vicini rebus inuidens, quicum inimicitias gerebat, fundum illius aggeri maritimo subiectum eluione maris abolere, aut saltem corrumpere cogitarat, ignarus secuturam post admissum semel mare aggeris perruptionem, multoq. minus terrarum submersionem. Itaque pessimo consilio pessimum facinus adiunxit: dicitur enim effodisse scrobem, per quam ceu colliquias mare exæstans, in fundum prædictum corriuaretur immittereturque; cuius impetus quum nulla ope humana sisti iam posset, latissimam terrarum hominumque stragem edidit. Cæterum priusquam à primaria ista vrbe discedam, non possum quin corollarij vice adiungam, quod Cosmographiæ commentarijs prodidit Dominicus Marius Venetus, in Adriatico sinu nimium otiosè desultorieque nostra hæc contemplatus, eam ab Antonino Pio Imp. putari conditam, & Benefactæ nomine insignitam, nunc Dodranam dici. Quod si testimonio vereris &

*Submersio
territorij pro-
curata per
malum vici-
num.*

*Dominici
Marij som-
nium.*

Benefacta.

classici scriptoris auctoritatem iste suam communisset, haberetur illi à me magna & iusta Reipub. totius nomine gratia, neque immerito: sed quum proleciior apud me sit & dilutior hominis auctoritas atque fides ob rerum exterarum summam ignorationem, quam in eo perspexisse & docere quoque posse mihi videor, satis fecisse me puto, exempliq. satis dedisse, si sagacibus aliorum naribus hanc appendicis offulam obiecerim, ne quid studio præteritum, aut ignorantia omissum caussentur.

HARLEMVM.

*Sparnus am-
nis.*

PROXIMA ordinis, vt confessus, dignatio Harlemaæ ciuitati debita, postulat eam hoc loco dici, quæ inter cæteras omnes amplitudine facile superior, ædificiorum cultu non postrema, situs amœnitate & calis salubritate vel inter primas censetur. Est enim aër liber à lacuum marisque offensa ac grauitate secretus, inter fructuosa prædia, villas suburbanas, saltus vmbrosos, castella non infrequētia, pagos elegantes, agris editioribus perflatilis. Templum habet architectorum iudicio celeberrimum pulcherrimumque opus, firmissimis innixum columnis, fornice laqueata ex intestina materia, quod spatiofo & quadrato imminet foro. Urbem interlabitur amnis nauigabilis hac tempestate, post auctum magnâ virium accessione lacum, Sparnus dictus à nobis apud Sparnodamum sinus Tyi brachio accipi, quem Spirnerum consona etymo veriori voce, dicendum autumo rectius, vt palustribus cannis, & arundinetis, è quibus Spiras, hoc est, calamorum radices, esui gratas iuuentus colligit, densum; atq. ita in Traiectinis diplomatibus scriptum inuenio, vbi de Ecclesia Spirnerwalt, quam Sparnowoudam nunc vocamus, à sylua amni vicina. Hoc flumen è Rheno re vera corruatum, tamen è lacu immensum aucto ortum habere videtur: idē euntium redeuntiumq. nauium continuo procursu ac comœatu amœnum, incolarum vtranque ripam obsidentium oculos iucundo prospectu pascit.

Ante

Ante urbem nemus est, à luco (nisi abesset religio) propter opacitatem non multum recedens, in promiscuum usum prodeambulationi, voluptati, delicijs, exercitijsq. dicatum, secessus suos habens à concursu profani vulgi, ac strepitu separatos, dignissima Musis contubernia, vnde exulant cauponæ & Sileni stabula, nequitiae officinae & flagitiorum diuersoria. Linearum telarum, quarum incenarrabilis candor & tenuitas byssi gloriam & pretium facile euincat, mercatu opificioque sat celebris urbs est, neque minus *villosi generis pannis*, quos eadem apparat Italiae Hispaniaeque mirifice expetitos, ob gratam leuitatem, & pertinacem eximij nigroris gratiam. Abest ab Oceano Britannico ad v. p. m. qui marinorum piscium genus omne abunde subministrat: ad Euronotum lacus est amplissimus; versus Aquilonē Tyus sinus, vterque bene piscosus, ita vt opportunus mirum in modū loci situs existat vndecunque, soli, cæli, & aquarum bonis circumfluens. Cuniculorum nusquam fermè tota regione maior frequentia est. Cuius abundantiae occasione, sedem hanc cōstituendae Academiae, vbi Musarum alumni & cultores in literato otio vixissent, legere & Cæsareo beneficio confirmare decreuerat Atrebatum Præsul, huius Ecclesiae tunc Curio: sed vbi nonnullorum qui à literis alieni ad Reipub. clauum adreperant, animos auersos à liberali cogitatione animaduertisset, destitit, ne apud ingratos atq. inuitos beneficium malè collocaret. Quod ad nominis impositionem attinet, haud in proclui posita mihi ratio videtur, eò quòd omnes veluti conspirabundi, vnoque in ludo edocti pariter, à Wilelmo quodam Frisiorum Regis filio, quem mutilata concisaque voce, satis abiectè Lem appellant, nominis auspiciū traxisse urbem cōtendant, vt *Her Lem* hoc est, Dominus Lemus suo eam nomine dotarit. sed ista eorum paullo obsoletior absurdiorque videtur oratio, qui ad modum iocosæ illius imaginis, quæ in cōuallibus ac montium iugis ludit (Echo appellant) extremā duntaxat vocis, *Willel* syllabam repræsentant: in quo iniurios atque

Thaerles
merhou/ofs
besch.

Vrijzeerlae
Fen.

inexpiabili religione obstringendos, & maiestatis quasi reos peragendos censuerim, non minus exquisitè, quàm qui in publicam fraudem, Principis monetam attondeant atque accédant. Quid enim illud est aliud, quàm Principis viri nomini illudere? Quis ignorat Nobilitatè hoc habere natium & peculiare, ut nihil stomachosius accipiat indigniusque, quàm si de illis loquare contractius? multo magis si trunces mutilè sive cum abiectioe nomen, quum è diuerso onerosum potiùs, quàm breue curtumve, semper amauerit, ad exemplum Luciani Neopluri, qui Simi nomen despuere, Simonidis amplexari cœperat. Quis non odoretur à bardo & salis omnis experte homine istud confictum? Quis vnquam tam malè feriatius nomenclator inueniatur, qui personæ nomē, ipsi structuræ ac fabricæ velit impositum? Quis Philippopolin Inuictiss. Regis nostri nomen referentem (quam Galli Philippe-ville, nostra gens Philips-statt appellat) Regem Philippum temerario ausu, præter Solœcisimi, quam incurfurus esset, notam, nominauerit? aut quis Mariæburgum, Dominam Mariam dixerit, quod ab heroina illa cui prouinciæ omnes pro rege agenti fasces submittebant, dominamque appellabant, conditum fuerit? Itaque rectiùs puto simpliciusque Harlemæorum (quos nominatim in Catalogo illustrium familiarum inter antiquissimos inuenio) stirpem è regio Frisiorum stemmate oriundam, tam oppido, quàm arci à se exstructis primum nomen indidisse, circiter annum à salutifero partu quingentesimum & sextum. Arx Harlemæa secundum canalem aluei qui Egmondam deferebatur sita, quasi ad perpendicularum rectâ Harlemum respicit, non procul Heemskircha, ea fuit lapidea è lateribus coctis, qui pedem Romanum adiecto quadrante singuli longitudine superant, quincuncem crassi, dodrantali fermè latitudine: quod murorum ruinæ firmissimæ etiamnum docebunt. Cuius diruendæ soloque æquandæ occasionem dedisse libido ac vis tyrannica arcis domini creditur, quamuis alij indemnito nec vllis modestiæ aut legum repagulis

Harlemæa
stirps.

Arx Harlemæa.

repagulis coërcito populi in excidium Nobilitatis concitati furori vero similis id attribuant : quando non vna arx id mali experta, sed omnes propemodum velut immani procella ac turbine raptæ pessum iuerint . Porro arcis huius mentio suggerit mihi insigne & dignum cuius memoria literis consignetur facinus, inter rarissima coniugalis amoris exempla numerandum: in quod diuerticulum ab instituto si paulisper digrediar, cogitent lectores leuandi tædij gratiâ id esse factum. Etenim cum loci dominus ob vim & effrænatam violentiam iustum omnium in se odium contraxisset, arctissima obsidione in arce sua premi cœpit, quæ cum in longius traheretur, præclusa omni effugij spe, ac deficiente iam re cibaria in summa egestate atque inopia quum deditio pararetur, vxor singulare pietatis & amoris in maritum decus, ad eam pactionis cum hoste formulam descendit, vt semel exportandi sibi quæ charissima haberet facultas daretur. quo ex conuentione pacto confirmato obseruatoque, coniugem bulgæ inclusum, adiuuante onus pedissequa, extra arcem exportauit, neglectis charioribus vtensilibus cimilijsque : pari cum laude efferenda cum Guelphi Baioariæ Ducis pientissima vxore, quæ post similem obsidionem ad deditionem cõpulsæ, cum Conrado Sueuo Imp. ad eas pacti leges accessit, vt ipsa nobiliumque vxores efferrent res quasque pretiosissimas . Credente hoste secururam opum exportationem, visum fuit fœmineum agmen, Principis fœminæ exemplum imitans, maritos suos de humeris pendentes, dulcia onera, subuectare, ac in sinu paruos liberos gerere. Redeo ad urbem nostram, cui primam inuentæ isthic artis typographicæ gloriam deberi, & summo iure asserendam aio, vt pote propriam & natiuam: sed luminibus nostris sola officit inueterata illa & quæ encausti modo inscripta est animis opinio, tam altis innixa radicibus, quas nulli ligones, nulli cunei, nulla rutra reuellere aut eruere valeant, quâ pertinaciter credunt, & persuasissimum habent apud Magontiacum claram & vetustam Germaniæ urbem

*Coniugalis
amoris exem-
plum memo-
rabile.*

*Typographica
artis inuentû
Harlemo as-
seruitur.*

primò repertas literarum formulas quibus exciderentur libri. Vtinam hic incredibilem illam dicēdi vim, quæ in Carneade fuisse perhibetur, voto exoptare possem, qui nihil defendisse vnquam, quod nō probarit, nihil oppugnasse, quod non euerterit, dicitur, vt saltem refugam illam laudem postliminio reuocare, & hoc quasi trophæum erigere possem, veri interpolator: quod ego non alio optarim, quàm vt veritas rectè à Poëta vetere Teinporis filia nuncupata, aut (vt ego soleo) χρόνος ἑλεγχος, tandem detegatur, quæque iuxta Democritū, altissimo in puteo demersa hætenus delituit, in apertum proferatur. Si gloriosum certamē suscipere non piguit Ægyptios & Phœnicas de literarum inuentione, his Deo duce earum inuentum ad se trahentibus, quando tabulas Θεοχαράκτες, hoc est, à Deo exaratas iactant: illis à se repertas Græciæ intulisse gloriantibus, quando Cadmus Phœnicum classe vectus, rudibus Græcorum populis artis illius auctor, eas commonstrauit. Rursus si Athenienses Cecropi suo, Thebani Lino, eandem laudem vindicant. Palamedii Argiuo excogitatorum characterum gloriam Tacitus & Philostratus deferunt: vt Hyginus Latinorum Carmentæ Euandri matri. Si itaque controuersam dubiamque gloriam cunctæ gentes ad se ceu propriam rapere non erubuerunt, quid verat quo minus indubitandæ laudis possessionem, de qua per socordiā autam exturbati sumus, quasi postliminij iure repetamus? Equidem non inuidia, aut malevolentia studio transuersus agor, vt huic asseram, quod alteri derogem ac detraham. Crassi impudentiā non imitabor, hinc Scæuolæ sanctimoniam & grauitatem affectādo, illinc prehensionibus fauorem hominum eblandiendo: haud is sum, corruptis arbitrijs planum agere non decreui, veritatem illam vnā perspicuam, quam vti cæleste Solis iubar, nulla nox, nulla caligo quantumvis alta obtenebrare potest, exhibiturus, quantum in me est, idque simplici ac minimè fucato orationis filo, quod illa amat. Quod si optimus ille testis est, auctore Plutarcho, qui nullo obstrictus beneficio,

Literarū in-
uentores pri-
mi qui?

beneficio, neque alterius addictus studio, liberè quod sentit loquitur & intrepidè, meum testimonium meritò locum habeat, qui nec mortuū aut hæredes posteròsve cognatione attingam, neq. gratiam aut beneficium inde expectem, qui quicquid huius feci, id totum sepultis Manibus pietatis ergò impendi. Dicam igitur quod accepi à senibus & auctoritate grauib, & Reipub. administratione claris, quiq. à maioribus suis ita accepisse grauissimo testimonio confirmarunt, quorum auctoritas iure pondus habere debeat ad faciendam fidem Habitauit ante annos centum duodetriginta Harlemi in ædibus satis splendidis (vt documento esse potest fabrica quæ in hunc vsque diem perstat integra) foro imminentibus è regione Palatij. Regalis, LAURENTIVS Ioannes cognomento Ædituus Custòsve, (quod tunc opimum & honorificum munus familia eo nomine clara hæreditario iure possidebat) is ipse qui nunc laudem inuentæ artis Typographicæ recidiuā iustis vindicijs ac sacramentis repetit, ab alijs nefariè possessam & occupatam, summo iure omnium triumphorum laurea maiore donandus. Is fortè in suburbano nemore spatiatus (vt solent sumpto cibo aut festis diebus ciues qui otio abundāt) cœpit faginos cortices principio in literarum typos conformare, quibus inuersa ratione sigillatim chartæ impressis versiculum vnum atque alterum animi gratia ducebat, nepotibus generi sui liberis exemplum futurum. Quod vbi feliciter successerat, cœpit animo altiora (vt erat ingenio magno & subactò) agitare, primumq. omnium atramenti scriptorij genus glutinosius tenaciusq. quod vulgare lituras trahere experiretur, cum genero suo Thoma Petro, qui quaternos liberos reliquit omnes fermè consulari dignitate functos (quod eò dico vt artem in familia honesta & ingenua, haud seruili, natam intelligant omnes) excogitauit, inde etiam pinaces totas figuratas additis characteribus expressit. quo in genere vidi ab ipso excusa Aduersaria, operarum rudimentum paginis solum aduersis, haud opistographis: liber erat vernaculo ser-

culo sermone ab auctore conscriptus anonymo, titulum præferens, Speculum nostræ salutis. in quibus id obseruatum fuerat inter prima artis incunabula (vt nunquam vlla simul & reperta & absoluta est) vti paginæ auersæ glutine commissæ cohærescerent, ne illæ ipsæ vacuæ deformitatem adferrent. Postea faginas formas plumbeis mutauit, has deinceps stanneas fecit, quod solidior minusque flexilis esset materia, durabiliorque: è quorum typorum reliquijs quæ superfuerant conflata cœnophora vetustiora adhuc hodie visuntur in Laurentianis illis, quas dixi, ædibus in forum prospectantibus, habitatis postea à suo pronepote Gerardo Thoma, quem honoris causa nomino, ciue claro, ante paucos hos annos vita defuncto senē. Fauentibus, vt sit, inuentio nouo studijs hominum, quum noua merx, nunquam antea visa, emptores vndique exciret cum huberrimo quæstu, creuit simul artis amor, creuit ministerium, additi familiæ operarum ministri, prima mali labes, quos inter Ioannes quidam, siue is (vt fert suspicio) Faustus fuerit ominoso cognomine, hero suo infidus & infaustus, siue alius eo nomine, non magnopere laboro, quod silentum umbras inquietare nolim, contagione cōscientiæ quondam dum viuerent tactas. Is ad operas excusorias sacramento dictus, postquam artem iungendorum characterum, fusilium typorum peritiam, quæque alia eam ad rem spectant, percalluisse sibi visus est, captato opportuno tempore, quo non potuit magis idoneum inueniri, ipsa nocte quæ CHRISTI natalitijs solennis est, qua cuncti promiscuè lustralibus sacris operari solent, choragium omne typorum inuolat, instrumentorum herilium ei artificio comparatorum supellectilem conuasat, deinde cum fure domo se proripit, Amstelodamum principid adit, inde Coloniam Agrippinam, donec Magoniacum peruentum est, ceu ad asyli aram, vbi quasi extratorum iactum (quod dicitur) positus tutò degeret, suorumque furtorum aperta officina fructum huberem meteret. Nimirum ex ea, intra vertentis anni spacium, ad annum à

nato Christo 1442. ijs ipsis typis, quibus Harlemi Laurentius fuerat vsus, prodisse in lucem certū est Alexandri Galli doctrinale, quæ Grammatica celeberrimo tunc in vsu erat, cum Petri Hispani tractatibus, prima fœtura. Ista sunt ferme quæ à senibus annosis fide dignis, & qui tradita de manu in manum quasi ardentem tadam in decursu acceperant, olim intellexi, & alios eadem referentes attestantesq. comperi. Memini narrasse mihi Nicolaum Galium, pueritiæ meæ formatorem, hominem ferrea memoria & longa canitie venerabilem, quod puer non semel audierit Cornelium quendam bibliopegum ac senio grauem, nec octogenario minorem (qui in eadem officina subministrum egerat) tanta animi contentione ac feruore commemorantem rei gestæ seriem, inuenti (vt ab hero acceperat) rationem, rudis artis polituram & incrementum, aliaque id genus, vt inuito quoque præ rei indignitate lachrymæ erumperent, quoties de plagio inciderat mentio: tum verò ob ereptam furto gloriam sic ira exardescere solere senem, vt etiam licetoris exemplum eum fuisse editurum in plagiarium appareret, si vita illi superfuisset: tum deuouere consueuisse diris vlttricibus sacrilegum caput, noctesque illas damnare atque execrari, quas vnâ cum scelere illo, communi in cubili per aliquot menses exegisset. Quæ non dissonant à verbis Quirini Talesij Cos. eadem ferè ex ore librarij eiusdem se olim accepisse mihi confessi. Ista dictare me compulit cupiditas & studium defendendæ veritatis, quamuis illa odium sui plarunque parere soleat: in qua tuenda potius quam vt deferere vadimonium velim, ad suscipiendum odium paratior sim ac promptior. Nam istud facile ponent, qui rem ipsam sincerè ac candidè indagabūt & expendēt, tanquam in Critolai balance appensam: at Veritatis, quæ Dei imago quædam est, qui non libenter patrocinium suscipiat, vix hominis appellationem mereri existimo, cuius cura atque amore nihil cuiquam vel sanctius vel antiquius esse debet. Tuendo veritatem & constabit suus vrbi nostræ honos, in

ciue creptam inuentionis pulcherrimæ gloriæ recuperaturæ, & cadet eorum arrogantia, quos falsam alienæ gloriæ hæreditatem cernere non puduit, & quasi deiectis de ponte sexagenarijs alieni iuris possessionem superbe vsurparunt. At vereor vt surdis ista auribus canantur: vtcunque tamen erit, iuuabit me & memoriæ inuentoris & gloriæ vrbis pro virili consuluisse, dum apud leuēs & veri incuriosos animos plus valet præiudicium opinionis (quod antea quoque testatus sum) quàm cum ratione auctoritas. Quæ iniuria mustitanda est & deuoranda parum lubentibus. Quanquam dolendum minùs foret eam laudem in clarissimam Germaniæ urbem, velut aliam in familiam, transisse, si non plāgio, sed recta ratione factum id fuisset. Verùm arbitror fatis volentibus hanc viam commodissimam visam, vti citissimè ad nitorem suum ac perfectionis culmen perueniret inuentum illud, orbi sale (quod dicitur) & sole magis necessarium, nimirum in maiore luce hominū, per studia, magnatū præmia, & honores (quibus artes aluntur) facilius emerfurum, vti accidisse res docuit, quàm in extremo orbis terrarum secessu quodam & recondito angulo, inter hominum priuatorum sordes. Hanc urbem sequitur capti nouo consilio Pelusij (Damiatam nominant inclytam Ægypti urbem) gloria, cuius quum traheretur in longum obsidio, portum vrbis transversa catena ferrea inter duas validas turres munitum, vna atque altera holcade, quarum carinas & proras ferra in crenatos dentes limata obmunierāt, Harlemæi qui in ea expeditione militabant, obseruato vento secundo atq. opportuno inuadunt, diffracta catena interior in sinum penetrant, sicque patefacto portu classi Christianæ rei benè gerendæ occasionem aperuerunt, capta deditaq. vrbe munitissima copiosissimaque. Cuius rei memoriæ sempiternæ institutum reor, moremque per manus in hunc vsque diem traditum obseruat Harlemæa pubes, vt Calend. Ianuarijs (quæ an huiusce stratagematis testes fuerint clari me est) nauiculas ferratis proris instructas, imaginesque

nesque victoriæ argumenta, bacillis suffixas, in publicis supplicationibus circumferat. Certiorisque fidei testimonia supersunt ex ære Corinthio tintinnabula seu æramenta bina, quæ in editissimæ turris fastigio suspensa, arguto tinnitu late perstrepunt, à re Damiatica nūcupata. Hanc urbem diuturna grauique obsidione, fatali quidem nobis & calamitosa, sed Hispanis obsessoris perniciali atque exitiosa, ante biennium pressam, famem obstinata & inuicta patientia fortissimè tolerauisse; qua obsidione gentis Hispanæ prior fama bello inclyta extabuit inuilitque, ferocitas contusa, fastus repressus, fidei periculū aditum est, opinio & existimatio virtutis, quæ externis nationibus inuictam, nedum formidabilem illam fecerat, obsoleuit. Docuit enim Harlemum contra ciuium militumque concordiam, & conspirationem animorum mutuam in tuenda patriæ libertate, nullas quantumuis magnas hostium vires quidquam posse, quippe quæ defensioni inualida, tormentorum bellicorum, nitrati pulueris, rei que alimentariæ copijs omnino defecta, nunquam tamen in hostium manus deditioe peruentura fuerit, nisi per frumentatores, ignauiterne an perfidiosè sui muneris oblitos, neglecta fuisset urbis cura. Id tamen priuum ac singulare habuit, quod palmam non precariam quidem illam aut dubiam, sed genuinam ac certam iure sibi vindicare potest, libenter assurrecturus ei honoris ergo ceteris ciuitatibus, neque vt olim Aiaci, debitum derogaturis. Nisi enim hæc se hostili Martis furori per initia opposuisset diuino quodam instinctu (neque verò temeritatem ausim vocare, quod publico omnium consensu transactum constat) bellique minas & apparatus omnem in se auertisset, certè Respubl. Batauica à cardine emota concidisset, dum reliquæ vrbes spectaculi diuitate & exempli sanguinarii (quod ab infesto & superbo hoste tum expectabatur) siue edoctæ siue deterritæ, deditioe vltro properaturæ fuerint, vt quas temporis spatium à communiendo & annonæ com meatuq. copijs se instruendo, clausis vndiq. per gelu

præproperum aquis, exclusisset. Itaq. dum in longum trahitur obsidio, dum omni ultimæ crudelitatis exemplo præter fidem datam præsidarius miles supra duo millia numerosus ab Hispanis deletur, id effectum est vt vrbes communis fuerint, & ne qua vnquam se postea dederet, pessimi exempli trucidatione deterreretur.

D E L P H I.

SE Q V V N T V R Delphi, non illi Apollineo oraculo, sed Cercalis potus prima post Britannicum zythum laude, inclyti, & quidem tanto magis inclyti, quanto illi propter rei friuolæ, mendacis & vanæ existimationem celebritate hominum magna floruerunt; at hi ex vsu & commodo ad corporis alimoniam vitæque ministeria necessariò eam sua industria gloriam quæsiuerunt, vt vix aliud poculum, quàm quod Delphorum cortinis concoctum fuerit, passim expectatur, adeò vt vix alio exotico zycho bona Flandriæ pars vtatur, & cum Zelandia potior Hollandiæ tractus: quæ res ingens operæpretium ciuitati & negotiationi momentum adfert, tot passim tabernariorum & cauponum millibus, ordini honestissimo coctorum ceruissiariorum (qui Reipub. illius neruus est & columen, & trientem ferme ciuitatis constituit) obnoxij & tantum non addictis nexisque. Vrbi nomen dedit perpetuus fossæ alueus, immensa opera ac labore, ne dicam nunc impensa, ceu ad perpendiculum & lineam rectâ ductus, qui viam nauibus aperit ad portum à matre, vocabulo Delfshauen nuncupatum, vbi emissario in vastum Mosæ sinum se exonerat. Opus esse Goteфриdi Lotharingi, cui dorso Nemesis nobile Gibberosum cognomen impressit, extra controuersiam est, qui non absque manifesta tyrannidis repræsentatione Hollandia totum ferme quadriennium possessa, nauali demum prælio, à Theuderico legitimo Principe superatus, imperium iniusto titulo occupatum amisit. Is verò vt erat strenuus bellator & consilij maturus, perspecta loci natura, quam stabiliendis rebus suis perac-

commodam

commodam cernebat, iaciendis eo loco vrbs fundamentis animum adiecit, & metatis finibus condidit ante hos annos ferme quingentos. Eadem post sustentatam fortiter obsidionem, Alberti Bauari immitti imperio mœnia cum turribus demoliri iussa fuit, quæ postmodum recidiua surrexisse comperimus. Hæc eadem ceu quodam fortunæ excelsis inimicæ ludibrio iactata, anno CIO IO XXXVI. ante diem V. NON. MAII, luctuoso, sed fortuito incendio (quod igniti cineres, violento procellæ turbine rapti excitant) miserè deformata fuit, periclitata etiam in fauillas tota cadere atque consumi. Verùm ea suis è cineribus veluti Phœnix, cui bustum suum, vita est, speciosior longè nitidiorque extitit, vt mirari desinam aurum purissimum atque obryzum ignis experimento pulchrius emicare, siquidem vrbs facies quàm antè splendidior multo est, ædium prope regaliū magnificentia cum paucis comparanda, quarum intestina materia & penetralia tanto nitore fulgent, sic affabrè expolita sunt, vt nihil adijci ad laudem posse videatur. Porro quia memini Ciconiam vicem nutritionis parentibus senio grauibz rependere (vnde pietatis cultrix non immeritò dicta est à Petronio Arbitro, vnde etiam Ciconiaræ legis nata parcemia) venit mihi in mentem haud præterire silentio ostentum, quod tunc temporis obseruatum illic ex fide testis oculati, vnus ex Huterijs familia fundatissima clarissimaque retulit mihi & scripto quoque consignauit insignis poëta Cornelius Musius, Agathensium Virginum Antistes, non indignum quod inter rarissima exempla in posteritatem transmittatur. Ciconiam à pabulatione reducem, quum flammæ nido imminentes certo exitio pullo- rum videret, conatam modis omnibus eos grandiusculos, inuolucres tamē, eripere medijs ex ignibus, tandem desperata omni ope, & quasi conclamata, passis alis in nidum se præcipitem dedisse, pullisq. toto corpore obtectis incumbere visam fuisse, velut deposita vitæ spe ultro cum charissimis pignoribus mortem oppetituram. Miraculo rei &

Anno 1536.

pietatis honori rem versibus his consignare placuit.

Candida & obstreperis inuisa Ciconia ranis,

Pignora ab ardenti viderat igne premi.

Eripiátne suos, & aperta pericula tentet?

Hinc suadet pietas, vitæ amor inde vetat.

Hanc luctam pietas generosa diremit, & urna

Esse cadem, & sobolis vult Libitina sue.

Iam minor Assyrium Phœnicem fama loquatur,

Viure quæ busto querit, at ista mori.

Delphorum ædes vetustior, quæ & primaria est, ad ostentationis arcem nunc aspirat, opere sculptili, præcipuæ artis aræ marmorea, cui non immeritò posse inscribi Zeuxidis illud existimo, Inuisurum aliquem facilius, quàm imitaturum, à Delphensi ciue, altero Praxitele, Guilermo Tetrodio elaborata, qui consumptis multis in Italia annis, nobilissimæ artis ignem, non in ferula cum Prometheo, sed memori mente haustum conceptumque ad suos attulit: quod opus ubi viderit, deierabit opinor Ausonia, artis (cuius non omnibus apertas fores illa habuit hætenus) gloriam ad Batauos emigrasse. Iamque auguratur animus, eandem Delpho laudis perpetuitatem manere, quæ olim Thespias & Gnidum secuta est, ut diuini operis admiratores vndique fama sit excitura, pari fermè omine, quo Gnidum Lyciæ urbem multos nauigasse refert Plinius in copioso illo Naturalis historiæ volumine, solum ut videret signum illud Gnidix Veneris toto terrarum orbe illustre, Praxitelis manu elaboratum. Thespias quoque (id Boeotiæ oppidum est) ita nobilitas Cupidine eiusdem artificis dextra facta, testatur Cicero, ut propter illud signum, etiam si non alia magnopere subesset causa, Thespiæ viferentur. In quo sculptore illud memorabile est, quod quum domestica plærunque sordere, sui exemplo abundè docuerit Protogenes, hunc ceu inuidia maiorem artis præstantia cunctis admirabilem gratiosumque fecerit. Huic urbi non natalem suum sed threperia nutritiaque debuit (dicendum enim id est, quando & vitia & venena nosse publicè

publicè interest) hæresiarcharum faciliè coryphæus David Georgius, humili atque abiecta stirpe editus vitriario patre, homo ut ingenio excellenti & subactò, ita rursus malè conciliato, cuius in labris (ut olim Periclis) flexanima illa Suadela sessitauisse credita fuit, usque adeo mentes hominum velut excantatas & absurdis opinionibus imbutas, quo illi cunque placuisset, circumduxisse notum est, ita ut natura nimium prodiga cumulatissime suas dores in illud monstrum effudisse censei queat, una atque eadem & venenorum & salubrium medicaminum genitrix. Lanificij & panni lanei textrina prima gloria penes hanc urbem aliquando stetit, superato Flandrico opere: unde ex præcipua bonitate & artis præstantia, pannus ibi factus, *Δελφῖς πυγῆς* / velut κορυφαῖατος eminentissimusque nuncupabatur.

L V G D V N V M.

N V N C offert se Leyda, vulgo sic nuncupata, nulli faciliè urbium Hollandiæ nitore celsura; cui si antiquum, ac proinde illustre, propriumque nomen asseruerim, tam æquo patietur animo, quàm olim, quum à Romanis impositum fuit, passa est. Lugdunum itaque dictum fuisse firmissimè asseruero, tribus adductus innixusque. certis argumentis, quibus explorari veritas solet: nimirum indubitata scriptorum fide, linguæ vetustæ vestigijs, & situ loci: quæ hic probationis instrumenta in apertum proferam, Pindari consilium etiam superaturus, qui aduersus ingruentis tempestatis metum gemina anchora nauim firmari iubet. Primum omnium occurrit Antoninus Romani Itinerarij, ut libri titulus præ se fert, auctor, si non potius ille Marcianus sit dicendus, quem Stephani Byzantij testimonio librū scripsisse comperimus, cui titulus sit alteri consonus, τὰ ἀπὸ ρώμης ἐπὶ τὰς διοσίμους πόλεις, hoc est, Itinera ab Roma ad clariora oppida: quem non absurdè suspicari licet Latinè fuisse transcriptum, ne tam superuacaneam molestamque operam, inter grauissimas Imperij occupationes & curas, Antoninum suscepisse credamus.

eredamus. Is Lugdunum, & caput Germaniarum disertè nominat; caput pro initio sumendo, & per Germanias, primam & secundam Prouincias, de quibus alibi dictum nobis est, intelligendo: neque contentus nominasse, ex instituti sui ratione à Lugduno capite Germaniarum, iter ad Albiniana castra, inde Fraiectum, denique Argentoratum vsque persequitur. Accedit testimonium Ptolemæi diligentissimi Cosmographiæ scriptoris, qui accessione vnius literæ Lugodunum appellat, (id quod in Græcis mirum non esse norunt, qui linguæ illius sunt gnari) sed ad discrimen Gallicani illius, addita voce, Batauorum; Græcè enim ita legitur, *λυγόδωνον βαταβών*. Sed de hac re plura, vbi de situ agemus. Iam verò nomen ipsum, si quis penitiùs examinet, & attentiore aure sonos literarum, vt neruorum, exigit, Lugduni appellationem non multum à vernaculo sermone dissonare iudicabit. Lugdunū enim quasi Luycdunum appellatum videtur, quòd ex arenarijs tumulis seu collibus (quos *Ἰνας* simili fermè vocabulo Graia lingua nominat) emitaret proculque se ostēderet classi è Britannia per Rhēni ostium, vtrinque talibus colliculis longo tractu clausum, subeunti, siue quòd finis & quodammodo claustrum esset collium illorum, à *Λυιγ* quo claustrum significatur; quamuis etymorum festiuis interpres Goropius noster prosperitatis seu bonæ fortunæ tumulum hac voce denotari lepidè coniectat. Hac ratione è Luycdun, primò Leygdun, inde Leydun, mox *Λeyden* / postremò etiam *Λeyen* in hominum ore consenuisse arbitror. Neque absurda ratione, ab humilitate collium, duci posse videtur, quasi *Lege dijnē* / quod Ptolemæi scripturæ affonat. Non dissimile naufragium literarum passo etiam Lugduno Planci colonia, Galliæ Celticæ inclyta vrbe, quod corruptum mutilumque in *Lyons*, auribus obstrepit. Non possum vllo pacto accedere Nouioma-go, qui à Legione quam Romani præsidio illic posuerint, nominis Leydæ auspiciū nimis extorta inuentionis lege trahit, quasi ante appulsum legionis (vt demus nunc illi relictam)

lietam) nihil eo loco fuerit. nam obsoleta illa, ad vulgarem popularemque accommodata sensum oratio, longissime ultra Gades exigenda atque exterminanda est, quæ à publico commeatu (vernaculum idioma *Gelynd* vocat) appellationis fontes reuocat: quasi paratū illic fuerit præsidarium auxilium ad perducendos in tutum receptū viatores, vltro citroque commeantes, metu Luci ob vastitatē & horrendam solitudinem formidolosi, quam ferarum immanium cubilibus latrocinijque subessorum infestam, & impetrabilis veniæ exsortem syluam & somniant fuisse, & nominatim vocitare non verentur. quæ conficta risum etiam ipsi illi Crasso, qui Agelaſtos dictus est, excutere posse putarim. adeo nullum tam impudens est mendacium, quod assertore careat. Neque vero videtur consonum, ripam fluminis, quā frumento grauis classis subibat, arboribus ita fuisse densam, vt liberam ventorum auram velis non permetteret. Venio ad tertium, quo dubitatio omnis & scrupulus tollitur, fidesque antedictis adstruitur, Loci situm, qui certissimus est index, (nolo enim mihi, vt olim Xenocrati iniurato, sine documētis isthuc credatur) qui amnē ducē sequenti, iuxta Plautinum consilium, viam commonstrabit è Ptolemæi Cosmographico abaco, cuius dimensionem qui ad calculum reuocarunt quàm cæteri accuratiùs, à Gessoriaco Morinorum, nunc Bononiæ Gallicæ notiore nomine, non alij loco conuenientiùs quadrare iudicant: quanquam ista ratio imposuisse nonnullis deprehendatur, quos inextricabilis erroris Labyrinthus inuoluit, in quibus Bilibaldus irritus, neque se explicare valens, Lugodunum nunc Septimontium, hoc est, Seuenbergum, nunc Goricomium, alibi D. Gertrudis montem, loca omnia vicina & quæ verum Lugdunum veluti circo ambiunt, diuinatione & coniecturâ (quæ adiumenta nimium lubrica sunt & fallacia) auguratur. Neq. defuit qui in Germaniæ hypocaustis, terrarum orbis & locorum singulorum mēsuram initurus, si dijs placeret, Stoflerinus quidam Traiectum esse Lugodunum opinatus est.

natus est. Cuiusmodi hominum vecordiam mirari subit, qui, non ignari se libris suis, quos abortiendo publici iuris faciunt, prostituere famam & existimationem, ut tanquam edito in theatro aut plausum mereantur, aut labem & ignominiam incurrant, tamen adeò supinè & oscitanter de locis non paruo interuallo disjunctis sententiam quasi ex oraculo proferat, ipsi quæ sint inguinis & capitis discrimina ignorantes, ut cum Saryrico loquar: quasi cumulatè promissis suis (quæ solent esse magnifica) & hominum expectationi satisfecerint, si locum aliquem nominatim citantes, non nihil saltem dixisse videantur: Sed quin calami fluxum cohibeo, atque ad illud quod per me corrigi peccatum nequit, conuiueo? cur non potius inchoatam à me Venerem absoluo? Itaque ut coronidè huic argumento imponam, & Antonini pinax excutienda, & horreorum ratio, cur item per tertium Rheni alueum, non autem per Mosam subuectatio frumenti obita fuerit, deq. Albinianis castris, enucleanda mihi erunt quædam ad confirmandam nostram sententiam facientia. Medium ergo Rheni ostium, alijs tacitum, Plinio non indictum, cui vni mansit in hæc vsque tempora proprium amnis nomen, reliquis duobus velut emancipatis atque alienam in familiam transcriptis, olim Traiectum, inde Albiniana castra, postea Lugdunum (de quo institutus sermo causæ cardinem expectat) præterlapsum fuisse, postremò in Oceanum effudisse se non procul Cattorum vico, nemo tam inuitis Gratijs litauit, qui nō sciat credatque; vel non consulto Antoninianæ pinacis oraculo; quanquam illa planissimè apertissimeque id declararet atque ob oculos exponat: quando & vetustus aluei ductus manifestum rei indicium ferat, qui licet aduerso cursu, placidus tamè atque adeò segnis, onerarias naues frumento graues è Britannia venientes accipiebat, ut inde præsidarijs castellis, quæ tum horrea nuncupabantur, annonæ quantum satis esset, suppeditaretur. Ne verò commentitium quis existimet, præsidia Romanorū per Rheni ripam disposita, horreorum nomen accepisse,

accepisse, audiat Aufonium Burdegalem, qui Rhenum alloquens in elegantissimo illo poemate, quod Mosella titulo inscriptus, eiusque fluuij laudes se vberius olim persecuturum pollicitus ita canit,

Addam praesidijs dubiarum condita rerum,

Sed modo securus, non castra, sed horrea Belgis.

Eodem vocabulo utitur & Marcellinus historiae libro 18. de Iuliano Caesare loquens, quem cogitantem in Alemannos expeditionem, eò omnes curas intendisse memorat, ut priusquam bellum inceptaret, ciuitates ante à Germanis Francisque excisas, maturè receptas, communiret, addit deinde, *Horrea quinetiam exstrueret pro incensis, ubi condi posset annona, à Britannis sueta transferri.* Credibile autem est castella in horreorum nomine cooptata commutataque, quum pax altissima & securum à bellis otium perdomitis Germanorum gentibus, Belgicam teneret, ut Aufonij versus indicant. Cur verò non Mosam subuectationis obsequio delegerint Romani, has causas reperisse mihi videor, cum propter varias plurium insularum incurfiones; Symplegadam more formidabiles, propter flexuosos littorum anfractus, qui vario maris reciproci aestui feruire & ventorum arbitrio coguntur magis, quæ tunc insulae Mattiacorum erant, & illud Batauiæ latus prætexebant, tum quòd Mosæ vasto se ore exonerantis impetus, mare faceret præruptius, maiusque periculum ostenderet, tum etiam quòd propter violentum proni amnis defluxum, naues parum promouerent suum cursum, nisi operam darent Æolij flatus: quæ omnia in medio ostio secundiora erant, præbente facilem apulum leni fluento, & mollem subuectationem conciliantibus iumentis helcyarijs, quoties restaret, aut malaciâ torperent venti. Albinianorum quoque positus, quæ ad decem millia passuum Lugduno diffidere auctor Itinerarij ostendit, attestatur clareque loquitur non aliam esse urbem. is verò interualli modus Hollandica (quæ Belgica sesquialtera proportionem excedunt) miliaria bina constituit, expedito

pediti circiter trium horarum spatio emetienda: quo loco castra fuisse Romana Albiniana nomine, extra cōtrouersia aleam est, editiore in cliuo, regione, tēplo, quod ibi visitur, sacrâ: quæ ante annos quinos videnos reclusa inter effodiendum, lapidem quadratum retexit, cum hac inscriptione, O ADELART. D. IIII. NON. AVG. Ea verò ab Albino quopiam cohortis præfecto nomen fortita, nisi quis ad scripturæ periculum confugiens, Alpheniana (proximior vocis origine cum vulgata nomenclatura) scribi debere contendat, ut nomē fortè traxerint ab Alphenio Varo Batauorum ductore, cuius meminit Tacitus lib. 18. his verbis; *Accessit recens auxilium Varus Alphenus cum Batavis.* & in Othone Plutarchus, ἐπήγαγεν ἑαρος Αλφηνος τῶς καλεµένες βατάες; id est, Immisit in gladiatorū manum Batauos Varus Alphenus. Quæ testimonia eò adduxi, ut si cui probetur magis altera denominatio, habeat in promptu quibus se tueatur exempla. pagus enim, qui insignis est hac ætate cespitum bituminosorum fodinis & mercatu, Alphen dictus est; quod ipsum non multum dissentit ab Albino. facilis namq. deflexio est aut transitus ab Albin ad *Alfen*, inde *Alfen* vel meliore scripturâ *Alphen*. Fuit enim vetusta & prænobilis Romæ Albinorum familia, quod Iulius Capitolinus in Clodio Albino commemorat. Sed hanc litem controuersam indicasse contentus, nihil quidquam definio. Porro ex fluminis & maritima opportunitate, portusque vicinia, ingens commerciorum vsus & negotiationis momentum ciuitati huic accreuisse verisimile fit, nondum obstrueto fluminis ore per arenariorum collum iniuriam. Vrbi adiacet Romæoburgum in hunc vsque diem, appellatum à Romanorum præsidio, ut prima fronte nomen præfert: locus olim Martijs viris, nunc virginum Vestalium cœtui dicatus, varijs antiquitatis monumentis clarus, quæ magno numero eruta ante sexagenos amplius annos refossis fundamentis fuerant, in quibus duo leonum ex ære conflata signa, cum Dæa Pallados hominibus illis ignoratâ simulacro, & nominis

Alphen.

Romæoburgū.

misrata argentea æneaque Antonini, Neronis, aliorumque
 complura, quæ sibi donata abtulit Maximilianus Cæsar,
 anno CIS. IS. VIII. vnâ cū ossibus giganteæ staturæ ho-
 minis, cuius sola tibia æquabat mediocris viri crurum cum fe-
 more ad usque inguina, cuius lorica humeris circumposi-
 tam, at ærugine adesam diu se asseruasse testata mihi fuit
 cœnobij antistita, pia & cordata anus: quæ mihi etiam lo-
 cum infamem illusionibus dæmonum, atq. inde in religio-
 nem stolidæ turbæ conuersum, digito demonstrauit, in quo
 thesaurum hactenus intactum occultari & à nigrâ illâ dæ-
 monum gente asseruari, cum præsentē fossorum noxa, per-
 suasio vulgi mentes imbuir. Inter cætera cimelia satiri vi-
 roris gemmam (smaragdum vel certè iaspidem fuisse suspi-
 cio est) iuglandi nuci propemodum parem interuertisse
 Gaesbecanus dynasta ferebatur: phialam heminæ vini ca-
 pacem, opus elegans, sed figlinum, Hippolytus Frisiæ Præ-
 ses non sine precibus obtinuit. Vidi illi. & imbrices ita in-
 scriptos, EX. GERM. INF. Vidi & nomismata IMP. DO-
MITIANI GERM. COS. XII. item Neruæ, Traiani,
 Tiberij, Claudij Cæs. cum Cerere Aug. Anastasij cum Vi-
 ctoria Aug. ex auro. Q. Curtij Ruffi, aliaque. Lampadem
 æneam, quadrifidâ (quæ in quatuor veluti guttos exit vnde
 ellychnia flammam vomebant, & in quaternas columnas
 circinatum cœlum excipientes assurgit) isthinc repertam as-
 seruat, & expressam operâ pictoris communicauit, vt hinc
 apponeretur, Cornelius Nicolaus Aquanus, homo antiqui-
 tatis studiosissimus, de quo & antè sermo mihi factus est.
 Cæterum eam arcem imperitum vulgus *Rodenburgum* no-
 minauit aliquando, ab imbricibus tegulisque rubeis, quibus
 contexta fuerat. Lugduni mediâ ferè vrbe in accliu vnde-
 cunque tumulo, editiore loco, Pyrgus extat, Burgum patria Sic Burgi.
 lingua vocat, circinato mœnium ambitu, fornicibus arcua-
 tis, quem ab Engisto, circiter quadringentesimum à Christi
 natali annum, exstructum, quum heros ille consilio manuq.
 potens è Britannis victor domum redisset, sunt qui chartis

prodidere: locum habitationi ineptum, quòd domicilijſ ca-
 reat, medium omne ſpatium pomiferæ arbores occupant.
 In coputeus altiffimus & peramplus viſitur, quem credu-
 lum vulgus fabulatur cuniculum habuiſſe peruium ad ar-
 mamentarium vſque Romanum propè Catuicum, de quo
 alibi nobis ſermo eſt. Quod commentum facilè conuicerit
 tractus ille totus vlginoſus & pratenſis; qui vt eam ſubter-
 ranei cuniculi altitudinem admittere potuerit, vt per qua-
 tuor paſſuum milia ſubter Rhēni alucum penetrarit, vero
 diſſonum videtur. Ab hoc pyrgo Burg-grauij (quæ vox ſo-
 nat Pyrgi Comites) inclytum nomen trahunt, dynaſtæ po-
 tentes olim, proprietarij Lugduni Domini, quod imperium
 & ius penes Waſſenarios incolume ſtetit, cum Rhenani ter-
 ritorij (Rynlandiam vocant) poſſeſſione, telonijs ſque; donec
 anno ci3. cc. 11. extincto Iacobo, Chriſtina filia, cuius
 tutelam occuparat Princeps, hæreditario omni iure exuta
 eſt. Lugduni poſſeſſionem (quæ ob cōciſas Comitſ literas,
 iniuriæ nomine, adempta fuerat) beneficio piæ Principis
 Iacobæ, familiæ reſtitutam, recepit ad ſe Philippus Burgun-
 dus; à quo in Comitijs publicè, intrepido & ad truculētiam
 composito ore, ius auiti dominatus repetere auſus eſt Iaco-
 bus Henrici F. voti inualidus aduerſus potentiorem, obti-
 nuit tamen quædā iniquis, vt fit, legibus. Porrò ciuitas ma-
 gnificis nobilium ædificijs pulchrè exornata eſt, habet terna
 Parochialia templa; in quorū vno, cui Cuſtodem dicarunt
 D. Pancratium, Canoniorum collegium: in altero, quod
 Apoſtolorum Principi ſacrum, oſtenditur panis in ſaxum
 induratus, qui capſulæ ferreis cancellis præmunitæ incluſus,
 ad teſtandam poſteris prodigij memoriam, aſſeruatur. Id ita
 habet. Anno ſuprà milleſimum 316. in ſummâ annonæ diſ-
 ficultate, ſororem opulentam altera egentiffima in ſobole
 numeroſâ, flagitarat panis ſubſidium, ne fame interirent
 liberi; illa inficiatur ſe habere, ſancteq. deicrans Deum ob-
 teſtatur, vt ſi quid panis domi habeat, id omne lapideſcat.
 Quid multa? preces ſecuta dicitur certa oſtenti fides mira-
 culo con-

culo confirmata. Habet eadem & plateas à cœni illuuię pu-
 riores, quàm sint alibi priuatorum ædes: mediam Rhenus
 interluit: ager suburbanus brassicas capitatas mole & specie
 insignes, aliaque omnis generis olera eximia lætissimo pro-
 uentu educat. Hanc natalem terram habuit Ioannes opifi-
 cio sarcinator, genere plebeius, veterator, ingenio ad omnia
 versatili, retinctorum (quos Catabaptistas nominant) sectæ
 caput, qui per integumenta dissimulationis, artesque taci-
 tas cum insignis facundiæ armis cōiunctas, ad fortunæ prin-
 cipalis regijque dominatus imaginem prouectus, iamque
 mortale fastigium supergressum se ferens, Monasterij (quæ
 inter Bructeros Westphalõe copiosa & munita est ciui-
 tas, Episcopalis sedes) Rex nominari voluit; sed quum libi-
 dinem à Nemese facinorũ impiorum vindice, annuo tem-
 pori præscriptam expleuisset, dementis animi iustum sup-
 plicium dignâ pro merito morte exsoluit. quam rem in An-
 nalibus copiosius explicabo. Sustinuit hæc vrbs anno supe-
 riore, qui fuit 1574, à natali Christi grauem & calamitosam
 obsidionem ab Hispano exercitu, consumptis fame pesti-
 lentiaque septenis oppidanorum millibus, cuius liberatæ
 ius omne diuinæ potentia transcribi meritò debet, ciuitate
 ex hostium faucibus mirabilem in modum ereptâ ac con-
 seruâtâ, ad stagnantium aquarum (quæ Lunaris æstus motu
 concitantur & crescunt) incrementum, accedente Panici
 timoris occulto impetu, quo fortissimus quisque ex hosti-
 bus perculsus & animos & vitam pariter amisit, præcipitem
 in fugam compulsus, desertis castellis omnibus.

A M S T E L O D A M V M.

N V N C ordo seriesque ipsa admonet, vt Amstelodamo,
 nisi turpiter præuaricari velim, operam dem, cuius famam
 in illustri positam, vtrunque mundi cardinem transcendisse,
 quis aded vecors qui non credat? Nomen illi ab Amstela
 amne accessisse, tam indubitatum est, quàm quod maximè:
 quin & paruissè olim Amstelijs, familiæ amplissimæ & im-
 periosissimæ

periosissimæ constat. Emporium est longè celeberrimum, copiosum, viris pariter & opibus præpotens, in intimis sinibus Batauici faucibus positum, præter naturæ munimentum, etiam operibus pro loci genio non inualidum, paludoso minimeque firmo solo conditum. quæ causâ est cur ædificiorum fundamenta incredibili impendio iaciantur, adactis per fistucas trabibus arboribusque ingentibus, aut substratâ materiâ per sublicas connexâ: putanturque fundamentorum impensæ subinde reliquam structuram æquare, ne dicam excedere. Equidem existimo nullum aliud toto terrarum orbe emporium frequentioribus classibus corbitarum & onerariarum nauium adiri, quàm Amstelodamum; ita ut ad hanc Crotonæ cætera emporia nihil sint. Memini namque olim ad trecentas naues onerarias frumento aliisque Scythicis mercibus ac Cimbricis saburratas, intra octidui spatium & appulisse, & onus magnâ ex parte expediuisse. Quaternis emissariis opportunè ductis vrbs interluitur, quæ sordium colluuiem reciproco maris æstu exonerant; aquarum, quæ silente plenâque lunâ aut tempestate auferunt, incrementum excludunt, nauibus tutissimum receptum præbent. Hanc urbem Giselbertus Amstelius (in cuius stirpis fide & clientelâ oppidanos quondam fuisse prædixi) ante annos ducentos & sexaginta plus minus, communiri propugnaculis, portis, turribus, pontibusque publicijs fecerat, extincto Ioanne Principe: quare & ipse inuidiæ incendio conflagrauit, & res oppidanorum in discrimen adduxit. Nam exasperati eâ inuidiâ & offensione popularium animi, & ceu ad restringendû commune incendium concitati, adiuuantibus Caninesatû studia Frisij finitimisque, facile deiecerunt flammisque concremarunt munimenta aduersus vim & furorem infirmiora, quâdo hæc, quantumvis sint Cyclopica, accedat licet natura loci inexpugnabilis, furori Martio obfistere non valeant. Postea ad annum 1482. muro cingi cœpit. Hæc est illa Venus Anadyomene, quam falsis è fluctibus os exerentem comasque explicantem designare

Giselbertus
Amstelius cō-
ditor Amste-
lodami.

signare voluisse videtur Apelles. Hæc tanta exterorum affluentia, superiore tempestate ante fatalē istam temporum iniquitatem, inundauit, vt pomœria vrbis hemiolio porrectiora amplioraque facta, breui nihil vacui visura fuerint, si rem ex vñ futuram Senatus iudicasset. Hæc est, quam iurè Belgica (facto semel atque iterum malignioribus præsertim annis rei periculo) *cellam penariam*, vti de Sicilia Cato ille sapiens iudicauit, atque ad eò *horreum suum* agnoscat & vocet; quam rem Acrostichide signaui, adiunctis laudibus tali emporio dignis, quam hoc loco non alienam duxi adscribendam.

Aureus, vt perhibent quondam ab Ioue perpluit imber

Magnificis turgentem opibus Rhodon: horrea Romæ

Sicaniam esse Ceres victuro munere cessit.

Torsit & huc oculos facilis Deus ipse benignos,

Et me matam opibus iussit, florereq; rebus

Latæ: at circundor aquis, pigraq; palude

Obsita: roboreoq; solo stant culmina nixa

Depsæta aliè trabibus, surgentia cælo:

Altèrnanq; statis vicibus maris ætus aperti

Mænia subcingit, qua parte exotica puppes

Velisera inuectant onera, exportantq; frequenti

Mercatu, Hesperias quâ se demittit in vndas,

Barbaraq; Eoüs pandit quâ littora Titan

Expedit, quos nostra tamen non arca verrit,

Legifera cumulos Cereris, genitalia dona.

Argara prouentu tanto non farris abundant.

Inferior fuerit, vel Momo iudice, mecum

Contendat locuplete penu si Trinacris ora;

Æqualeisq; ferax non Africa stipat acervos.

Horreum & agnoscit me non malè Belgica felix,

Omnigenas vt opes, sic vite alimenta ministro.

Ecce vt quis satura similem me dixerit aluo,

Robore defectos succum quæ didit in artus.

Eximia hinc ad eò Caesar me ferre Coronam

Virtutis decus, ac munus spectabile iussit.

Materiem at linquo scribendi vatibus amplam.

Hic contubernij necessitudo nationibus omnibus ex æquo patet, de ea ut dici possit, quod de Hecale Callimachus Cyrenæus dixit, eam habere φιλοξενίας σέρος ἀκλήσιον, hoc est, ianuam hospitalitatis nunquam obleratam : hic enim videas stabulari Italos, Hispanos, Britannos, Scotos, Gallos, Sarmatas, Cimbros, Suiones, Noruagos, Liunionios, Germanos, & si qui alij Septentrionali sub axe latent. Hæc forum est & institoria officina Mercurij illius Lucrionis, qui virgâ suâ quam manibus gerit, mercatorum animos moderatur ac regit, hos ad præsentis emolumenti & expectati fœnoris vitam ab Orco reuocando, illos per iacturam & cum nominibus dispendia, perque æs alienum ad Tartara demittit. Sed ut ignis beneficio bonorum quoddam copię cornu emergit, ita eodem nihil damnosius est : ita eundem Mercurium ciuitas ista & propitium sensit & infestum; nata est enim & creuit secundo illius numine, sed eiusdem artes & vafrities illam Gradiui furori obiecerunt, hinc intestinis ac furialibus odijs subditos aduersus Magistratum exercendo, hinc factiosam & consceleratam Retinctorum, qui Anabaptistæ vulgo audiunt, colluuiem (quæ ad modum pyxidis illius Hesiodicæ Pandoræ, malorum omnium mare in orbem diffudit) ad feralia arma, & nefaria latrocinia in exitum atque interitum florentissimæ vrbis comparata, immittendo, quando lucifuga illa gens, nocturnis cœtibus assueta & verè tenebrarum maniceps dicenda, armata per tenebras flagitiosorum atque facinorosorum hominum cateruâ forum illiq. imminens vrbis palatium occupauit, auxiliariam eiusdem conditionis & sicariorum, quos vitæ prodigos cum egestate animus conscius exagitabat, manum opperiens. Quo tempore mactatorum aliquot ciuium, & ex Consulibus vnus Manibus, parentatum est occidione & supplicio consccleratorum sentinæ vrbis, & restinctâ conspiratione, conqueiuit incendium.

G O V D A.

GOVDÆ in nomine idem fere vsuuenire video, quod amantibus solet, qui dum somnia sibi fingunt, Tantali hortis frequēter frui se autumant, fugitiuis scilicet bonis: quando hi à Goudâ aureâ quâpiam, si dijs placet, Phryne, loci dominâ, nomen sumpsisse existimant: illi ab auratis, ne dicam aureis bracteis lamellis ve, quibus turris insigni gloriofæ magnificentiæ exemplo, & Romanæ æmulo, olim fuerit contexta; quando & Panthei templi ab Agrippâ exstructi tectum laminis argenteis opertum fuerit, & Capitoli tegulas æreas Catulum inaurasse prodiderit Plinius. Ego verò *Gouu* quid? illam à Cimbrica voce *Gow* originem suam trahere arbitror, quæ & aggerem fossæ siue aquagio obductû, & ipsum quoque aquæductus alueum denotat. Situs eius est ad Iselam, qui ab Itala in quem Rhenus diuertigio Drusiano confluit, alius est planeq. diuersus, imò potius elix quidam ac diuerticulum fluminis è fossâ perpetua, per Traiectenses Vianam versus deducta, corriuatum, quod primò Iselstenum adit, inde Monfortiû petit, mox Oudewateram perlabitur tenui & vadoso alueo, deinde Goudam præterfluit magno aquarum auctu copiosius, demum iusto amni par è regione Iselmondæ pagi (quod Iselæ os, hoc est, ostiû sonat) in Mærouwam decurrit, vbi exæstuantis maris accessu augefcit, ac sæuientis pelagi in morem fluctibus surgens nauigia iactat, & quidem atrociter, præsertim vbi aliò ventus, aliò vndæ præcipitant. Vrbs est copiosa & rebus omnibus affluens, ob fluuij portûsq. opportunitatem, quæ pylori vicem in corpore humano obtinet, quando intermedia intercipit quicquid Hollandia, Brabantia, Zelandiaque mutuis necessitatibus submittit. Fundamenta eius iaci cœpisse ad annum à salutifero partu millesimû ducentessimum sexagesimum secundum, Annalium fides tradit. Arcem in ea, vt & Scoenhoniæ, extruxit Ioannes Bulosius Comes, permissu genitoris sui Ioannis Hollandiæ Principis, institutis

utrobique telonijs portoria & vectigalia exacturis, laude, si dijs placet, cum Aristide communi dignandus, quem primum omnium Græcis, qui ad id tēporis ab oneribus eiusmodi fuerāt liberi & immunes, vectigalia imposuisse commemorat in Arcadicis Pausanias. Ea arx admirabili fabricā constructa ut tutissimum aduersus pericula perflugium, destinata est per Hollandiæ Proceres atque Ordines tanquam gazophylacium & conditorium asseruandis diplomatibus priuilegijsque Principū Hollandiæ indultis. Nulla vsquam urbium, propè dixerim cum fidei periculo, vel felicitiora vel frequentiora producit alitque plantaria, non vicinis modò Belgis, sed longè diffitis quoque regionibus expertita, quibus & quicquid vacui soli intra murorum ambitum est, occupatum visitur, sed & ager omnis suburbanus, qui extra pomœrij coronam iacet, abundat, tametsi depressius sit aquosiusque solum omne. Templum haud scio an alibi spatiosius sit atque amplius, quod anno quinquagesimo primo post sesquimillesimū à Christo nato pridie Id. Ianuar. cœlesti igne conflagrauit, prodigio haud dubiè diuinitus factō inter arundineo tegulo constrata vndecunque tecta, quæ templum ambiunt, sed intacta tamen à fulminis afflatu: quod ipsam magnificis operis atque impensis reparatum indies, superiorum temporū splendorem & amplitudinem obscurat longissimeq. superat. Forū habet augustissimum ouali prope modū specie, cuius è medio, ceu centro, existit Prætorium, iuridicundo, habendo Senatui, obeundis vrbis munijs destinatum ædificium, cuius pars ima dicata in acello, columnis suffulta, atque opere fornicato concamerata, singularem architecti vrbani industriam demonstrat. Illud in primis silentio à me præteriri nequit, quòd nullum totā vrbe exstet domiciliū, quod nō præterlabatur aquæ alueus, ita collicijs riuorum vndecunque diuisa est, æmula prope modum in hoc Venetæ vrbis eiusque exemplum futura, si perinde ut illa aperto æquori opportuna esset atque pateret. Hactenus maiorum (ut ita dicam) gentium ciuitates, Hollandiæ

landiæ columina, stylo utcunque depinxi, præcipua obseruationis lumina complexus, viam quandam ad reliquâ historiæ cognitionem, quæ in secundum tomum reijcitur, lectoribus pandens, & veluti facem præferens subsidiariam, diuerso, quàm Nauplius, consilio, ne in Capharetos ignorationis scopulos incurrant. Nunc ad minorum gentium oppida, muris pomœrijsque clausa, inde ad municipia, quæcunque Hollandici iuris censentur, bonis auiibus accingor, à Cistrhenanis Frisijs sumpto initio, inter quos prima occurrit Enchusa in extremâ quasi speculâ Hollandiæ posita, vnde tempestas, si qua à Cimbris aut Frisijs Transrhenanis nunc amicis & socijs fœderatis (quod expectandum non est) ingrueret, prospectanda foret.

E N C H V S A.

E N C H V S A nomen à singularibus ædificijs, quæ rara principio, in vici modum, post densiora accreuerunt, accepisse autumant: id namque sonat, *Enckel huyssen*. Oppidum est elegans, naturâ loci munitum, maris furori obiectum, quem in extremo terræ margine sitû despicit, opibus quas mari peperit fortunatum, lateritijs plerisque domicilijs ornatum, paucioribus ligneis, ob incendiorû periculum, quæ semel iterumque olim experta metuit. Constat ex Annalium fide circa annum salutis CIO. CC. LXXXVII. iniecto igne per Herculæum Heroëm & Puteanum hostiliter inflammatum conflagrasse. Muro cingitur & turribus, nisi quâ Frisiam prospectat, vbi inexhaustis sumptibus agger per mare ductus ex algâ, materiâ ad repugnandum mari conuenientissimâ, in speciem portûs, capacissimum alueum recipiendis onerarijs nauibus includit. Est & alter portus nauigijs, cui turris valida imminet, in quâ elogium extat disticho clausum à me tum puero, in marmore incisum, quod memoriam seruat insidiarum à Carolo Gelriæ Duce comparatarum, ad inuadendum opportuniissimû inquietandæ Hollandiæ portû, ad annû à salutifero partu CIO. IO. XXXVII.

Enchuse etymon.

Enchuse incendium.

Portus nouus.

Alter portus.

Enchuse insidijs per Gelros tentata.

obseruato accommodo gerendæ rei tempore ; quando plaræque omnis iuuentutis & ciuium pars nauigando occupata abest, immiſſa ad id tentandum per duas naues cohorte expeditorum militum, subſecuturis mox alijs, ad primũ collucentis flammæ edendum ex conuento ſignum. Diſtichon haud otioſis à me verbis expreſſum, vt ibi legitur, & literis numeralibus, ita habet.

EnChVſaM InſIdIls taClIls ſVb noCte ſILentI

obrVere adnIXa eſt geLrICa perſIdIa.

*Sal factitius
apud Ench.*

FourFeren.

Oppidum iſtud factitij ſalis gloriam affectat, numerosis admodum longo ſecundum aggerem tractu exſtructis extra mœnia *teſtis Salarijs*, in quibus ſtrues ſalinarum aggeſtas videre eſt, ſudantibus noctes diesque operis. Oppidani homines gnaui & induſtrij ex Armoricis ciuitatibus ſalem, ſed aſperum & pullum, corbitis deuectum, cortinis amplis excoquunt, aſſuſa marina, quæ nonnihil inertem mitemque guſtui ſalis ſaporem corrigendo exhibet, ac candorẽ menſis cibisque gratum arte cõciliat, quamuis ex atro fumo, quem ceſpitum bituminofa materia euomit, teſta tota fuliginem denſam & atrorem imbiberint. Noſtra enim regio tametſi opportuna habeat cataſtarum clauſtra, quibus ſalſæ maris vndæ commodè admitti queant, vt fieri ſolet in Italia Gallijsque, deſtituitur tamẽ acribus illis æſtui Solis feruoribus, quorum perneceſſarius ad durãdos latices uſus requiritur, vt in coagula concreſcant cruſtæ glebæque ſalis, aut in minutos grumos ſiccentur. Ab his diuerſum conficiendi ſalis morem apud Hermunduros (qui Cattoſ, vnde nobis origo, pepulerunt) receptum tradit Tacitus, quo ardenti arborum ſtrui aqua inſuſa denſabatur & igne concreſcebat, pugnâ quadam elementorum ignis & aquæ. Quin & maiores noſtros accepi in peculio ſuo, hoc eſt, genitalibus terris, ſalis natalis coluiſſe diligentius, antequam corbitis aperto Oceano Armorici & Hiſpaniæ frequentari cœperant, tum namque e glebis uſtis & in cineres verſis opimo quæſtu ſalem conficiebant, non ſalo, nõ ſalinis (quarum inuentum Anco Mar-

*ſalis conficiẽ-
di mira ratio.*

*ſalis confe-
ctio vernacu-
la.*

*ſalinarũ in-
uentor.*

tio tri-

tiotribuitur) vsq; & in adiacètes regiones huberrimo compendio eum deuehebant, qui aqua affusa splendidus nitebat, *Siltfont* popularium idiomate dictus, quod è glebis falsilagine imbutis arte extractus esset, ad quem quæstum ita plæriq; passim calluerant, vt agrorû sumen omne (quippe in summa eorum vilitate) exhauferint, vnde multi natum augurantur quod solum infinitis in locis redditum sit depressius humilisque. Adde quod è bituminosis cespitibus subterraneis (quos alibi *Darias* vocari admonui) cinectis, falsâque perfusis, ætas auorum elicuisse cognoscitur, quæ nunc ars exoleuit, & in desuetudinem abiit, ob affluentem salis copiam, quam Gallix Hispaniæq; subministrant. Hoc oppidû *Neptunium* iurè dici queat, quod fatali illâ & haud scio quâ immutabili sempiterni ordinis lege, maris quoddam imperium & classium agitauerit, propitio *Caroli Cæs.* & *Philippi Regis* studio atque fauore, quando vterque non alijs temerè nauibus vitâ suam, hic in transmittendo Oceano, ille in suscipiendis expeditionibus, commiserint. Atque hinc felici augurio cœruleum scutum (vti *Sex. Pompeius* eiusdem coloris paludamentum sumpsisse cum *Neptunij* agnomine legitur) cum duabus stellis inter haleces interiectis, vice insignium præfert, quod halecû modo maria sulcet, non sine certâ vtriusq; poli & siderum cursum moderantium cognitione. Ab *Enchusâ* *Hornam* rectâ iter ducit.

H O R N A.

HORNA duûm milliarium interuallo dissidet ab *Enchusâ*, genitale mihi solum; quæ vnde nominis auspicium traxerit, liquidò discere non potui, quare pro vero atq; explorato non sum adscripturus, ne primordium augustius fortassis extudisse patriæ magis amor, quàm rei veritas videatur, quando improbi id esse hominis puto, mendacijs fallere atque illudere, quo in gratiæ ciuitatis opinionem irrepit. Crediderim tamen à sinuoso portu & oblongo in modum cornu incuruati (cuiusmodi portû ab eâdem specie etiam

*Hornæ ey-
mon.*

cie etiam Græci *κέρας* attestante Moschopulo nominant, & *cornu portus* Cicero, sed paullo diuersius dixit) *Hornæ*, quod *cornu* sonat, nomen mutuari cœpisse; cuiusmodi certe portus species in hodiernum vsque diem isthuc visitur. Alij sortem nominis datam à diuersorijis tribus, non procul ab emissario, quod Culam, à fossæ vocabulo vocant, positis oppidi primitijs, contendunt, inter quæ præcipuum pro insignibus domus Cornu ostentabat, quo traijcientes exteri hospites accipiebantur, quod ipsum firmissimâ parietum crassorum compage exædificatû, in medio oppidi foro, vbi mercatus est, huc vsque extat. Neque verò militaris gloriæ prærogatiuam, quæ lituo classicove (vtrunque vernacula lingua, *cornu*, vocitat) aut cornuum concentui debetur, huc aduocare velim, quasi patriæ in alto recessu extra armorum strepitû positæ, nominis origo inde nata fuerit, tametsi pro insigni suo oppidum eiusmodi classicum præferat. Vt cunq. res se habeat, haud equidem magno in discrimine pono: Id saltem constat, vt exigua rerum omnium sunt initia, circa annum salutis *crlv. ccc.* cœpisse ædificari primûm & frequentari locû, quum eò in sinum Danica nauigia crebrius appellerent cum bubulo pecore ad mercatum, quo ab eo vsque tempore nobilis locus est, quippe quem frequentes armentarij celebrant, primo aquilone, eurôve flante sub Aprilem mensem, quo solent è Cimbrica Chersoneso oram soluere Danorum lembi. Eâ autem in opinione sum, quòd credam antiquitus cum delectum fuisse locum bubus ob pascuorû, quæ sunt ibi herbidissima, opimitatem & commoditatem, adeoque dum attentius pueritiæ memoriam recorder, à patre meo Petro Iunio, eius vrbis tum Consule, intellexisse memini id ipsum sibi à proauis suis olim fuisse narratum. Inuenio in Annalibus ædiculam illuc extitisse ligneam Diuo Cyriaco custodi, cuius tutelæ dicatum est oppidum, sacratam, quæ extra aggerem maris appulsui oppositum fortuito incêdio arserit, tricesimo circiter anno postquam ædificari cœpta fuerat. Hæc Frisiorum minorum qui

Dani quotannis cum bubus ad mercatum Hornani veniunt.

Horna metropolis Westfrisiae.

Frisiam

Frisiam occiduam, siue Cisirhenanam habitant, metropolis & primaria ciuitas audit, nobilis præfulatu Decani, quem occidentalis Frisix vicarium Traiectenses olim submittebant, qui nunc ad Harlemensem antistitem translato honore se refert: Ei vicaria illuc sedes olim magnifico opere & impensis ingentibus educta, Præposituræ nomē etiamnum representans, superest. Oppidum est copiosum & cibariæ lactariæq. rei affluentissimum, quod ex semisse mari alluitur, reliquam partem amœni agri & læta pascua cum pagis minimè obſcuris ac locupletibus cingunt: plateas habet peramplas, quæ decus & ornamentum præcipuum solent addere vrbibus. Portum habet tutum & tranquillum in interiore sinu, cuius cōmoditas magna est, olim maior, quando opposita portui & oppido insula cum pago, cui *Dampta* Dampia pagus. nomen in eo sinu, vim & impetum maris ab Africo imminente excipiebat auertebatque: cuius pagi reliquias, vtenſilia, lebetas, & ahena grauis ponderis, puer memini in turbulentâ tempestate, quæ marinas vndas difflarat penitusq. dissiparat, calcabili tum maris solo, in oppidum fuisse composita à nonnullis proiectæ audaciæ ciuibus, quos præda in vitæ periculique contemptionem elicuerat. Hornam nobilitant menſarum delitiæ, porculi marini, non aliter quàm Lucrinum lacum ostrea, quorum nusquam gratior palato efus. Nobilitat eam & siferum lætissimus prouentus, quæ radices bulbosiores ad pastinacæ modum in delitijs habentur ob præcipuam generositatem, *Hornanæ* inter olitores dictæ: quarum esu tantopere delectatum Tiberium Principem memorat Plinius, vt omnibus annis è Gelduba castello Rheno imposito Romam ad se peruehi mandauerit.

A L M E R I A.

ALMERIA, siue vt vulgus nominat *Alcmaria*, tribus milliaribus Horna abest, finitque Canineſatum ditionem: locus vndecunque fermè varijs & ingentibus lacubus circumdatus, in quos defluxus riuorum è collibus arenarijs li-

N. n.

quentium.

Meer.
Almeria ety-
mon.

Circum Al-
meriam Lacus
quindecim.

A, articulus.

quentium decubuisse crediderim, ita ut nomen illi imposi-
tum haud dubiè sit ab vniuersitate lacuum, quos lingua
Cimbrica *Meeren* nuncupamus, ac si dicas *Al-meer*. Ex his
decem numero lacus didici per emissaria, appositis hydro-
mylis, & deuatis collinis aquis, certâ compendij spe, iam
exsiccatos partim Egmondani, Brederodijque opibus, par-
tim priuatis Theudericus Teylingij Quæstoris aliorumque
ciuium sumptibus, quorum hæc sunt nomina, ut etymi fi-
dem confirment ac comprobent, haud temerè à me prola-
ta, Bergensis, qui mille ducenta nostratia agrorum iugera
cōtinet, Daelius, Veronensis, Suinius, Bouclerius, Heyloën-
sis, Grebberius, Templinus, Agillarius, & Posticus Lacus:
superfunt quinque, Diepius, Voerus, Scermius, Biemsius,
& Waerdus, quorum siccandorum cōsiliū & voluntatem
intercipiet atq. abrumpet cū immēsa vastitas, tum pesca-
tūs commoditas vtilitasque. Neq. verò aliter scriptam hanc
vocem inuenio in vetustis Præsulū Traiectinorū tabu-
lis, quæ Almeriam scribunt. Sunt, qui existimant vocabuli
compagem si dissoluatur, nō aliud sonare, quàm, *liquentem
lacum*, aut *colliquias*, a *lec meer*, ab aquarum collinarum, ut
dixi, riuulis in lacus confluentibus. maioribus enim nostris
articulus, a, receptus fuit & vsitatus ante substantiuas voces,
cuius loco inoleuit, *een*/ quod numerale est & vnitatis signi-
ficatiuum. sed quàm benè, nescio: quem articulum & κτήσ
& χφσε retinent tuenturque Britanni vetusto iure; & re-
ctissimè, veluti quum dicunt, *a ringe*, & *one ringe*, illic An-
nulum notant, hīc vnum Annulum. quæ differentia in no-
strate linguâ confusior est, & meliore ratione ad priscum &
sincerum vsum reuocanda atque asserenda videtur. Sed
parergon istud esto. Insipida verò eorum est oratio prorū-
que blitea, qui nominis etymon ad aleces pisces, de quibus
copiosè institutus nobis antea sermo fuit, referunt; quasi
Latinam vocem in suam coloniam barbari homines & ru-
ricolæ transcripserint, ut fuerit aliquādo, *alecum lacus*, quos
per canalem è maritimā Egmondā aliò transfulerint. anile
prorsus

prorsus deliramentum; quod ipsum satis nequeo mirari, cur Nannius homo doctus chartis illeuerit. Almeriæ natales referri inuenio ad Agillum virum pium & à patris infantiâ alienum, Radbodi illius filium, qui pauperum Christum profitentium, cœlestis regni incolarum cœtui illudens, pedem è baptisterio, iam sacro lauacro tingendus, reuocarat. in quem non omninò absurdi in barbaro sæculo versus vetusti scriptoris hi extant:

*Almeria à
quo condita.*

*Radbodus,
Frisiorum Rex,
lauacri sancti
edificii deservitor.*

O iocus, ô dirum, & tibi formidabile semper

Elogium, Radbode, tuum post tristia fata.

Is Agillus, ad annum salutis vicesimum suprâ septingentesimum regni Frisorum habenas tractasse dicitur, Almeriamque condidisse. quod si verum est, ex antiquioribus vna fuerit. Illa verò putida est oratio, quæ ædem isthîc à Iudæis ad annum sexcentimum exstructam fabulatur. Sed quum nusquam eius in Annalibus extet mentio mœnibus circumdata, arcis tamen fundamenta ante non multos annos (quo tempore aduersus hostiles incursiones vallo fossâque cingi cœperat) refossa eiusque eruta saxa cuncti loquantur, seque vidisse Nannius ipse testetur, subit animum altior cogitatio, quàm testibus oculatis excutiendâ relinquo, fuerit ne ea arx Agilli imperio condita, & Almeriæ nomen tulerit. Oppidum (quod annis abhinc quadringentis & vno Frisij Cislhenani, transito vado, corruperat incendio) nunc ab insultu & impressione hostium vallo egregiè munitum, ædificijs splendidis abundat, re auariâ cibariâque valdè copiosum ob lacuum insignem comoditatem. Sensit ab hinc biennio post deditionem Harlæmi, ab Hispano communi patriæ hoste, obsidionem, quam sustinere oppidanos desperatio coëgit, ad audenda experiendaque vltima conseruatricem addita, siquidem ademptâ effugij spe omni, accessâ fuit pertinacia trepidæ ciuitatis præfidiariæque manus, quæ si parauisset effugium, quum primum circumfundi subitò hostilis procella vrbi cœpit, mœnia vacua & indefensa reliquisset. Sed dum oppugnatio desideratis occisisque plurimis

Verona urbs.

segniter procedit, superuenere iuges pluuiæ, quæ cum vli-
ginosi soli madore, adulto iam autumnno, turpiter obsidio-
nem soluere hostem compulerunt. Adiacebant illi, præter
illam de qua diximus, aliæ quoq. arces, ab Hollandiæ Princi-
pibus exstructa præsidia ad arcendam & retundendam fe-
rociam proteruiamque Frisiorum minorum, quæ gens in-
quies, nullis cladum exemplis satis docta, nouas semper res
moliendo agrum Hollandicū perpetuis incursionibus in-
festabat. Hæ arces ad teli iactum inter se dissidebant, quò
mutuâ ope facilius communi laborantium salutî succurre-
retur. Vtranq. excisam à Martino Rossenio testatur Nan-
nius. Non procul Almeriâ paullum ultra mille passus dis-
sitam steterisse olim Veronam loquuntur cognomines inde
campi, urbem opulentam, frequentem, & populosam, vni-
cum tunc inter minores Frisios emporium, sed magnarum
opum tenue admodum vestigium, vrbisq. bustum, tumuli
vulgo ostenduntur, è ruinis (vt suspicari libet) editiores, qui
nominis memoriam in hunc vsque diem tuentes, quâ pla-
gam septentrionalem respicit, inter Cædicum & immenso
spatio porrectum Langedicum, Veronenses campi, vt dixi,
dicuntur, frumenti feracissimi, quos pagus Pancratio sacer
attingit. Hanc primariam fuisse Frisij minoribus, gentis
caput, bellorū facem & furoris administram, credibile est,
quòd opportunissimus eius fuerit situs ad inuadendâ Hol-
landiam; ac proinde ob violatam sæpius fidem, rebellio-
nemque toties repetitam, à Ioanne Hannonio Comite ex-
cisam funditusque subuersam, & inducto aratro reædifica-
ri vetitam, memorant Annales. qui etiam nominis memo-
riam obliuione sempiternâ delere voluisse creditur; tam in-
expiabili aduersus eam concepto odio, vt etiam Britanno-
rum copias in florentis vrbis excidium dicatur exciuisse,
eamque gentis furori obiecisse, postquam proditione Con-
sulis Phobi ingressus in eam patuit; cuius monumentum
extat hodie turris in arcium, quæ vrbi vicinæ fuerunt, rui-
nis, Phobi nomine famosa, sub quâ proditorem, qui sceleris
mercedem

mercedem ocream pecunijs refertam pactus fuerat, humo obrutum infossumque fama quasi per manus tradita refert. Euerſæ hiftoriam, quam ſacrificus complexus fuit, aſſeruari in cœnobio Heiloano intelligo. Meminit eius Guilelmus Goudanus Eraſmo ſtudiorum collega, & apud Steinum eidem vitæ inſtituto operatus, in Hieronis Scoti à Danis interfecti hiftoriâ, his verſibus,

*Quos priſci Friſios olim dixere minores,
Arctos à Fleuo, pelagiq; venitis ab ora,
Tum vobis Verona caput, nunc campus & arua.*

& iterum:

*— Friſijs, ſi quando bella vocabant,
Dux Verona fuit, ac tanta gloria gentis.*

De hac cur Annaleſta cœuerint, vnum modò atque alterum verbum facientes, dum velut in tranſcurſu & obiter eam nominaffe ſatis habent, equidem nescio, niſi fortè ignorantia veri factû id ſit, aut hoſtilis odio vrbiſ, cuius memoriam ſilentio aboleri voluerint. Excidij verò, vt teſtem annum adferunt hemiſtichium notum;

ECCe Cadit Mater Friſiæ; ita publicum teſtimonium loquitur ſpatium cœmiterij titulo inſigne, vbi crux lignea poſteris ſubinde reparata, memoriæ redintegrandæ, tuendæque religioni priſcæ poſita ſpectatur. Vrbiſ memoriam vltimam tuctur ſartam tectam campanula ænea peruetuſta in templo pagi, qui *Walſenooge*/ ceu Falconis oculus, incerta mihi de cauſa nominatur, quæ Veronæ fuſam ſe teſtatur, & altera eiufdem metalli quæ Londinum tranſlata fuit. Indicauit mihi per epiſtolam inter alia multa Nicolaus Vorſtius, vir non poſtremæ eruditionis, Lugdunianæ ſcholæ moderator, ſe à grauiſ auctoritatis viro Iureconſulto Coloniënſi accepiſſe, in hiftoriâ quâ vndenûm Virginum millium proſectio è Britannia inſulâ pertexitur, narrari illas nauibus impoſitas & cœdâ tempeſtate iactatas Veronam appuliſſe; id quod de hac noſtrate Veronâ probabiliter dicitur, quòd iſtud emporium vicinum fuerit aluco fluenti

illius, quod Caninefatium terga claudebat è Rheno productum, & praterlabens Crabbedamum in mare decurrebat; ostenditurq. etiam nū apud Veronenses campos alueus decliuore solo, vbi ostiū & aditus portūs fuerit è mari appellentibus nauibus. De quâ quum ne per somnium quidem triuiale istud concionatorum genus quidquam inaudisset, fidesq. historiæ Transalpinam illam respueret, pro Veronâ Bonnam nugatoriè, ne dicam falsò interpretatur, præter rationem omnem. Huiusce emporij potentiam & nimias opes ostendunt piscationis iura, illi propria tam in lacubus, quàm in amnibus Rheno Mosâq., quæ post excisam urbem in fiscum Principis fuere conuersa, vnde in hodiernam vsq. lucem *Irona* nomine significatur portorium, quod in memoratis locis pro piscandi iure penditur. quin & ipsum territorium deletæ urbis, peculiarè seruat *Rationalem*, ab antiquo Veronensem appellatū. Vbis sigillum æri Cyprio insculptum, ita ærugine deformatum, vt nulla forma potuerit agnosci, fato quopiam ante hos octo annos se nactum fuisse scripsit ad me Vorstius, cuius paullo ante memini, quod vascularij operâ & arte defricatum, ac sequaci ceræ impressum hanc cum epigraphe speciem monstrauit: quam renouandæ vetustatis gratiâ appingere hîc libuit, in quo aquila cœlum respectans explicatis alis expressa est, cum gladio potestatis iustitiæque symbolo ad dexteram.



EDAMVM.

EDAMVM, vt nunc posteriora sæcula nominamus, maiores nostri Ydamum vocitarunt, ab Ya, seu Yda fluente olim, nunc aquæductu, primarium loci templū ambiente hætenus, qui stagnantem aquarū multitudinem exonerabat per emissarium suum communi appellatione, vti diximus, *Dam* nuncupatum. Nominis originem testatur & pagus vicinus Middelye dictus, quod in ipso Yæ meditullio iaceat. Oppidum muro fossa que inclusum, caseorum bonitate celebre, satis opulentum, portu oblongo nobilitatum, & naualium præcipuè magnificentia, quæ digna iudices vbi Hieronis naus illa, quam Alexandriam nominauit, mons veriùs quàm naus, fabricaretur; tantâ mole ac capacitate fabricata isthîc nauigia, summa naupegorum industria, in maris sinum deducuntur, vt non minore in admiratione sit horum habenda industria, quàm Phileæ Taurominitani, qui Hieroniam illam deduxit, aut quàm Dioclidis Abderitæ, quod Helepolim immanis magnitudinis machinam ad oppugnandam Rhodum adduxisset. Distat hoc oppidum Hornâ terrâ mari que spatio vtrobique pari, quod duo conficit miliaria; recedit verò longiusculè introrsum à maris Austrini, quem vocamus, sinu.

MONACHODAMVM.

MONACHODAMVM miliari vno distidet ab Edamo, ad Eurum obiectâ illi insulâ Marca nomine, tràquillio rem maris sinum sentit. Oppidum est non magnum, vallo & ali quantâ sui parte muro cinctum. Appellationis suæ fontes traxit, haud ambigua fide, à Lacu vicino, cui nomen fuerat *Monick meer*/quod *Monachi lacum* sonat; qui Lacus nunc aggerum molibus exclusus, pars sinus maris, cuius ingluuie cum cæteris pluribus absorptus est, corbitas naues que frumentarias tutâ statione accipit, defensas insulæ, quam modò nominaui, oppositu. At enim uerò haud constare sententias in

Marcken.

tias in tantâ antiquitatis ignoratione video, à Monychône quopiam (non illo Centauro, quem Iuuenalis totas ornos iaculatum fabulatur) loci lacusque domino, an monacho delubri custode vicique ædituo, Lacus nomen sortitus fuerit: verò tamen non est absonum, Monacdamum, extrito atque adeò exciso, vel per hiatum absorpto vocis umbilico, quod quondam Monicmeerdamum, fuisse dictum: nihil interim repugno meliora docenti. Retiarium enim cum Pittaco agere non est animus, ut mirmillonem circumuentum deiiciam. Nec me clam est, esse qui à monachi specie, quem insignia oppidi clauâ nodosâ instructû, ceu alterum quendam Herculem clauigerum præferunt, nomen deriuaturi sint, sed cuius historiæ testimonio id approbaturi, nescio, neque veri periculum ad me recipere stat animus. Hoc oppidû extitisse ad annum salutis CIO. CC. LXXXVII. reperiò, quo tempore Frisij Episcopo Traiectensi suppetias laturi eò cum classe appulerint.

WESOPVM.

WESOPVM, quod à Carolo postremo Gelrici nominis regulo captum & succensum fuit iniectis in tecta arundinum tegulo operta facibus, dum nimium sui confidentes ciues præfidiarium militem admittere cunctantur, oppidulum hinc muro cingitur, inde Vectâ amne, qui è Rheno Traiecti originem suam ducit, alluitur: est non pœnitendum nunc florentibus utcunq; rebus & raræ texturæ panificio, cuiusmodi leuidentiam Tullius nominat, clarum. Oppidanorum res sunt satis lautæ, ædificia pro loci conditione splendida, ad crepidinem præsertim labentis amnis. Reperiò & ad annum 1356. incendio fuisse absumptum vnâ cum vicinâ Mudâ, per Traiectensem Præsulem ex Herculanâ familiâ vnum. Distat Amstelodamo ad duo miliaria.

M V D A.

M V D A ad Vectæ amnis os sita gaudebat olim, & inani nomine oppidi fruebatur, quàm mœnibus bonâ ex parte careret; nunc portis qualibuscunq. & vallo septuin ac muris, sed humilioribus & intermedio spatio interruptis, solas domorum vicinias binas, ponte iunctas, medius interlabitur amnis iam dictus. Incolas habet plerosque omnes piscatores. Adiacet illi arx opportuna satis ac munita utcunque ostio Vectæ in Austrinum sinum decurrentis, captiuitate Florentij Quinti nobilitata. Distat Wesopo ad tria passuum milia. Mudam fortuito incendio corruptam, reparatisque ædificijs nouam, biennio pòst cremauit iterum Gelrus ante annos aliquot. Indigenæ fabellam narrant de Sirenis à se captæ & dimissæ fatali sibi elogio, quo prædixerit Mudæ nunquam ampliorem fortunam esse expectandam: de quâ qui istud commemorat Hermannus Goudanus, se fabulæ fidem non habere, cuncta interim rem satis docere testarique perhibet.

N A E R D E N V M.

N A E R D E N V M oppidum muris arduis, ijsque vitibus fermè vestitis, circumdatum, textoria officina dici non iniuriâ possit; vsque adeo plæriq. illîc omnes radio telas percurrunt & insilia calcant, aut pedibus argutantur fulloniamq. exercent; domuum structurâ & elegantîâ impar est Wesopo. Hîc iuuentutem docet Lambertus Hortensius quem Monfortium in lucem extulit, egregius Satyrographus, & Germanicarum & Ultraiectinarum rerum scripto celebris, qui istud oppidum eleganti carmine exornauit, & ab Aquilâ Imperiali, quam in clypeo suo expressam huc vsq. ostentat, nominis originem trahere affirmat. Est autem caput ditionis Goedelandæ, quam corrupta & vitiosa consuetudo Goeylandiam nuncupat, olim ab Othone Imp. eius appellationis primo, Goedelæ cœnobij Altenatis antistitæ dona-

Lambertus
Hortensius.

Goedelandæ
caput Nærdenum.

tam, atque illius nomine ceu magno auctoramento ornatam, à quâ tranſiſſe ad Hollandi Principis ius in loco beneficij annotatum legitur. Porro creuiſſe iſtud oppidum è ruinis veteris Naerdæ, quam ſolo tenus captam Traiectinus Præſul ex Herculanâ familiâ, multis funeſtus, euerterat, creditur: vbi nunc monachorum ſedes viſitur maris ſinui viciniuſ. Hoc oppidum ante triennium in fatali iſtâ & luctuoſâ tempeſtate, præter fas & æquum, contra omnia diuina humanaque iura, calamitas miſerè afflixit, quando deditione apertis portis receptus Hiſpanus miles, corruptis dolo foederibus, cuncta indigniſſimis cædibus, inceſtis, ſturpis, flagitijsque compleuit, nullâ ſacramenti, nullâ ætatis ſexuſque habitâ reuerentiâ.

G O R I C O M I V M.

G O R I C O M I V M copioſum oppidum & opulentum, nominis haud poſtremi, è tenuibus initijs ad magnarum opum affluentiam prouectum. nominis enim trahit originem à tenuium & egenorum piſcatorum, quibus calami, naſſæ, & algoſa retia, vt Theocriticis illis, opes erant, colluue: qui gurguſtia ſua ad cõfluentes Lingæ ſegnīs & cunctabundi amnis, vbi cum Vahali & Moſa confunditur, habebant, & ob inopiam ac rei priuatæ egeſtatem per cõuitium, *Gorſij*/ vernacula voce nominabantur. qui huc immigrare compulſi ſunt à ſuo dynaſtâ Ioanne ex Herculanis regulis ſeptimo eius nominis, qui locum præſidiarium antea caſtris Herculanis vicinum in oppidi faciem mutauit, muris illud circumdedit, arcem cultiſſimam, munitiſſimū & elegantis ſtructuræ opus, adiecit; idque ad annum ſalutis milieſimum ducentefimum & triceſimum. Mercatum habet quotidie frequentem, quem ingens omnis generis auium rerumque. eſculentarū affluentia & hubertas exornat, opum luxusque materia. E ſummâ templi turri, cœlo ſudo & ſereno proſpicere licet & oculis designare vicena bina oppida muris clauſa, præter pagos innumeros & villas, ſpectaculum
lumi-

luminibus gratissimum. Vicinus est illi ager Herculanus, vbi castra metatum Herculem Alamannicum, non Thebanum illum monstrorum domitorem à Græcis tanto opere decantatum, fabulantur: quæ nominis ob egregiam virtutem æmulum crediderim; quòd viri olim strenui Hercules dici affectarent, vt Reges Ioues, vt Neptuni maripotentès. quâ ratione in septentrionali Oceano Herculis columnas famâ vulgatas memorat Tacitus, siue illas adierat Hercules, siue quòd in claritatem herois referri consueuerat, quicquid vbique terrarum magnificum est & celebre. De quibus obiter, quâdo aperit se occasio, dicam quod sentio. Rupes eminent excelsa in mari septentrionali sub Noruagiâ, religione sacra, ad quam vbi peruentum fuerit, tyrones quibus mare illud nauigatum non est, statim cerimonijs inauguratos excipiunt, maloquæ nautico alligatos marinæ aspergine, quam haustro affundunt, ceu libamento quopiam expiant. Ea in hodiernam vsque diem mutilatâ voce siue ab Hercole, siue à columnâ, Col nautis indigitatur. Itaq. Altamerus erroris damnandus venit, qui Gaditanas illas columnas in boreali plagâ querit. Neque minus turpiter lapsus est Ant. Scoenhuius in epistolâ quâdam iudicium de Columnis Herculis suum interponens, dum in mediterraneis locis statuit, quod mari assignauit Tacitus; falsò etiam huic scriptori mendacij notam aspergens, quasi qui in Frisijs eas columnas posuerit, quæ in Tenteris visantur, quum in Tacito id nusquam lectum sit. sed eius verba non grauabor hîc apponere, cum vt error è multorum animis qui fidei multum literis illis tribuunt eximatur, tum vt narrationis inauditæ nouitate animos legentium nonnihil recreem, leuando tædium. ita autem scribit: *Non possum præterire hîc columnas Herculis, quas Tacitus in Frisijs fuisse magnâ celebritate commemorat, quarum reliquie in tractu Tenterorum adhuc visuntur, vico Roelden, haud procul Coeuordiâ oppido, non sine spectantium admiratione: sunt enim singuli lapides (quorum non paruus acervus est) tanta magnitudi-*

Herculis Columnæ.

Col.

Altameri error.

Ant. Scoenhuius.

*nis, ut nullos currus, nullas naues admittere posse videantur. Neque ibi fodina lapidum sunt, utpote loco paludoso, quare suspitio est illuc à demonibus, qui Hercules nomine ibi colebantur, adductos fuisse: stabant enim super columnas aræ (saxa vocant Itali, ut inquit Poëta) ad quas viuos incolæ immolabant, maximeq; aduenas, quos prius quàm mactarent, transire angustū foramen, quod sub aris erat, cogebant, transcurrentem stercore insectabantur ac petebant; quod & hodie faciunt, præsertim Brabantum nacti, unde cades oriuntur sæpenumero, Foramen illud ob ignominiā, Demonis cunnus appellatur, immolatio à D. Bonifacio sublata est. Haftenus ille, de columnis lepidam fabellā, de loco apud Tencteros merum somnium percensuit; siquidem Tacitus manifestum facit per Oceanum illas peti, vbi ait, *Nec defuit audentia Druso Germanico, sed obstitit Oceanus in se simul atque in Herculem inquiri.* Sed hac de re verborum plus satis. Distat Goricomium Scoenhouiā tribus miliaribus.*

LEERDAMVM.

LEERDAMVM oppidulum est muro clausum, ad tardum illum Lingam adfudens, ruderibus deformatum. Comiti Burano paret, alioqui nullius magnopere momenti, imò bustum quoddam.

HVECLOMVM.

HVECLOMVM ad eundem amnem positum oppidulum vetustum & inclinatum, arcem habet antiquissimam, Herculis Alamannici, si dijs placet, opus. Cuius domini ab Othone minore natu filiorū Ioannis Octaui eius nominis ex Herculanā domo, originem duxere, qui primus dominium illud à viuo patre donationis titulo accepit.

ASPERA.

ASSIDET supradicti fluuij ripis nō scruposis aut asperis, sed gramineis Aspera oppidulum, quod amnis mutato nomine ab

mine ab oppidanis Amor cognominatus , à soni, quem *Amor fluvius.*
 placidè fluens edit, dulcedine, alluit. Huic oppido funestus
 fuit annus decimus sextus supra sesquimillesimum, quo in-
 ternecone & panolethriâ iuuentutis ac ciuium miserabili-
 ter à Gelris & exulibus vastatum fuit, nullo sexûs aut ætatis
 habito honore aut reuerentiâ.

O V D E W A T E R A.

O V D E W A T E R A oppidum probè munitum , muris
 fornicatis, ciuibus abundat locupletibus. Hâc canabinorum
 funiculorum, qui ad texenda retia , quorum in alecum ca-
 ptura vsus est, maximè expetuntur, officinam dicere liceat,
 quo solo ferè prouentu ditatur. Ciues salto dicterio inces-
 suntur à vicinis & audiunt somniculosi, quod natum intel-
 ligo ex attentiore curâ, ac (si fas dictu est) præposterâ quâ-
 dam diligentia circa rem familiarē, quam ipsi parsimoniam
 & frugalitatem nominant, quasi eius studio in medios dies
 cum Horatianis pueris somnum extrahant : sed immerito
 suo verberari eos scommate arbitror à vicinis, quorum so-
 ler inuidus esse oculus , iuxta paroemiam Alciphronis.
 Hanc ante annos ducenos videnos vi captam , & incendio
 absumptam per Traiectinum Præsulem ex Herculânâ fa-
 miliâ inuenio.

R O T E R O D A M V M.

Q V I N à Rotæ siue Roteræ (eo nomine riuus est in vli-
 ginosis paludosisq. campis supra Benthusiâ natus) emissario
 nomen obtinuerit Roterodamũ, per quod in Rhenum
 Mosæ nomine mutatum isthîc decurrit, minimè omnium
 ambiguum est. Sebastiani Munsteri auctoritate, quam ego
 pro fluxâ dilutâq. habeo, ad annũ salutis quadragesimum
 secundum conditum oppidum existimant, qui antiquitatis
 opinionem venantur, quasi Roterius Francorum Rex or-
 dine videlicet septimus (id artis est , subtiliter numerum

exequi in tam altâ vetustate) eius fundamenta iecerit , ac de se indiderit nomen, ibidem humatus , quod Hieronymi Gebwileri , qui Habsburgensium Comitû historiam contextuit, testimonio in Conlectanea relatum est, vti indicauit mihi singulari vir comitate atque eruditione Gerardus Æmilius indigena, qui hac in parte nostros conatus adiuuare studuit. Quod postquam certis argumētis & rationibus doceri nequit, venit ad notissimum illud in rebus ignotis perfugium , sepulchrum fabulosum, in quo condita fuisse ossa pariter atque arma gigantæ molis hominem loquentia, olim isthîc reperta, vulgus credulû prædicat: quem qui non credit ex fraterculis & gentilibus illorum gigantum, qui è Britannia (vt ante diximus) in viciniam istam emigrarunt, is scilicet ad agnatos & gentiles deducendus fuerit. At commentum illud plus quàm anile, quum stabile solum fidei quæ constituendæ fundamentum nullum habeat , haud difficulter ex animis eorum delebitur , qui ex historiarum serie didicerint, longissimo pòst annorum intervallo quàm hæc fabula prodit , principatu Honorij Varamundum primum extitisse, qui in Francorum gente Regium honorem & principalis fortunæ titulû affectarit sumplerit quæ, quum si Roterius septimus Rex statuendus sit, tantulo post Christi interitum spatio , oportuerit centum saltem annis ante illius natalem Francos regnasse, nisi brevis vitæ omnes fuerint, quos tamen sub eo nomine cōstat illâ tempestate ignoratos fuisse. Videtur itaque quisquis fuit ille arguti cōmenti architectus, Pseudo-Berosi vestigijs insistendo , ex oppidorum appellationibus ficta Regum nomina consuere comminisci quæ voluisse. Repugnat & temporum ratio, quæ intratercentû annorum curriculum, extremæ à condito oppido antiquitatis memoriam colligit , attestantibus huc oppidi priuilegijs, quæ diuersum non loquuntur. Id verò indubitatum est , locum , quem Roterodamum nunc insidet, olim æstuarium fuisse, atque maris refluentis æstui extra Mosæ aggeres obnoxium. cuius rei documentum certissimum capi

mum capi potest è vetusti aggeris vestigijs reliquis, qui interius recessisse ab eo, quem hæc ætas Mosæ reciprocanti obiectum habet, videtur, simulque è voraginibus quas superfus Mosâ dissipato perfractoque illo reliquit. Veterem autem illum aggerem ab Honingâ arce Assendelfiorû dominio ad Croesluicum castellum Rotæ amni aditum, fuisse perductum volunt, atque inde pagum Ouderfciam attingisse, postremò ad Sciedami mœnia desisse. Oppidum est copiosum, habetque benè constitutas fortunæ suæ opes, quas pannificio non ignobili auget, sed potissimâ ex parte mari quærit alecariâ capturâ, ad quam paratos habet frequentes stato anni tempore piscatorios lembos prægrandes, vtrunq. & contra hostilè & maris vim tutos, holcadibus onerarijsque propè parès, Busas nominant. Nauale habet, & portû tranquillum & tutum, plurimarum navium capacem, in interiore Mosæ sinu, Salmorum captura famoso, quem crepidine lapideâ è saxo durissimo coloris cœrulei ingentibus impensis communiuit. Lumen & decus immortale vrbi addidit Desiderius Erasmus, hanc patriam & genitalem sedem gratâ recordatione vbique in scriptis agnoscens, qui inter præcipua sæculi nostri ornamenta meritò habitus, quasi signum quoddam ex arce Palladiâ literatis ad inuitandum extulit: cuius natales lares sacræ ædi propinquos quoties ab exteris studiosè reuerenterque adiri ciuitas (quæ pari religione illos colere debet, quâ Romuli casam Quirites) contemplatur, toties caput altius efferre iustâ gloriâ potest. Anus ab hinc nonus agitur, ex quo urbem ædificijs nõ incultam incendium, victoris negligentia in turbidâ ac vehementer procellâ coortum, miserabiliter deformauit, haustis repentino ignis turbine nongentis amplius domibus, multis ad hæc correptis nauibus cum nonnullorum interitu, quos ignis afflarat audentiùs in ferendâ ope se ingerentes. Sed magnificentia ista ædium priore longè superior facile declarat damnum quod incendio datur esse reparabile, quippe quæ è lateritiâ propè marmoream se ferre nunc

Erasmus Rot-
terodamus.

quear,

queat, si ad Augusti gloriationem lubeat alludere.

SCIEDAMVM.

SCIEDAMI nomenclationem subodorari quemuis non difficulter autumo, qui Dami significationem in superioribus expressam memoriâ complectatur, nimirum ab emissario Sciæ fluminis, quod cum Gouda riuo territorium vrbis, Scielandiam vocitatum, circumscribit; ita vt appellationem insulæ declinare non temerè possit, quando etiam vulgata indigenarum fama constanter loquitur Riuierum castellum (cuius hæreditaria possessio est penes Ioannē Matenesium, vt generis nobilitate, ita bonis animi clarissimum virum) Sciedamo vicinitate fermè cōtiguum, à Comitibus honorarij muneris vice Matenesijs donatum, in Mosæ insulâ sitū fuisse. quod ipsum corroborat confirmatq. priuilegium Hollandiæ Principum, quod Sciedamenses Riui incolæ nūcupat. Oppidani plariq. arti piscatoriæ, texendisq. verriculis ac retibus in alecariū negotiū sunt operati. Oppidulo vicina sunt castellū Spierinchoucū, & arx Spania non ignobilis, quæ intestino hoc furiosoq. bello deflagrauit.

BRIEL A.

BRIELÆ à spatiofo liberoq. aluco nomen videtur inditum, vbi Mosæ fluminis amnem Rhenus Oceano affundit, vt Taciti verbis dicam, quo loco nauale praliū inter Ciuilem Batauū & Romanam classem tentatū, sed æquo Marte diremptū fuisse coniectant. Nomen non abludit ab Helio Plinij, vt fortassis ob latitudinem hostij, b̄t̄ h̄iela/ tanquam *latius Helius*, vulgari voce corruptâ appellatum sit. Oppidum istud cum Geervlieto altero oppidulo in Vornâ insula situm est, vtrunque mediocribus fortune, piscatores sunt plariq. incolæ & è mari victum quæritant. Ingens cœli grauitas in ea insula est ob maris viciniam, vnde magna & anniuersaria morborum materia pullulat: ager alioqui probissimum fert tritacum, ita vt cōmune hoc habeat cum Sardi-

Sardiniâ , cuius vt aër pestifer, ita ager quodammodò fecunditatis vber habetur. quæ caussa fuit, cur , *Fiscale horreum*, non dubitarit eam appellare Saluianus.

SCOENHOVIA.

HORTORVM amœnitas & accuratus cultus huic oppido dedisse nomen putatur: quod aliud non sonat, quàm hortorum delitias. id quod ego ad pometa transferendum puto, quæ in eo tractu bellissima sunt, & feliciū generosorumque pomorum natalibus Alcinoi pomaria prouocant. Oppidum in læuâ Leccæ ripâ sedet, felice Salmorum capturâ nobilitatum, crediturque è Neoporti oppidi, quod oppositâ in ripâ stetit, ruinis creuisse. perlabitur oppidum copiosum & diues canalis, siue elix ex Isela deriuatus; itaq. magna illi subuectationis commoditas ex amnibus, altero præterfluente, altero medium perlabente. Istud natale solum fuisse Christophoro Longolio, inter Ciceronianos primum faciliè locum tuenti; adstruere alicubi in epistolâ ad Damianum Lusitanum scriptâ videtur Erasmus, his verbis. In Longolio ferè euenit, quod olim in Homero, hinc Gallia sibi vendicat, hinc Mechlinia sibi asserit, quî reuera purus putus fuerit Hollandus, prægnatus è patre Hollando in oppido celebri Hollandiæ, cui hortorum pulchritudo nomen dedit Scoenhouiæ. Hic ne quis mihi protinus obstrepat, quod dico, patruus ipsius Petrus Longolius vir apprime doctus mihi narrauit. Grauiissimum mihi habetur summi in re literariâ viri testimonium; maximumq. meritò pondus obtinet, attestantis patruï fide confirmatum, vt demirer extitisse, qui auctoritatem tanti viri labefactare atque conuellere impudenter attentarint, dum Mechliniensem geniturâ faciunt.

Christophori
Longolij pa-
tria.

ISELSTEINIVM.

ISELSTEINIVM oppidulum tenue, sed opere validum, ab exili aluco amnis Iselæ nominatum, peculium est.

P. p.

Comitis

Comitis Burani, de cuius possessione lis cōtrouersa & inter arbitria Traiectensium & Hollandorum dissensionis plena, vtrisque illud sibi vendicantibus, quæ res decisa nondum est. Huius turris quæ templo superstat, ante biennium de cælo fulmine tacta conflagrauit, nullo alio maleficio admissō aut accepto incommodo.

W O E R D E N V M.

O P P I D V M est non ignobile cū mercatu, tum splendore ædificiorum, palustri loco conditum, præsidarium, cum arce non inelegante aut inualida, Traiectinæ ditionis olim, ad reprimendas incursiones ex Hollandia, à Godefride Præsule Traiectensi homine bellicoso, vt & Monfortium, opportuno loco exstructum. Assidet Rheno, nunc Erico Brunsuicensi Duci oppigneratum.

V I A N A.

V I A N A oppidulum quadratum, ad sinistram Leccæ amnis ripam, paruit hætenus Brederodiæ familiæ, quæ liberum illud à Regio imperio sibi semper asseruit, negauitq. esse Hollandici vel soli vel peculi: qua de re dijudicata lis nondum fuit. Castellum habet opere pulchrum & validum: territorio imperat satis lato.

W O R C O M I V M.

W O R C O M I V M extra Hollandiæ fines in Gallica ripa, iuris tamen Hollandici, situm est ad Vahalim, è regione Louesteinium arcem, neque multo longius Gorcomium prospectans, mediocre oppidum, paruit ante fatalem hanc superioris tempestatis procellam Hornano Comiti, nunc Regio fisco adiectum. Est & alterū huic cognomine Worcomium in Frisia Transrhenana, oppidi nomine celebratum, quum nec mœnibus circumdatum, nec muris aduersus hostilem vim septum sit, vici duntaxat oblongi (quippe in tria passuum millia porrectum) vicem repræsentet. quod
nuper

nuper anno $\overline{\text{LXX}}$ post inundationem inuisitatum, quæ paucos ante dies præcesserat, grauem insuper à piratis, paucioribus centum, iniuriam sustinuit, imposita graui multa oppidanis, aucta ingenti præda omnis generis, vnius rebellantis cæde perpetrata.

HVESDENVM.

HVESDENVM oppidum egregium ædificijs, satisque copiosum, præterlabentem Vahalim prospectat: Castellum habet elegans & magnificum, multisq. pagis latè imperat.

GERTRVDIS MONS.

GERTRVDOBERGVN sonat Gertrudis montem, à Diuæ fortasse tutelarioris nomine appellatum; oppidum in sinistra Meruæ ripa situm, piscatu nobile. Vbi tanta est tamq. felix clupearum captura, Martio fermè mense, quando ordiuntur, vt die vno supra decem & octo alosarum millia retibus & sagenis capta in numerum relata acceperim. Neque infelix est in præterlabente amne piscatio Salmonum & Acipenserum. De huius oppiduli possessione ingens fuit maiorum nostrorum tempestate controuersia, Hollandis hinc, illinc Brabantis eam sibi vendicantibus ob situs opportunitatem; eoque res processit, vt Hollandiæ Ordines solenni sacramento Principes suos adegerint, ad illius retentionem, contra Brabantem ad recuperationem. Constat autem ex Annalibus Hollandiæ Nobilitatem consueuisse deducere cum comitatu suum Principem in Hannoniam abiturum eò loci vsque. Paret Arausino Principi, qui oppidum ab hostibus interceptum, operibus, propugnaculis, fossisque ita communiuit, vt inter inexpugnabilia non immerito numeretur.

HAGAA.

PRÆTER oppida & vrbes mœnibus fossisque clausa, quæ viginti & octo numerant, culta nec postremæ fortis

plura extant in Hollandia municipia, suis singularibus dotata per Principes priuilegijs, quædam à muratis vrbibus minimùm dissidentia, cum splendore, cum cultu; inter quæ principem facilè locum tenere ac tueri quoque nemo inficiabitur Hagam Comititis (quo vocabulo significatur sepes è spinis dumisq̃ue opere topiario facta) quem delitijs suis & otio destinarunt olim Principes, & sanctiori consilio locum, nunc litibus trahendis soluendisq̃. dedicatum. Hic locus opibus, ædificiorum splendore, (quorum magnificentia vix quidquam adstrui possit, nisi inexpugnabilis ista fatorum vis, quæ procellam ab Hispania in has oras infudit, plerisque omnibus labem clademq̃ue attulisset) cultu, magnitudine, hortorum amœnitate, nobilitatis frequentia nulli cedit vrbium, vbi plura quàm bis mille ædificia numeres. Palatium habet regium fossis in modum arcis circumdatum, cui piscina perampla ad septentrionem obiecta est, à Guilhelmo Rom. Cæsare Hollandiæ Principe exstructum, in quo admirabilis fabrica atrij extat, quod latissimum spatio & amplissimum non trabibus colligatur, sed solis lacunaribus elegantis operis intercipitur, quorum materiam Hibernia subministrasse dicitur. Ea sedes est Principis aut Legati Præfectiue Hollandiæ, qui nunc est Guilielmus Nassauius, Princeps Arausinus, P. P. iure dicendus: in quem optimè quadrare possit Gratij vetustissimi poetæ versus ille, *Vtrunque & prudens & sumptis impiger armis*. Eadem est sacrarium quoddam iuris & legum, vbi Senatus maior, quàm ille Deorum Consentium, causas ventilat, excutit, iudicat; maiorem dixi, quod illum bisseus numerus implebat, hic bis septenario constituitur, præter caput suum, quem Præsidem vocant, quo honorario munereungebatur proximè Cornelius Susius, Rysuici dominus, Iuris legumq̃ue columen. Istud Senatorum collegium, olim sedere apud Grauesandam solitum, huc transtulit Guilielmus iam Cæsarei tituli accessione auctus. Haga amplissimos præterea dignitatis gradus apud se fouet, Tribunum ærarium,

rium, qui censum omnem Regis nomine annuum & precarium æs, ex Hollandiâ, Friisiâ, Tencteris, Transisalanis, Traiectinis, & Selandiâ per dispositos quæstores ærarios accipit, quem Generalem Receptatorem à munio appellant. quo non ita pridem functus est Arnoldus Cobelius, inclytus ingeniorum Mæcenas. Habet præterea duos qui à Rationibus sunt, qui accepti expensique rationes cogunt, cui muneri destinati fuerant Numanius & Cornelius Longius, viri otio honesto & ingenijs vberrimis affluentes ambo. Ædificijs contiguum est amœnum nemus (quem lucum Furori & Sæuitiæ dicatum fuisse consecratumque olim creditur vulgo) non feris formidabile, sed aucupijs destinatum, capreolorum pastione (quorum maculosæ interlucent pelles) frequens, annosis quercubus, & fagis alnisque vmbrosum, supra mille quingentos passus longum, minore longè latitudine, digna certè Musis sedes, in quam relaxandis à litium molestia animis causarum vindices & Senatores sæpenumero solent prodeambulatum concedere.

VLAERDINGA.

VLAERDINGA inter oppida muris cincta multorum iudicio antiquitatis prærogatiuam fert, nunc illis viduata, absorptis simul cum arce mœnibus voragine Mosæ, qui latè ripas & littora adedit, succedaneam operam addente mari: ipsa vero nomine & genuino dicenda (vti persuadere voluit Theudericus Wassenarius, non semel mihi honoris causa nominatus) Verdinga, à pensitando illic æstimandoque vectigali, quod telonium illic esset, etiamnum reliquum Wassenariæ domui. Fabulæ, quàm historicæ fidei magis affine est, quod nostrarum rerum scriptores rudis saculo approbare conati sunt, de expulsis è Britannia gigantibus indigenis per Brutum Ascanij pronepotem, qui classe in maritimam Hollandiæ oram appulsi, in agro Vlaerdingo arcem Sclauoburgum condiderint, à quibus in omnes insulas qui occidentalem plagam incolerent, Sclauorum

nomen transierit, ad illorum discrimen qui ad austrum Hollandiam obtinerent, quos Wiltos quasi sylvestres dixerent, quod hirtis corporibus Satyros mentirentur. Quod ego fabulamentum puto, quando Regino Prumiensis & Einhartus Sclauos cum Wiltis, siue Velatabis eisdem faciat, quos vires suas coniunxisse Godefrido Danorum Regi contra Abotritos, quibus cum veteres inimicitias gerebant, dicit.

GRAVESANDA.

GRAVESANDA, quæ etymo designat Comitis arenam, oppidum fuit superioribus sæculis copiosum, mœnibusque circumdatum, portuque ad Mosam nobile, nunc ab eo dissidet ad tria ferme passuum millia, agro intermedio quem alluioni Mosæ acceptum ferre debet, auctum, Turrim habet editissimam, quæ olim Phari vicem nauigijs usumque præbuit, ad prænuncianda vada, portusque introitum, quo munere adhuc fungitur propter miram altitudinem. Palatium habuit olim Comitum, & Curiam, translata iam tum à Guilhelmo Rom. Cæsare, cuius fundamentis ante annos viginti octo refoffis, reperta fuere priscae artis Samia vascula, extantque in hunc usque diem palatij vestigium testantia nomina, *via regia*, *Hofflaen* dicta, velut *aula Principis via*, & ager *Hofflant* nuncupatus, ab *aula* nomine: quin & Curionis loci domus, *Culina palatij* fuisse perhibetur. Nobilitatur caseo primæ notæ, ut antea quoque dixi, qui acri sapore linguam morficat, & ingeniosam sitim acuit. Ager tritici & quidem optimi candidissimi que feracissimus est, ut & *Poel-dicanus*, qui finitimus est. Extrat isthinc Canonicorum regularium asceterium.

MEDEMBLICVM.

MEDEMBLICVM, municipium maritimum Hornâ duobus miliaribus distans, cothonem habet seu portum manibus factum, nauibus in tempestate perflugium & stationem.

tionem securam, eundemq; etiam nauale: ad annum millesimum ducentesium ac nonagesimum, à Frisijs tumultuantibus & ferro flammaque cuncta miscentibus, in cineres redactum fuit; arce præsidariâ, quam habet peruestam, graui obsidione circumdatâ, ita vt ad iumentorû carnes, quibus famem propulsarent, inedia processerit. Fabulosam Medæam huic nomē dedisse vulgi opinio tenet, quæ ex inaurato ære in bracteâ ductili expressa, turrisque editissimæ fastigio imposita, procul signum nautis viatoribusque dederit. Radbodi Frisorum regis ista fuisse creditur * sedes, illius quem lustrali baptismatis vndâ tingendum, mutatâ sententiâ pedem alterum aquæ immersum reuocasse testantur Annales, quum suorum maiorum vmbris apud inferos, quàm inopi Christicolarum cateruæ adiungi, Episcopo ad tingendi officium iam accincto respondisset: qui planè videtur Neritæ vestigijs inhæsisse; nam quum Venus (vt refert Ælianus) inter cælites nomen suum professura, voluisset Nerei filium, amores suos, cælesti regno inferre secum comitem, ille contumaciter repudiassè beneficiû perhibetur, quòd anteponeret cælo, conuersationem cum parentibus & germanis sororibus. Intra triennium proximum vallo aggeribusque & propugnaculis in altum eductis ita communitum est, vt insuperabile quasuis ab hoste iniurias propulsare posse credatur. Firmissimi omnium hîc sunt aggeres, qui obices suo oppositu Septentrionalis maris furiam excipiunt, quos algâ (quæ maris eiectionum est in propinquo) prætexunt; materiâ vbi spissata confederit, tam firmâ & solidâ, vt moles saxæ vix densius firmamentum coagmentumve præbere possint; tantopere illa sæuientis maris proteruiam respuit. Ager vicinus per fossas inciles in prata herbida, bubus opimandis peropportuna, diuisus est.

* Radbodi regia.

Lib. 14. de animalibus, cap. 28.

Alga, materia aggerum.

PURMERENDA.

PURMERENDAM municipium repræsentatæ pecuniæ certâ summâ, vnâ cum arce & iurisdictione Purmerani terri-

ni territorij, emit olim à Ioanne, Burgrauio Monfortio, Gerardus Zylus Eques. Hæc oppidi modo in plateas est digesta, elegantibus instructa ædificijs, opulenta, anguillarum capturâ quondam ita felix, vt multa nauigia pertusis carinis ad hoc concinnè fabricata, quo relinqueretur anguillis interludente vnda libera respiratio, in Britanniam quotannis Londinum mitteret, ingenti quæstu & emolumento. Nuper in fatali istâ Prouinciæ prouidentiâ, quâ iusto odio inflammata vires opesque omnes ad excludendum opprimendumque, teterrimum hostem Hispanum comparat, naturam loci operibus adiuuando, exstruendis propugnaculis ad arcendam vim communiri est cœpta. Arx in fine municipij imminet Lacui Purmero (vnde loco nomen est) piscoso atq. ita spatioso, vt magnitudinẽ vix oculo admetiri possis. Paret Egmondanæ familiæ. In Annalium nostrorum monumentis proditam inuenio rem, quæ mihi difficilis ad fidem visa est, circiter annum à natali ortu Christi tertium supra millesimum quadringentesimum, monstrum quoddam marinum, mulieris speciei, viridi musco turpe, & vndique squallens, atrocissimæ tempestatis vi è mari Oceano in sinum Batauicũ, qui Australis maris agnomine notior est, compulsus, & in lacum Purmerum (quem perrupti aggeres cum prædicto sinu confuderant) eiectum fuisse; in quodum varijs erroribus agitur, post reparatos statim à tempestate aggeres, vt solent, priusquam profundâ voragine ima aggerum fundamenta exedantur, virgines quæ bis quotidie cum mulcralibus vltro citroque in prata commeant, vt vaccarum vbera mulgendo succent, monstrum istud conspicatæ fuerunt. Neque parum attonitæ principio ob nouam & inusitatam speciem, in spectri modũ, mox confirmatis animis erectiores, ac mutuas coniunctasque inter se operas patæ, circumseptum lenunculis & scaphis suis, ne quâ effugium pateret, opprefferunt; captumque Edamum, quod oppidum Lacui quoque adiacet, pertraxerunt; vbi cibis hominum more assuefactum vesci cœpit, sono peregrino ac suspirioso

ARX PURM.
LACUS PURMER-
VUS.

ANNO 1403.

spirioso potius, quàm vllò articulati sermonis commercio & vsu, qui piscium toti generi negatus est, manifestum. Cuius miraculi fama quum multos mortales visendi gratiâ exciuisset, quæ longè lateque emanarat, Senatus Harlemonsis missâ eò legatione monstrum sibi permitti flagitauit, vt loquuntur Annales, neq. repulsam tulit. Quod plures annos, postquam eò adductum fuerat, vitam exegisse illuc, atque inter fœmineos cœtus pensâ etiam traxisse, & cœmiterij honorem, postquam vitam exuerat, assecutum ob exhibitam crucis imagini reuerentiam, memoratur. Quæ omnia vt neque firmiter asseuerare, ita neque refellere omninò est animus, tū ob eam quæ debetur publicis Annalibus fidem, tum quòd recentior esse videatur, quàm cui me opponam, memoria, à mulierculis de manu, quod dicitur, in manum tradita. Dicam tamen illud fabulæ vicinius non probari mihi, quòd fila deduxerit, quasi manus in articulos humano more distinctas discretasque habuerit: sed fidei periculum auctori relinquo. Equidem religione quâdam deterreor, ne à vetustatis exemplis discedam, quæ sanctâ illâ testimoniorum fide non carent, inter quæ constat non omninò fictum & commentitium esse, aut in poëticâ corte natum sermonem de Nereidibus, quarum è genere fuisse illam, de quâ *Nereides.* modò sum commētatus, nihil ambigo: quarū non exiguum numerum apparuisse olim in Gallico littore, D. Augusto legatus illius perscripserat. Eam certè de Nereidibus opinionem haud falsam fuisse testatur Plinius, corpus vniuersum squamishispidum, etiam quâ humanam speciem referunt, illis tribuens; quarum in morte tristem gannitum, siue (vt manuscriptus codex habet) cantum, ab accolis longè *Plinij locus.* auditum commemorat. Taceo quæ de Tritone concham inflante, deque homine marino ex legatorum (quos ob id solum Olyssipponenses ad Tiberium Principem miserant) & ex equestris ordinis virorum illustri fide idem scriptor refert. Quid, quòd apud pagum, cui ab aquæ fuscédine Swartewale nomen est, ab oppido nobili Briclâ tribus ferme passuum

Ann. 1531.

me passuum millibus distantem, visatur huiusmodi æquorei monstri sceletos in æde mediâ suspensâ? Venio ad recentiora & quæ ætati nostræ potuerunt esse cognita documenta, in quibus lego in extremâ Scandinaviâ, quâ Codanus finis finitur, apud Ellebogium oppidum, Hafniæ Regni Danici metropoli è regione oppositû, monstrum æquoreum monachi formam exprimens ad vnguem, glabro capite, rusticânâ facie, inuolucro humerario cuculli speciem adumbrante, in littus illud immanis procellæ vi expulsus fuisse, mutum, sermonis vñ defectum, vt cætera marina omnia, lamentis tantûm ac suspirijs altioribus perstrepuisse, nec ultra triduum vitam extraxisse; cuius simulachrum expressum ad Carolum V. Imper. tunc in Hispanijs agentem, à Rege Danico missum, manuq; viri nobilis exhibitû constat. Alterum in eâ Sarmatiæ parte, quam Poloniam vocamus, ad annum à partâ humano generi salute millesimum quingentesimum tricesimum primum extitisse comperio, monstrum itidem marinum, quod Episcopi habitum infulâ mitrâq; egregiè mentiebatur, ad Regem Augustum deportatum. Hæc libuit prolixius commemorare, quod ista de Nereidibus (quas Mereminnas dicimus, ceu maris delitias nymphasq;ue) opinio haud nupera sit, sed sæculis omnibus in hominum mentibus impressa federit.

BEVERVICVM.

Vicus quid?

EXEQUI subtiliter & ad libripendem municipiorum & pagorum, quibus vicus nomina finit, numerum, haud facile queam. tanta illorum est copia, quam in numerato habere non profiteor, omnibus tamen vicus, patria lingua *Wick* vel *Wijck*/ etymi occasionem dedit, in quo Germanos falli video, qui vocem hanc pro sinu maris interpretantur, quum aliud non significet, quàm perfugium & stationem securitati dicatam, vbi coniunctionibus ædificijs habitabant, qui commune periculum depulsus volebant, vt multitudine hostes arcerent, & piratis maria infestantibus se

bus se opponerent. In his se primum offert Beueruicum, *Beuerswijck.* quod sonat Bauarorum, qui & Baioarij, vicum, sedem, & perfugium; (videntur enim Francorum Reges possessâ Hollandiâ, militibus veteranis aut emeritis, qui sibi militarent, nationatim vicos agrosque habitandos dedisse, ipsque inde nomen fecisse, vt ex sequentibus patebit.) municipium duobus Harlemo milliaribus disunctum, loco opportuno ad sinum Tyum adsidens, duobus passuum millibus ab Oceano distans, amœnissimas nobilium villas in viciniâ prospectans. Præcipuæ tamen nobilitatis est Catuicum, à *Catwijk.* Cattris Aboriginibus nostris, qui Principem suum Batonem persecuti, sedes ad Rheni medium alueum, non procul ab ostio, quo se in Oceanum exonerabat, posuerunt, quem locum fuisse olim frequentem & copiosum, ob ostij commoditatem & faciles è Britannîâ appulsus, atque opportunas subuectationes credibile est, sed barbarorum incurSIONIBUS & piratarum non semel dirutum & deuastatum. Videntur autem Catti duo præsidiaria munimenta præter vicum suum condidisse, tuta vtrinque perfugia aduersus hostilem vim, si ingrueret, nimirum Suyduicum Wassenario *Suydwijk.* pago vicinum, quo loco molendinum nunc visitur versus meridiem, seruatque corrupti nominis vestigium in *Suijk.* contracti, & alterum Nordouicum versus Septentrionem, quamuis huic pago Nortmanni è Danis & Suionibus profecti auspiciu nominis dedisse ab alijs credantur: cuius dominio fruitur Ianus Douza meus, summo & ad vnguem facto ingenio vir, omnes olim absoluti Poëtæ numeros expleturus. Accedit huc Oesteruicum, quâ ego sedem fuisse olim Æstrorum, siue, vt nunc pronunciandi cacoëthes inoleuit, Ostrorum, deierarem, nisi prius à Foppone Herculano, *Eteruicum*, indito nomine dictum fuisse Annales traderent. Præterea Naelduicum Naelduicenæ stirpis hæredium *Naeldwijk.* intermortuæ, Arenbergæ Comitum, clientelâ illustre municipium, collegio Canoniorum non tam insigne quàm Martini Dorpij, Theologi, & non infelicis poëtæ, natalibus.

Ad pagum Naelduico vicinum, cui Monasterio nomen, lapis inuentus est, dum nouale aratro proscinditur, erutus, translatus inde Sionem, quod cœnobio monachorum Delphis suburbano nunc diruto nomen fuit, intra octogesium annum, quem, substituto meliori è marmore exemplari apud incuriosos antiquitatis monachos, Hippolytus Perſinus Ultraiectini Senatûs præſes, antiquitatum studioſiſſimus, in villam suam Hagæ propinquam transposuit, qui ita loquitur,

IMP. CAES.

M. AVREL. ANTO

NINO AVG. PONT.

MAX. TR. POT. XVI.

COS. XIII. ET

IMP. CAES.

L. AVREL. VERO AVG.

TR. POT. COS. II.

A. M. A. F. C.

A

M. P. X. II.

Rijswijk.

AD HÆC Rijſuicum, quod à Rugijs Æſtrorum finitimis populis, quibus, vt dixi, ad culturam datum ſit, nomen habere crediderim, vel à reliquijs Gigantum illorum (quos vernaculum idioma Ruſos appellat) qui è Britannia pulſi occiduam illam plagam inuaſere atque incoluerunt. Quid enim ad rem facit, ſi viminum perſugium huc aduoces? In

Stolwijk.

Bleyſwijk.

Baerd-
wijk.

hunc ordinem veniunt Stôluicum, caſeorum molibus & bonitate non incelebre; Bieijſuicum, cuius dominium ad Bronchorſtiam familiâ tranſijt: Baerduicum, cuius nominis originem non libenter Bardis Gallis attribuerim, multò iuſtius Langobardis, Germaniæ genti, qui pagus gaudet domino Cornelio longio, amœniſſimi ingenij viro;

Brantwijk.

Scalcoſwijk.

Goſſwijk.

Brantuicum, an à Brennis neſcio: Scalcuicum duplex: & Hontſuicum.

NEO-

NEOPORTVM.

NEOPORTVM è regione Scoenhouiæ, ad alteram Leccæamnis ripam, perhibetur fuisse satis copiosum & opulentum oppidum; sed vt caduca & fluxa est mortalium rerum conditio, atque interitui obnoxia, ita & oppida olim florentissima pessum ire videmus, multa etiam in cadauera conuerti; estque nunc municipium mediocris conditionis.

SCAGA.

SCAGA quoque municipium elegans est & copiosum, oppidi instar contigujs ædificijs habitatum, à foro in ternas vicinias excurrit, vt trifidum dici aut trifulcum queat, alioqui extra has plateas vicatim habitatur, vt olim nobilis illa Lacedæmon, in multos namque vicos sparsim agrum occupantes diuiditur: solum habet totà Hollandiā fertilissimum herbidissimūque: locupletibus abundat & pecuniosis ciuibus, habet arcem non inelegantē. paret nunc Ioanni, Bronchorstii matre genito, Scagæ & Burchorni Domino, qui stemmatis sui originem cum maioribus suis refert ad Bauarum Principem Albertum, Hollandiæ Comitem. Hactenus vrbes & cum oppidis municipia stylo percurri, nunc de arcibus nonnihil adtexere placet.

CAP. XVIII.

De Arcibus Hollandiæ & castellis.

VRBIUM inuentionem, ceu præclarum munus, acceptam tulerunt prisca mortales Palladi, quam propterea πολιοῦχος, ceu earum tutatricem illustri epitheto condecorarunt. Cui vt primæ conditrici arces consecrauissē cum Marone Aristides Smyrnæus & Cornutus testantur, siue quòd ratio, quæ sub huius Dææ nomine designatur, urbium & Reipub. incrementa promoueat, vt Martiano Felici videtur, siue quòd eam mundi mentem esse summaque ob-

Palladi cur
arces conse-
cratae.

Aries ab arcendo dicta.

tinere crederent, quemadmodum arces in editioribus turribusq. urbium locis condere solebant, ad arcendum facilius hostem, unde nominis origo manavit, ut arbitror, non autem ab Arcadibus, ut Solinus putavit, quod ipsi primi ardua montis Romae infedissent. Quod autem antiquitati solenne fuit, ut excelsa loca fundandis arcibus deligerent, id maioribus nostris aduersus pericula tutius visum est in paludibus terrisque vliginosis fieri: quod illa agendis cuniculis opportuna sint, in his cuniculariorum operæ in subruendo eludantur. Caterum arces & praesidiaria castella geminam ferme naturam solent induere, uti scitè disseruit Damascius Syrus philosophicae historiae scriptor, quippe quæ ut arcendis hostibus ac tuendæ libertati plurimum cōferre & commodare videntur, ita eadem plerumque causæ sunt seruitutis atq. extremorum malorum: id quod non domesticis modò, sed externis quoq. exemplis confirmari potest, quæ alterius loci atque temporis propria est disputatio. Castellis, quæ arcium modo muris cinguntur & vallis, passim exstructis Bataviam Romani olim aduersus vim si ingrueret, utque in officio subditos continerent, firmarunt. Meminit Tacitus castelli cui nomen Fleuum, haud dubiè Fleui ostio appositi, ubi non spernenda manus Oceani littora praesidebat, à Frisij rebellantibus obsessi. Idem mentionem facit castellorum plurium, quæ praefecti cohortium quum posse defendi desperarent, inflammavunt, quum Caninefares excidijs illorum imminerent duce Brunone. Florus in Rheni ripâ quinquaginta amplius castella à Druso erecta fuisse prodidit. Abundavit olim Hollandia arcibus castellisque ante calamitosa infelicis Principis Iacobæ tempora, quando flagrantibus ciuitatum nobilitatisque funestis dissidijs, intestina seditionum ac discordiarum tempestas erupit, plebemque in furialia arma concitavit. Tunc enim immanis illa popularium procella ac turbo cunctas passim arces obtrivit, diruit, soloque æquavit. Neque hîc modum furor indomitus statuit aut terminum cepit, nisi etiam mutuo laniatu dum

niatu dum

niatu dum iugulos feriendo defœuit, animas quodam modo alternas negotiari visus fuisset. Sed hac de re. in historiâ illorum temporum, vbi eò ventum fuerit, iustioribus querelis agendi locus erit. Enimuerò perpaucæ tunc arces communem fatalis illius & interneciuï belli calamitatem subterfugerunt immunes, quas hostile ferrum intactas stare permisit. Inter eas quæ nostro sæculo extant, primum facile nobilitatis antiquissimæ ordinem tuentur Egmondana arx, & Brederodia, illa arduâ & elegantis vetustiq. operis structurâ celebratior est: hæc deformis ac tantum non ruinosa, & ab arcis cadauere parum dissidens, cuius ego rei non aliam reperiocausam, quàm quòd omnibus impensis parcitum sit ab eâ familiâ, quasi fato quodam præpeditâ in restaurandâ reficiendâque arce, quam vitium fecisse norant, ex eo fortasse quòd malè perpetuarios hæredes ex beneficij tabulis se cognoscerent, si virilis stirps deficeret. Illa prior, quondam *Rijnegom* nuncupata, nunc ab hæredij, in quo sita, *Hotui* appellationem nacta, ad quinque millia passuum abest *Almeriâ*, ad mille ab Egmondano cœnobio longè vetustissimo, Benedictini generis monachis, qui foro piscario mancipati olim viuebant, destinato: vbi bibliotheca celebris omnis generis scriptis codicibus & præsertim membranaceis, quos diligenter magnâ curâ cum Priores alij, tum Gerardus ex *Poelgeest* nâ stirpe Abbas vñdecunque conquisierant, raros auctores ostendit, è quibus dolet mihi interijssè intra quindecim proximos annos, magno literariæ Reipub. detrimento, *Lactantij Firmiani* epistolarum libros duos, quorum meminit nominatim *D. Hieronymus*: quos dum ad me cogitat, editioni destinandos, mittere *Antonius Houæus* illic religioni operatus, vir doctus, qui postea Abbam Absternacensem prosperâ famâ egit, repperit à bibliotapho quopiam librorum plagiatos: atque ita disperijt ille thesaurus, ab hæredibus sacrifici, in quem cadebat suspicio, in cucullos & piperis inuolucra concisus. At Brederodia arx medio itinere inter *Harlemum* & *Beuericum* sita, præter

Brederodia
arx.

Egmondana
arx.
Egmondanũ
cœnobium.

ruinas

Teylingia
arx.

Liesveldæ
arx.
Woerdena
arx.

Ameida.

Assenburgum.

Hœninga
arx.

ruinas flebiles quibus labat, ab arenâ etiam fabuletorum, quæ vicina ingruunt, obrui paulatim agros suos sustinet, graui & fatali veterno obselsâ iampridem eâ stirpe. Est & Teylingia arx, Iacobæ Principis delitiæ, Saxenheimo (vbi Saxonum reliquiæ à Carolo Magno transmissæ confedisse creduntur) vicina, iam olim infamis nocturnis ostentis & umbrarum illusionibus, si vera narrantur. Habet ad alteram Leccæ ripam, è regione Scoenhouiæ oppidi, Ericus Brunswicensis Regulus arcem operibus validam, muris latissimis valloque opportuno communitam, cui Liesveldæ nomen est. Apud Woerdenum similiter idem habet arcem, olim validam, quum arma Traiectensium metuebantur, nunc longæ pacis beneficio neglectius habitam. Apud Vianam quoque extat Brederodij firmissima arx, vallo altissimo, septoque è spinis implexis conferto cincta: & altera Ameida in medio itinere inter Vianam & Neoportum, sed minoris firmitatis munimentum. De Medemblicensi arce superius à me facta mentio est. Assenburgum arx est dynastæ Assendelfi peculium, vltra Beueruicum, opportuno loco & amœno situ nobilis. Idem vicinam habet alteram Roterodamo, cui Hœningæ maiores indidere nomen, turritam, structurâ magnificam, & opere locique naturâ prævalidam, solo vlginis pleno facile hostilem incursionem exclusuro. Goudæ cum Gorcomio præsidariæ suæ sunt arces, in prioribus dictæ, hæc ab Herculanis, illa à Bulosio Comite ad Iselam flumen, cõditæ. Mudanam arcem in prioribus diximus, & Abcoudiam inter nobiliores familias. Apud Hemelkirckam reliquus superest castelli circus, pyrgum Lugdunensem circinato ambitu referens, in hoc diuersus quod Lugdunensis in arduo tumulo eminet, hic in vliginosa palude copijs quantilibet fermè inaccessum aditû præbet, in cuius meditullio editissimum stetisse olim perhibetur, turris modo, ædificium nouem contignationes altum, sic vt nautis vela facientibus phari vsum exhibuerit, dum cursum eò dirigunt aut deflectunt, cuius possessio à Comitibus

tibus profecta ad Septimontanū Regulum defluxit, inde in Arenbergium Comitem hæreditario iure transcripta. Habuit & Adrichemia familia turritam arcem Beueruico vicinam, per Frisiorum incurſiones solo æquatam, in cuius ruinis villam suam muro egregij operis circumduxit Antonius à Burgo per matrem Adrichemiæ stirpis hæres. Vetus arx Riuerium, nomen habet ab amne (quem Riueram vernaculus sermo vocat) Mosâ, in cuius gurgite antiquitus stetit, nunc alluuiſionis beneficio ad mille passuū & amplius interuallum ab eo diſiunctum, quondam Hollandiæ Comitum peculium, Matenesiæ genti à Principibus condonatum, postquam interierat castellum familiæ cognomento dictum, à Sciedami oppiduli mœnibus fossâ intermediâ interſtinctum: in quo vetusta turris eaque excelsa quadrato opere in sublime surgit, ita vt phari vicem propemodum præbere potuerit, cuius dominium ad Ioannem Matenesium virum cū politicis virtutibus, tum nobilitate generis clarissimum spectat. Keneburgum non postremi nominis castellum ab Othone Egmondano possidetur. Mereburgum ad Marnam Rheni elicem, vnde nomen trahit, Vincentij Lochorstij domini proprium. Dunium castellum apud pagum Seuenhufum, cuius situs fuit olim medio in saltu, in rudetum aliquando collapsum, cuius possessio est penes clarissimum virum Iacobum Dunium, Sprangæ dominum. E castellorum arciumque numero, quæ aut edax vetustas aboleuit, aut immanis atque intoleranda popularium (qui nouas semper res moliti fuisse leguntur) barbaries diruit; nomina aliquot Annalibus memorata prætermittere nolui, ne eiusdem particeps criminis communē cladem fouisse videar, aut saltem non improbasſe, quum dolendum sit ac deplorandū quoque, defuisse Principibus nostris potestatem, ne dicam voluntatem comprimēdi refrenandiq. furoris intestini. Antiquissima memoratur in ore hominum celebris arx Elini (quem tantum non alterū Midam faciunt Annalium scriptores, ab asininis auribus Efelorum

*Adrichemia
arx.*

Riuerium.

Keneburgum.


Mereburgum.

Dunium.

*Castellorū &
arcium de-
structiones.*

Elini arx.

appellantes) non procul diffita ab Hagâ Comitis, Vorburgo pago vicina, quæ multorum iugerum spacium circuitu complexa dicitur, fidemque rei faciunt ruinæ & subterraneæ substructiones, in quibus effossa fuere superioribus annis infinita omnis generis nomismata, inter cætera vidi & aureos nummulos ab aduersâ parte Elinum loquentes, ab alterâ Dorestatum, quam urbem Batauodurum Tacitus dixit. Repertus ibidẽ fuit & quadratus lapis, cui in proscindendâ tellure impactus vomer vulneris nonnihil infixit, quem antiquitatis æmulatione quâdam insertum quercui ante villam suam, è regione agri in quo inuentus est, apud Rijsuicum locandum curauit Henricus Crusius, Benthufj dominus, vir spectabilis. præfert autẽ hanc inscriptionem:



SAXVM istud quum attentioribus oculis haud dubie vetustum vnâ mecum legendo percurreret Henricus Iunius, qui istius antiquitatis fenestram primus mihi aperuit, subdubitasse iam antè nonnihil de numero isthic contento ingenuè professus est, rectene haberet an secus. At ego in eodem prope luto hærens, de Seuiris Sexumuirisue non ambiguum

ambiguum mihi esse respondi, de scripturâ non liquere, quâ
facili momento de persuasionis ponte deturbari possim, nî
saxum haud e mentiræ vetustatis suam mihi fidem appro-
basset. Itaque cuncta rimanti, commodum se obtulit mo-
nimentum, quod ad Nicrum alicubi extat, Rotenbergæ,
nisi fallor. FORTVNATVS IIII VIR NEGOCIATOR &c.
alterum Augustæ:

DEO SILVANO TEMPL. CVM SIGNO VE-
TVSTATE CONLAPSVM SEX. ANTONIVS
PRIVATVS CIVIS TREVER. IIII AVGV-
STALIS PECVNIA SVA RESTITVIT.

Item Placentiæ in Insubribus:

L. PLOTIO ATIMETO IIII AVGVST. &c.

frequentissimus tamen scribendi vsus passim in marmori-
bus saxisq. occurrit, hoc pacto VI VIR. è quibus vnum modò
insigne huc adscribam Interamnæ repertum.

PROVIDENTIA TITI CAES. AVG. NATI AD
AETERNITATEM ROMANI NOMINIS, SVB-
LATO HOSTE PERNICIOSISSIMO P.R. FAV-
STVS TITIVS LIBERALIS VI VIR AVG.

ITER. P. P. S. C.

Rarissimè verò scriptũ inuenias pleniorè scripturâ s E-
VIR. quod Mediolani de C. Plinio Sec. legas, SEVIR EQVI-
TVM, & Capuæ, L. PHILEROTI SEVIRO AVGVSTALI. Eum
honorem Valentia in Hispan. expressum marmor seruat,
C. TERENCEVS ONESIMVS IN HONOREM SEVIRATVS
SVI. &c. Atque ista quidem per occasionem de Seuiris
non inutiliter adiecta sũto: in quibus Augustales diceban-
tur qui ab ipsis Augustis constituebantur. Cæterũ vt ad
institutum vnde deflexit oratio recurram, Idem ager, de
quo dixeram, vitreum lecythum effudit herbacei coloris,
crassum ac proinde grauem, ansâ latâ, eâque rhomborum
instar crenatâ, quem curiosè idem nobilis vir asseruat. Pro-
tulit idem ager & tudiculam auream repræsentantem in-
cerniculum, quodam tenuium foraminum labyrintho per-

Hildegardis
castellum.

Bulgersteinū.

Wena.

Sterreburgū.

Capella.

Hodenpiliorū
castellum.

Polana arx.

Binchorstū.

tusum mirandi operis atque adeo inimitabilis, aurificum confessione: cuius materiam sunt qui electrinam augurantur: maior portio merum se probat aurum: brachium, quod manu tenetur, auro improbiore constat; id quod lacunulæ, vitio terræ salsuginosæ altius insidentes, loquuntur. Extat apud Adrichemium veterum sigillorum amatorem Hagæ. Redeamus ad castella & arces. Hildegardis castelli vnâ cum templo ruinæ in editiore tumulo, qui in solo circumquaque vliginoso & plano in speciem tribunalis affurgit, miliaris fermè vnus spatium à Roterodamo disiunctæ visuntur, in quo Hildegardis fatidicæ sceminæ, alterius cuiusdā Sibyllæ aut Carmentæ (cuius effata atque oracula præsentem temporum conditionem pulchrè exprimentia inspexisse aliquando memini) ædificium stetit, turris lacera superest, dominium nunc penes Ioan. Matenesium, cuius facta paulò antè mentio est. Intra Roterodami mœnia extant ruinæ castelli Bulgersteinī, à Bulgaro fortè quopiam dicti, siue illud gentilitium nomen fuerit, siue nationis: neque longius ab eo oppido ad Rotæ ripam ruinæ arcis Viennensis, quæ *Wena* deprauatè nominatur, *Curia* vulgò dicta, vnde & oppidi portæ nomen mansit *Curialis*. Visuntur ad Sciam amnem & vestigia castelli Sterreburgi, siue à depictis stellis, siue à positu turrium stellæ hexagono non absimili nuncupati, cuius possessio longâ serie ad Duueuordiam stirpem refertur. Arcis Capellæ vetustissimæ ruinas & vestigia ostendit ad amnis Iselæ crepidinem pagus cognominis, Naelduicenæ domus quondâ peculium, nunc Arenbergij Comitum hæredium. Hodenpiliorum nobilis minimeque obscuræ olim gentis castellum in Vlaeringensi solo dirutum iacet. Similem cladem senserunt arx Polana fundatissimæ Polanorum familiæ, Equestri splendore claræ, in eodem territorio: & Binchorstū in luculentâ stirpe, Hagæ vicinum, sub idem tempus per plebem nobilitatemque in factiones diuisam, quarum alteri nomen à *pisce asello*, (*De Cabbelausche*) alteri ab *hamo*, (*De Houcsche*) nomen erat, cuersa

euerſa ſoloque æquata fuerunt. Arx Velfena diſiecta lace-
 rasruinoſasque parietinas adhuc oſtendit, ob parricidiale in
 Principem ſœdè trucidatum nefas communibus Hollan-
 diæ Zelandiæque armis expugnata atque euerſa. cuius ex-
 augurata fundum Ianus Douza, Muſarum delitiæ, poſſi-
 det: atque in eius viciniâ ad teli iactum paucis abhinc annis
 egregiam villam caſtelli modo latâ ſoſâ circumdatam ab
 Hadriano Groeneuenio Harlemenſi ciue exſtructam vide-
 mus. Sanda, ſiue Sandeburgum Comitum caſtellum iam *Sandeburg.*
 olim in ruinas diſſipatum, interiit, ab arenario ſolo, vt ap-
 pareret, nomen adeptum, poſtquam Guilelmus Roman.
 Cæſar curiam à Graueſandâ tranſmouit. Eandem in con-
 ditionem venit & Zilia caſtellum, vulgò Curia Zilianæ no-
 mine notum, quod Ziliæ Rheni elici adſidebat. Superſunt *Zilia arx.*
 Douſia caſtellum ad elicem Rheni Douſiam ſitum, vnde *Douſia.*
 illi & familiæ clariffimæ nomen. Altenacum à nimiâ viciniâ,
 quâ Delphorum vrbi grauius videbatur, ſi quando ob-
 ſidio timeretur, ſic dictum, Adamus Almondus obtinet,
 nuper ab oppidanis incendio corruptum. Croeſuicum vltra *Croeſuicum.*
 Rotam amnem: Locueſteinum arx validiſſima in diuerſio *Loeueſteinn.*
 amnium Vahalis & Moſæ inter Goricomium & Worico-
 mium ædificata: & Honſela arx ſpecioſa Naelduico vicina. *Honſela.*

CAP. XIX.

De Nobilitate Batauca.

IN LVSTRIORES nobilioresque gentis Bataucæ fami-
 lias, quas aut priſcis ſæculis extitiſſe comperimus, aut ſu-
 perior ætas & auita memoria cognouit, aut præſens quoque
 ſuſtinet, enarraturo mihi operæ viſum eſt pretium fore, ſi
 veræ nobilitatis imaginem expreſſam ob oculos repræſen-
 tare ſcripto: eoque magis, quo in hunc ordinem irrepe-
 re, & Palladium (quod dicitur) obtinere pleroſque citra de-
 lectum, velut aduentitios, animaduerſum ſit, cerdoneſ,
 ſchœnoplocos, reſtiones, mercatorum liberos, qui claritu-
 dine loci, quem natalem naſti ſunt, aut quem peregrinatio-

Vera nobilitas quæ?

ne religionis ergô susceptâ accefferunt, aut qui datis repræsentatisque nummis, municipij, satrapia, arcis ve titulum, ius, vsum, aliosque honores mercati sunt; Nobilitatis glorioso nomine venditare se præsumperint: haud equidem scio, quàm honestam manifestæ ac pudendæ prævaricationis causam dicturi, si profanationem ordinis antestari liceret. Neminem enim aliter opinaturum existimo, quâ quòd genuina nobilitas ea sit, quam vel virtus vitæ socia exornet, vel mortis comes gloria cohonestarit. Neque verò torques, non armillæ, non abaci argenteâ supellectile graues, non pretiosa synthelis, non segmentatæ & intercurfantibus mæandris lacinosæ vestium oræ, non in astragalis lunulæ, non latifundiorum possessio, non ampla hæreditas, non fumosæ imagines, quibus atria fulgeant, non obsoleti clypeorum vmbones, non denique opum apparatus & splendor nobilitatem secum adferunt, quum in virtutis actione ista, dum vita suppetit, consistat, aut in glorioso interitu consumatur. Ianum nobilitavit eximia in rebus prudentia, quæ Bifrontis nomen illi conciliauit. Cecropem pudicitia & virtutis amor, dum promiscuos belluarum ritu concubitus legitimi connubij frenis coercet. Hercules & Theseus è domitis sublatisque monstris orbi terrarum grauibz & exitiosis, per ærumnas & pericula nobilitati sunt. Codrum quis nosset, nisi suo iugulo patriæ salutem quæsiuisset? Antonino Imper. paterna origo à Numa, Pythagoræ institutione claro, nobilitatem maiorem addidit. Fabijs, Lentulis, Ciceronibus, Pisónibus inlustribus familijs, quarum memoria libri omnes redundant, an fabas, lentes, ciceres, pisâ, aliaque id genus legumina, quibus agros conferere erant soliti, quum ex agris ad imperia vocarentur, nobilitatem & nominis claritudinem conciliaisse putabimus, ac non potiùs res magnas domi forisque gestas? ita Metellis, Scipionibus non natale, sed res quas fortiter gesserint pro aris focisque, & actam innocentissimè vitam, nominis dignitatisque extitisse initium, disertè ait Cicero. E diuerso, Gabinio, altâ nobilitate,

nobilitate, blandâ videlicet conciliatriculâ (vt eiusdem
vtar verbis) freto, ac propterea ingentes spiritus fumentis,
flagitia plus obscuritatis, quàm splendoris lucisq̃ue claritas
generis vetusti attulerunt. Rectè gloriari mihi videtur Ci-
cero, se nobilitatis claustra refregisse, vt ad summos hono-
res non magis nobilitati, quàm virtuti aditus pateret. Præ-
stat itaq; rebus rectè gestis florere, ac nominis claritudinem
vel eâ viâ, vel ingenij cultu comparare atque extendere,
quàm sola maiorum opinionum tumere atq; inniti velle: satius
est ita viuere, vt posteris initiũ nobilitatis & virtutis exem-
plum à te petatur. Harmodio, abnepoti clarissimi illius ty-
rannicidæ, qui communi cum Aristogitone operâ Pisistrati
tyrannidem conuellit, exprobranti per conuitium generis
nouitatem Iphicrati Atheniensium fortissimo duci; Mei,
inquit Iphicrates, generis origo à me initium capit, at tuum
in te definit. Istius dicti sumius Cicero, quũ cognomẽ suum
ob ciceris leguminis vilitatem, fastiditũ inuisumq̃. intellige-
ret, amicis aliud sumendũ suadentibus, respondit: se nomen
Ciceronis longè redditurũ illustrius, quàm vel Catonum,
vel Catulorum, vel Scaurorum, quæ cum primis illustres
apud Romanos familiæ erant: innuens nobilitatem solis
imaginibus & stemmatibus innixam, malè firmis sustentari
adminiculis, eam verò quæ proprijs virtutibus quærat &
concilietur, firmissimam pariter ac pulcherrimã esse. Scitè,
Platone teste, nobilis ille Marathonix victoriæ laude The-
mistocles Seriphio cuidam in iurgio respondit, obijcienti
non suã, sed patriæ gloriã ipsum splendorem assecutũ; Nec
hercle, inquit ille, si Seriphius ego essem, nobilis; nec tu si
Atheniensis esses, clarus vnquam fuisses. Præclare Dioge-
nes sciscitanti qui mortalium essent nobilissimi, respondit;
qui opes, voluptatem, gloriam, vitæ vsuram despiciunt, con-
trà labores, inopiam, mortem nihili faciunt. Neque obscure
Antisthenes docuit, virtutibus ornatos, eosdem verè nobi-
les. Quorsum hæc tam multa? vt nimirum, quod antiqui-
tatis, quod philosophorum, quod bonorum omnium, qui
vno

*Nobilitas tri-
plex.*

*Nobiles na-
tura qui?*

*Nobiles vir-
tute.*

*Nobiles do-
ctrinâ.*

*Nobiles ac-
quisitiua.*

vno quasi ore idem loquuntur, iudicium, qui sensus de nobilitate fuerit, declarare. Nam quum in vniuersum vna sit nobilitas generis, quatenus videlicet ad posteritatem decurrit, in treis tamen species illa ceu ramos diffunditur, vt naturæ vna detur, virtuti altera, tertia arti debeatur: duarum posteriorum gloria & fama fundamentum est, incitamentum, & quasi classicum quoddam ad labores suscipiendos & subeunda pericula. Quos natura nobilitauit, ij existimantur, qui antiquâ & amplâ progenie, nataliumque splendore antestant, quos insignis progenitorum suorum virtus, aut opes antiquæ & inueteratæ eò claritudinis euexerunt, vt inuidiâ omni maiores sint: ijque colendi & summo iure amandi sunt, quod his rerum clauum regendum Deus dederit, & Reipub. gubernacula cum iustâ potestate commiserit, quos propterea *Μογχεῖς*, ceu ab Ioue editos oculata antiquitas nuncupauit. Secundum locum obtinent, quibus inlustria & nota cunctis facta, impensâ pro Reipub. incolumitate vitâ, exantlati pro Repub. labores, periculorum pro ciuium salute contemptio ac despicientia, nauata denique egregiè opera Principi, virtutis nobilitatem & sempiternam gloriam pepererunt; quorum immortalia facinora immortalis quoque memoria vt consequatur, iniurium non est: atque isti quidem sæpe humili & obscuro, aut saltem minùs generoso loco sunt orti, stirpis tamen suæ propagini, & ex se genitis generosum nomē & titulum quasi transcriptum relinquunt. Tertij ordinis sunt, quos ex doctrinâ nobiles & claros appellat Cicero, qui præstanti eruditione & scientiâ imbutis animis in commune profunt, aut liberalis artis ope atque adiumento inclarescunt. His ingerit se ascititia quædam & acquisita nobilitas, quæ per diuitias, nuper fortunæ aut hæreditatis optimæ beneficio partas, adrepat familijs generosis seseque insertat, in modum luxuriantis vitis, quæ pedamentis, vt sustineat se, infirmitatem fulcit. Talis enim uero nobilitas ex ingeniorum conditione, vti è fructuum bonitate, aut feritate arbor, æstimanda est, quæ si tolerabiles

tòlerabiles & non improbos homines produxerit, ferenda est; sin flagitiosos & vitij deditos despuenda. Stultè enim faciat, qui lapidem è sepulchro, pro deo venerari velit, quod ille inquit, & improbè senserit, qui talem nobilitatem peniti alicuius faciat, vtpote animi imaginibus ac virtutis defectam, quæ propter fluxas opes tantum graui supercilio tantquam Rhadamanthus nitatur. Itaque quum condiciones istas & genera nobilitatis animo sapienter peruidisset Sigismundus Imper. cordatus Princeps, potiore loco atque honore habuit eruditos homines, quos doctrina & virtutum præclara fama nobilitarat, dictitans identidem apud Germanos proceres, quibus vilescibat eiusmodi nobilitas, meritò magni à se fieri, quos cæteris antecellere ingenium dederit: & aliàs, in suâ manu esse, vt multitudinem profanam suorum nobilitatis titulo vel horæ spatio insigniat, sed eruditionem, ornamentum animi, neque totum intra decennium largiri posse. Cuius simile dictèrium effusum memoratur à Dionysio Milesio in Heliodorum, Hadriano Imperatori ab epistolis, dicente, Te Cæsar pecunijs & honoribus augere potest & ornare, sed oratorem te facere non valet; vti Dio Nicæus refert. Istà non eo à me dicuntur animo, quasi improbem imagines & pictos aurum longo ordine vultus, quasi reijciam stemmata, quasi clypeos cum singulorum titulis auerser, quorû gloriæ vetustissimæ origo virtutis plena attestatur, quippe statim ab exactis Romæ Regibus incepta, quando in scutis, quibus pugna obibantur, imagines ad viuum expressas vultusque eorum, qui illis vsi fuerant, insculptos, sacris publicisque locis primò, deinde priuatis etiam in ædibus, spectandos, additis honorum titulis, posuisse Romanos, auctor est locuples Plinius. Quin è contrario sum planè animi diuersus, Nobilitatiq; studiosè faueo, id quod bonos facere omnes inprimis decet, tum quia ex vsu Reipub. sit, nobiles viros esse, qui maiorum suorum vmbris digni ad clauum Reipub. adsideant, tum quia clarorum hominum qui de Republicâ optimè sint meriti,

etiam vita defunctorum, vetus memoria valere & sacrosancta haberi debeat: Sed damno atque explodo eorum vecordiam, qui metiuntur ex illis rebus veram & germanam nobilitatem; reliquos in ordinē cogunt, despiciunt, pro principijs & mediastinis ducunt: qui literarum scientiam atque eruditionem ridet, proculcant, sanctis excipiunt, quasi Nobilitati inutilem, imò indecoram potius: qui non libris vacare nobilem, sed venatorium instrumentum assidue tractare volunt, aleatoriam scholam frequentare, discum iacere, pocula obducere, stupris clarescere, comedere patrimonium, decoquere creditoribus, è venere promiscuā luem contrahere; quasi hæc demū sint vera rudimenta & artes quibus nobilis animus imbuī debeat. Neque super sedendum est, quod pleraque omnis nobilitas transilire honesti limites putatur, quæ Thespensium instituto mordicus inhærens, pollui nobilitatis decus existimat, si opificium discant, aut agro colendo operam nauent, ut in Politij refert Heraclides Lycius: quod de conceptâ publicè & iam olim confirmatâ vulgari opinione natum esse credibile est, quæ uti rem rusticam (Columellæ verbis ut id dicam) negotiū nullius magisterio præceptoris egens, ita opificium sordidum, ac proinde utrunque à nobilitate alienum opus putauit. In eadem sententiâ Persæ quoque & Lydij Scythæque fuisse, qui artificium colentes in ignobilibus ducebant, at militiæ operatos, pro generosis habebant: ita ut iudicio nonnullorum videantur latrocinia, rapinas, neces, bellorum præmia, summæ nobilitatis vice habuisse: quod exemplum imitati Cares, primi venalem mercede vitam prostituisse creduntur, quamvis falsò; quod Arcades hac infamiâ, seu laude priores fuerint, quibus belli nundinatio stipendio proposita erat. unde Dionysij Milesij manauit scommma, dicentis, *Græcorum calamitates Arcadiam pascere*. Faceſſat à Batauâ Nobilitate iste fascinus, quum cōſtet clarissimo Taciti elogio, ut Gallos pro libertate, Germanos pro præda, ita Batavos pro gloria ad capeſſendam pugnam olim fuiſſe inſtigatos.

Quin

Quin illam vltro impulsam potius me præcentore aut ce-
 leuste, atque exstimulatam velim, vt memoriam illam pri-
 stinæ virtutis propè intermortuam renouet, atque ita Bata-
 uici nominis amplitudinem à maioribus acceptam, bonis
 ominibus, suæ posteritati tradat. Iam verò Neapolitana no-
 bilitas, cuius primam gloriam sibi affectant illi, inerti otio
 vacat; eoque solo nobilitatis bonum finemque metitur, in
 atrijs pictis deses, aut phalerati equi vectatione contenta: ita
 vt rem tractare rusticam, à professione suâ alienum atque
 abhorrens existimet: mercaturæ insuper vsque adeo perti-
 nace imbuta odio, vt in egestate turpem vitam tolerare fa-
 meque enecari, quàm locupletissimo etiâ mercatori filiam
 nuptui collocare malit. Hanc similiter despuunt vilemque
 habent Romani, in rei rusticæ curam compendiumque at-
 tentiores, pecuario studio & agrorum cultu opes quærere,
 nobilitate non indignum iudicant. Gallicæ nobilitatis pro-
 prium est, prædia & rus colere, ciuitatis commercium, ceu
 primam sui labem fugere, ita vt opinio nobilitatis è vitâ ru-
 sticâ & prædij possessione plerunq. pendeat. Eadem fermè
 ratio est apud Britannos, vbi nobilitas saltibus viuariisque
 inclusa rure vitam degit, è lanicio & gregum quos pascit fœ-
 tibus censum locupletans, proq. opum numero famulitium
 extendere coacta. Germani stirpis antiquitatem præcipuè
 admirantur & vnicè excolunt, vt quæque est vetustissima,
 etiam inter patrimonij censuque clades; plerique vrbibus
 procul abdunt se in saltus, aut inter rupes castellis affixi ad-
 sident: alicubi è latebris recessibusque, velut Caci quidam,
 exorti viatoribus insidiantur; ex eorû pecuniâ otium suum
 alunt. At apud Principes ferè nostros in morem receptum
 est, vt nobilitatem conferant citra delectum & virtutis æsti-
 mationem, vel obsequio vel pecunijs gratificantes, atq. ita
 literis priuilegijsq. eâ muniant; quos è cerâ miniatâ aut scrip-
 tis nobiles meritò dicere liceat. Verùm enimuerò inter
 virtutis præmia, summa ac primaria dignitas præcipuusque
 honos apud plerasque gentes fuit Equitum, quos istud sæ-

*Neapolitana
nobilitas.*

Romana.

Gallica.

Britannica.

Germanica.

*Equites Au-
rati.*

*Franciscus
Rex reno-
tauit morem
creandi
Equites.*

culum ab aureis ornamentis, quæ illis attribuiuntur, Auros appellat. In quem honoris amplissimi gradum nemo antiquitus cooptari solebat, nisi quem facinora præclara & spectata bello virtus eo merito dignum nobilitassent. Talibus namque solis ut periculorum præmium & laborum fructus, ab ipso exercitus duce solenni quodam ceremoniarum ritu, is honos deferrebat, inspectante omni multitudine. Quem morem planè obsoletum, ante non adeò longum tempus reuocauit in lucem primus Franciscus Galliarum Rex, quum in nobili illo contra Heluetios conflictu ipse fortissimè dimicans inter primos & fortissimos, Ducis pariter & strenui militis munia obisset, ut nimirum illustri clariq̃ue exempli assertor existeret, additis solennibus de more veteri ritibus. Ast alij hoc sæculo inoleuere mores, quando honores adulterantur, dignitatis equestris gradus adulatoribus, potentibus, & gratiosis hominibus, aut opulentis qui militiam nunquam viderunt, etiam citra spectatæ virtutis testimoniū, ceu emptitia merx, promiscuè confertur, perstricto leuiter nudo ense humerolæuo, idq̃. Imperatoris aut Ducis manu, additis verbis solenni more conceptis. Cæterum quia (quod dicitur) peculium re, non verbis, augetur, libet illustrium aliquot familiarum elenchum isthîc apponere, velut lucida quædam sidera, publici cursus notas, sed ita ut non Helicen, quæ latiore gyro circumagitur, vago obtutu obseruandam mihi sumam, sed potius Cynosuram, quæ breui circâ mundi cardinem ambitu fertur, sequar: quod eò dico, ne quis putet me passis velis vsurum, quibus in illarum laudes laxâ & diffusâ oratione peruchar, quum è diuerso contractionibus obeundum hoc mihi statuerim, ne inconsideratiore temeritate in altum abreptus, vbi cælum vndique & vndique pontus appareat, iniquum licet repetere inuitus cogar. Utinam autem illarum virtutibus & præclaris facinoribus (quæ nisi scriptis tanquam præconum voce celebrata, memoriâ facile excidunt & obliuione obruuntur) tam benigna affulisset fortuna, ut iuxta

Alexandri

Alexandri Macedonis votum, Homerum quempiam inuenissent præconem, cuius præconij vim toties nobilitata Achillis hasta sensit. Interim graui vulnere exanimor, quoties recordor fundatissimas qualque & amplissimas familias bellis absumptas interijisse, cum domesticis, quæ cum Cirschenanis Fritijs gessimus, tum externis: siquidem nonnullæ deficiente virili stirpe, quasi traduces quæpiam, in alienas domos translatae, altissimo silentio sunt oblitteratae: multas flagitium Velsianum inuoluit atq. in ruinam secum traxit, quæ, quo sanguine iunctiores, hoc exitio certo propiores, stirpitus excisæ fuerunt & abolitæ; aliæ cladi funestæ superstitæ, hæreditarij nominis ornamentis exutæ, nihil præter inane & aduentitium alienæ stirpis nomē assumere coactæ sunt. Sed quid superuacaneam & inutilem querimoniam profundo? surdo enim Orco ista occino: quin Wassenariæ domûs, inter omnes antiquissimæ, vmbris inferias dum piè facramus, honorem ab antiquis illi attributum non denegabimus. Ea domus summâ & apertâ omnium consensione facilè antiquitatem vltimam tuetur, cuius etsi illustria facta & res gestæ omnium in ore viuant, documenta tamen è vetustis librorum monumentis petenda in obscuro latere videntur; quanquam noui virum non indoctum, qui stirpis istius assertor ad Valentiniani & Theodosij Imp̃p tempora stemmatis seriem perducit Ego certè diligenter omnia perrimatus, nusquam inueni vestigia nominis apud scriptores Romanos & Græcos, nisi fortè is posset esse Veromerus Batauorum Princeps, Augusti Cæs. temporibus, qui apud Strabonem vitiato codice malè nominatur *ἐρπομυρδς*, *η* in *κ* transposito, & *υ* in locum *η* immisso; quod mendum clarè patet ei, qui Germanica nomina Principum & summorum magistratuum, in Merus, vel Marus exisse intelligit; quâ de re diffusius egimus vbi nominū rationem explicuimus: quin illo ipso loco *σερμυρδς* per *η* Cheruscorum dux Straboni rectè scribitur; tametsi locus ille totus lib. vii, qui de proprijs nominibus agit deprauatissimus, excusare vnum

*Familiam
interitus.*

Strabonis lo-
cus emenda-
tus.

istud nomen faciliè queat, quando illic *σεμνηντος*, pro *σεμνηνδος*, *ἀρχιμνηδος*, pro *σεμνηνδος*, *ἀρχέσης*, pro *σερήςης*, & *βαττων*, pro *βαττω* mendosissimè scriptum inueniatur. Equidem inclinasset animus, vt eandem fuisse stirpem crederem cognominis vicinitate, nisi vnum, quod dicam mox, mutare sententiam coëgisset: nam *Veromerius* idem fermè cum *Wasserheer* sonat, quod proprium gentilitiumq. agnomen contendunt, volentes significare *aquarum potentem & dominum*, quòd portuorum perpetuarius & hæreditarius possessor, aperire vel etiam claudere portus, negatâ vel concessâ ex arbitrio veniendi abeundiq. potestate, hoc est, naues & sistere & dimittere posset, vt *Beermeyer* signet *portorio præfectum*, aut in id ius habentem: *Wasserheer* verò (quod in *Wassenaar* detortum volunt) *aquarum ius sibi vendicantem*. Iam verò adscribi quoque error potest vetustati, quæ demit, addit, & vocum faciem immutat, vel librariorum incuriæ, vel scriptori idiotismi ignaro, vt primogenium vocabulum & verum fuerit *Vassemerus* (Romanis nunquam geminato *W* vsis) deflexum postea in *Vassenaar*. Sed nolo pluribus esse disertus in istâ contentione. Satis esto, quòd altissimam perpetuarij iuris nobilitatisq. vetustatem defendere stirps illa omnium confessione possit, nato inde prouerbio de trium illustrium Hollandiæ familiarum comparatione, *Wassenaarîa demû antiquitate, Egmondanâ diuitijs, nobilitate Brederodiâ antestare*. Annalium monumenta Claudiû Civilem, quem regiâ stirpe editum Tacitus loquitur, non aliâ ex familiâ extitisse volunt, quâ auctoritate nescio: eiusque filiam Vitellio nuptam, quod somnium est anilibus Calcorum deliramētis vanius, quum Suetonius disertè duas illi vxores tribuerit, Petroniam & Galeriam, illam Consularis, hanc Prætorij viri filiam, nec plures: deinde quum à Galbâ in Germaniam inferiorem esset missus, vixdû mense transacto apud Coloniam Agrippinam Imperator est consalutatus, vt tunc nuptijs vacare integrum illi non fuerit. Quin & in iisdem memoratur Engistus

gustus Radbodo genitus reuersus à Britannicâ expeditione victor, pyrgum Lugduni, aluco Rheni imminentem (quem Leydæburgum vulgus nuncupat) condidisse cum telonio, sub Theodosij Imperatoris tempora, atque ex eo Burgrauiorum (quod Burgi Comites denotat) nomen reliquum esse, imperiumque & ius principale in Rhenolandiam ab illis vsurpatum, in quâ hæcenus vt fiduciarij Comitû clientres pro mercibus vectigal exigunt, & *Plumarij Comites* nominantur, quodd & illic & in tractu Delphenſi illorum iniussu nemini fas sit cygnos aut olores publicè alere. Ius familiæ imperiumque in aquas ostendūt augescences lunulæ, quæ gentis insignia exornant, quando lunæ imperium in humores & aquas auctorum omnium concentus tribuat. Hinc manauit ius *Gruta*, quod penes eosdem semper extitit, quo coctores ceruisiarij pro vsu aquæ centesimam illis persoluunt, vernacula lingua *Gruntgelt* vocat, siue eam vocem à Flandris mutuata fuerit maiorum nostrorum ætas, qui lenticulam palustrem quæ in paludibus & stagnis per æstatem aquæ supernatat, gratissimum anatibus pabulum, *Grutam* appellant, quam nos corruptiùs *Eroes* vel *Eroest* dicimus, vt *Gruntgelt* sit vectigal, quod penditur pro rollendâ dissipandâque lenticulâ aquas operiente, quo limpida haustis situlisque hauriant ad concoquendum vsui hominum cerealem potum: siue origo fluxerit (quod nonnulli volunt) ex vsu feminij cuiusdam aut herbæ, quam ceruisiæ incoquebant, olim *Grutjung*/ posteris *Scarpetange* dictæ, quæ cuiusmodi sit, ignorare me fateor. Quod ius à dynastis potentioribus (vt solet auaritiam illorum & libidinem accendere atque alere æmulatio) vsurpatum postcâ video à Brederodij apud Caninefatum caput Harlemum, & à Naekduicenis, vt mox dicetur. Vidit nostra ætas virum fortissimum, alterum quendam Achillem, Ioannem Wassenarium, Frisiæ subactorem, cui victricia per hostilem terram signa circum ferenti, idem spectrum oblatû narratur, quod Druso Germanico ad Albim se ingessit, id quod ob parem

Plumgrauen.

virtutis

lib. 55.

virtutis & lethi gloriam memorabile referendum hîc duxi. Scriptis namque proditum est à Suetonio Tranquillo & Dione Niceno, Druso, quum ad Albis ripam peruenisset, transire cogitanti, occurrisset mulierem specie humanâ ampliore, dixisseque; *Quò pergis inexplēbilis Druse, negant tibi fata tendere ultrà: quin abi, adest enim mortalium operum & vitæ finis*: quam rem memini poëmatio consignatam olim à Petro Nannio ad Fridericum Tauteburgensem, nunc Archiepiscopum Traiectinum, cuncti concium, cuius tunc pater fortissimus dux coniunctis copijs bellum Frisicum gerebat. narrat enim ei excubias exploranti dubiâ crepusculi luce obuiâ fuisse horrendam fœminæ speciem, *Famina* (inquit) *erat, nisi membrorum nimis ardua moles,*

Hanc commonstrasset numine non vacuam.

addit deinde voce horribili locutam;

Quid Frisiam attingis, deuota ò victima Diti?

Egmondanæ
familia.

Hic te, non alibi, fata suprema manent. libuit eius versus ab interitu vindicare, quos de clarissimo heroë verè cecinit. Is filiam reliquit hæredem, quæ in aliam transcripta familiam, dotalia bona attulit Iacobo à Linge, Comiti Falkenburgio. Transeo ad Egmondanæ stirpis originem, quæ in controuersîâ & contentione versatur, ceu in trutinâ appensâ, & perinde momentû hinc illincûe tractura amplioris aut leuioris claritudinis, prout studia hominum iniqua in hanc vel illam partem proniora inclinauerint. Nam qui accidunt atque eleuant vetustæ domûs claritudinē, ortum eius referunt ad officium & nomen *Aduocati & Tutoris*, additi Abbæ Egmondano; vsurpato inde agnomine, quod natalibus aut stirpi datum inficiantur, muneris duntaxat & officij per Abbatem impositi atque indulti beneficium. Si tamen vera est *Aduocati* interpretatio, quam Iac. Meyerus aliq̃ue adferunt, pro ciuitatis principe; vesana atque improba istorum qui diuersum sentiunt, claritatemq̃ue familiæ de luce in tenebras vocant, expositio fuerit, & calumniæ proxima. Melior pars fontes natalium arcessit à Radbodo

Aduocatus
quid.

Principe,

Principe, siue (vt volunt, quô dignitas augeſcat) Rege Friforum, qui siue is ſit, quem è lauacri regenerationis folio, tingendus quum eſſet, pedem reuocaſſe, Sigibertus teſtatur; siue alius eo minor, qui Goudebaldi, cuius qui in Pyrenæis montibus in conflictu contra Saracenos Scenitas occubuit, frater, primus Chriſtianæ religionis rudimentis imbutus, Egmondanam arcem ſtruxiſſe dicitur, tum certè cauſſâ caſuros, & calumniæ manifeſtæ inſimulandos fore auguror, qui alteram illam opinionem tuentur, quippe ſi ad Radbodum ſecundû, qui ad annum ſalutis ſeptingentefimû nonageſimum mortem obiit, initia nataliû reuocabuntur, octoginta minimum annorum curriculum deſluxiſſe comperimus, ante conditum à Theuderico primo Egmondenſe cœnobium; quodd ille regnante Carolo Caluo inauguratus Hollandiæ principatui fuerit, cui octingentefimus ſeptuageſimus octauus annus vitæ finem, ſi bene colligo, attulit: quum plures multo anni numerandi veniant, ſi ad priorem reſpiciamus. quæ res clarè ingeret ſe legenti Reginonis & poſteriorum ſcriptorum hiftorias, ne prolixitatem odioſam quærere videamur, quando priuati voluminis materiam ſatis locupletem ea præbitura facilè ſit, ſi exequi ſubtiliter annorum numerum & primordia familiæ inſtituam. Video alios arcis fundamenta ad inferiora longè tempora reiicere, nimirum ad annum 1140, vel circiter, quando Beroldus vnus ex iſtâ familiâ, ob ſingularem fidem quam in omnibus exhibuerat, latifundio donatus à cœnobij antiſtite, quod ſex fundos continebat, arcis prima in eo fundamenta iecerit, à quo poſteritas illius Egmondanorum nomen & titulum ſumpſerit atque uſurparit, ſed malè conſutas nugæ neçtere mihi illi videntur. Gerit hæc familia ſex normas, ſeu canones alternis rubras & aureas in clypeo, quibus ad-
Egmond. inſi-
gnia quid ſi-
gnificent.

Simonides.

ne ad Scopam Theſſali Creontis filium deſcribit, *χρὸς τὴν
ὥσιν τετραγώνον ἄν' ἑνός τετραγώνον*, hoc eſt, *qui & dextrâ &
animo quadratus citra reprehensionem ſit*, nimirum iuſti-
tiam colendo, fortiter agendo, viuendo continenter, con-
ſilijs prouidendo, labores tolerando, & à clementia non
diſcedendo, quæ ornàmènta citiùs quàm deleſcendo ille ſe
inquinet, malit decorâ morte paſciſci, Plautinum illud ſem-
per in ore habens, *Qui per virtutem perit, non interit.*

*Brederodia
ſtirps.*

BREDERODIÆ nobilitatis memoria ex Annalium vetuſtate
facilè repeti poteſt atq. erui, ſtirpis auctore Zyphrido Ar-
nulphi tertij Hollandiæ Comitis natu minore (vt traditur)
filio, qui paternas iras fugiens in Friſiam in voluntarium
exilium abiſſe dicitur, vbi generoſo de ſanguine virginis
amore captus, eam coniugem aſſumpſit ignaro patre, binos-
que virilis ſtirpis liberos ex eâ genuit, Theudericum aui no-
men referentem & Simonem; receptusque in gratiam à
patre latifundia ac dominia amplioribus iuſto decempedis
(eius namque ſignificatio in voce *Brederorde* continetur)
dimenſa accepit, atque inde in poſteritatis agnomen tranſi-
tio facta eſt: Donauerat tunc temporis eidem & arcem *Tey-
lingam* genitor, quæ in dotale patrimonium ſecundo filio
Simoni ceſſit, à quo fonte fluxit ſtirps *Teylingia* cuius ab-
olita eſt ſucceſſio interitu duorum fratrum, qui familiæ re-
liqui, in ipſo iuuenta flore cæſi ſunt & extincti vnâ cum in-
felici Principe Wilelmo, in conflictu contra Friſios. Quæ
calamitas excepit ineuitabili ſorte ſuperioribus annis reli-
quias ſtirpis Brederodiæ, in quâ paucorum annorum ſpatio
quaternas maſculas proles, omnes adulto robore vegetas,
militiæ honoratæ ornàmènta, non dubio vindicis Nemeliſ
argumento, corruiffe vidimus. An è principijs & naturalium
latentiumque cauſarum nexibus ſuum cuique ordinem
immutabili lege conſtitutum decurrere neceſſe eſt? an verò
electionem vitæ nobis propoſitam (vt Paridi olim obiectâ
dearum ſpecie) certus imminentiũ ordo aſſequitur, prout
eâ rectè ſecusue vtare, proſperis latâ atque honeſtâ, exitio
incon-

*Teylinga
ſtirps.*

inconsultâ manentibus? *MEROVÆA*, seu *Meroinga* gens *Merouea stirps.*
 vltimæ antiquitatis restim (vt ita dicam) duetare mihi vide-
 tur, quantum coniecturâ augurari possum & prospicere,
 cuius claritati id datum fuisse autumo, vt *Vahalis* mutato
 nomine *Meroua* vocaretur, cuius ripam arx quoque firmit
 & egregij olim operis ornabat, nunc in medio æstu ruinosa.
 Certè Einhartus Caroli Magni nutritius & scriba, Francos
 (quorum ego sedes in *Salandiâ* Transilulanâ vicinifque re-
 gionibus fuisse docui) consueuisse creare sibi Reges è Me-
 roingorum genere ad Hildericum vsque, quem iniquâ ra-
 tione, si fas est dicere, munere regio Stephanus tum Ponti-
 fex, occultâ cum Pipino palatij præfecto coniuratione initâ,
 exuerat; attonsumq. Regem non suæ spontis in cœnobium
 detruferat, scribit. Stirps ergò *Merouinga* à Merouæo tertio
 Francorum Rege originem (vt videtur) asserens, vtram-
 que & nobilitatis & antiquitatis paginam facere suo iure
 potest. Illud constat, Francos principem honoris præroga-
 tiui locum huic familiæ detulisse, quando per hanc vt &
 Carolingam, cum domi suum, hoc est, Germanicum, tum
 foris Gallicum imperium diutissimè administrasse legatur.
HERCVLANÆ familiæ vetus, sed superbus fuit dominatus ac *Herculana domus.*
 principatus, in *Teysterbandiæ* Comitatu inter Vahalim &
 Leccam situs, quem Linga secatur segnis amnis, si non potiùs
 corriuatio, vel diuerticulum è Letca ductum vocari debet;
 qui *Goricomum* præterlapsus Merouæ se commiscet. In
 eo plura extiterunt oppidula, in quibus recensentur præter
 dictum *Goricomum*, *Leerdamum*, *Aspera*, *Huecklomum*,
Hæstrechtum, & cum *Gaspera*, *Euersteina*, & *Hagesteina*;
 quorum nonnulla busta sunt arcium & infelices rudera
 acerui. Sed siue præintolerando fastu cunctorû odia Prin-
 cipum inflammata fuere ad delendum impotentem do-
 mus istius dominatum, tanquam ad restinguendum com-
 mune incendium, siue ineluctabili fatorum vi consilia cor-
 rumpi solent eorum, quibus fortunas mutari aut euerti pla-
 cuit, constat vno propè tempore diuersos Principes ditio-

nem Herculanorum fuisse aggressos, eamque, ut Penthei
 artus Bacchantium foeminarum grex olim laniauit, con-
 cerpsisse: nam Fridericus Traiectinus Præsul Gasperam in-
 uasit cum Hagesteinâ & Euersteinâ, funditusque euerit:
 Vianensis Rhenoſteinum occupauit: Arnoldus Gelriæ Dux
 Leerdamum cum Steneuordâ possedit: Haestrechtum Gou-
 dæ vicinum expugnauit Albertus Boiorum Dux, Hollan-
 diæ Comes, & belli iure captum tenuit: mox idem Gori-
 comum cum arce & vniuerso dominio ab Ioanne ultimo
 tantæ ditionis regulo, repræsentatis nummis emit ad qua-
 dragies sestertiûm, subscribente contractui atq. assentiente
 filio; quod conuentum pro irrito habuit paulò post ac rescidit
 filius extincto genitore, occupato vi Goricomio: quam
 iniuriâ ultum ut iret Iacoba Princeps, collecto milite op-
 pidum obsedit, oppugnauit, cepit, ibique fidei violatoris ac
 foedifragi sanguine iustæ iræ parentatum fuit. Hic exitus
 fuit longè clarissimæ potentissimæq. familiæ, cuius posses-
 siones & hæredia passim multiplicia in Brabantia, Limbur-
 genſi, Traiectensi, & Barenſi ditionibus, in Hollandiâ, Ze-
 landiâ, & Gelriâ, si commemorare velim, molestiam auri-
 bus facturus essem. Opes sanè permagnas & inuidiosas An-
 nales illi tribuunt, quibus animi (ut sit) tumentes fastu &
 elati, ex altissimo dignitatis gradu deturbati, ac ruinæ mo-
 do præcipitati fuere. Inuenio enim putatâ & ad caleulum
 reuocatâ ratione è codicibus accepti & expensi, summam
 prouentuum annuorum triginta tria millia nobilium Bri-
 tannicorum cōfecisse, quæ vicies sestertiûm superat. Origo
 familiæ fabulosa per homines ad assentandum eruditos, au-
 rium folles, refertur ad Troianos fictitij Francionis comi-
 tes: olim nuncupatos Dominos de *Turribus* lego, ab insigni
 clypeo quem binæ turres rubræ distinguebant, quo repu-
 diato, tessellis quadratis in modum scandalarum aut gra-
 duum scanſilibus, itque bicoloribus clypeum interfecuerunt.
 Sub tempora Pippini Franci Carolo Martello geniti, vnus
 ex hac familiâ auspiciu ductumque præuij cygni secutus,
 cum

cum quiescente alite, locum & ipse quieti à vago profectio-
 nis errore cepisse legitur, ibique seu pagum seu castra Her-
 culana cōdidisse, in memoriam Herculis Alemanici proge-
 nitoris sui. BATENBURGA progenies extra cōtrouersia cum *Batenburga*
 altissimā antiquitate coniunctam habet nobilitatē, de quā *domus.*
 vixisse in præcipuā nominis famæq. opinione sub vno tem-
 pore ante quingentos annos lego Alberum, Rodolphum, &
 Theudericum Batenburgos omnes: nomen, dum Batavia,
 vnde appellati, stabit atq. in ore hominum erit, perennatu-
 rum, quamuis graui accepto nuper vulnere saucium, tur-
 bulentissimis istis temporibus, communis calamitatis cum
 multis expectis nō fuerit. HARLEMÆA stirps pari quoq. glo- *Harlemæa*
 ria innitur, è regiā Frisiorum stirpe originem ducens, quæ *stirps.*
 de suo nomine arcem ad annum quingentesimum & sex-
 tum condidisse legitur, de quā copiosius in Harlemo antea
 scripsi: neque dubito, quin vrbs illa eandem fermè vetusta-
 tē arrogare possit. Eius arcis insanæ substructiones, peram-
 plæ & munitissimæ atque opportuno loco positæ murorum
 reliquiæ, deformetque ruinæ se ostendunt non procul He-
 meskirchâ. Reperio in Annalibus, Ibrandum ex Harle-
 mæâ familiâ adiunxisse se itineris comitem Sophiæ Prin-
 cipi Hollandiæ, quum illa religionis ergo cum Othone mi-
 nore natu filio ad annum 1173. Hierosolyma peteret. Non-
 nulli ex hac prosapiâ equestri dignitate viri infelicitè Mar-
 tis aleam secuti in prælijs contra Frisiorum fatalem gentem
 susceptis occubuere. Ex eadem Simon eques, quas habuit
 magnificas & peramplas ædes intra Harlemi mœnia, in
 asceterium conuertit monachis à Carmelo monte nomen
 vsurpantibus dicatum, anno salutis 1249. ante annos ter-
 centum viginti. A quâ stirpe, mutato nomine, descendens
Affendelfia domus, hæreditatem illam adiit, & insignia in *Affendelfia*
 hunc vsque diem præfert. Accepi huius, qui nunc vitam *stirps.*
 viuut, Nicolai Affendelfi (quem ob singularem & præstan-
 tissimam virtutem honoris causâ nomino) patrem, serâ &
 perinde inutiles pœnitentiâ indoluisset, haud exstructam à 'e

fuisse arcem (quæ ab ipso ædificata ab ipsis fundamentis Assenburgum nuncupatur) in vetusto hæredio, in firmissimis illis parietinis & fundamentorum ruderibus, ut stirpis gloriam, antiquitatis memoria vetusque recordatio ab obliuione vindicaret. Porro *Assendelfia* progenies nominis sui ortum habet à dominio, quod perpetuaria possidet, *Assendelfo* pago potente & opulento, quem olim ante quingentos annos *Ascmannedilf* vocitatum scriptumque in codicillis veteribus inuenio. *CRALINGA* aut rectius *Carolinga* familia dicta putatur antiquitus *Carolina*, ortusque sui primordia ad Carolum Magnum referre: certè radiata stella, quæ clypeum insignit, originem Francicam, à Francis olim vicinis nostris natam, loquitur: nobilitatem altissimam stirpis loquitur, quod patrio solo excedentes & in Galliam transgressi Franci, longo tempore regnum vtrunq. & Germanicum, hoc est, suum, & Gallicum, quod inuaserant, per Merouingos & Carolingos, notissima Batavis familiarum nomina, iam labantia, administrarint. *HUESDENAM* stirpem è Cliuensibus Comitibus ortam post octingentesimum salutis annum, arguunt insignia vetera gentis, quæ sunt octo sceptræ aurea in bicolore clypeo, hinc aureo, inde cyaneo: quem mutarunt aureo cum rotâ rubrâ, quem Edmundus Britanniae Rex Balduino Huesdeno genero, qui filiam eius nuptam auexerat, permisit. Cliuensibus ad annum 1290. resignauit ius pristinum in Huesdenû & Altenatem agrum, quæ in clientelâ ipsius fuerant, Florentio eius nominis v. Hollandiæ Comiti, ut ei de cætero tenerentur sacramento, quod ipsum non diu illi stetit integrum: nam Huesdenus bello impetitus à Brabanto potentiore, oppidum cum agro omni facile amisit, itaque in Ducis verba iurare, vsuariumque ab illo accipere, coactus est: tandè omnis possessio Brabanto cessit; quâ diu frui non potuit, quod Wilelmus Bauarus dum inter Flandrum & Brabantam componit litem controuerfam, ipse sibi primo loco cauit, ac sibi posteritati que possessionem Huesdeni vindicauit, & perennè esse sanxit.

Vsq. eadè

*Assendelfum
pagus.*

*Cralinga fa-
milia.*

*Huesdena
prosapia.*

Vsq̄ueadeò formidabilis est magnatum & Principum vicina minùs potentibus, qui vt vulturij prouinciarum, inferiorum fortunis, vt quæque proximiores sunt, inhiant, quos Veious innuit in Menippeis suis doctissimus Varro, vbi inquit;

Qui pote plus, urget: pisceis vt sape minutos

Magnus comest: vt aues enecat accipiter.

DVVEVORDIA profapia è gente Wassenariâ, tanquã limpidissimo fonte, clarorum natalium ortum ducit; vocabulo à primâ impositione nonnihil variante ac deflexo, nam adhortationis ad incepti operis studium significationem, primogenia vox in se complexa fuit, quum natu maior frater forte (vt fit) minorem hortatur, vt lintrem conto subigat atque impellat, hac voce vsus, *Du voert* hoc est, propelle scapham, aut, vt alij narrant, quum illum hoc dicto, *Doet voert* (quod sonat, perge facere, aut cœptum perface) ad inchoati operis perfectionem animasset instigassetque. Ea tunc vox secundo accepta omine, in familiam minoris natu faustis auspicijs transisse creditur. Primus id agnomen familiæ tradidit Philippus secundo loco natus Adeluini Burgrauij Lugdunensis, Rhenolandæ domini, filius, delato illi & aureo clypeo tribus corniculatis furui coloris lunulis. Aliter paullò narrat Theudericus Wassenariæ Curio, ex hoc Philippo natos fuisse quinos liberos dictitans, quorum natu maximum & nominis hæredem fuisse Theudericum: secundum Philippum, eumque primum Duueuordij agnomine donatum: tertium Ioannem qui primus Polanæ titulo & agnomine fuerit insignitus, addito clypeo, cuius solum argentei coloris, tres atræ concolores lunulæ in cornua curuatæ distinguerent: quartum Sandhorstum incerti nominis: & quintum Arnoldum Groneueldium. Hanc stirpem illustrauit ad annum salutis 1353. Wilelmus Duueuordius, Osterhouti dominus, qui cum in magnâ gratiâ apud Principes floreret, magnisq. copijs circumflueret, liberis carens, immensarum opum oceanum in alios à familiæ suæ orna-

Duueuordia
progenies.

mentis

mentis vsus dissipauit, exhaustit, effudit, non sine quadam (si dicendum est) suæ gentis iniuriâ, conditis duobus à solo cœnobijs, vno Claranarum virginum, altero Carthusiani sodalitiij prope Gertrudis montem, quæ & opimis redditibus locupletauit; nondum perlatâ lege, *quæ cauet, Monasteria latifundijs augeri*: neque hac contentus opum profusione, pyrgum cum portâ in dicto oppido, arcē Osterhouti crexit, & Vianam muris fossaq. circumdedit, vti marmor eius memorix Bruxellis positū testatur. POLANA domus iisdem è

Polana.

fontibus (vt modò ostendi) originem cum Duueuordijs ducit, parum diu fœcunda; nam Ioannes Polanæ dominus cognominem sibi filium reliquit, ex quo nulla stirps virilis, vnica tantum filia Polanæ, Leccæ, & Bredæ titulos cum dominijs marito Egberto Nassouienſi Comiti attulit. Ita stirps quasi in herbâ sepulta interijt, aliam in vaginam eru-

Naelduicena.

ptura. Eadem fortuna mansit NAELDVICENAM domum, ex quâ ortum Balduinum equitem Annalium monumēta nominant, arcis Vindonissæ in Frisijs præfectum, ad miliare vnum Hornâ distantis, quam arctissima obsidione circumfessam ab hoste, absumpto omni comœatu, ad extremum necessariarum vitæ rerum inopiâ adductus dedit. Hæc familia *Wateringam* arcem munitissimam in cœnobium religionis ergo commutauit; nam in hac *Wateringa* stirps inter mortua desierat. Hæc in clypeo leonem rubrum Bohemici regni insigne ostentat, crediturque primos sui ortus natales ad regiæ stirpis iuuenem retulisse, qui siue profugus & extorris regno, siue operâ perduellium exutus, isthic consenescere maluit, vitæ ne cupidine, quæ plærunque ingentes animos infringit, an coniugalis amoris obsequio, incertum. Eadem symboli vice regiam coronam, sed inuersam, superioris (nisi fallor) calamitatis argumento præfert: vtrunque & insigne & symbolum in Naelduicenis ædibus apud Hagam Comitibus vbique oculis occurrit, in aulæis ac peripetasmatis vetusti operis, in specularibus, quas ædeis Antonij Hosflachi laus. Antonius Hosflachus caussarum vindex multis nominibus clarissimus

Antonij Hosflachi laus.

clarissimus nunc inhabitat, Comit̃is Arenbergij beneficio, ad quem clientela & hæreditas Nalduici omnis translata est. Nobilitatem vltimam loquuntur primariæ dignitates huic stirpi permissæ; nam & Archimarescalli Hollandiæ dicuntur, quod testantur diplomata, & Plumarij Comites pari cum Wassenarijs potestate, iurisq. Grutæ exactores per vniuersum Scielandiæ tractum sunt. *Wouda* stirps infinita est Warmondæ, nam vndecimus *Woudæ* (qui pagus est in paludibus abditus, & adiecto Iacobi nomine *Iacobo Wouda* appellatur, quòd tota fermè progenies Iacobæa hætenus audierit, nullo alio aduentitio) hæres, matrimonij pacto vinctus cum vnicâ hærede *Warmondij*, siue *Pharamundi*, vt Galli scribunt sed malè, cum omni familiâ emigravit in arcem *Waramundam*, ac deserto proprio suo hæredio, in alienum transijt; neq. mirum, quippe qui putidas & inamabiles paludes cum amœnis viretis commutarat; quæ causa fuit, cur breui collapsa fuerit ruinâ *Wouda* arx. Refert autem domus ista, quæ semper equestris dignitatis fuit, primos natales ad *Varamundum Francum* (nî coniectura me fallit) deinde ad *Woerdenam* stirpem & *Velsiam*, insignes clypeo aurato, cui inserti tres rubri coloris rhombi visebâtur: quem non mutasse legitur, donec sub annum fermè 1359. *Theodericus Wassenarius Burgravius Lugdunensis* cū villarum & fundorum aliquot inuestiturâ, proprietaria Iacobo, eius nominis xiiii. *Warmondæ* domino, vtendum obtulit clypeum, quo, vt armamentarij Romani dominus & *Burgravius Lugdunensis*, ipse utebatur; nempe cyaneum clypeum aureâ taniâ dissectum, cum ternis argentei coloris lunis corniculatis, quò hætenus ea vitur familia. Porro stirps hæc solum vertere atque exulare annos aliquot coacta fuit, propter conscientiam parricidialis necis *Florentij Principis à Velseno* patrata, anno 1296. Verùm post quinquennium vbi resederant popularium irarum æstus, placato mitigatoque insuper Principe (cui in prælio aduersus *Traiectinum Episcopum* tunc profligatum strenuam posuerat operam

Wouda &
Waermondia
stirps.

Iacobus eo nomine duodecimus) deletâque omni iniuriarum memoriâ, vetere Atheniensium exemplo, in pristinam gratiam recepta, atque in integrum suis hæredijs restituta est.

POELGEESTANA familia illustris arcem quondam sui agnominis & tituli propriam in agro Oestgeestano (quem pagum maiores nominarunt *Kerckwerue*) possedit, quæ mutato nomine *Alcmada* hoc sæculo nuncupatur, sed quo iure quâve iniuriâ, me later. Huic stirpi beneficiariæ Willemus Romanorum Rex apud Magontiacum existens indulgit vsuarium dominium *Hochmade*: eidem permisit & *Coudekerckæ* dominium Willemus alter, Hannoniæ & Hollandiæ Comes, cum iure prætorio, quo in pago ad Rhenum medio inter Lugdunum & Albiniana castra itinere, arx gentis validissimis muris constructa, solo tenus deiecta fuit anno 1489. factionibus dissidijsque intestinis fluctuante tunc Hollandiâ, prioribus sæculis *Hornana* arx appellata, quam domini Hornani dicti perpetuario iure possederât, quorum nomen penitus oblitteravit Libitina: quam arcem dirutam, & à ruderibus repurgatam, consensu Caroli v. Imper. Gerardus Poelgeestius Eques restitui fecit in meliorem usum concinnatam; cuius interitus familiæ, cui magna parabat, nimium festinatus fatis, luctuosus extitit. *ALCMADIÆ* familiæ arx (cuius titulo illa insignitur) in Warmondia dictiuncula sita fuit, cuius ruinæ illuc visuntur & murorum fornices: nam quæ nunc *Alcmadiæ* fert nomen, ad Marnum flumē sita, olim propriè *Poelgeestia* arx nominabatur, quod ex diplomate Theoderici Burgrauij Lugdunensis liquet, quo agnoscit constitutum à se proprietarium Isbrandum Poelgeestium. Inuenio & Henricum Poelgeestium & Florentium Alcmadam vterinos fratres vixisse ad annum 1320.

CULEMBURGA familia ante annos quadringentos originem suam refert ad illustrem magniq. nominis atque existimationis virum Rodolphum *Bojscomsum*, è Comitatu Teysterbandiæ oriundum. *ABCOVDIA* gens opulenta & illustris fuit, latè auditum nomen, quæ trientem agrorum in Traiectensi

Poelgeestia
stirps.

Alcmadia
stirps.

Culemburga.

Abcondia.

ctenſi ditione ſui iuris habuiſſe dicitur : eadem poſſedit & Batauodurum oppidum cum arce. Ex hac Affuerus prima arcis Abcoudiæ fundamenta inter vliginoſas paludes , quâ vix in adultâ ætate plauſtris accèſſus patet , medio inter Traiectum & Amſtelodamum itinere, iecit, vt memoriæ prodiderunt Annales. Emit & Gaefbecanam ditionē quidam Giſbertus Abcoudius, qui eam filio natu minori Afſuero iuſto titulo poſſidendam dedit ; ex quo nata proles maſcula ex Comitſ Liningi filiâ, cui Iacobo nomen fuit, in magnis opibus floruit ; nam principio *Gaeſbeci* dominus, mox à fratris monte, *Batauoduri*, *Abcoudæ*, *Putteni*, & *Streniæ* dominus, prima cœnobij Carthuſianorum prope Traiectum fundamenta ſubſtruxit, qui poſteà, extincto vnico filio, captus in prælio à Traiectenſi Præſule, ad iniquas pactiones coactus deſcendere, Batauoduro & Abcoudâ ceſſit, appenſâ illi exiguâ ſummâ, & incolumi relicto dum viveret dominiorum vſuſuſu & poſſeſſione. *PERSINA* ſtirps, *Persina.* *Waterlandiæ* dominatu clara, & inſulæ *Marce* poſſeſſione, equeſtris ordinis fuit, nunc antiquata eſt penitusq. interijt. *RAEPHORSTIA* magnæ nobilitatis domus, & loci equeſtris, *Raephorſtia.* è quâ lego duos germanos fratres in conflictu aduerſus Friſios vnâ cum Principe ſuo Florentio concidiſſe. *MATENE-* *Mateneſia.* *SIA* gens natalium ſuorum incunabula accepta refert ac tranſcribit antiquiſſimo ac perinde illuſtri Waſſenariæ ſtirpis ſtemmati, quod Burgrauiorû Lugdunenſium titulum cum agnomine præ ſe tulit. *VLIETENA* domus exilio multata fuit olim & proſcripta, quamuis cædis Florétianæ haud confors, ſed in odium Woerdeni fratris, cum alijs agnatis aſſinibusq. in vnâ & eandem noxam coniectus Gerardus Vlietenus exulauit, inſignibus & hæredijs exutus ; poſteà tamen operâ & auxilio Florentij Duueuordij & Lichtenbergij, ob egregiæ virtutis meritum in prælio, quo Traiectinus Præſul cecidit, in gratiam redijt cum Principe, reſtitutus integritati & poſſeſſis inſignibus. *VELSIÆ & WOER-* *Velfia.* *DENÆ* honos deſijt in Gerardo Velfio & Hermannò Woer- *Woerdena.*

dēno, quōd nefario se parricidio Florentij Comit̃is inquinant, quorū ille captus ad exemplū crudeliſſimæ necis, quā Attilium Regulū à Pœnis confectum ſcribunt Tubero & Plinius, in arcā ligneam, in qua clavi acuti introrſum adacti erāt, cōiectus volutatusq̃ diuturnæ mortis ludibrio interiit.

Amſtelia.

AMSTELIA ſtirps proprietaria fuit Amſtelodami, Amſtelueni, vicinixq̃ue, & domina Iſelſteini, quæ binominis & Amſtelæ & Iſelſteini titulis, altero veluti oculo orbata fuit, quando nefanda atque impia coniuratio Giſberti Amſtelij, Hermanñi Woerdeni, & Gerardi Veliſij, quum conſtricta teneretur conſcientia Brabanti & Cauci, de Florentio Principe viuo perducendo in Britanniam, neque tamen abducendi facultas daretur, in caput Principis erupit, quem per inſidias captum trucidarunt: tum namque alterā bonorum parte orbatus, quicquid Amſtelij nominis fuit aut iuris, id omne amiſit, in miſeriā exul extinctus: altera manſit incolumis filio Arnol̃do vnā cum matre per integrū annum intra oppidum clauſo, quando in eas pacificationis leges, antequam ſoluēretur obſidio, conſenſum ab illo eſt, vt dotali parte quam nominauit multatus, Iſelſteinium cum arce tantum retineret: ex quā familiā inter poſteros Maximilianus Imp. Fridericum primum Comitem Iſelſteini & Leerdami nominauit. Porro Ioannes Hannoniæ Hollandixq̃ue Comes Guidoni fratri ſuo dominia Woerdæ & Amſtelæ vſuaria largitus eſt, quæ ab eius morte (propterea quōd Præſul factus Traiectinus ſine legitimā ſtirpe deceſſerat) repetijt atque occupauit Willelmus cognomento Pius, tantquam hæredia ante Pontificiæ dignitatis honorem conſeſſa, quæ nullo iure poſſent à corpore auelli aut alienari.

SCAGIA ſtirps originem ſuam debet Alberto Boiorum duci, Hannoniæ & Hollandiæ Comiti, qui Willelmum filium Scagæ pagi inclyti & copioſi, & Burchorni perpetuariū conſtituit. Sic HOCHTWOYDA domus natalium ſuorum auctorem Willelmum Boiorum Ducem agnoſcit, qui Euerardum nothū filium donauit poſſeſſione Hochwoudæ

Scagia.

Hochwouda ſtirps.

woudæ & Aertswoudæ, amœnissimorum & ditium pagorum. Par ratio est familiæ HAMSTEDIÆ, quæ à Wittone notho Florentij Comititis ortum trahit. HORSTIA profapia vetus & nobilis videtur plures ex se diffudisse propagines ad modum luxuriantis vitis. Hinc exiere, vt apparet, BRONCHORSTII Sicambricis familijs adnumerati; & *Lochorstij* è Traiectensi territorio olim profecti; & à capris cognomen trahentes *Bochorstij*; vt à *rapinis'ne*, an à *rapis*, *Raephorstij*: ex illâ familiâ Ioannes Bochorstius, Catuici & Nordouici dynasta, in sobole numerosâ filium sibi cognominem reliquit Nordouici dominum: ex hac verò inclytæ nobilitatis & equestris loci, duo germani fratres concidisse memorantur in conflictu cum Frisijs inito, vnâ cum Florentio Principe suo enecti. Huius familiæ reliqua est arx *Raephorstum* dicta, medio inter Lugdunum Batauorum & Hagam itinere: illius memoriam tuetur *Bochorstum* (quod vsus, quem penes arbitrium loquendi est, in *Boechorstum* mutauit, quasi à fagis arboribus, quas *Boecten* vulgaris lingua nuncupat, nomen inuenerit) arx a capreis'ne, an ab hircis in incerto mihi est, olim dicta, in mediâ syluâ quæ Caninefatis intersecabat, sita; quæ bis terûe eandem cum cæteris excidij cladem experta, primæ moli longè impar visitur, milliaris vnus spatium disuncta Nordouico; cuius possessio hæreditario iure accreuit Vlietenæ familiæ. DVNIA gentis inter claras & vetustas habitæ vnica hæres filia antea tria fermè sæcula Theuderico Brederodij dynastæ filio natu minimo innubens, nomē familiæ transcriptum dedit; quod ille soboli ex eo coniugio natæ, sed additis suis insignibus, reliquit; duratque in posteritate, quæ *Sprangæ* dominium per atauum eorum qui nunc supersunt, iure coniugiali à *Wielesteinis* acceptum pro hæredio possidet. ZYLIA stirpi nominis origo accreuit ab amne *Zyliâ*, è Rheni elicibus vno; qui non procul Lugduno Batauorum in vicinum lacum se exonerat; in cuius crepidine stetit quondâ arx *Zylianæ*; in hodiernam vsque lucem *Curia Zyliana* nomine notissima;

*Hamstedie
domus.
Horstia.*

Dunia.

Zylia.

tissima; unde & *Zylia porta* & *pons Zylus*, appellationem traxere. In ea illustrem ad posteros famam transmisit *Gerardus Zylus* equitris ordinis vir, Purmerendæ Purmerani-que territorij dominus. Cuius posteritati re vel decocta, vel per interuersores erosâ (quæ calamitas nobilibus familijs propè peculiaris est) nudum penè nomen reliquum mansit, nisi quod resumere spiritum penè intermortuum videtur in Petro Zyllo viro prosperâ eloquentiæ famâ claro.

Hastinga.

HASTINGI vetus Bataviæ profapia, cuius in historijs ante annos septingentos fit mentio, inter Nortmannos claro & illustri loco. Memoratur enim *Hastingus*, dux Nortmannorum bellicosus, Ligeris ostium classe occupasse ad annum salutis octingentesimum sexagesimum octauum, & *Nannetas*, *Andegauos*, *Turonos*, *Pictauos*que cum infesto exercitu percurrisse, ac duobus hostium ducibus, qui insequabantur, *Rotberto* & *Ramnulpho* Aquitanis interceptis incolumem exercitum reduxisse ad classem, ingenti prædâ opibusque cum suis ditatus. Cuius spectatæ virtutis æternam opinionem in ea clarâ gente adoleuisse in hunc usque diem videmus, quum fictæ & vanæ soleant interire ac diuturnitate extabescere.

CAP. XX.

De Cœnobijs Nobilitati Hollandicæ destinatis.

Phrontisteria.

Asceteria.

Αγρευτήρια.

Cœnobia.

PIETATIS religionisque exercendæ officinas ac diuersoria quædam, haud pridiano, sed vetere instituto iam tum in ipsis Christianæ professionis cunabulis extitisse, ut ne dicam *Pythagoræ* & *Socrati* antiquioribus fuisse cognita inter *Ethnicos*, nemo sanæ mentis, qui priscorum scripta legit, inficias iuerit, quæ *Phrontisteria* *Eusebius* appellat à commentationis studio: *Philon Hebræus* *Asceteria*, quòd illic animos in rebus diuinis & verâ philosophiâ exercerent: eadem *ἀγρευτήρια* dicta, quòd religionis meditatio mentes à ciuili vitæ contagio lustraret atque expurgeret; posterior ætas *Cœnobia* à vitæ facultatumq. communione (quam inter *Iudæos*

Iudæos primi inuexisse videntur Essæi, testimonio Iosephi & Porphyrij) dixit. Horum singula separatas habuerunt cellas & ædificiola, vbi pietati vacabant & mentis deuotioni, quæ Monasteria & *συνεῖ*, vt Philon ostendit, nominari voluerunt, quod secreti solique puræ vitæ mysterijs ibi se dabant totos, eoque nihil quod corporis vsui necessarium est inferri patiebatur: ea Septimius Tertullianus Cogitatoria videtur dixisse. Cæterum asceteria, vt è Basilio didicimus, procul ab hominum commercijs olim secreta fuere, vt ne pietatis meditatio continuo exterorum & hospitem accessu abrumperetur. Ex his prima fuerunt & principatûs quoque tulere laudem, eorum qui postpositis substantijs, nullis exterarum opum escis attracti, immutabili voluntatis lege fratribus, parentibus, coniugibus, sodalitijs, amoribus, patrijs denique (quæ omnia sunt veluti validissima retia atque illecebræ trahendis ingenijs opportuna) nuncium remisere, ac procul vrbibus, in hortis solisque agris, solitudinem quæsiuere, dum Timonis illius Misanthropi nō exemplum sequuntur, renouato hominum odio, sed dissimilium ingeniorum commercia nociua vitant. In ijs receptum fuisse morem loquitur Philon, vt oriente Sole preces ac vota funderent, itidem & occumbente illo, cum vt reuera cæleste iubar mentes afflaret atque imbutas satiaret, tum vt animis cibo potuque recreatis, veritatem ipsam ceu per vestigia quædam indagarent: intermedium verò tempus in exercendâ instruendâque omnigenæ lectionis opibus mente, euoluendis veterum scriptis, & vernaculæ philosophiæ cognitione, collocarent. Horum quædam spontaneam mendicitatem & inopiam profitentur, nullis aut perexiguïs opibus: alia rebus redditibusque opimis lauta vtriusque sexus totâ Europâ abundant. Quina posterioris generis apud Hollandos sunt è Comitum fermè sinu profecta, eorumque censibus ac patrimonijs fundata, quæ cuncta non plebeijs fordibus, sed olim comparata fuere Nobilitati. Primum & antiquissimum ædificari cœptum ad annum 876 à primo Hollandiæ

*Monasteria.**Cogitatoria.**Coenobia solitaria.**Coenobiorum vetus mos.**Coenobia medicantium & locupletium.*

Egmondana
abbatia.

Hollandiæ Principe ligneum virginitati, mox à filio lapideum factum, viris destinatum fuit, & quidem nobili loco genitis, quos generis clades & opprobrium excludere non poterat, EGMONDÆ vicini pagi nomine clarum & Præfulis infulati titulo. Ex quo maiorum nostrorum simplicitatem discere licet; cuius, ut & pietatis ex professo amatores, in ædificando luxum profusis sumptibus non quæsiuerunt, nec insanas illas substructiones è quadratis saxis expectiuerunt. testantur id tot Principum ibi sepulcorum singulæ tessellæ singulorum sepulchris inhumatorum impositæ, indices atque testes memoriæ: alioqui non puduit magnum illum & triumphalibus titulis clarum Ludouicum Francorum Regem, quem Clodouæum Galli nominant, Argentoratensem ædem, quæ celeberrimum hoc tempore spectaculum orbi ostendit, ligneam exstruere. Sed ut in aruis sata, ita hîc quoque natiuum instituti laudabilis bonum degenerauit, cupiditatis fortasse vitio, quando admittuntur opes viris egentes (ut obiter ad Themistoclis dictum alludam) aut certè vitio simplicitatis Antistitum, qui collegarum è nobilitate inopiæ consulentes, obliteratâ paulatim institutionis conscientia, quosuis è medio vulgo authorarunt in cœtum suum cooptatos. At quaterna illa virginitatis claustra, haud temere aliquas, nisi præstantibus nobilitate ac genere familijs editas, inseri suis conuenticulis antehac passa fuerunt, mordicus institutum vetus retinentia. Quorum nomina sunt *Rhenoburgum*, *Coningsfeldum*, *Leuenhorstum*, & *Losdunum*; quod postremum in delectu nobilitatis exorbitasse nonnihil creditur. RHENOBVRGYM, nomen habet à *burgo* præsidioûe Rheni præterlabentis aluco contiguo, id quod loci facies abunde adhuc loquitur, tumulo editiore, qui cœnobij hortis dicatus visitur, antiqui operis lateribus coctilibus obmunitus. Situm habet in solo agrorum habertate fertili, argilloso, triticiq. feracissimo. Ipsum cœnobiū magnificis ædificijs exornatum fuit, in quibus vnum præcipui operis ac splendoris fuit, quod omnigenarum virtutum

Vestaliū cœnobium nobilibus dicata.

Rhenoburgū.

tutum

tutum & humanitatis laudibus cumulatissima Antistita (acrofanctæ memoriæ Elburgis, destinatum generosorum & virtutis opinione spectatorû hospitio ante decimum quintum abhinc annum exstruxit; cuius frontispicio numerum annorum loquens distichon meum inscriptum legebatur:

Nobilitas probitasqve IsthVC sibi IVrè LegVnto

HoffItIVM, ELbVrgIs dVLCes qVod seCIIt ad VsVs.

Huic cœnobio (quod Petronilla Lotarij Cæs. soror, Florentij secundi, Comitiss Hollandiæ vxor condidit, in substructis, uti reor, præsidij fundamentis exædificatû) nunc præest generosa ac cordata Antistita è stirpe Rosseniâ. Cæterum Cœnobium totum calamitoso & fatali hoc bello, exterorum militum proterviâ inflammatum in cineres concidit.

LEEWENHORSTUM distat Rheno-burgo milliare vnum, Leenwenhor-
stum.
ad mille quingentos passus Nordouico, situm est loco peramœno, agrorum feracitate cedit illi; religionis nobilitatisq.

par utrobique cura, sed impar nominis honos atque dignitas; Antistitam habet Ioannam Douzij stemmatis, primariam & sapientem scœminam, Latini sermonis nō ignaram, & quæ magno operæ pretio auxit res cœnobij; cuius auctor condendi memoratur Arnoldus Sassenhemus Harle-
mensis Curio, qui virginalis pudicitiae studio, cum in hoc, tum in alterum quod Harlemi Vestalium choro dicauit,

Magni cognomine vulgò celebre, opes suas largiter effudit t'groot bāz
ghijn-hoff.
ante annos trecentos. exstrui cœptum ad annū 1262. Quod

dixi KVNIGFELDV M, Latine spirat *regium campum*, Kunigfeldum.

Præmonstratensis ordinis cœnobium, à Richardâ sorore Wilelmi Cæsaris exstructum in suburbio Delphorum ad Sciaë fluminis ripam. Locus cognominis illi, ubi Melchisedecus Solymorum Rex Abrahamum excepit, quem Iosephus testatur *πεδ' του βασιλιδου*, hoc est, Regium campum quoque fuisse nominatum. Huic quoque cœnobio clades superiori similis abhinc triennio ferme ingruit, quod incendio absumptum, fundo tenus dirutum est & excisum, quod opulentæ ciuitatis mœnibus imminens situs viciniâ suâ exi-

Lofdumum.

tiofus illi fore timeretur, si hoſtis eò receptus eſſet. Loſ-
 BVNVNVM duobus paſſuum millibus ab Hagâ Comitis diſ-
 fidet, à collibus quos inter habitatur nomen adeptum, Ber-
 nardi inſtitutũ ſequitur, à Mathilde conſtructũ, vbi oſten-
 ditur inter alia monumentum Margaretae Principis ſœmi-
 nae, quæ Florentij m. Comitis è Mathilde iam dictâ vxore
 filia, Comiti Hennebergenſi nupta, vno pauciores, quàm
 annus vertens dies habet, liberos partu portentoso edidiſſe
 memoratur: quæ res, vt compendio abſoluam, ad hunc ha-
 bet modum. Pauperculam gemellos enixam, & pendentes
 vtrinque ab vberibus lactantem, quæ Comitis vxori ſe for-
 tẽ obtulerat ſtipem flagitans, probro inceſſebat ipſa Prin-
 cept, & adulterio concepiſſe inceſtam prolem aiebat; fieri
 enim poſſe vt vno ex marito bina ſtirps naſceretur, perne-
 gabat. Illa pudicitia intemerata Deum teſtem citans, im-
 precatur illi ſobolem, quæ numerum ſolidi anni dierum
 æquet, ſi pudicitia ſuæ conſtaret honos. precum efficaciam
 comprobaviſſe euenti fides dicitur, partu incredibili, niſi pu-
 blici monumenti auctoritatem conuellere, fidemque tabu-
 læ ad teſtandam ſempiternam rei memoriam poſita diſſol-
 uere nefas putarem. Epigraphen non abs re fuerit hoc loco
 adſcribere, ſeruata eius ſæculi lexi, vt Saliorum & Carmen-
 tæ obſoleta verba religioſè retinenda duxit antiquitas, &
 conſeruanda, ne fides periclitetur.

ILLVSTRIS Domini Florentij Comitum Hollandia fi-
 lia, cuius mater fuit Mathildis, filia Henrici Ducis Braban-
 tia, fratrem quoque habuit Guglielmum Alemannia Regem:
 hac præſata Domina Margareta, anno ſalutis milleſimo du-
 centeſimo ſeptuageſimo ſexto, ætatis ſuæ anno quadrageſimo
 ſecundo, ipſo die Paraſceues, horâ nonâ ante meridiem pepe-
 rit infantes viuos promiſcui ſexus, numero trecentos ſexa-
 ginta quatuor, qui poſtquam per venerabilẽ Episcopum Do-
 minum Guidonem Suffraganeum præſentibus nonnullis pro-
 ceribus & magnatibus in pelui quãdam baptiſmi ſacramen-
 tum percepiſſent, & maſculis Ioannes, ſœmellis verò nomen
 Helisabeth

Helisabeth impositum fuisset, ipsorum omnium simul cum matris anima ad Deum aternaliter victuræ redierunt, corpora autem sub hoc saxo requiescunt.

Consimilisexempli in partu numeroso obseruati fides, Exemplum
numerosi
partus. ne quid Dei potentia derogetur, adnotata legitur ab Annalium Brunsvicensium scriptore: consentientibus Alberto Crantzio in Vandalicæ historiæ commentarijs, & Ernesto Anhaltinorum Principum historiographo, quorum cōsensu testatur tricesimo septimo post prædictum prodigium anno, Margaretam huic de qua loquimur cognominem, Holsteiniæ Comitis coniugem, totidem capitum sobolem maturo partu enixam edidisse, in quo foetus omnes humanam manifestè speciem repræsentantes, in baptisterio salutari vndâ abluti fuerint. Porro Aristarchi cuiuspiam miniatas ceras deposcere videtur, id quod Io. Cuspinianus, qui Cæsarum vitas diligenter annotauit scripsitque, à nostris Annalibus non parū euarians, Mechtildem sororem Guilelmi Cæsaris, Comitem Hennebergensem nominat hanc ipsam, quam nos filia puerperæ matrem diximus, quam (vt ipse numerum init) trecentos quinquaginta foetus vno partu, fidem omnem superante miraculo, exclusisse prædicat, ab Othone auunculo Traiectino Præsule in peluis labro baptismo tinctos. Nos tabulæ pensilis, quæ in Losdunensi fano rei memoriæ consecrata est, fidem sequimur: quam eo libentiùs hîc inseruimus, quòd animaduertam non piguisse clarissimos viros, Erasmus & Ludouicum Viuem, auctoritatem rei gestæ monumentis scriptorum publicè testatam ad posteros transmittere. Extatque hodie supra Worcomium cis Mosæ ripam arx eiusdem memoriæ testis, Puerorum cognomine nuncupata, quæ totidem, quot Cuspinianus à
nostris Anna-
libus dissen-
tiens. Arx Puero-
rum.

CAP. XXI.

De Germanorum origine & populis, quibus olim nominibus appellati fuerint, quibus hodie.

Chatti progenitores Bata-
vorum.

Germani
unde dicti.

POST QUAM gentis nostræ cunabula detexui, eiusque ortum à fonte altiùs repetiui, operæ pretium mihi facturus videor, si in Germaniam Chattorum, quos progenitores nostros non inuiti agnoscimus, genitalem terram digrediar, quò intelligant Germani rectiùs, quàm hactenus à quopiam proditum scio, ortus sui altissima primordia, nostrisque hominibus clariùs patefeat, quibus originem nostram debeamus, quos finitimos populos, quos socios hostesue habuerimus, quibus moribus cum Germanis coäuerimus; postremò declaretur quibus singulæ nationes nominibus olim cognitæ fuerint, vt excussa dubitationis atque obscuritatis latebra, lux rebus accedat. Germanorum igitur nominis ratio multiplicem disceptandi atque altercandi materiam ingenijs præbuit, dum pro se quisque commenta veritati quam simillima, & non absurda etyma fingens, inuentis suis gaudet, ac gloriæ aucupio intentus, in mustacco (quod aiunt) laureolam quæritat. Hic namque Germanos quasi prorsus viros, ob martium ac virile virtutis robur: ille à certa obstinataque fide quam sibi mutuo integram præstabant, æternum nomen inuenisse existimat: neque perperam diuinasse creditus est, qui ab honorata militia nominis etymon deducere voluit, quasi *Geert man* / contracta vocis mole, *German* / dictus populus fuerit. Alius purè puteq. Latina voce, veluti genuinos & gnesios dictos censeat, quòd prisce integritatis & rusticanæ simplicitatis nulla ferè gens plus retinuerit; cuius somnij auctore in aures populi influere & ad gratiam loqui voluisse apparet: quamuis simili errore inuolutus cum Liuiο geographus Strabo, summo iure inditum illi genti à Romano populo illud nominis putat, quòd penè legitimi ac germani fratres Celtarum essent, siue mores & viuendi ritum, siue proceritatem corporum

porum & rutilam cæsariem spectare quis velit. Ioannes Goropius amicus noster, quantum video, à cogendo milité & ad se colligendo non absurda ratione deducit à *Gerem*/ quod est, cogere. Cuius opinioni adiumento esse & adminiculi vicem præbere videtur Tacitus, qui in commentario De moribus Germanorum proficitur, Germaniæ vocabulum recens esse nuperque additum, quoniam qui primi Rhenum transgressi (vt eius verbis dicam) Gallos expulerant, nunc Tungri, nunc Germani vocati fuerint, ita nationis nomen, nõ gentis eualuisse paulatim, vt omnes primùm à victore ob metum, mox à seipsis inuento nomine Germani vocarentur. Quibus verbis obscurioribus innuere videtur, Germanos aliquando transito Rheno quum in Gallos expeditionem mouissent, in alienæ ditionis terris amne medio exclusos à suis finibus, victorum voluntati (quippe præpotentibus tunc Tungrorum opibus) concessisse, vt communi nomine coniunctim Tungri dicerentur, postea separatim proprium nomen sibi delegisse atq. usurpasse ab illis discretum: quam sententiam intelligere licet è voce Nationis à Festo Pompeio dilucidè explicata, vbi Nationem dicit esse hominum genus qui non aliunde venerint, sed ibi nati sint: ita vt latius eius pateat significatio, quàm Gentis, quum vna natio plures gentes includat. Itaque Germanos nationis nomine censeri existimo, quorum appellatio præualuerit, & Tungricæ gentis nomen diluerit postea atq. obscurarit. Neque desunt qui Germanos conuenas & collectitium populum interpretantur, à *Gerem*/ quod congregare significat, quo pacto Asinius Quadratus inclytæ fidei historicus, Alemanos (quo nomine sub inclinati Imperij tempora vocari cœperât) velut collectitiam gentem, aut conuenarum colluiem, qui longè lateque patentem regionem inundarant, nuncupatos scripto prodidit: quanquam parùm exactè peregrinæ vocis vim perspexisse homo Romanus creditur, propiusque ad verum collimaturus fuisse, si vniuersos bellatores, & à virtute viros eius no-

Taciti locus explicatur.

Natio quid.

minis ambitu contineri censuisset. Sunt & qui bellicosos & præliorum amantes innui autumant, à *Gerra*, quam adiecta quinta vocali plenioribus buccis *Guerram* pronunciant Itali, cuius vocis notior est significatio, quàm vt hîc apponi debeat. Vir in gente Saxonum doctissimus à *Carmanis* Asiæ populis, Lucano etiam memoratis, vocabuli auspiciu deducit, vt à *Sacis* Saxonum; alibi *Hebræo* etymo illos dedicat, vt sint quasi *Gerim ani*, quod lingua illa significat aduenas inopes & egenos. Vtteriùs etiam prouectus plenis velis, & quadam studij in patrium nomen voluptate delibutus *Peucerus* Germanos, quasi *Hermenner*, hoc est, militares viros dictos existimat. Ita luditur proteruè in pugnacissimæ gentis nomine toti orbi aliquando formidabili, dum naturæ suæ semina persequens vnusquisque, prouerbij veritati nihil derogari patitur, quod totidem sententias, quot capita esse loquitur. At ego nominis originem ad famosum illud aquarum diluuium, quo totus interijt orbis, reuoco: quando *Saturnus*, qui idem & *Noëus*, in ternos liberos orbem terrarum partitus est, quo tempore *Iapeto* in sortem cecidit *Europa* siue *Occidens*; *Semo* *Asia* siue *Oriens*; & *Chamo*; quem etiam *Camesen* alij nominant, media mundi pars *Africa*, quod & à *Sulpitio Seuero* traditum est. Quam sortitionem *Græca* vanitas, mendaciorum architecta & parens, in *Iouem*, *Neptunum*, & *Plutonium* referendo; imitari atq. adumbrare voluisse videtur, quando illa sacrorum vatum libros, quos non perfunctoriè inspexerat, historias concinniores verioresque, suis somniorum præstigijs inficere, obsecrare, obruere aggressa est, cuius rei locuplès testis est in *Apologetico* suo *Iustinus* martyr. Quàm verò aptè & conuenienter cum natura & ingenio regionû ista sortitio congruat, ita vt nullus *Polycleti* canon accommodatiùs id in quadrum (quod dicitur) redigere possit, paucis verbis explicatum dabo: siquidem *Iaphet* *Hebræo* idiomate pulchritudinem denotat, fatali nomine debitam & peculiarem futuram *Europæis* populis, qui eximia pulchritudini,

Sortitio triplex: orbis terrarum.

Iaphet quid

pulchritudinis specie, & niueo corporū decore cæteras nationes antecellerent: tametsi alij ea voce dilatationem significari velint, argumento imperij quaquauersum extensū & immensum aucti. Rursus *Sem* significat nomen seu nominis splendorem, quæ propria laus est Asiæ, quæ & opibus & fertilitate, & amplissimarum ciuitatum gloria nobilitatem quæsiuit, & assecuta est rerum gestarū magnitudine. *Cham* verò, quo vocabulo calor denotatur, seu *Cameses*, quo flagrans & æstuosus calor, quomodo appositè magis naturam exprimere possit Africæ seu Libyæ, nō video, quādo Aphrica frigore defectam, Libya pluuiæ egenam signet, cui cælo terraque aquarum penuriam, quod feruenti Solis igne aduratur, esse scripsit Sallustius. De postremis duobus, quando vniuersi historiam non persequor, plura dicere nunc superfedeo, ne legentium animos vana expectatione suspendam, ad hæc nostra quæ exorsus sum pertexenda properans. Iam verò constat ex Moyse, cui inter legislatores & religionis sacræ scriptores principatum, etiam ethnici detulerunt, post factam non fortuitò aut temere, sed altiore quodam & diuino consilio orbis terrarum partitionem, Iapeto natam esse masculam prolem, nomine *Gomerum*, siue cognata litera *Comerum*, qua voce apud Hebræos perficiens & circumculum ambiens significatur. Ea verò vocis genuina significatio, scriptoribus *Cimmeriæ* linguæ imperitis hætenus ignorata, quod nemo eam caliginem discusserit, meridiano sole clariùs elucescet me duce, si cratem dictionis molliter dissoluas. Quid enim aliud in isto idiomate sonat, *Go om her*, disiuncta, rursusque in compagem clausa eadem voce, *Gomer*, quàm in orbem ambio, & cursum perficiendo absoluo? hinc dicta est & *Gomera* orbicularis illa disciplinarum series, quam *Encyclopædiam* Græci, orbem doctrinæ *Fabius* nominauit, quod sit ἀπείρων nulloq. fine, vt & annulus, circumscribatur. Iure igitur felix istud nominis auspiciū soboli Iapeti obtigit, quæ in orbem circumijit, & vti præ se fert appellatio, curriculum datum præscriptumque

*Sem quid.**Cham quid.**Gomer quid.**Encyclopædia
Gomera.*

forte

forte absoluit, ab ortui Solis substratis terris ad vsque eius positum, terras omnes emensa. Nemo namque historicæ cognitionis tam est rudis & ignarus, quæ lateat Gothorum & Vandalorum (qui Cimmericorum progenies fuere) armis Hesperiam vtramque occupatam, possessamque fuisse, quæ felice ex illis stirpe ac beata propagine in hoc vsq. senescentis sæculi curriculum, velut reddita Pylæ iuuenta, peruirescunt. Quare quum consentientibus calculis è Gomero propagatos esse Cimmericos, omnes fateantur, qui quum principio interiora Asiæ penetralia tenuissent, à Scythis pulsî, & semper ad occidua tendentes, in Scandiam, inde in Cimbricam Chersonesum traiecerunt, quod conuenientius vocabulum gentis Cimbricæ auctori Gomero, & vicissim genitoris sui nomen retinenti populo aptari potuerit, quàm à circumeundi & circumquaque palandi studio, non perspicio. Quæ namque gens vna maiorem terrarum circuitum confecerit, haud facilè legendo didicisse quenquam arbitror: id quod apertè ac diligenter explanat Iosephus Antiquitatum Iudaicarum accuratus scriptor, qui Gomeri posterios ex Armenia profectos ad Tanain vsque amnè excurrisse, inde per Europam vniuersam extremis Gadibus tenus terras omnes multitudine inundasse scribit. Clarissimè verò propagandi & conficiendi cursus sui studium ea in gente Plutarchus in vita Marij explicauit, cuius verborum sententiam solùm appendam Latinis auribus, ne citandis Græcis lectori fastidium pariam, chartasq. odiosè prolixus onerem. Cimbros (inquit) prædicant, quoties loco se mouent

mutatis sedibus, non vno impetu aut assiduè, sed quolibet
 anno vbi tempestatis fauet commoditas, prorsum semper
 tendendo, proximas quasq. regiones bello aggredi, quum
 quæ varia inter illos populorum sint nomina, communi appellatione Celto-scythas agmen suum vocare. Alij referunt Cimmericorum, quos ab antiquo Græci cognouerunt, non magnam fuisse vniuersitatem, sed exules potius quosdam aut seditiosos à Scythis exactos, à Mæotide in Asiam trans-

misisse,

E Gomero
 Cimmericij
 & Cimbri.

Plutar.

mississe, ductore Lygdami: longè verò maximam & bellissimam gentis portionem in extrema maris Oceani ora confedisse, ac regionem opacam, nemorosam, & propter præcellas spissasque tyluas ad Hercynium vsque saltum pertingentes, soli inaccessam colere. Hactenus ferè verba illius utcunq. reddidi: vnde Homerus de ijs ita cecinit in *Odyssæa*: *Odyss. A.*

*Cimmerij nube ac densa caligine mersi,
Quos nunquam radys lustrat Phæbeius orbis,
Seu quum signiferum curru consurgit in axem,
Seu quum præcipitante die iam colligit umbram,
Sic misera genti longum nox incubat atra.*

In quo nomine non intellecto nasuta & sciola Criticorum turba meras Chimæras & figmentorum portenta excogitavit, dum hi illos *χερμερίους* nominant velut tenebrosos, à *χέρμερος*, qua dictione caliginem & spissam nebulâ significari prodiderunt: alij *χερβερίους* scripsere, secuti Comici Aristophanis auctoritatem, à Cerbero cane infernali, cuius latratum imitari gens barbara voce incondita & absona ipsis videretur: nonnulli à patrio deæ Vestæ numine (quam Noaci uxorem fuisse, & Chaldaicè ignem, qui religiosè ab illis habitus fuit, significare constat) quam *χέρμερ* nuncupatam Alexandrinus Hesychius annotat: Rursus *χερμερίους* Zeugmatites Grammaticus appellandos censuit, quod septétrioni subiecti, ac propterea perpetuis algoribus obnoxij damnatique sint. Omitto hîc gentis etymon ex Etymologicis auctore repetitum ab Eustathio, quasi gens illa Scythica, *βορμίσ*, & incertis sedibus palabunda dicta fuerit; à *χεῖθαι ἐν ἔσση*, quod subterraneis locis vitam degerit: quæ etymologia si accipienda sit æquis tabulis, Laconico ritu, iâ iidem cum Erembis & Troglodytis fuerint, qui à Dionysio inter Æthiopas censentur, voce idem signante; nam & Erembi nomen habent ab *ἔσση ὑποβαίνειν*, quod tellurem subeant; & Troglodytæ à *τρώλα; ὑποδύειν*, quod specus & antra caua subingrediantur, quos non rectè cum Saracenis confundit Eustathius: quæ trina populorū nomina, ut in etymi significatione

*Cimmerij pa-
puli.*

*Vesta Noaci
uxor.*

ficatione consentiunt, in terrarum positu toto cælo diffi-
 dent, ita in subterraneorum habitationum ratione vt con-
 uenire possint, absurdum non fuerit, quando diuersa lege
 substratos boreali axi populos imbre frigus subterraneis
 se specubus induere cogit, Æthiopas verò torrens Solis
 æstus altissimis se antris abdere compellit. Hæc diffusius de
 Cimmericorum nomine annotare libuit, quòd et si in nullo
 ferè consentiant de gentis etymo auctores, in hoc tamen de-
 prehendatur discordia quædam concors, quòd in eandem
 gentem cuncta diuersè dicta conueniant. Vnde verò Cim-
 bros Germanico etymo Plutarchus, aut Gallico Festus
 Pompeius latrones ac subseffores dici probare queant, non
 intelligo, nisi pro latronibus milites conductitios accipia-
 mus, quomodo Plautinus miles gloriosus dixit, *Latrones*
quos conduxi; & rursus, *vt sibi latrones cogerem & conscri-*
berem. quando & Latrocinari idem Poëta extulerit, pro,
 stipendio præsentem militare; vt in Pœnulo, *Latrocinantur,*
quia aurum poscunt præsentarium. & in Trinummo, *La-*
trocinatum ire dixit, quod militatum abire Terentius: aut
 nisi videatur Plutarchus id retulisse ad peculiarem genti
 morem belligerandi, vt quæ clandestinis latronum more
 insulibus finitimos opprimeret: atque ita memorat impe-
 tuoso illorum incurfu percussam Italiam timuisse, quum
 gentem neque de nomine neque de genitili sede notam,
 repentinè nubis instar suis ceruicibus ingruere intellexisset:
 atque eo modo dixit Fl. Vopiscus Proculum Imp. Germa-
 nos obtriuisse, nunquam aliter quàm latrocinandi pugnantes
 modo. Atq. hætenus de Gomero Cimmericorum gen-
 tis & nominis auctore. Ex hoc triplex propago extitit, As-
 knaz, Riphath, & Thogarma, vt Moyses, & Annalium, qui
 relictorum nomine inscribuntur, auctor, prodiderunt: quos
 inter Asknaz Scandianorū, qui Scandiam insularum maxi-
 mam incolunt, à quo non abludit vox Hebræa; Riphath
 Riphæorum, qui iudicio meliora sentientium doctorum
 sunt Sarmatæ & Heneti, qui Nomadum ritu vitam sceni-
 cam &

Cimbri.

Latro.

Latrocinari.

Asknaz.

Riphath.

cam & motoriam (vt dicitur) fabulam in plaustris degunt cum familijs loca & pascua semper incerta mutantes: nisi per Riphæos velimus ipsos Scythas accipere, quandoquidem gens ista Caucasum altissimū montium accolit, quem etiam Riphæum ipsi nominant. Thogarma Germanorum progenitores fuisse contendo. quamuis enim Æscanazim communis Rabinorum opinio teneat Germanos esse, non tamen illi accedo, multoq. minùs Saxonis etymo, quod ab Æsch cohen deducit, ac si custodes fuerint & sacerdotes ignis quo propitiabatur Deus, ob religionis curam: neque suffragor Bodini sententiæ, qui ita dictos autumat quasi dispersos habitatores, à Sacannaza. Goropius in Orphica philosophia coryphæus, Iberorum sententiam obiter delibat, qui ignem quasi aspergentem exposuerunt, animi impotentiam furori non alienam, qua mentis sedes percellitur, eo innui volentium: ipse persequens opinionē de Germanis initio librorum proditam, attribuit illis accipitrinam rapacitatem. Proximè ad rei veritatem collimare mihi visus est eruditissimus iuuenis Guido Fabricius Syriaci Euangelij interpres, quem honoris causâ nomino, qui hac appellatione septentrionales populos ait ab Eschek nazeh, quod sonat testiculum redundantem aut effluentem, censeri generituræ argumento, quòd cæteras omnes gentes gignendis prolibus fecunditate superent. Constat enim è Scandiæ siue Scandinaviæ locupletissimo alueo erupisse variarū gentium examina, quæ Europam longè lateq. procellæ in modum oppleuerunt, Vandalos, Gothos, qui inter Asknazæ posteros ab Eusebio recensentur, & quidem rectè, Danos, Burgundiones, Pictos, pluresq. alios. At in Thogarma, siue per secundam vocalem Thegerima (est enim apud Orientales arbitrarius ille punctus, sicut accidit in Thira secundum Aquilæ lectionem, quod in Thora mutauit Symmachus: deinde Tau litera est adiectitia, propterea ab Hebræis Hemática appellata) manifestè relucet origo nominis Germanorum, reiecta, vt dixi, tau adiectitia, & secunda vocali

Thogarma.

sumpta propria, ac si quis nostrate lingua per articulum *the*, efferat, *the germani*, id est, Germani; & respondet vocetymon aptissimum & genti, quod est, *garam* siue *geram*, quod os significat, & metaphorice robur, quod ossa sit gens tota, & solidarum virium firmamento ac robore prædita. Verum ne quis male oculatum me caussetur, aut malefirmo iudicio, defensionis nostræ fundamēta inniti arbitretur, age inuictam Achillis armaturam proferamus, & magno æquitatis patrocinio causam nostram tueamur, quod vati-

Ezech. c. 38. c. tricesimo octauo præstabit Ezechielus, vbi minitans Deus se oppositurum impijs totum terrarum orbem & gentium immanium arma, Prophetæ verbis ita lo-

quitur; Gomer & vniuersa eius agmina, domus Thogerma,

latera aquilonis. quo loco Chaldaus paraphrastes non obscure Germanos, pro voce Thogerma, reddit & nominat, clareq. Prophetæ sui ipsius interpres appellat familias Thogerma, syllepticè latera aquilonis, vel (vt Hebraicè sonat,

*Septentrio
quare abscon-
ditum voce-
tur in scri-
ptura.*

tlaphon) absconditi. Sic etenim Septentrio vocatur ibi, quòd ca mundi plaga radijs Solis imperuia sit atque inaccessible, ac proinde in tenebras abstrusa: Germanos verò latera septentrionis nuncupat, quòd aditi sint & vicini boreali axi. Meminit eiusdem nominis & gentis idem vates cap. vicesimo septimo, vbi illud Prophetæ, de domo Thogerma equos & equites, Chaldaus interpres conuertit, de regione Germaniæ. Hinc est quòd Stephanus Ethnographus Germaniæ Celticæ, hoc est, Germaniæ populum, qui Solem non videat, testimonio Aristotelis in libello De mirabilibus commemorat. Ab eadem gente verisimile est Germani Helle-

Cap. 27.

Germanicia.

sponsi urbem conditam, & Germaniciam quoque ad Euphratem sitam, vt Alinij Quadrati auctoritate refert Stephanus, cuius in Itinerario prouinciarum fit mentio. Atque ita quidem de Germaniæ nomine atque etymo, imò verò & de natalibus primis altissimaque nationis origine, indicia prius, non dissentienti ab alijs studio à me in medium prolata existimari velim, sed solùm limandæ atque indagandæ

veritatis.

veritatis causâ, quando seposito altercandi animo deceat nos veritatis esse assertores, hanc in lucem proferre, huius amori præ Stagyritis & Platonibus palmam omnem deferre. Germaniæ tractum in quina hominum genera partitus est Plinius, Vandalos, Ingeuones, Isteuones, Hermiones & Peucinos: sed qui breuius, in tres eam populos diuisere, nimirum Ingeuones, Isteuones, & Hermiones; quos qui à singulis Regibus nomina traxisse volunt, eorum impudens est oratio, & veneris omnis expers: siquidem ab orbis positu nomen illis inuentum versimilior ratio obtinebit. Ingeuones quasi *αὐτόθιοι* & indigenas interpretantur, quomodo Corn. Tacitus indigenas eos credidit, quòd aliarum gentium aduentu hospitioque permitti non fucrint, quam gloriam germanam & propriam priores sibi arrogarunt Athenienses: quanquam quid aliud ea consecuti fuerint, quàm vt Antisthenis conuitio aspergantur, nimirum vt parem sibi cum cochleis brucisque nobilitatem constare cogitent. Itaque cum istud non probaretur Beato Rhenano, vt interdum mihi videtur præcipitis atque incoërcitæ audaciæ plenior, rejicit eam vocem planè, suumque Vigæuones inculcat, ac pro indubitato affirmat, ostensurum se dictitans id quod suo è cerebro immaturo partu editum profert, volens ea voce significari accolæ sinus maris, à *Wijck* siue *Wig*; qua sinus maris fluuijue, vti nobis approbare è Saxonica lingua conatur, denotetur. Laudi datur in obscuris ac dubijs extrè hariolari, neque vitio mihi vertendum erit, si lucis aliquid infundere abstrusis coner. Itaque certa ratione persuasus eas gentes nomina à terrarum positu siderumque respectu accepisse auguror, id quod Germanis familiare, & vt verbis Beati Rhenani dicam, solenne est, à ventis indere locis & populis nomina. Quare vt suo ipse iudicio conuincatur, pro Vigæuonibus, quos ipse praua ratione reponit loco Ingeuonum, Isteuones appellandos, quòd ad orientalem mundi cardinè vergentes terras insederint, certò existimo; quam nominis necessitatē faciliè obtineat diuersum Vistæ-

Veritatis studium praualeat.

Germaniæ tres populi.

Ingeuones.

Atheniensium indigena.

Vigæuones quii.

Beati error.

Vistauones.

uonum erymon, qui appellationem habent à situ occiduuum Solem spectante, vt illi fuerint Istwones, ac deinde Ecstwoners, hi Wistauones, & Westwoners. Quis enim non rideat infantiâ Pseudoberosi, qui ab Isteuone quarto Rege Thuifconum nominis originem traxisse, in scripta retulit; quem Achilles Gassarus ædificandi rationem rudi populo monstrasse nugatur, quasi homines tunc primùm è quercubus nati, iuxta fabulas, cœperint algores, æstus, aliasque aëris iniurias perferentiscere. Sequuntur Hermiones, qui mediterranei fuere (ita enim obiter restituenda est ac distinguenda

*Hermiones.**Plinij locus
restitutus.*

apud Plinium lectio ex Tacito, vbi perperam ea vox cum Cimbris iungitur hoc modo, Quorum pars Cimbri mediterranei, quum post Cimbri puncto apposito, legendum veniat, Mediterranei Hermiones &c.) sic dicti quòd loca inter orientaliorem & occiduam plagam media possiderent, id enim sonat, *ther mid woners* / vel *Hermidwomers* / quòd telluris meditullium insiderent, ab Herto, quod vocabulum pro terra etiam Tacitus in libello De Germanorum moribus agnoscit: quod non vidit Rhenanus; qui viciatam vocem existimauit pro Herduones, quòd firmitus solidiusque solum colendum sumserant, veluti oppositi Vigæuonibus, qui depressiora magisq. irrigua & vlginosa loca infederant: quos ineptè ab Hermione quinto Germaniæ Rege Zieglerus Hieronymus nuncupatos prodidit, qui vir belli arte clarus disciplinæ militaris inter suos institutor fuerit: quod ipsum ex Berosi (nisi fallor) fabulosis antiquitatibus repetijt Nouiomagus. Atque hæc de tribus Germaniæ populis mea sententia est. Germaniam duplicem concorditer faciunt auctorum scripta, ac præcipuè Marcellinus, Superiorem siue Primam, in qua Mogontiacum, Vangiones, Nemetes, & Argentoratum præcipua municipia recensentur: deinde Inferiorem siue Secundâ, quam Agrippina Colonia, & Tungi-
 scopiosis atque amplis ciuitatibus munitam Ammianus prodit, quibus Cæsar lib. 2. adiungit Neruios, Atrebatas, Morinos, Menapios, Eburones, Veromandos, pluresque
 alios

*Germania
duplex.
Germ. prima.**Germ. secunda.*

alios vno nomine, vt inquit, Germanos appellatos: cuius fines attingebat Belgium ad Oceanum vsque & Rhenum amnem. Superioris verò limes erat Obrincus seu Mosella. Totam autem Germaniam illinc Rhenus ripis suis terminat, hinc Oceani littora, à meridie Alpes Italiæ, pro muro obiecti & inuicti propugnaculi atque impenetrabilis vicem præstantes: ab oriente Sarmaticarum gentium confinia claudunt, ex eorum arbitrio qui immigrationem populorum linguarumq. commercia respiciunt; quam sententiam fouent Strabo & Mela. Hinc diuersus est Germanorum tractus, qui ab Ifala Rheni ostio ad Albim vsq. sedes coluere, vt docui, quorum regionem tertiam Germaniam facio. Porro Germanis in vniuersum ab auctoribus corporum moles & firmitas, mortisque contemptio tribuitur, vti Agrippa apud Iosephum Iudaicæ captiuitatis lib. 2. edisserit, & testantur idem Hegesippus, & in Celtico Appianus, ob spem resurrectionis animorum, quod eleganter Lucanus expressit ibi,

Germania
tertia.

Germani re-
surrectionem
crediderunt.

—— *Populi quos despicit Arctos
Felices errore suo, quis ille timorum
Maximus haud urget lethi metus; inde ruendi
In ferrum mens prona viris, animarumq. capaces
Mortis, & ignauum est reditura parcere vita.*

Teutones & Tuiscones eosdem esse voluerunt, siue à Tuiscone Deo terræ edito, gentis conditore, seu potius à Teutate, quem Mercurium exponunt, qui magna religione & humanis hostijs apud Germanos colebatur, vt præter Laetantium Lucanus fidem facit illo versu:

Teutoni.
Teutates.

*Et quibus inuitis placatur sanguine diro
Teutates, horrensq. feris altaribus Hesus.*

Tuisconem verò Telluris filium veteres credidere, quòd omnem ætatem memoriam eius Antiquitas fugerit, eiusque sedem fuisse ad Rhenum apud Coloniam Agrippinam affirmant, municipio memoriam eius retinente, quòd Tuisconem vocant, Rhegino Duciam, in cuius codicibus malè Duriam scriptum inuenias. Iam verò vt Germaniæ populos quibus

Tuiscon.

Rhegino emē-
datus.

quibus nominibus Romani Græciq. vocarint, quibus item hodierna nomenclatione nuncupentur, explicem, diuicius paulo à recentiorum opinione eos in classes digeram, inter quos Visteuonibus attributos inuenio Sicambros, Batauos, Mattiacos, Vsiptos, Tencteros, Tubantes, Frisios, Bructeros, Chamauos, Angriuarios & Vbios. Istarum nationes sunt Cimbri, Chauci, Teutoni siue Germani, Vandali, Rugij: Inter Hermiones recensentur Sueui, Hermunduri, Chatti, Cherusci. Ordinar autem à Visteuonum Sicambri.

Sicambri.

Sicambri, vt vulgati typis codices præferunt, in manuscriptis Cæfare & Oro시오 Sugambri scribuntur, teste Fulvio Ursino inexhaustæ lectionis viro; quam scripturam constabiliunt Ptolemæus & Plutarchus, qui *συγαμβροι* in Cæsaris vita, paululumque euarians Strabo *συγαμβροι* scribit, vt Dion *συγαμβροι*: quocunque tandem modo scribatur vocabulum, videntur illi nomen inuenisse à sagace cura circumspiciendi indagandiq. consilia finitimorum atque molimenta; id enim sonat, *sich om her* / aut *si: h om her* / quo circumquaque lustrandum aut circumspiciendum moneatur, siue illud symbolum gentis duci vsurpatum fuerit, siue à natiua ac domestica eiusdem nationis solertia, quæ ad modum canum venaticorum cuncta odorari & peruestigare assueuerat, certè resident in Gelris & inferioris Cluiæ indigenis (quos veros esse Sicambros iudico) priscae sagacitatis scintillæ ac superstitis gloriæ reliquiæ. Hunibaldus tanquam alto ex veterno experrectus Sicambri nomen mutuatur à Cambra Regina Belini Britanniae Regis filia, astutissima fœmina, Antenoris ex Marcomiro filij coniuge, cuius insignis calliditas in prouerbij ludicrum conuersa fuerit, hominum digitis demonstrata, illam indice designantium, *Sich Camber* / hoc est, contemplare Cambra. Peuccerus maritimos Cimbros vocabulo notari existimauit, quod alibi dictum mihi est. Sicambros olim infra Vbios, quorum latissime fines extendebantur, ad alteram Rheni ripam habitasse volunt, nomenque gentis conseruari ruinis vrbis ar-

cistque

cisq̃ue Sigenburg circa Teutoburgum, appellationemq̃ue ab iisdem habere coenobium Sigenberg, haud procul Colonia, siglinis, ni fallor, nobile, & Sigem oppidum in Bergensi Ducatu. Sed alas genti nido maiores illi concinnant. Berosus fictitius nominis originē deducit ad Gambriuium ipsorum Regem, quum Gambriuij populus fuerit non multum discretus à Langobardis & Cherusceis. Hos dedentes se Augustus Cæs. in proximos Rheno agros traduxit, vti memorat Suetonius, quo nomen Romanis formidabile, vti meminit Tacitus, obrueretur. Deditos autem consilio atque astu potius Tiberij, quàm vi aperta, ex ipsius ad Germanicum verbis apud Suetonium constat. Cur verò formidabiles Romanis Sicambri fuerint, eò referunt quidam quòd Centuriones cogendis stipendijs missos in cruces egerint; id quod de Frisijis apud Tacitum lectum est: atque hinc ab Horatio Sicambros feroces & cæde gaudentes vocari putant, nisi hoc potius ad insanum militiæ ardorē ac studium referri placeat. Quanquam & ad historiam accommodari & istud possit, quæ tradit Appiani testimonio, à quingentis Sicambri quinque equitatus Romani milia in fugam coniecta fuisse, obtritis supra septuaginta. Cæsar & ex eo Plutarchus Vsipectum nationi vicinæ istud adscribunt, quos præter belli legem, inducijs otiosè fultos quum cæcidisset Cæsar, qui cladi superstites remanserant, à Sicambri recepti fuerint, moto propterea in hos bello, contabulato priùs in ipso Rheno ponte, quem apud Geldubam oppidum Rheno imminens (quod Gelriæ nomen de se creasse putatur) constrauisse prodidit Iulius Florus. Sicambrorum legio quæ sub Romanis signis militauit ad Istrum, iuxta veterem Budam, oppidum de suo nomine condidisse legitur, vbi pagus ab Hungaris vulgo *Schambry* dictus, memoriam gentis testante lapide, qui temporibus Mathiæ Coruini Regis effossus fuit, in hæc verba, si Lazio credimus:

LEGIO SICAMBRORVM HIC PRÆSIDIO COL-
LOCATA CIVITATEM ÆDIFICAVERE, QVAM EX

Zz

SVO

Sicambri Romanis formidabiles.

SVO NOMINE SICAMBRIAM VOCAVERUNT. quæ inscriptio suspecta mihi videtur, neque antiquitatem spirat. De Batavis & Mattiacis in prioribus dictum nobis est: neque Frisiorum fines indicti sunt, inter quos qui Maiores censentur, turpiter cum cæteris Willichius intra Amisiam collocat, & Visurgin, vbi est Groningensium ager & ciuitas. his enim utitur verbis. Quo quid potuit ab homine docto ineptius mendacijq. manifestius dici? quum tractus ille sit Embdani Comitatus, at Groninga infra Amisiam Frisijs contermina sit: rursus Minores Frisios intra Visurgin & Albim, quâ Bremensium ditio patet, falsissimo errore deponit, cum alterius erroris appendice, quando eisdem etiam Busacteros maiores vult esse: hæc namque eius sunt verba, ne quis mendacio illum peti existimet: Frisij, inquit, duplices sunt, aut maiores aut minores. Illi forsan sunt intra Amisum & Visurgin, vbi est Groningensium ager & ciuitas; Hij verò sunt intra Visurgin & Albim, vbi est Bremensium tractus, qui essent & Brusactori maiores &c. Vide quàm lepidè, quàm pulchrè, quàm denique ex fide Geographo & historici insignis declaratore digna populos confundat. Sed animaduersionem meretur hominis inconstantia, exactam regionum cognitionem sibi usurpantis, quando eodem in libro Chaucos minores Ptolemæi intra Amisum & Visurgin cõstituit, vbi sunt, inquit, Frisij Groningenses: maiores intra Visurgin & Albim. Quo loco clarè secum ipse iterum discrepat, & Frisios Chaucosq. eisdem facit propemodum, siquidem interamnates illos statuit, inter Visurgin Albimq. inclusos. Sed tam apertè mendaci, ego Pythagoræorum consuetudinè imitatus, cenotaphium imaginariumq. tumulum exstruam, tanquam veritatis & cognitionis desertori: illi etenim à sapientiæ studio, quod complexi fuerant, deficientibus, qui ad rationem viuendi priuatam vitæ cursum reflexerant, id facere solebant, pro mortuis eiusmodi habentes, vt ab Origene traditum est. Vsipetes, qui Tacito & Martiali Vsiþij, Ptolemæo transpo-

Frisij maiores.

Willichij error.

Pythagoræorum consuetudo.

Vsipetes.

sitis

sitis ineptè literis Vîspij nominâtur, Strabonî etiam *veσίπι*,
 ij sunt, quicquid alij dicant, quos hodie Zutphenos appella-
 mus, vocis vestigia adhuc retinentes, temperato molliùs li-
 teræ, S, susurro, & veluti mansuefacto per duplicem, Z. imò
 ipsa vocis assonantia hæret in lingua, à Sipeten progressa ad
 Sitpeten, inde Sitpen, postea mutatione tertiæ vocalis in
 quintam, adiecta aspirata nobis familiari, Sutphen & Zut-
 phen. Hos Plutarchus in Cæsare perperam scribit & appel-
 lat *Ἰπας*, quum *ἑσσιπτεῶς* ibi scribendû sit, vitiose etiam apud
 Appianum in Celtico scriptum inuenias, *οἱ Συπτεῶν*, pro
Ουσιπτεῶν. Rectè vicinos Frisij eos iudicat Marlianus,
 quando illorum fines latè patuerint, & non procul à mari,
 in quod Rhenus se exonerat, confedisse, à Sueuis (qui Saxo-
 nes nunc dicuntur) bellicosissima maximaque natione bel-
 lo pressos exagitatosque, vt è Cæsare clarum sit, & agricul-
 tura prohibitos. Ex quo Peucerio eoque prioris Altameri, in-
 signis videlicet rerum Germanicarum indagatoris, atq. hu-
 ius vestigijs insistentis Glareani (quibus omnibus rerum re-
 gionumque externarum inscitia & patriæ studium, cui quo
 iure quæve iniuria omnia asserere fategerunt, animos ita
 occæcauit, vt veritatis lucē peruidere non potuerint) error
 facilè se prodit, qui eodem in ludo docti omnes tradūt Vî-
 peteseam Franconum ditionem & Hessorum tenuisse, quæ
 à Francofurto celebri emporio & Mœni cum Rheno con-
 fluentibus, ad occidentem vsque dictam syluam (vulgo
Westerwald) in qua Nassauia est, Lonumq. amnem exten-
 ditur, & Ringoia nuncupatur. Quorū erroris particeps esse
 voluit Caluetus Hispanus. Quin & impotentius delirans
 Irenicus, sedes illis inter Neccarum, Mœnum, Rhenumq.
 constituit. Quid, quòd & Willichius in agro Frâcofurtiano
 & Confluentino locisq. vicinis collocat Vîspios, in magnis
 erroris inscitiaque tenebris implicatus, quum Tacitus di-
 fertis verbis illos Rhenum accolere alueo iam certum, &
 quem iam terminum esse sufficiat, hodie Isalam nuncupa-
 tum, refert? quæ verba eò spectât, quod ab initio fossæ, quæ

Plutarchus
correctus.

Appianus
emendatus.

Sueni qui.

à Drusi nomine, cuius iussu ducta fuit, Drusiana appellata est, duodecim milia ad Vespiorum vsq. metropolim, nunc Surphania, numeratur, quo toto spatio quia Rhenus perpetuo arane decurrit, neq. amplius metus est aut periculum, ut veterem suum alueum, qui Arenacū delabatur, repetat, propterea ille scriptor dicit eum fluvium esse iam certum alueo. Quin & ubi Tacitus Frisios & Vesprios Caucorum provinciæ obtendi ait, clarè ostendit quem orbis positum tenuerint, nimirum Frisij & Embdanis, qui Cauci sunt, vicinum. Quod si mari non longè ad Rheni propè exitum sedes habuisse Vespites, ut & Tencteros, à Cæsare discere illis licuit, cuius verba haud obscurè lecta in mediū proferunt, quid in mari aquam quæritant? quid ad Mœnum sedes illorum incertis vestigijs indagant? Vespites namque cum Tencteris Cæsari plurimum negotij facesserunt, quos populos Plutarchus testimonio Cæsaris commentariorum (quos Ephemeridas nominat) Rhenum transgressos, præmissis legatis inducias pactos, ex insidijs adortos fuisse Romanum equitatum ad quinque millia numerosum, ac in fugam compulisse, non ausum expectare illorum impressionem, qui soli octingenti fuerant, deinde iterum misisse honoratiores legatos, deprecandi erroris causâ, non fallendi specie, sicuti Cæsar interpretabatur, eosq. ab ipso detentos in castris, ne quid suis indicij facerent, atque ita dum illi otiosi feriatique nihil etiam mali suspicarentur, Cæsarem omnes suas copias in barbaros duxisse, ingentemque edidisse stragem, quum iudicaret stultum esse fidem seruare perfidis, qui contra pacta fœdera ius violassent. Quæ de re quum grauitè barbari questi fuissent, Cato (ut refert Cænysius) in senatu dixisse memoratur, quum ad decernendas ob victoriam supplicationes sententiæ inclinarent, Cæsarem dedendum esse barbaris, ut violati fœderis religio illius supplicio expiaretur, auctorque diras capite lueret.

Catonis sententia.

Bructeri.

Bructeri Ptolemæo Busactori dicti, Westphaliæ pars sunt, & Monasteriensis Episcopatus, per quorum ditionem decurrisse

currisse Lupiam amnem disertè testatur Strabo lib. septimo. vnde coniectura augurari licet illos prædictum flumen vtrinque prætexuisse, Rora amne inclusos. Eodè Amisiam fluuium attigisse verissimile est; siquidem Strabo scripto prodidit eos à Druso naualibus prælijs deuictos; Drusum autè constat per Amisiam classem inuexisse, Apollinaris eorū fines ad Viserin vsq. siue Visurgin extendisse videtur, ibi,

Bructerus vluosa quem Viseris abluit vnda.

Vbi somniator, nescio quis, qui ad libellū Taciti De populis & moribus Germaniæ cōmentariolo adiecto, aut commento potiùs, vetusta German. populorum vocabula se explicaturum profitetur, Vlmosa legit, & vlmigeros etiam vocatos Bructeros annotat. Claudianus hos Hercyniæ syluæ accolas facit eo versu, *Venit accola syluæ Bructerus Hercyniæ.* Straboni *Βέντερι* nominantur, omissa in codicibus Græcis. ρ. litera. Æneas Pius latæ culpæ inprimis arcessendus, qui è vocis vicinia Bructeros conijcit esse Prutenos, longissimo terrarum tractu disiunctos: quod ipsum & somniator ipse secutus, factum hoc putat, quòd à Tencteris pulsi in Sarmatiam concesserint. Tacitus penitus excisos à Chamauis & Angriuarijs scribit, occupatis eorum agris, idque conniuentibus assentientibusque vicinis nationibus, inuidiæ ne opum atq. exinde natæ superbiæ odio, an prædæ magnitudine, id verò in incerto relinquit: imò obiectos fuisse feris per Romanos consumptosque gladiatorum sicis in ludis publicis, idem auctor non dissimulat, vti interpretantur quidam, quando ex ijs supra sexaginta millia oblectationi oculisque spectatorum cecidisse cōmemorat. Quamquam id referendum potiùs ad intestinam gentis dissensionem ac discordiam, & mutuam inde lanienam cædemque existimarim. Neque tamen ita fuit deletum omne Bructerorum nomen, vt nullæ superfuerint populi reliquiæ, quando tot postea sæculis Claudianus (vti monui) & Sidonius gentis meminerint. Nominis autem etymon à perpetuis paludibus obtinuisse videntur, quas *Broucken* vocamus, vt

Sidonij locus.

Tentēri.

mus, vt sint *Broucters* / hoc est paludium accolæ. *Bructēris* adhærent *Tentēri*, quos à Rheno, hoc est, *Isala*, incipere, & secundum *Frisios* habere sedes vsq. ad *Amisiam* fluuium ex *Ptolemæo* discas. *Florus* *Tencateros* appellat, *Plutarchus* in *Cæsare* perperam *τεντερίδας*, *Appianus* adhuc peius *τανχαρείς* pro *τεγκτῆρες*, *Ptolemaus* etiam *τηγέρης* nominat. Hic iterum coarguitur erroris *Willichius*, dum *Lani* & *Lupia* amnium accolæ eos facit: sic solet vitioso iacto fundamento cetera moles vitium quoque trahere. Sunt autem *Tentēri* (nec abludit vocabulum) qui hodie *Dren-ten* audiunt: vt *Tubantes* illis confines, quos *Tuentenos* nominamus, quorum ditio à *Gora* oppido ad *Dunculam Benthemi* Comitatus fluuium extenditur. Præcelluisse equestris disciplinæ arte *Tentēros* scribit *Tacitus*.

Tubantes.

Chamaui.

Chamaui, aut, vt alij scribunt, *Chamani*, *Frisijs* quos hæc *atas* *Seuenwoudos* appellat, vicini fuere & contigui, quos vir eruditus & multiuigæ in historijs lectionis *Antonius Scoenhovius* coniectura fuisse auguratur, qui nunc *Campani* accessione literæ vocantur, quorum vrbs mutato *Isalæ* cursu etiam sedis positum mutauit, quæ quondam fuit *Transisalana* (qua in ciuitate adhuc censetur) nunc facta *Cisisalana*. Porro qui *Chamaui* per quintam vocalem scribunt, vocis etymon referunt ad, *au*, qua regio significetur. Horum extat mentio apud *Ammianum* lib. 17. & *Panegyristen* his verbis: *Quid memorē Bructeros, quid Chamauos, quid Cheruscōs, Tubantes? bellicum strepunt nomina, & immanitas barbarie in ipsis vocabulis adhibet horrorem.* Quo loco duplex irreplit error, in *Chamasos* scribendo pro *Chamauos*, & *Eruscos* pro *Cheruscōs*. Itaque fœdi erroris notandus est *Willichius*, qui intra *Melibocum* montem & *Albin amnē* eos collocat, vbi, inquit, sunt nonnulli *Miseni*.

Emendatus
Panegyristæ
locus.

Cheruscī.

Cheruscōs *Hercyniæ* populos cum plerisque *Turingos* annotat esse *Peucerus*. *Irenicus* habitatores *Episcopatum Halberstatensis*, *Hildesheimensis* & Comitatus *Stolbergensis* facit: alij *Brunsuicenses* nonnulli volunt esse tractum illum

illum qui à Sueviæ Bruxella, Heydelbergam extenditur, atque vltcrius etiam: quorum omnium errorem clarè detegunt atque denudant Ptolemæus Albis accolæ describens, & Claudianus ibi, *Latifq; paludibus exit*

Cimbris, & ingentes Albim liquere Cherusci.

Tacitus adiungit eos lateri Caucorum, & rectè: ex quo ditionis eorum situs facilè innotescit: siquidem Dion historicus eos vltra Visurgin habitasse testatur, quod ex Tacito etiam manifestum fit. Nam quum superato Amisia Germanicus Cæsar cū exercitu terras Bructerorum inuasisset, occupato quicquid interiacebat terrarū, ad Visurgin vsque castra extendit, vt traiecto amne, qui Romanos à Cheruscis dirimebat, hostes illos, sed libertatis Germaniæ vindices Arminio duce infestos, opportunè inuaderet. Quare Willichius ineptè ad confluentes Salæ in Saxonia illos collocat. Propius ad verum colliniat qui Luneburgenses eos facit. Longè amplissimos eorum fuisse fines demonstratu non fuerit difficile, quippe regionem altrinsecus septam infinitæ magnitudinis sylua Semana siue Baceni, quæ pro natiuo muro obiecta Sueuos, hoc est Saxones arcebat à mutuis iniurijs incursionibusque, ex Cæsaris commentarijs constat. Regem habuere Arminium Segimeri Principis filiū, manu fortē, & vltra barbarum ingenio promptum (quod de eo testatur Paternus) qui securitate nimia Vari Quintilij ad occasionem rei benè gerendæ vsus, tres Romanorum legiones cum totidem alis sexque cohortibus ad internecionem cecidit in saltu Teutoburgensi, teste Tacito, qui saltus Teutoburgo, nunc Duisburgo dicto, oppido ad Rorā amnem flexuoso Mæandro non imparem sito vicinus est, quod oppidum olim ad ipsam Rheni ripam, à qua dimidiæ horæ spatium nunc abest, adiectis alluione fluuij agris, affedit. Vnde colligi potest euidenter Cheruscis, à Caucis supra Visurgin habuisse initium, perque Monasteriensem, Paderbornensemque Præsulatus ad Rhenum Duisburgo tenus desisse, per longos terrarum anfractus. Horum finitimi erant à septentrione

Arminius.

ptentrione Sicambri, versus austrum cum Angriuarijs Vbij.

Angriuarij.

Angriuarijs nominis occasionem dedisse videtur inuadendi hostes studium, quod sonat *angripen*: quibus bellicæ gloriæ laude claris sedes libentiùs attribuerim ad Angriam Westphalorum nō procul à Luppiæ capite (cuius se Coloniensis Archiepiscopatus Ducein præfert) quàm cum Willichio Magdeburgenses fateat, veterisq̃ue Marchiæ incolas simile nominis vestigium seruante Angermundo vetusto scilicet oppido, in Brandenburgensi Marchionis ditione.

Gambriuij.

Gambriuij tractum Hamburgensem insedisse, nomenq̃ue inclytæ vrbi dedisse putantur.

Vbij.

Vbiorum ciuitas fuit ampla atque florens, vt est captus Germanorum (inquit Cæsar eleuans hostium opes & fortunas) qui fuere paulo quàm erant eiusdem gentis & generis humaniores, propterea quòd ad eos Rhenum attingentes crebri mercatores ventitarent, quodq̃ue propter propinquitatem Gallicis essent moribus assuefacti, quos Sueui multis sæpè bellis experti, cum propter amplitudinem grauitatemq̃ue ciuitatis finibus expellere nō potuissent, tamen vectigales sibi fecerunt. Horum sedes fuere trans Rhenum ditione Marchia Cliuensis Principis propria: sed à M. Agrippa in citeriorē ripam traductos ad victoris arbitrium ex Strabone cōstat, quo nomine miror Volaterranum non puduisse Vbijs sedes assignare in Marchia Badensi, quæ ad Heluetios est. Verisimile fit nominis vestigiū seruari in pago Coloniae obiecto, quē *Euijsch* vulgus nominat, olim fortasse, *Te Bbisch* & contractè *Eubisch* atq. inde *Euijsch*/ vbi nobile extat & vetustū cœnobium, olim præsidarium munimentum à Fl. Constantino constructum, & Diuitense nuncupatum, quod fortassis ab Heriberto Præfule Coloniensi ad pios fuit vsus commutatum. Neq. veri dissimile videtur nobilem illam primi ordinis sacerdotio aram, à Tacito non semel memoratam, eo loco extitisse, apud quam Segimundus (qui perperam Straboni Semiguntus vocatur) Segestæ Sicambrorum Principis filius sacerdos creatus fuerat,

Volaterrani
error.

Strabonis
locus.

rat,quem postea in defectione Germaniarum, duce Arminio,ad rebelles profugum, vittas abruptisse Tacitus scribit. Peucerus non rectè Vbios incolas Eijsalix existimat, qui citiores sunt, quos alij meliùs Tarbellios Aufonij putant. Caucos Germanix populum, Caycos Lucanus & Claudianus Poëtæ nominant,neq. desunt qui Cauconas Paphlagonum gentē vagam & quæ in migrando motoriam egisse fabulam legitur, cum his confundunt. Quem autem tractum tenuerint, prædicti Poëtæ & Tacitus manifestum faciunt. Lucanus etenim in primo Pharsaliæ illos Germanis conterminos facit, ibi:

Cauci.

Et vos crinigeros bellis arcere Caycos

Oppositi, petitis Romam, Rheniq. feroces

Deseritis ripas.

qua apostrophe Germanos seu Francos innuit, isto nomine nondum notos, qui Caucis obiecti erant, & à tergo Rheno includebantur. Claudianus vtranq. gentē similiter coniunxit in Eutropiū ita scribens;

— Pacem implorantibus ultro

Germanis responsa dabat, legesq. Caycis.

Iam verò Tacitus eos inter Germanos nobilissimum populum appellat, & à Frisiorum finibus incipere, partemq. lititoris occupare, & per immensum terrarū spatium in Chattos vsque introrsum sinuari ait, ac lateribus Tencterorum, Vlsipiorum, Frisiorum, Angriuariorumque obtendi. Ex quo amplitudo illorum imperij ac ditionis dilucidè cognosci potest, quæ res effecit cur in maiores minoresque à Plinio alijsque scriptoribus distracti legantur. Caucos minores

Cauci minores.

Amisix amnis fuisse accolæ, & primariam ditionis urbem nunc esse Embdam censeo, siquidem inter Amisiam & Visurgin etiam Ptolemæus sedes illis constituit, cuius verba sunt, καὶ χοὶ οἱ μικροὶ μέχρι τῆς εἰσέργιος ποταμῆς, εἴτα καὶ χοὶ οἱ μέγας, μέχρι τῆς ἄλλιος, id est, Cauchi minores ad Visurgin amnem extenduntur, at maiores Cauchi ad Albim vsque. & apud Cauchos minores deducta in Oceanum per Amisiam classe millenaria cum legionibus, solam triremem

Cauci maio-
res,

Peuceri error.

Cimbri.

Dani.

Holsati qui?
Dietmarsî.

Scandia in-
sula.

Germanici Imperatoris ex sædo naufragio appulisse serua-
tamque fuisse refert Tacitus. Caucis maioribus Bremam
assigno, qui à Visurgi Albim vsque ad Hamburgum sedes
tenuerunt. Nam qui Phabiranum Ptolemæo dictum oppi-
dum, nunc Bremam, minores tenuisse, & ad Albim vsque
fines suos extendisse scripto prodidit, quàm ille verè sentiat,
iudicabunt locorum gnari, quando constet ex Tacito, Cau-
cos in commilitiũ à Romanis ascitos fuisse & auxiliares,
contra Cherufcos, quos Visurgis amnis, qui Bremam præ-
labitur, ab infesto Romanorum exercitu determinabat,
vtrosque interfluens. Caussam errandi præbuisse illi rece-
ptum vulgo & hætenus creditum Frisiæ orientalis nomen,
ac titulum Comitibus Embdanis vsurpatum, vel moneta
quam cudunt teste atque indice. Itaque dum nido maiores
pennas extendit Peucerus, ac Frisiæ pomœria, quæ Amisia
fluuiò concluduntur, longiùs quàm rei veritas exigit ad Vi-
surgin vsque prorogat, necessariò ille indaginis angustijs ob-
septus, conterminæ nationi, vt finibus isti adhæret, nomen
sequentis proximè populi imposuit. Ita fit ferè, vt erroris
leue momentum sæpe improuisos altioribus induat erro-
rum labyrinthis. Ælius Spartianus in Didij Iuliani vita,
Caucos Germaniæ populos Albim fluuium accolentes, tu-
multuarijs auxilijs repressos, quum in Belgium eruptionem
fecissent, à Iuliano Belgij procuratore scribit, vbi Bremen-
ses cum finitimis intelligi volunt. Venio nunc ad Cimbri-
cam, è qua Romano nomini tantopere formidabilis effusa
fuit procella, vt eius memoria multis pòst sæculis aures ani-
mosque circumsonuerit, hi partim Dani, quasi abiëgnis in
syluis educti, partim Holsati, velut sylvarum incolæ, partim
Dietmarsî seu Teutomarsî à deuexiore soli vlginosi natu-
ra nomen sortiti fuere, vbi posteris sæculis ab Henrico Au-
cupe Imp. instituta est limitanea præfectura, qua cohibere-
tur & excluderetur hostilis Danorum excursus. Hos con-
stat Scandinauiam seu Scandiam insulam amplissimam, al-
terum quasi terrarum orbem habitam Plinij testimonio,
tenuisse:

tenuisse: quam fœdo errore deceptus Procopius Thulen (quæ Islandia à gelu hodie dicitur) existimauit, populorum genitricem, & officinam nationum à Iornando Gothorum Præsule appellatâ. Eam voce leuiter corrupta, hodie Sconen nuncupant, distatque à Cimbrica Chersoneso exigui freti interuallo, in immensum versus Arcton excurrens, ad vsque pigrum immotumque, quod Amaltheum veteres dixerunt, quo claudi terrarum orbem creditur: ea insula fœcundam gentium luxuriam in vniuersum terrarum orbem effudit, in qua nunc latè regnum obtinent Noruagi, & Suiones *Tacito dicti, nobis Suedi, quam vocem in Plinio reponendam, pro Hilleuiones, scribendo Suiones, arbitror, apud vtramque gentem Solis occidentis fulgor cum ortu fermè continuat, vsque adeo nitidus & clarus, vt hebetatis siderum ignibus, solis caput ceu nebula obscuratū conspiciendū se præbeat.* *Mare Amaltheum.* *Suiones. Suedi.*

Vandalos à peregrinando dictos volūt, quasi ambulones; à *Wandelen* quod est ambulare & spatia facere: quos ego potiùs à Dalij populis, vnde exierunt colonias quæsituri, nuncupatos iudico: extant namque hodie in parte Scandiæ, quæ Noruagia dicitur (Plinio *Nerigos* appellata haud dubiè, modò integra sit lectio) è regione Cimbricæ Chersonesi, Coperdalia regio, Osterdal, Vbdal, Zuijderdal, Nydal, Fosdal, Sundal, Møndal, Ganzendalia, Holmdal, Socknadal, Caperdalia, & id genus plures cum vici, tum oppidula è quibus egressi traiecto fretò vix vnum miliare lato, continentes terras inundarunt. Egregia quoque militiæ laude nobiles ibi sunt Dalecarlij, siue Dalecaroli rectiùs, natio bellicosa, & in quam aptè quadret, quod de Æacidarum gente extulit Hesiodus, *Dalecarlij.*

Pralia quæ pluris ducit, quàm fercula mensæ: quibus ludus est nuda capita gladiatorum ictibus exponere, quod crania habeant spississima durissimaque, quæ sauciata iniecto medicati lardi tomo perfanant. Sunt qui Windos & Henetos cum Vandalis confundunt. Cæterum vt Germaniæ colophonem imponamus, demus illi suos amnes clariores, quos *πολλὰς καὶ χαρπότες ὕμνος* *Amnes Germaniæ.*

res, quos in Oceanum emittit, hoc ordine à Plinio luculentè pertextos, lib. 4. cap. 14. *Guttalus, Vistula, Suevus, Albis, Visurgis, Amisus, Rhenus, & Mosa.* Quem ordinem haud temere otioseque positum existimo à locuplete scriptore, nobisque sequendum. Itaque Guttalum in quinta Germaniæ parte, quæ versus Bastarnas extenditur, eû amnem ut esse credâ, qui celebre illis locis emporium Anaetorium seu Coningbergam, Montémve Regium (pluribus enim nominibus datur locus) præterlabens, Venedico sinui, qui Curientis à Curiorum regione vocatur, miscetur, facile adducor : siquidem postrema nominis parte nihil dum faucia, sed planè integra, *Al* hodie nuncupatur : magno enim errore tenentur Celtes & Irenicus, qui confundunt Sueuum cum Guttalo.

Guttalus

Al fluvius.

Vistula.

Gedanū quid.

Suevus.

Viadrus.

Odera.

Sequitur Vistula siue Istula, quem etiam Bilibaldus Vandalum nominat, Germaniæ terminus, quod ultra eum Sarmatiâ Europæam Ptolemæus collocet, Iornandes Scythiam, qui Sarmaticis iugis decurrens, Cracoviam Polonici Regni metropolim, alluit, auctuque fluminum vastus in trina se fundit ostia; hinc Gedanum (ea vox Heneto idiomate præsidium Danis obiectum signat) nobilissimum emporium Dantisci nomine notius : inde Elbingam Prutenici Borussiae Reguli Academiam : tertio Lochstetum oppidum præterfluit, sicque trifido agmine in Venedicum sinum effunditur. Tertium locum tenet Suevus, quem alij Viadrum nominât, qui corrupta deflexaq. voce Odera dicitur, quod ex Oderbergo monte cognomine fontes trahat ad Marcomanniam siue Moraviam: qui multorum amnium accessione auctus Francofordiam Gymnasio celebrem præterlabitur : tandem postquam hinc Stetinum Sidenorum sedem, maritimum emporium, illinc Caminum urbem Episcopalem prætexuit, ibi lacu ingenti effecto in Germanicum Oceanum eluctatur. Nam qui Spream (qui inter nobiliores quoque amnes habetur, & Brandenburgum inclytam Marchionum sedem prætermeans, apud Havelo-
burgum

burgum in Albin decurrit) Sueuum esse autumant, erroris comperti sunt, quorū è numero est Bilibaldus, qui in Oce- Bilibaldus er-
rat.
num abire Spream iuxta Sundam maritimā urbem scribit.

Quartum in locum venit Albis, amplissimum Germa- Albis.
niæ flumen, quod Sueuos à Cheruscis (ita enim legendum
censeo apud Vibium Sequestrum pro Ceruecijs) diuidit: Vibij Seque-
stri locus emen-
datus.
Velleius Semnonum atq. Hermundurorum fines præter-
fluere testatur. Dioni vocatur *Αλβινός*, quem è Vindelicis Dion emen-
datus.
montibus decurrere ait, sic enim huius scriptoris emendan-
dus est locus, vbi vulgati codices habent, *ρεῖ δὲ ἐκ τῆς ἐανδα-
λικῶν ὁρῶν*, pro *ἐνδελικῶν* pronò lapsu. Tacitus in Hermun-
duris Albin oriri flumē inclytū scribit, at Conradus Celtes
ex Hercynio inter Bohemos. Multas vrbes claras præter-
lapsus tandem inter Caucos minores & Cimbros Oceano
insinuatur. Hic est cuius in crepidine mulieris species hu-
mana amplior, Drusum compellans, pergere vltterius vetuit,
quod ex Dione & Tranquillo alibi relatum mihi memini.

Visurgis sequitur Variana clade nobilis, vt Paterculus ait, Visurgis.
malè à Dione *εἰσπυργός* vocatus, quum vera scriptura esse Dion corre-
ctus.
debeat *εἰσπυργος* libro 55. in quo repetitus error longè fœ-
dior irrepsit in excusos typis codices, *ἐρύργος* scribentes pro
εἰσπυργος, vbi memorat Tiberium antea quidem ad Visurgin
vsque progressum, pòst Albi tenus perrexisse: græcè legitur,
μέχρι γὰρ τοῦ ποταμοῦ πρὸς πύργον μὲν τῷ ἐρύργου. Hunc Ovidius Ouid.
Iturgum videtur appellasse eo versu,

Decolor infecta testis Iturgus aqua.

Visurgin ad Amisiam decurrere Strabonis interpretes erroris Strab. inter-
pretis error.
manifestus ait, vt & Lupiam, quum longè vltra Amasiam,
Bremensem urbem præterlapsus, Vesperæ nomine notior,
in Oceanum deferatur: Lupia verò in Rhenum exonere-
tur, de quo errorem aliorum obiter per occasionem nō pos-
sum non detegere. Lupia autem hodie Lippia dictus, apud Lupia fl.
Aliffonem, quam Wefaliam vocant, in Rheni alucum in-
fluit, in Paderbornæ finibus ortus, inter quem & Amisiam,
cuius non procul inde fontes surgunt, tres Vari Quintilij

Vadiani error.

Nicer fl.

Irenici error.

Amisus fl.

Rhenus fl.

Mosa.

legiones ab Arminio deletæ fuere, non longè à Teutoburgensi saltu. Hunc Vadianus turpi errore inuolutus Neccarum esse coniectat, qui prope Ladeburgum Rheno immergitur, veteribusque Nicer vocatur, neque constans sibi, Strabonis testimonio, Lupiam in Visurgin deuolui ratus, Fuldam amnem esse arbitratur, interpretis vitio deceptus, qui locum ita peruertit. *Bisurgis & Lupias amnis in unum ad Amasiam deferuntur*: sed præstat Græci codicis fidem in medium proferre, tametsi inuitus id faciam, dum prolixitatis tædium vitare studeo. ἐπὶ ταῦτα δὲ (videlicet ἐθνὴ quod præcessit) τὸ Ἀμασία φέρονται βισεργίς τε καὶ λεπίας ποταμός. id est, Ad has nationes decurrunt cum Amasia Visurgis & Lupia amnis, qui per Bructeros minores labitur, à Rheno circiter sexcenta stadia distans. Iam verò & Irenicus turpissimè omnium Lonam amnem facit Lupiam: tanta est illorum hominum vel cæcitas vel inconstantia. Sextus est Amisus, Straboni Amasias dictus, qui paululum infra Paderbornam Westphaliæ urbem caput fontisue suos ducit, & in Septentrionalem Oceanum exiens apud Embdam Caucorum minorum emporium, nomen illi suum mutatur, Eems dictus.

Rhenus septimo loco est, qui è Lepontijs, ut Cæsar: ex Adula monte summarum Alpium brachio quodam, vulgo Etzel dicto, sicut Strabo & Ptolemæus voluerunt: è Rhetia, ut Claudianus, oritur. De cuius fontibus Glareanus in commentarijs ad Cæsarem, & Egidius Tschudus exactissimè scripserunt, ut superuacaneam sim positurus operam, si lucis amplius requiram: cuius ostia tria maxima, falsus enumerat Bihbaldus, per quæ in Oceanum Germanicum se exoneret; nimirum Vahalim, Insulam, nunc d' Ysel/ & Lecum, die Leck: sed eius impudentior est error, quàm ut exagitari ferio mereatur, quum alia illi dederim, veritatis certus.

Postremam lineam ducit Mosa, qui è Vogesi iugis, qui in Lotharij regno celebris mons est, oritur, secundum Ammianum & Cæsarem: Marlianus in Lingonum finibus ortum

eius.

eius memorat. Hic demum Rheni longè clarioris amnis nomen obruit atque abolet, suoq. nomine geminas vndas in Britannicum Oceanum euoluit. Minoris famæ & extra numerum est Vidrus, qui Bructeros Frisiosq. diuidens, à fuscæ vndæ nigrore, Aqua nigra vulgo vocitatur; cuius nomen hoc loco apponere visum est, ne propter viciniam cum Viadro confusus errorem in aliquorum mentibus pariat.

Vidrus.

CAP. XXII.

*De Celtis, quòd Germani fuerint,
non autem Galli.*

INGENS ac diuturna hætenus doctissimos homines è Germanis Gallisque pugna exercuit, de Celtarum antipiti nomine, quod & hæc & illa gentes ad se mordicus traxerunt, ob rerum quas gessisse antiquitus leguntur claritudinem, quas venditare sibiq. arrogare otiosè cur magis studeant, quàm ad earum laudem imitatione aspirare, id verò quærendum etiam atque etiam ab ipsis est. Vt cunq. sit, dubia scriptorum fides, meo iudicio Germaniæ luminibus plurimum hîc obstruxit, gentisq. splendorem obscurauit, qui dum promiscuè Gallorum, Celtarum, & Galatarû nomina confundunt, alienæ gloriæ falsam hæreditatem Gallis attribuerunt, Germanis suam derogarunt. Cuius erroris geminam mihi videor occasionem obseruasse, cum indistinctam populorum cognitionem, siue ignorationem potius, tum antiquiorem in Gallica natione, quàm inter Germanos, scriptionum copiam, quippe apud quos nupera admodum ac recens ista laus esse cœperit. Nam Gallia postquam Francorum Regibus, post Gothos in prædam cessit, atque illi ob cultum, fertilitatem regionis, & opes, peculio nouo armis quæsito victricibus, plus aliquâto curæ impenderunt, & studia inter Ecclesiasticos viros, in quibus Benedictini primas ferè partes tenuerunt, potissimè aluerunt: quæ res occasionem dedit, vt gentis suæ laudes plenioribus
buccis

*Celta unde
dicti.*

Celtine.

Celtus.

κελητες.

buccis prædicare studuerint, quasi protelo & incitamento in seram posteritatē extracto. Celtas (vt à nomine initium capiam) ab Herculis filio Celto appellationem traxisse scribit Parthenius Eroticōn auctor, quem è congressu eius viri cum Celtine puella Britanni filia partu editum, Celtis populis nomen creasse fabulatur. Appianus historicus à Celto Polyphemi filio nominatam gentem putat, illorum opinioni suffragatus, qui è Polyphemo Siculo & Galatæa coniuge natos ternos liberos, Celtum, Illyrium, & Galatam, adulta ætate è Sicilia oram soluisse, & à se subactis possessisque tribus regnis nominis originem dedisse asserunt. Paulo diuersius commentum adfert Græcus Etymologici auctor, scribens Herculem gessisse morem Celtæ Britanni filia amore Herois inflammata, noctemque ab illo petenti, eumque in discessu compressæ reliquisse arcum sui monumentum, addita oraculi voce, qua Regem fore (si mascula proles fuisset edita) auguratus fuit, si arcum illum in cornua flexum tendere valeret, natumque ex eodem concubitu Celen, patris augurium impleuisse, gentique à se nomen indidisse. Idem auctor sui oblitus regionem Celticam à Celte Herculis ex Sterope Atlantis filia genito dictum annotat. Sed istorum auctoritas poëtica fabulæ quàm historiæ vicinior, quid momenti aut ponderis apud eruditorum animos habitura sit, non video, quemadmodum & illorū qui mediæ Græciæ è latebris appellationis fontem reuocant, quasi κελητες Celtæ, hoc est, Galli dicti fuerint, quod liberis equis, haud stratis aut ad currum iunctis vehi consueissent, ac proinde omnium maximè equitatu valuerint, vt Bodino homini imprimis docto placere video, quum peditatus gloria penes istam gentem fuerit semper habita antiquior: quasi Celtæ ab ea voce κεληται, & per syncopen κελται nuncupati fuerint. Strabo lib. Geogr. quarto ambiguè scribit Celtas appellatos, διὰ τὴν ἐπιφάνειαν, quod auctoritate valuerint, siue quod robusta & viribus valens natio fuerit: idem autem est gelten / quod valere; quod spectat & pecuniæ etymon, quam

quam Germanica lingua *Gelt* nuncupat, quòd penes pecuniam rerum reginam valoris omnis momentum sit & æstimatio. Memini fuisse qui tam Galatas quàm Celtas ab ea voce nominis fontes arcessere debere contenderint, quòd vtraque gens pecuniæ audior vitam nundinaretur, & Cærum more venalem haberet, denis in diem assibus animam & corpus æstimans, vt Taciti verbis dicam. Ita & Celtoscythæ (sic dicebatur communi nomine Cimbrorum agmen Plutarcho teste) dicti videntur, velut pecuniæ iaculatores, quòd æra merentes pecuniam qua abundabant sine laude profunderent, qui Germanicæ militiæ quasi hæreditarius morbus permāsit. Hactenus de vocabuli origine satis multa: nunc ostendamus Celtas pro Germanis accipi apud scriptores. Pausanias in Phocicis confundit absque discrimine cum Galatis Celtas, nunc hoc, nunc illo vsus vocabulo, vbi de Celtis pertexit historiam, qui Brennum ducem strenuum & in fallendis hostibus mirè industrium, in Græciam expeditionem mouentem secuti sunt. Idem in Atticis Galatas qui in Græciam incurfionem fecerunt, ab extrema Europæ maritimaq. ora profectos, lingua patria dictos fuisse Celtas commemorat. Diodorus Siculus Galatas à Celtis hoc discrimine separat, quòd hi à Pyrenæis iugis mediterranea colant, illi ad Oceanum & saltus Hercynios ad Sarmatiam vsque extendantur (quod ego non de montibus qui Galliam ab Hispania secludūt intelligendum puto, sed de Pyrenæo monte inter Alpes, qui lingua Heluetica hodie Brennerus vocitatur) vtroque tamen nomine Germanos comprehendendi, luce ipsa clarius est. Diligētia & fide aliquanto maiore vsus Polybius Gallos vbique Galatas nominat, vt Germanos Celtas, quorum operâ vsus Hannibalem in obsidione vrbs Tarentinæ refert libro octauo. Idem scriptor lib. 2. Hasdrubalem Hannibalis patrem virum militia clarum, cuius diligentia res Carthaginensium magnum incrementum acceperat, in exercitu suo Celtas habuisse memorat, è quorum ducibus vnus noctu Hasdrubalem in ten-

*Celt.**Pecunia vis.**Pyrenæi.**Pyrenæi
mons.*

torio aggressus, ob priuatas inimicitias, confecerit. Itaque lata culpæ non immeritò arcessi queat Liuius, qui Gallos pertinaciter vbique appellat, quos Celtas Polybius, è quo plaraque omnia iste deprimpsit. Herodotus quum Danubium inter Celtas nasci scribit, diuersam à Gallis nationem, Germanicam nimirum, Celtas clarè loquitur. Cimbros & Teutonos quos Marius deleuit, Appianus Celtas nominat in Celtico. Dion Tenæteros & Vspetas Celticum genus vocat lib. 38. his verbis, τέχνητες ἐσσιπέται κελτικὰ γέννη. quod Cæsar eadem de re loquens prior dixerat lib. 4.

- „ Vspetæ Germani & item Tenæteri. Eòdem facit quod subiicit Dion eos à Gallis euocatos Rhenum transisse: Græcè est, πρὸς τῶν γαλατῶν ἐπικληθεῖτες. quibus è verbis clarè patet vtriusq. gentis in nominibus discrimen. Rursus idem Batauos Celtas appellat lib. 58. quibus mos erat armatis fluuios quamuis citatos tranare: quod de Batauis & Germanis confirmat Tacitus. Appianus bellorum Ciuiliū lib. primo, Cimbri, inquit, natio sunt Celtica. Idem Boios Celtis adnumerat, quos nemo inficiabitur, nisi emota sit mente, puros putos esse Germanos, appellans eos nationem Celticam cumprimis efferam & inmanem. Polybius Ernestum Celtarum regem quando nominat, quis non peculiare gentis Germanicæ nomen agnoscit? E quibus Germanis Celtas originem ducere Cæsar asserat, dictum est à me alibi. Hesychius quoque Grammaticus Celtas diuersam à Gallis gentem tradit, & quidem rectè. Quin & Suidas Celtas dici Germanos Rheni accolæ è veterum scriptis haud dubiè, quorum testimonia & fragmenta sine nomine sæpiùs adducit, annotauit. Adhæc Eustathius in Dionysium commentarijs discriminat à Galatis Celtas, vbi ait hos porrigi secundum Rheni ripam, διήκον δὲ λέγονται ἄρχει καὶ τοῦ ῥήνε ἐκ τῆς περὶ, ἀπὸ δὲ αὐτῶν ἐκείνων πάντες Εὐρωπαῖοι γαλάται, κελτοὶ ὑπὸ ἑλλήνων ἐκλήθησαν. hoc est, Celtae pertingere dicuntur Rheno tenus, aut, secundū Rhenum extenduntur, à quibus cuncti Europæi Galli à Græcis Celtae dicti fuere. Audiamus
& Lucil.

& Lucillium Tarrhaum Apollonij scholiasten quid sentiat, is disertè saltum Hercynium Celtis attribuit: eum verò saltum Germaniam sibi propriam vindicare extra contro-
uersiam est. Dion lib. 39. Celtas antiquitus nominatos fuisse ait, qui Rhenum vtrinque accolerent. quod eius verba sonant: τότε πά.υ ἀρχαῖον κελπί, ἐκάτεροι εἰ ἐπ' ἀμφοτέρω τῷ ποταμῷ οἰκόντες ὠνομάζοντο. hoc est, Priscis temporibus Celtæ dicebantur, qui Rheni fluminis ripam vtrinque præ-
texebant, vel, accolebant. Simocatus in epistolis Rhenum Celticum flumen appellat: Nazianzenus eiusque fermè æqualis Iulianus Apostata, scribunt Celtas ad explorandam thori coniugalis fidem, liberos suos recente partu editos periclitari, Rhenoque immergere; creduli spurios & adulterinos foetus fluminis vortice rapi, legitimos innatare illæ-
solque existere. Istud verò Germanos pro consuetudine tenuisse, neque esse fabulosum, ex Galeni testimonio clarè constat libro Salubrium primo, vbi disertis verbis sic loquitur: Germani infantem modò natum & ab utero calentem „
adhuc, ad amnem deportant, argenti que fluminis alueo „
tingunt, ceu ferrum candens, tum vt periculum faciant de „
naturæ vigore, tum vt corpus ipsum roborent durentque. „
Quem illorum ritum & Gregorius & Claudianus, pulcher-
rimèque Nonnus Dionysiacoñ auctor expresserunt, ita vt dubium minimè sit, quin iidem cum Germanis sint Celtæ. Ad superiorem controuersiam facit, quod Plinius & Iulius Florus Gallum fuisse scribunt seruum publicum, qui Min-
turnis Campaniæ oppido cum imperio in carcerem im-
missus fuerat, vt C. Marium interficeret: quem Velleius Paterculus Germanum vocat; eundem Val. Maximus Cimbrum appellat, quippe Cimbrico in bello captum. Vbi Ar-
rianus in Alexandreide de Celtis loquitur, quos proceris esse corporibus, magnosque sibi spiritus sumere scribit, non alios quàm Germanos designauit: à quorum legatis amicitiam Alexandri ambientibus, diuersum ab opinione sua responsum ille tulit. nam cum arbitraretur dicturos, quod

Celtica au-
dacia.

fama nominis illius fuissent exterriti, responderunt se longo locorum interuallo ab ipso distitos in locis difficilibus in-
tuisse, ne aliquando cælum in ipsos corrueret. Celticam au-
daciam Aristoteles proiectam illam & cum vitæ contem-
ptu coniunctam vocat, cuius origo è superioribus liquet, ni-
mirum mortis despicientia. Mirum est quòd Ælianus in
variæ historiæ libris tam stultam & vecordem huic genti
audaciam adscribit, vt plus quàm belluina stoliditate præ-
ditos fuisse oportuerit, si à vero non exorbitauit: sed eius
tam impudens est oratio, vt pudeat verba contrà facere.
Quis enim adeò fungus & stipex fuerit, vt ingruentes mari-
nos fluctus præpilatis hastis nudisq̃ue ensibus territare præ-
sumat? aut quis non ruinæ labentis tecti subducere se
malit, conseruandæ vitæ causâ, cuius interitum ani-
mantia omnia fugiunt, quàm volens sub eo mortem oppe-
tat? Quis nisi Corcebo stultior nolit præsens incendium;
modò pateat effugium, euadere, quàm miserrimo necis
genere flammis absumi? Repertus tamen est qui victuris
chartis hæc mandauerit, qui tantæ vecordiæ fidem mor-
talibus approbare se posse putarit. Celticæ etiam voca-
bulo Germaniam intelligere Plutarchum luce clarius est,
quando in Mario *τὴν κελτικὴν διὰ βάθος χώρας καὶ μέγιστος
κατὰ τὴν μακρότητα ἐπεσφραγισμένη ἀπὸ ποντικῆς συνθίας*
commemorat. dicam idem Latinè propter peregrinæ lin-
guæ nescios. Sunt, inquit, qui Celticam, vt est vasta &
ampla regio ab extremo Oceano & plaga Septentrioni sub-
iecta, apud paludem Mæotidem versus Orientem refle-
ctentem, Scythiam Ponticam attingere dicunt, gentem-
q̃ue Celtoscythas vocari. Idem sentiunt Herodotus &
Diodorus Siculus. Trebellius Pollio historicus in Clau-
dij vita barbaros enumerans, qui ad vastandum Romani
Imperij solum inuitati fuerant, Celtas adscribit, haud
alios quàm Germanos intelligens. Hæc ferè sunt quæ
de Celtis, hoc est, Germanis, opinionem meam confirma-
re videntur. Illud corollarij vice adiiciendum duxi, Lugdu-
num

num urbem à Stephano Ethnographo καλοῦσθαι ἀσσι-
gnari, vt sit communis Germanis & Gallis, aut in earum
gentium collimitio sit sita.

CAP. XXIII.

*De significatione nominum & impositione veteri-
bus usitata, tam gentium, quàm Principum &
personarum.*

CIMMERIÆ Cimbricae gentis tenebras locum pro-
uerbio aperuisse mirandum non est, apud hos qui cali-
gantibus animi oculis lucem nunquam admiserūt, aut eam
comprehendere & intelligere curarunt, supina exoticarum
linguarum negligentia atq. contemptu inducti, cū si rem
ad veritatis amissim explorare studuissent, oculatam gen-
tem illam, vt & eorum posteros & ἀπογόνους eodem in cælo
& aëre natos Gothos, & rerum arduarum cælestiumque
cognitione imbutam, didicisse potuerint: atque ita quidem
vt cæterorum populorū luminibus obstruxisse ac caliginem
quandam offudisse nationes illæ, quantumuis despectæ &
barbariei macula famosæ, meritò existimari queant, non in
disciplinis modò grauioribus, verū etiam ea in scientia,
quæ diuinum maximè cultū spectat & tradit, ex re Theo-
logia vocitata, si Iornando accedimus. Sapientiæ certè pru-
dentiaque non vanum, sed penè singulare documentum
dedere circa nominum impositionem; qua de re dicturus,
pauca de ritu & ratione nomenclationum delibanda prius
putaui. Græci speciosa videtur adamasse nomina, quorum
interpretatio cum factorum euentis cōcinere videtur, quan-
quam à naturā vnumquodque vero rectoq. nomine insi-
gnitum esse Platonius Cratylus contendat: ita Agamem-
nonem à longinqua mora vocatum, qua in expeditione ad
Troiam hærens consedit ac propè consenuit, id enim sonat
ἀγαν μέμνην: ita Priamum ab emendo, quod est πρῆσθαι,
tum quia puer venundatus fuerit, tum quòd exactè ad sa-
coma appenso auro filij Hectoris corpus licitatus ab Achille

Cimmeria
tenebra pro-
verb.

Cimmerij &
Gothi rerum
arduarum pe-
riti.

Cimmerij &
Gothi Theo-
logia periti.

Nominis im-
positio qualis.

Agamemno-
nis etymon.

Priamus vn-
de ductus.

Achillis
etymon.

Italorum ap-
pellationes.

Nominum
impositio no-
bis usitata.

Barbara no-
mina difficul-
ter in aliam
linguā trans-
fundi.

Barbara no-
mina effica-
cia.

Iamblichus.

redemerit: sic hunc ipsum Achillem dictum, quod medul-
lis ferarum & carnibus ab infantia citra solidioris cibi & ce-
realis esum enutritus à Chirone Centauro eodemq. præda-
gogo fuerit, velut *ἀνὴρ χλῆς*. At Romani non nisi ominato
peractis litatisque sacris creasse nomina videntur, quasi re-
quisito numinum assensu. Itali paganismum spirant etiam-
num, & in nominibus reducant, è media scena & por-
tentosis fabulis Polyxenas, Dianas, Hæctoras inuehendo.
Nostrates aut defunctorum parentum & auita cognataque
nomina natis primùm liberis, quodam metempsychosis
Pythagoricæ, aut regenerationis potiùs argumento indunt,
aut à die solenni & Diui alicuius memoriæ sacrato nomen
mutuantur, aut amicorum gratiæ votisque locum dant.
Verùm prisci cùm Hebræi, tum barbari Aborigines nostri
non superuacaneo nominum honori vacarunt, sed auspica-
ta, minimeque otiosi præclararum virtutum testimo-
nium, ad quas se conformarent, exhibitura memoriæ, aut à
fortunis quibus nascerentur, aut alijs insignibus exornata
nomina imposuerunt, quæ haud temere in aliam linguam
transfundi posse, seruata eadem vi & efficacia, putauit diui-
nus ille Iamblichus in eo libro, cui Theologiæ Phœnicum
titulum fecit, propterea quod magna emphasis, succincta
breuitas, ambiguitatis minus, in barbaris insit nominibus.
Cuius verba, quia nusquam in lucē auctor ille exijt, operæ
pretium duxi adscribere. *ὅτι δὲ τὸ πάντως τὴν αὐτὴν διασώζει
διάνοιαν μεθερμηνεύμενα τὰ ὀνόματα, ἔπειτα ἢ ἂν εἰδοῦντε αὐτὰ
μεθερμηνεύειν, ἀλλὰ τὴν δύναμιν οὐκ ἐπὶ φυλάττει τὴν αὐτὴν,
ἔχει δὲ καὶ τὰ βάρβαρα ὀνόματα πολλὴν μὲν ἔμφατον, πολλὴν δὲ
συζήριαν, ἀμφιβολίας τε ἐλάττωτος μετέσχηκε καὶ ποικιλίας.* quod
ipsum & Origenes libro aduersus Celsum quinto sensit.
Hinc est quod Chalcidensis ille philosophus postquam suis
hominibus, nimirum Græcis, τὴν ἀπὸ τοῦ εὐεπιδρογίου, hoc
est, desultoriam in fingendis vocibus leuitatem tribuit,
barbaris constantiam stabilitatemque animorum assignat.
Sed omisissis istis, ad nominū explicationes accingor, ab alio
nescio

nescio quo, sed infeliciter (nisi mea me fallit philautia) tentatas. Quam operam ubi historiarum amantibus, & præsertim peregrinis nationibus linguarum ignaris commodauero, tantum abest ut inuidiam mihi deprecandam existimem, ut etiam à lubentibus plerisque. & gratis ingens operæ pretium expectaturus sim, quando & multorum caligantes oculos resignabo, ut accenso lumine nominum rationes, velut in aliam coloniam deductorum, obscuras antea, pervideant rectius atque intelligant; deinde ut scriptorum insuper errores, quos linguæ ignorantia in altissimum cœnum demersit, vindicent, & ad præscriptam normam ceu coti-
culam exactius explorent. Ut igitur à Cattis auspicer, suo quasi iure id postulat patria, quo patrum maiorumque nominibus litet; qui quod sedes quas incolimus nobis reliquerunt labore & sanguine partas, & industria conseruarunt, dignissimi propterea sunt, qui primorem locum obtineant. Catti, quos nostra & prior ætas Hessos vocavit, commune cum felibus cattisque nomen sumpsisse videntur, à ferocitate qua in hostem insultabant. cui enim ignota ferocia & impetus animalis istius, domestici licet, in appetendo illius iugulum, qui angustiam adferendo illud premat: vel à dolo-
sis insidijs quibus assilire in hostes soliti fuerint, uti tergis murium assultant feles. Eiusmodi namque genius fuisse gentis Cattorum bellicosæ & ferocis videtur. Referri huc potest vsitatum apud Huesdenos, quos à Batavia Mosā excludit, Hollandiæ tamen Comitatu coniunctos, vocabulum Hessi pro catto seu fele; qui si quando domesticam animans muribus inimicum significare volunt; hessum nominant. Possunt & præstantes virtute viri hoc Cattorum nomine designati fuisse olim à veteribus, quod tales etiam-
num lingua Bataua *Cattos* vocitet, certè virtutem & gentis excellentiam non aliunde discas melius, quàm à Tacito, qui genti illi plus decoris & disciplinæ totius militaris attribuit, quàm cæteris omnibus Germanis, quippe qui dispositis excubijs diem in quadrum redigere, noctu obiecto vallo
& per

*Appellationes
nominū bene
intellectæ,
quantum
profiunt.*

Catti qui.

*Cattorum in-
genium.*

*Hessus pro
catto.*

*Catti, excel-
lentes viri
dicuntur.*

*Cattorū vir-
tus bellica.*

& per tesseras securitati suæ consulere, fortunæ casus anticipites, virtutem certam æstimare norant: iidem etiam delectos duces præferre, obedientiam illis præstare, ordines in acie dispositos internosse è signorum ac symbolorum indicij, rationes occasionesque inuadendi hostis, aut cohibendi velut iniecto freno, impetus qui fieri debuerat; adhæc ducis imperium, quàm exercitus voluntatem, pluris fieri oportere, percalluerant. Itaque aptissimo nomine populi ingenium expressum fuit, siue ferociam & impetuosos asfultus, siue præstantiam spectes. Hermunduris quoque congrua appellatio cessit ab antiquo, genti Cattis finitimæ & infestæ, qui dicti videntur quasi inopes, sed liberi, id namque sonant dictiones in vnam conflatae, *Herm vnd viij.* O beatum hoc vocabulo populum, qui non pudendam sibi aut probrosam egestatem nomine tenus duxit, modò libertas, inæstimabile bonum, illam leniret, ac propterea omni laude cumulandum, præ vili illa Cappadocum gente, quæ imperari maluit, quàm libertatem non precariam, sed vltro oblatam amplecti. Belgarum appellationem ad nationis ferociam referendam autumo, vt sint Belgæ quasi *Velgæ*, hoc est, atroces & violenti: nisi mauis Belgas mutatione secundæ vocalis in primam, dici velut *Balgas* à dimicandi pugnandi-que ardore ac studio, est enim *Balgen*/conferere manus ac configere. Est tamen qui somniat dictos quasi *Welgas*, hoc est, extraneos, cuius originis nec caput nec pes mihi se aperit. Burgundiones quos ob proceritatem staturæ septipedes & gigantes vocat Sidonius, ex re nomen inuenerunt, quòd per Burgos (quo vocabulo censentur præsidiorum castra, & posita in limitibus habitacula militum) olim à Druso & Tiberio adoptiuus Augusti liberis dispositi fuerint, subacta iam interiore Germania, qui postea tractu temporum in validam gentem coaluere, vt scribit Paulus Orosius. Langobardis quasi Longobarbis, summissam & prolixam quam gerebant barbam, nomen dedisse clarius est, quàm vt in dubium vocari debeat, attestante & Paulo Diacono

Hermunduri
vnde dicti.

Libertas in-
æstimabilis.

Belgæ vnde
appellati.

Burgundionū
appellatio.

Burgus quid?

Langobardo-
rum etymon.

cono Desiderij Regis Langobardorum Cancellario, qui sic dictos ait ab intactæ ferro barbæ longitudine: sunt qui secures longas, quibus in bello vñ fuerint, & albardæ etiamnum *Albarda quid?* vocantur, nominis occasionem præbuisse existimant. Galus scriptor magna vir doctrina & eloquentia risum nuper nobis concitauit, qui Langones & Bardos vicinos Galliæ populos componere & in vnum coagmentare conatus est è quibus conflata sit ista nominis Chimæra: sed istud imperitiæ linguæ condonandum est. alius à longo tractu fertilium agrorum (quod Germanicè tractus *Werd* vocetur) nominis etymon parum verisimiliter deducit. Alani, quos Masfageras Dion facit, nomen mihi sumpsisse videntur, quod *Alanorum etymon.* motoriam fabulam agerent, semper vltiora loca appetendo, haud subsistendum sibi vno in loco rati, ab *Alan* quod in ore illis perpetuò erat, pergendum esse monens. Iulius Scaliger Alanum Scythica lingua canem dici annotat, vnde *Scaligeri opinio.* genti nomen datum putat, fortasse quod in vexillis militariis & insignibus canem pictum prætulisse feratur. Rugij, non à dorso, quod magni nominis vir existimat, nomen acceperunt, sed vel ab hirsutis corporum nativa, quam in syluestribus hominibus spectare licet, vel ab hirtis ferarum pel- *Rugij vnde dicti.* libus, quibus amiciebantur; est autem *Ruge* idem quod hirsutum. Cherusci à bellica ferocia, qua hostem Romanum duce Arminio auertere, sedibusq. suis arcere glorioso titulo iactabant, à *Keer usz* / quod eliminare atq. propulsare significat. Sicambri vox prouidum periculi ac sollicitè discrimen circumspectantem signat, à *Sich om her*: vel à sollicita indagine, à *Souc om her* / id est, lustra circumquaque, quod etymon Græcæ scripturæ quæ apud Appianum est *συρραβει* magis conuenit. Quàm autem verè iudicet, qui illos etymi ratione, *See Cimrios* / hoc est, maritimos Cimbros nuncupat, alijs æstimandū relinquo. Tubantes, non à tuba Latina voce, sed à banda, quo vexillum significatur, dici autumo, qua se inuicè cohortabantur ad sequenda signa militaria, à *to band* / hoc est, ad signa seu tenias,

Brabantia unde dicta.

Scoti unde dicti.

Gothi unde.

Gothi cur Trolis dicti.

Trolorum familia.

quarum pro vexillis vetus fuit usus. Ad hanc vocem etiam Brabantiae nominis originem à Francis natam refero, quòd esset veluti lata tænia fasciæ, hoc est, brad, vel ut mollius cadit nunc sermo, breed bandt / ut ditionis latitudo signetur: neque tamen absurdum etymon est à Bratusbantio Bello-uacorum oppido, vocabuli mole contracta ac confidente, per ου: ἱστην à Grammaticorum filijs dictam, & bratusbant / in brabant / contracta. Scoti, non à tenebris, sed à iaculandi peritia nomen adepti sunt. Gothos diuersorum populorum lætam propaginem, è Scandia natales suos ducentem, nomen sumpsisse crediderim à cultus diuini studio, quod significat Got thienen (vsi namq. Zamolxi institutore & legiflatore perhibentur) Dei autem præcipuus cultus in puritate consistit vitæ, cuius insigne testimonium ac præclarum acroama in hac gente refert Saluianus Massiliensis Episcopus, negans licere inter Gothos esse scortatorem Gothum, solis verò Romanis inter eos permitti esse impuris, præiudicio nationis ac nominis. Hos à Vandalis cognominatos Trollos scribit Olympiodorus Thebis Ægyptijs oriundus, incerta nominis appellatione, quam dum curiosus sciscitator à Gotho quopiam discere satagit, vani hominis commentum non piguit illum literis prodere, qui cognominis rationem referebat ad summam annonæ caritatē, qua Trullam (mensuræ exiguæ nomen est) frumenti aureo redimere à Vandalis Gothi fuerint coacti. At longè alia ac diuersa nomenclaturæ ratio extitit: siquidem Trolum Cimbrica lingua, Gothicæ affinis, imò non aliunde nata, cæcæ demonem rubrum nuncupat, quod omnibus & lippis & tonsoribus illic notum est. Extatque in hodiernum diem ea in gente antiquissima primæque nobilitatis familia Trolorum (è qua Herlesus Trolus Danicæ classis præfectus, comitate & eruditione clarissimus, singulari me amore complexus illic euocatum fuit, abhinc quadriennio morte indigna in nauali prælio contra Suiones absumptus) qui pro clypei insignibus ostentat Trolis, id est, dæmonis rubri rutili ve truncum, capite

capite extraclypeum in apice cassidis supereminente: quod honoratæ militiæ insigne accepisse putantur, deiecto atque obtruncato in acie Gothici nominis principe. Itaque Trol *Trol cur di- di Gobi.* vocitati fuere Gothi, quod truci vultu formidabiles daemonum instar, metum inferrent, nullo hostium sustinente infernalem aspectum, quod de Arijs refert Tacitus, qui tinctis fuligine corporibus atras noctes ad prælia deligere solebant, veluti ferales quædam umbræ. Argutam oppidò nimisque Belgicam etymum rationem in hac voce commentus est amicus noster, tanquam *troulos* / hoc est, fluxa & afflicta fide homines illa ætas nuncuparit; quod vitiū in nullo non hoste causari solemus. Aborritis (quos utramque Albi ripam obsedisse ædificijs, & Luneburgios pariter ac Megaloburgios existimare me scripsi) quis linguæ Germanicæ non imperitus, haud iustum etymon ab antiquo inditum fuisse inficias iuerit, quasi *Abont risters* dictis? Ea vox sonat vesperinos equites. Cuius namque aures non pepulit vetus atque vñitata, imò ubiuis terrarum peruulgata, gentis vtriusque latrocinandi viasque insidendi ratio, qua nobilium (qui plærunque re sunt contractiore, per luxum alexæue naufragium comminuta) ministeria armata solent hospitibus & negotiatoribus pagos ac diuersoria cōsuetæ (quæ in locis insolentibus nec multum habitatis rariora sunt) ad vesperum repetentibus, insidiari sub sera crepuscula, eosque, si viribus superent, exspoliatos vacuosque dimittere. Tribocci *Triboccorum etymon.* populus Alsatiæ nūc incolens, quos deprauata scriptura Tribonos, mutato *x* in *v*, scribit Ptolemæus, videntur à gulæ studio nomen per ludibrium traxisse, quasi triuenter aut tricorpores. Glareanus famosum cognomentum defugiens, à tribus fagis appellari putat, illud à *Æreij-boucken* / hoc à *Æreij-buchbaum* deducitur: iudicium penes æquos iudices esto, utrum etymo concinat propius. Frisiā à Phrygia genitā patriā dictā sunt qui scribunt, alij à gelu extremo, quo ditio rigeat, nomen deriuant. Abbas Spanheimus auctoritate Hunibaldi, teterrimi historicæ veritatis corruptor-

Martiaci unde nominati.

Nominum
propriorum
impositio.

Carausius
unde dictus.

Haudouachrius unde.

Combutis
unde.

ris, à Friso Clodionis criniti Francorum Regis filio nomen accepisse fabulatur, quasi non multis antè sæculis Plinius ac Tacitus illo nomine eos nouerint. Ego ad libertatem, cuius studio semper flagrarunt, nominis fontes referendos existimo. Martiaci (qui à maris Balthici cognomine insula Zelandi nunc vocantur) à vulgata voce quæ sæculis omnibus illorum linguam obsedit, quasi cum ipsis simul nata, *mat* & *matia* / vel vt nunc *maet* / quæ contubernalem aut sodalem sociumue sonat, quæ in prouerbij quoque ludicrum inter exteros versa est, vbi Zelandum notare volunt. Sed omnis Nationum nominibus, venio ad propria, quæ aut à genitura prima imponuntur, aut ab euentu accedunt, aut delectu & ex arbitrio sumuntur; id enim militiæ præsertim solenne est ac familiare, vt ducibus militique ex vsitatis crebrò vocibus cognomen loco nominis indatur. Sic Carausius ob militaris rei peritiam ex humillimò vilissimoque loco euectus ad maris præfecturam à Diocletiano, vt Eutropius memorat, ab exinaniendis poculis cognomen sumpsisse videtur, quod à scriptoribus pro vero nomine receptum fuit, à *Car auss* / quo vtuntur qui exicari depleri que poculum fundo tenus iubent. Sic Haudouachrius, aut vt quidam codices scribunt, Adouacrius, sed mendosi, nonnulli Odoacer, dux Saxonum maritimorum, qui bello nauali Gallias infestauit, Sigiberto teste, à mirifica & singulari vigilantia nominis à cognomento aut vsitato symbolo accepti originem videtur obtinuisse, quòd, vel Homérico Somnio teste, ducem deceat cui subditorum & Reipub. cura incumbat, peruigilem esse, neque solidam noctem somno dare. Nec aliud sonat symbolica illa vox, *houd v wacher* / quàm Seruate vigilantem. Eadem ratio est in Combuti & Oristorio, quos Celtarum Regis Brenni duces commemorat in Phocicis Pausanias. Est autem Combutis ferocis atque audacis viri appellatio, qui alios ad certamè prouocet, à *Com-buten* / quod significat In propatulum exire. Ea verò prouocantis vox est, quando aliquem vt in arenam descendat, pedem

extra

extra limen efferre ad conferendū manus laceffendo iubet.

Oristorius quoque dici videtur à *mor-is-ther* / hoc est, vbi- Oristorius
vnde.

nam ille est? quod eius est qui hostem quærit & inuestigat vbi sit. Nominum priorum terminationes variæ sunt: Nomina in
rix, & ricus.

inter quas Rix apud Cæsarem, apud alios Ricus, opulentiæ argumentum & potentiæ adfert, quomodo pecuniosum, Geldricum dicimus; amnem piscosum, Fischricum;

terram frumenti feracem, Kornricam. Hic offert se primum auspicatum illud nomen, quod primus Hollandiæ Theudericus I.
Hollandiæ
Comes.

Comes tulit & repræsentauit, ac rebus gestis & virtutum splendore augustius fecit in nouo regno, quod vt cum difficultate acquiritur, ita agrè nisi per virtutes retinetur,

maiestatisque beneficio conseruatur. Qua via etiam cognominis illi filius posterique ad cælestes aspirauerunt honores: quod verissimum vetus illud sit prouerbium,

Αvéρα δὲ Φόιν θρηίκιον οὐ π πορήσει. hoc est, *Threicium non Troia virum produxerit unquam. & Imbelles columbos*

aquila non progenerant. Est autem nomen illud Theudericus, quo nobilis fuit inclytus ille Gothorum Rex, qui vt orbis amor cum Tito dici, ita & exemplum ac regula viris principibus esse ad imitandum potest, præclarum elogium à Procopio meritis, qui cunctis Naturæ copijs circumfluens quæ in Regem conueniunt, Gothos Italosque summa prudentia moderatus est, iustitiam religiosè coluit, leges sanctè obseruauit, à finitimis barbaris ditionem fortiter tutatus est, prudentiæ ac fortitudinis fastigium inter primos tenuit. Nulla magnopere iniuria populum aut ipse offendit, aut alium simile quid tentantem passus est: verbo tenus tyrannus, re ipsa verus rex, nullo eorum, qui regio in honore vnquam laudari meruerunt, inferior, quæ res effecit vt certatim cum Gothi, tum Itali eum incredibili amore complexi fuerint. Nomen istud quantiuis pretij, plurisque faciendū, quàm Cræsi amplæ diuitiæ, quàm omnes triumphorum laureæ, virtutum copijs affluentem ac dotatum significat, originemque habet à *Theude* vocabulo Gothico Theudericus
Gothorum rex
canon principum.

Threicium quod significet. Theudericus
quod significet.

*Veritas &
veritas latere
non possunt.*

Deudorix.

Diedericus.

Batorix.

Batorix.

feu Cimbrico, quod nos *Etheuchde* / vel corruptius à primo ortu, *deuchde* nunc scribimus, idemque plenius quam barbari olim, scribendi rudes ac negligētes potius, quod ipsum ob molestam auresque radentem aspirationem, mollius in *Etheude* / conuerterunt cum Græcis Latini: quo nullum accommodatius aut naturæ virtutis cōgruentius vocabulum excogitari potuit, deducto vocis etymo à *Etheuchdi* / quod est, ostendete: illud enim proprium virtutis est ingenium, ut in occulto abstrusa latere ac veluti inclusa nequeat indigeturque, imò per difficilia perque aspera lucem suam mortalium oculis, ceu testibus, prodat, ad modum veritatis, quam consimili ratione Alethiam Græci dixere, quòd abscondi ita non possit, quin semper emicet, ac temporis successu in apertum se proferat. Quæ geminæ sorores id cum Sole luminis auctore commune habent, quòd, ut hic densissimas etiā nubes perrumpit, & iubaris sui præsentiam discussa caligine ostendit, ita illæ splendorem suū diffundant, nec interitu obrui, nec posteritatis obliuione extinguipatiantur. Originem patriæ vocis vero similiorē facit Strabo scriptura ortui suo magis affini, quàm Procopius, Agathias, & Conlectaneorum concinnator Suidas, qui omnes Theuderichus *θευδερχος* scribunt, quum ille simpliciter Deudorix, siue, quod idem est, Deudoricus, *θευδοριξ*, quo nomine fuit Augusti principatu filius Bætorigis Sicamborum Principis: pessimè omnium media ætas Theodericus scripsit, quasi Deum, qui Græcis *θεός* est, vox ipsa spiraret: propius aliquanto accessere ad verum etymon, qui Diedericum, & rectius Thiethricum scripto nominarunt, quod factis gloriosis inclytum sonat. Bætorix apud Strabonem Melonis Sicambrorum ducis filius, à fructu & emolumento, quo subditos suos ornare & ditare decet bonum & liberalem principem, *Wact* enim commodum & emolumentum sonat: nisi quis contendat in Bætua, quæ Bataviæ pars est, latifundijs locupletem fuisse. Neque verò displiceret, si pro Bætorige scribas Bæorigem, quod nomen in Plu-

in Plutarchi Mario legitur, *Βοιωτῆς*, qui Cimbrorum rex fuit & ductor: à quo non abludit Ambiorigis appellatio, *Ambiorix.* quem in commentarijs suis Cæsar Eburonum caput ac regem appellat, vocis etymo non multum absono atq. alieno ab *Amptriē*/quoddictionum & terrarum quibus ius dicebat, locuples esset; ab ambacta, cuius vsus seruatur in *Amhacht*/ & contractè *Ampt*/ pro ciuitatis territorio: sunt qui Ambiorigis vocabulum in Emericum seu potius Heimericum conuertunt, vt significet domicilij & arcium habitaculis abundantem. rectius illi quidem, quàm qui hospitum regem exposuit Gallus, in peregrina ignotaque lingua *Bodini ineptia.* plus nimio curiosus. somnij namq. vice mihi est quodd rix pro rege exponit, ausus insuper ineptiæ notam Germanis aspergere, qui vocem hanc pro diuite interpretentur citius, quàm pro rege, nimium animi securus in idiomate, ignoto, vbi de colorum iudicio arbitrium sibi sumit oculis captus: quo fit vt Dumnorix pro rege dominantium exponere non vereatur, & Orgetorix pro rege insanorum, parum ipse sanus, qui Græcam vocē *ὄργη* pro furore & iracundia in Celtico seu Germanico nomine locū habere vult: quum prius illud à *Dum* siue *Dom* dicatur, quo principale antistitum templum significatur, fortè quodd diuersorū sacerdotiorum opimis prouentibus afflueret: Posterius verò locupletem & locorum possessione diuitem significat, ab *ort*/ commune locorum vocabulum: nisi quis malit vocem compositam significare eum qui abundet exercitu obsequente ac fido, quasi *hor getrou rix*: neq. enim Romani potuerunt ita com- *Romani non potuerunt scribere Germanicas dictiones.* modè reddere vel pronunciando vel scribendo vocabula Germanica, seruata natiua prolatione, quin suo more adijcerent semper aliquid, aut detraherent: quo factum est cur terminationes iuxta Latinarum vocum normam conformatæ, amissa genuina specie, obscuritate inuolutæ sint, neque intelligi ita facillè queant. Chytræus vir præter eruditionem summam incōparabili iudicij integritate præditus, Orgetorigem, pro duce Henrico seu Erico exponit, quasi *Herzoge*

Getericus.

toge *Erich*. Gebericus Gothorum rex magnæ virtutis & nobilitatis, signat liberalem opum largitorem & munerum datorem.

Ermanaricus.

Ermanaricus ex nobilissima Amalorum stirpe, qui bellicosissimas quasque in septentrionali plaga gentes subegisse & suis legibus obsequentes fecisse perhibetur, Alexandro illi Magno iam tum comparatus, videtur per antitheses dictus quasi inops & opulentus, *erm and rich*: quod ei quantumvis copiosæ facultates nō sufficerent, cum propter assidua bella exhaustæ, tum propter regiam verè munificentiam, quæ in causâ erat cur eius, ut Gratiarum, arculæ iuxta Simonidem semper inanes ac vacuæ fuerint, quod ante meam ætatem in liberalissimo Principe D. Maximiliano Aug. cum laude observatum fuit, qui cum Ptolemæo Lago iudicans, regalius esse ditare, quàm ditescere, nunquâ desides apud se in arcis pecunias patiebatur; itaque summas & Imperatorias inter opes semper egebat. Potest

Verbum unū
diversas signi-
ficationes ha-
bere potest.

Electra unde.

& Ermanarici vocabulo intelligi militaribus copijs (id namque sonat *Hermans*) affluens atq. instructus princeps. quid enim vetat quo minùs vnum idemque nomen ad diuersas significationes extendatur, quemadmodum Electra, quam Laodicen Homerus nominat, secundum aliquos à buxæo colore oris, succino (quod electrum vocatur, Ambræ nomine nobis cognitum) nō absimili, ad aurum accedente, appellata fuit: ad dieterij notam alijs originem referentibus, quod multo tempore *ἄλκτος*, hoc est, cælebs torique coniugalis exfors permansisset per iratæ Clytemnestræ iniuriam, quæ collocare marito filiam distulit.

Vedericus.

Vedericus, siue Videricus, lego enim vtrunque, è principe Amalorum & antiquissima inter Gothos prosapia genitus, sonat pecoris diuitem; vede namque pecus est: quod nomen apud Iordanum Withericus scribitur, neque alio sensu, quàm quod speciatim arietini gregis diuitem notet, aries enim *wither*

Withericus.

Fridericus.

siue *wider* dicitur. Hinc diuersus est Fridericus, nomen optimo laudatissimoque Principi congruentissimum, pacis amanti & *εἰρηνοποιῶν*, qui putatur esse Cæsaris Eparedorix, &

Eparedorix.

aliorum

aliorum Viridorix; ineptè enim Nestorem grammaticum *Viridorix.*
 secutus Bebelius Fœdericum putat à fœdere iciendo dici,
 quum à fride / quæ vox pacem notat, deducatur. Euthari- *Eutharicus.*
 cus vel Vthericus, vtraque apud Iornandum scriptura in-
 uenitur, Vederici prædicti filius, cui omnibus naturæ &
 formæ dotibus conspicuo, & ex Hispanijs accito, filiam
 Amalasuentam matrimonij pacto vinxit Theudericus Go-
 thorum rex, dictus videtur ab amplo & copioso patrimo-
 nio, quasi supra modum locuples, & extra communem
 mortalium sortem opulentus, ab *vther* siue *euther*/quod ex-
 trā significat: idem nomen Autaricum scribit Polybius: lice-
 bit nominis ortum referre, si velis, ad diuitias in vaccarum
 armentis sitas, à voce *vther*/ quæ nunc contractè *vder* &
 contractius *vz* dicitur, qua boum fœminarum vber, à Græ-
 cis *θηρ* consimili planè vocabulo dictum, significatur: qua
 ratione à copiosa ouilli gregis fœtura Ildericum nuncupa- *Ildericus.*
 tum crediderim, propter ouium vbera *ilders* vel *elders* vo-
 citata. fuit autem eo nomine Vandalorum rex mitis ac cle-
 mens, ob mollitiem animi armis militiæq. minùs idoneus,
 vt ex Procopio discas, vnde & ob bonitatē à suis neglectus
 desertusque, ac perfidia & impietate Gilimeris in carcerem
 fuit coniectus. Alaricus Gothorum rex, qui ab obsessio Ra- *Alaricus.*
 uennæ Honorio Imp. ius liberum Gallias Hispaniasque oc-
 cupandi obtinuit, & quo fraudulenter artibus Stiliconis
 perrupto Italiam vniuersam cū Roma in prædam, cædem,
 & funera conuertit, significat omnium rerum copijs abun-
 dantem & *πανπλοῦσιον*. Hoc nomen postera ætas in Vdal-
 ricum, & per contractionem Vlicum, vertit, quod supra *Vdalricus.*
 omnes locupletem sonat: à quo significato nihil diffidet
 Abericus, sic Comes quidam in Reginonis annalibus appel- *Abericus.*
 latur, qui in vulgatis codicibus malè Albricus scribitur, ita *Reginonis co-*
 nominatus prædiues aut vltra communem hominum con- *dex emenda-*
 ditionem pecuniosus ac locuplès. Segericus nomen Go- *Segericus.*
 thici Regis, veriore scriptura quàm quæ Regericum appel-
 lat, significat victorijs ornatum principē, qui Nicator Græ-

Athalaricus. *athal*, à *Zege*/ id est, victoria: quid autem cum pluuiâ, quæ *regen* est, nomini isti commune fuerit? *Athalarico* *Amalasuentæ* filio, *Theuderici* Gothici nepoti, qui immaturæ ætatis lubrico, stupris libidinibusq. perditus interiit, parentes nomen videntur indidisse, velut nobilitate diuiti, ab *Athal* seu *Adel*/ hoc est, nobilitas: in quam formulam redigendum puto *Athalaricum* *Marcellini*, pro *Athalarico*.

Honoricus. Quem *Procopius* *Honoricum* vocat (qui *Gizerici* filius & *Vandalorum* Imperij hæres, tyrannicè atque immani sæuitia, per ignes aliâque suppliciorum tormenta, pios ad *Arrianam* sectam compulisse legitur) alij *Hunericum*, nonnulli *Heinricum*, vel potiore scriptura *Heimricum* dicendum, appellant, quasi domicilijs diuitem, aut laris & sanguinis paterni magna progenie clarum: alioqui *Hunericus* simpliciter gallinaceorum, vt *Gizericus* anserum copijs affluentem significat: neque absurdè ad canum studium nomenclatura referatur fortasse, quod venatu gaudens canibus abundaret. Qui vulgo *Henricus* scribitur, aut *Heinricus* origine est, aut certè per synizesin cōtractè, quasi *Hauenricus*, ab *haue*/ quasi peculij diues; à *Procopio* historico *Aniricus* scribitur. Similiter *Ardaricus*, quo nomine fuit rex *Gepidarum* clarissimus, terrarum locupletem denotat, aut *Wenericus*, opilionum numero diuitem. *Wenericus*, vel rectius *Venericus*, palustrium locorum diuitem, quæ *Venen* lingua Gothica dicuntur. *Ericus*, multorum Regum ac Principum nomen, honoratum & honoribus illustrem signat, quî cum idem pollet *Arrigis* *Langobardorum* Regis nomen. *Hilpericus*, è Francorum regibus, auxilij potens, ab *hilpe*/ quod est subsidium. *Huldericus* suffragiorum potens; est enim *hulden* idem quod suffragio ornare. *Gundericus*, fauoris ac popularis studij potens. At *Malorix*, quem *Frisiorum* regem *Tacitus* appellat (regis autem nomine inter barbaros ducem seu militiæ ductorem designari scribit *Procopius*) eandem etymii rationem adfert secum, quam *Malorichus* ab *Ammiano* dictus, molarum diuitem notare videtur potius,

tius, quàm stultè diuitem, quod ex pneumaticarum molarum multitudine, cùm ditionis, tum reddituum annuorum magnitudo æstimetur: atque istud quidem annuorum è molis prouentuum genus ab antiquo tenere videntur & *Mola redimariæ.* perpetuum fecisse dynastæ vbique ferè, qui municipijs & pagis suis singulas pluresue pro colonorum numero molas apposuerunt, vnde non paruum conficitur peculium. Iam verò non exiguus est nominum numerus eorum quæ in *Nomina in maris unde.* *marus* aut *marinus* desinunt, cuius vocabuli prima origo in disceptationem & controuersiam vocatur: nam sunt qui huius notionem referunt ad *mare* siue *maïre*/ quo præfectus & præcipuus ciuitatis magistratus significatur: alij etymi fontes arcessunt à *maren* seu *meren* / quod est ampliare & augmentare: neque desunt qui huc *marum* id est equum aduocant, quæ dictio parum ritè commutata est apud Pausaniam in *marcam*, Britannia ad præscam Cimbricæ originis vocem propius accedentes, *mare* etiamnum vocant. Prioris etymi ratio magis videtur consentanea dignitati & officio personarum, principalis fortunæ speciem ex nominis lege ostendentium; nam Vandomarius (quem Valdomarium rectius scribendum iudico apud Marcellinum) rex Germanorum, quo nomine fuit & postremus Noruagiæ Sueciæq. rex, à principe sylvarum præfectura appellationem sortitus videtur, quasi *Waldmayer*. neque aliter accipi potest Fraomarius, *Fraomarius.* pro libero præfecto & Barone, velut *Freijmaïser*. & Britomarus apud Luc. Florum, pro pacis arbitro, quem *Britomarius.* penes regia potestas erat imperandi necessitatem deponendorum armorum, quem Viridomarum Cæsar nuncupat, quum iustiùs Fridomarus scribi debeat. Gilimer seu Gilimerus summum videtur significare magistratum, quem penes commeatus publici potestas est, qui aditum permittere potest, discessum annuere, viatores comitatu communitos aduersus vim & iniuriam prosequi; id enim est *gilcij* aut *gesleij*/ pro còmeatu publico. Hoc nomine fuit potentissimus Vandalorum rex in Africa per Belisarium deuictus, de quo

memorabile illud refert Procopius Cæsariensis, quòd artiffimè circumfessus tria poposcerit, citharam ad delinendum musicis numeris (quorum erat peritiffimus) animi mœrorem, fpongiam pro ficcandis lachrymis, & panem ad leuandam famem. Potest etiam dictus videri quasi iucundus & hilaris præfectus, cuius nominis principium in Britannico idiomate feruatur ex Gothico reliquum, *gillij* seu *gillij* pro delectabili: certè ingenium nomini respondens in eo reluxit, quòd quum in hostis conspectum venisset captus, non dissimulanter in cachinnum effusus est, quasi qui mortalium vicem risu prosequendam ac nullius pensi habendam putaret, alioqui Theudericum Gothum cognomento Valamirum nuncupatum legimus, quòd equa valeretur. Visomarus, & apud Iornandum Wismarus, Vandalicæ gentis rex, qui Wismarix oppido maritimo à se condito, colonix nouæ nomen dedit, quid aliud quàm prudentem præfectum signat? quamuis alij gnarum equorum & ductandi equestres copias exponant. Chonodomarius apud Ammianum, &, què truncata voce eundem esse reor, Nodomarius, ferox præfectus & veluti necessarius periculosis temporibus dictator, secundum alios audacè equorum sefsorem & in necessitate equitè notat. Vithimirus, siue Vithimarus cordatum præfectú sonat, à *withi* id est, prudens & ingeniosus; quã vocem retinent adhuc Britanni. Theudomarus, omni virtutum genere exornatus præfectus, aut singulari virtute præditus. Catumerus apud Tacitú princeps Cattorum, quasi primas & reliquis inter Catts antestans. Veromirus. In eandem classẽ veniunt & Veromirus Batauorum sub Augusti Cæs. imperio regulus aut dux, qui filiam suã Rhamin nomine collocarat in matrimoniú filio Segimeri Cheruscorú ductoris, vt Strabo refert, apud quem loco βαττων reponi emendariq̃ue debet βαταλων: videtur autem ea voce significari summus magistratus portorij (quæ Veron appellamus) præfectus: & Marcomirus Francorum primas, à *marca* & *maïre* conflatis vocibus dictus, velut limitaneus præfectus

Wismarus.

Nodomarius.

Vithimirus.

Theudomarus.

Catumerus.

Veromirus.

Strabonis locus emendatus.

Marcomirus.

præfectus & finium præses. Hic est qui iussus fuisse proditur scilicet monitis oraculisque deorum, nouam sedem capere atque confidere, vbi Rhenus in mare sese exoneraret, ancipitem animi regem facile impellente anu fatidica, quæ incognita deorum effata interpretari credebatur posse, Alruna, quæ (si dijs placet) dormienti visum obiecerat, quo triforme spectrum, trina aquilæ, leonis, & bufonis capita præferens, regem compellauerit, futurum asserens, vt eius posteritas obtritura fuerit atque adeò confectura quoque triplicia illa quæ videret capitum fastigia, Romanos designans per Aquilam, Gallos per Bufonem, & Belgas per Leonem. Libuit istud fabulamentum Chimææ triformi non absimile hoc loco interfere, vt lectionis fastidium atque satietas nonnihil leuaretur. Sunt & alia in *mundus* exeuntia, quibus aut oris species, aut eloquentia appellationis auctor extitit, è quibus pauca enumerabo, inter quæ primùm occurrat Segimundus apud Corn. Tacitum, Segestæ Cheruscorum ductoris filius, quem Strabonis codex corruptus perperam Semiguntum nominat, hoc pacto emendandus libro septimo, *σεμιγούντος τε σεγέστης υἱός*: de eodem enim vterque scriptor loquitur. sed Græcus Strabo expressiùs ad viuum vocis Germanicæ etymon reddit, quod est, *munt* / siue sonorè magis, *mont* / hoc est, os: significat autem victoriosum os, aut victrice facundia instructum, à *Sig* vel *Sige* / quæ dictio vtraque victoriæ significationem habet, vnde posteriora sæcula Sigismundum eundem vocarunt; ea siquidem scripturæ lege appellatur apud Iornandum rex Burgundionum, qui naturalem filiam Theuderici Gothorum Principis vxorem duxerat. Thrasimundus rex apud Fulgentium, insanum & furiosus impetus os sonat, quali nimirum præceps, *to rass* / tametsi præter morem maiorum suorum præmijis honoribusque præclaris auocamentis, non supplicijs, vt illi, Christianos ad fidem eiurandam deferendamque inuitasse eum scriptis prodiderit Procopius. Hunimundus ex Amala gente rex (quo nomine fuit & Sueuorum rex, quem Theu-

Nomina in
mundus desin-
entia.

Segimundus.

Strabo emen-
datus.

Sigismundus.

Thrasimun-
dus.

Hunimundus.

demirus Gothus cæso eius exercitu cepit, nec multo pòst libertati restitutum, ac loco filij adoptatum dimisit) à melita oris eloquentia nomen traxit, quasi μελίτομον dicas, quomodo Sophoclem μέλιτταν, id est, apim dictū legimus à linguæ illecebrosa suauitate; est autem hūni idem quod

Varamundus.

mel, apum labor. Varamundus, cuius vocis etymon adulterando obscurant Galli, quando Pharamundum scribunt, os verax sonat, vt communis habet opinio, aut dignum & maiestatis plenum: imò verò & continentem linguæ, vti ego existimo, à *Waren* quod est obseruare & in officio continere. quæ certè est summa planeq. regia virtus, posse coërcere procax illud linguæ plectrum atque ita cohibere, ne obstantia dentium claustra laxet. Alioqui principū est cum Metello arcana silentio sic regere, vt ne interior quidem tunica illorum sit conscia: quam ob causam Minotaurus inter militaria signa circumlatus, monebat consilia ducum non minus occulta esse debere, quàm fuerit illius domicilium Labyrinthus: nec alio cōsilio prudentissimus Regum Numa cum nymp̃ha, quam Tacitam indigitarat, in solitudine secreta commercia agitasse Plutarchi testimonio creditur. Quem verisimile est eundem ferè esse cum eo quem Pharasmanum Dion Nicæus in Hadriano nominat, du-
cem exercitus Alanorum Mediam irrumpentis.

Berimundus.

Berimundus, & Berismundus, eademq. significatione Beremuthus apud Iornandum Hunimundi nepos ab vrsino fortè rictu vocatus fuit; quòd ore esset laxiore & informi, vel ab iracundiæ argumento, quòd vrsi (qui ber Germanis dicitur) in morem implacabilis, quoties ira exæstuat, frenderet.

Cunimundus.

Agilmundus.

Cunimundus Gepidarum regis nomen, sonat animosi oris & ferocis hominem. Meminit Agilmundi subreguli Marcellinus, quem suspicari licet nomen adeptum ab incuruato in modum aquilæ oris rictu: potior tamen sententia sedet natum illud ab aureo eloquio, ab articulo, & *gildemund* / planè cum Chrysostomo idem.

Rosmunda.

Huc referenda est & Rosmunda Cunimundi Langobardorum

rum regis filia, Alboini vxor, à roseo purpureoque oris nitore appellata. Sugerunt se hîc neq. memoriam sui iacere aut obliterari patiuntur, quæ in *bardus* & molliore dialecto in *bertus* finiunt, in quibus nomenclaturæ origo arcessenda venit à *bard*! hoc est, barba, per hanc non modò virilem quo mentum vestitur honorem, sed ipsum quoque hominem totum accipiendo. hinc Langobardorum genti, à promissa barbæ sylua, qua horrorem hostibus & sui reuerentiam immittere studuere, nomen fuisse suprâ docui, vbi errorem detexi eius, qui Hippocentauri cuiuspiam speciem absurdam conflare, aut Horatiani monstri ideam repræsentare conatus, Langonas & Bardos confudit. Idem vir propter eruditionem singularem magni faciendus, Albardum strennum cantorem aut poëtam tradere nō dubitat, postquam semel inextricabili errore irretitus explicare pedem nequit, Dagobardum heroicum poëtam, Sigebardum victorem poëtam, Robardum rubeum poëtam; quæ ita frigida sunt nugamenta, vt vel Neronianas thermas refrigerare posse videantur: in quo vt omittam scripturæ rationem extortam, quam pro sua libidine effinxit, plæraque vetustis in codicibus in *bertus* desinentia, ipse in *bardus* conuertit, vt ad Bardos Gallos cuncta antiquitatis, quæ in nominibus est, ornamenta vindex reuocaret. At quis ita malè feriatam aurem habet tandem, qui non æquior aliquanto sit interpretationi eorum qui Albertum totum barbatum accipere reddunt, quanquam illa mihi non satisfaciat, quippe qui genuinam Germanæ nationi vocem Adelbertum esse putem, quæ per crasin in Albertum confluerit, qua nobilis & generosa barba denotetur. Sic Dagobertus is est qui barbam habet in mucronatum acumen pugionis instar desinentem, qualis Christo seruatori à Suida tribuitur, cuiusmodi virum σφινδοπώγωνα Græci vocant; à cuneiformi barba. Potest & Dagobertus à probitate aut strennuitate, si barbam vtpote viri formam, vt à D. Paulo dictum est, pro ipso viro accipias, nominatus videri, vt sit quasi Deganbertus, à

Nomina in
bardus vel
bertus exen-
tia.

Langobardi.

Bodini error.

Albertus.

Adelbertus.

Dagobertus.

tus, à *degan*/siue vt olim scribebāt *thegan*/vnde nobis *deges*
lic fluxit, quo vocabulo Franci in rhythmico carmine le-
 guntur fuisse vsi, *Zij wassane snelle/So sint thic thegen alle/*
 hoc est, celeriter armis se induunt, atque ita se strenuos
Sigebertus. cuncti præbent. Sigebertus victricem barbam, ac proinde
Rotbertus. hominem victoriosum syllepticè designat. Rotbertus Re-
 ginonis testimonio dicendus est, non autem Robertus, à
Rubertus. ruffa barba; vt Rubertus, ab hispida barba nomen sumpsit:
Childebertus. & Gildebertus, aut, vt Annales nonnulli scribunt, Childe-
Egbertus. bertus, à rutilo barbæ colore, velut *ξανθοπαῶρον*. Egbertus
 à mucronata barba, vel in angustum desinente: nam sunt
 qui, *n*, literam interferunt, vt sit Engbertus, ab *eng*/ vel,
Theudibertus. *enge*/ quod angustum sonat. Theudibertus apud Proco-
 pium, Theuderici Gothici filius, homo (vt Agathias de eo
 scribit) *πολμπτίας ἐς τὰ μάλιστα καὶ πρὸς τὴν ἀναικαίαν τὸ φιλο-
 κίνδυνον κεντημένος*, hoc est, proiectæ audaciæ & citra neces-
 sitatem periculorum amantior, appellationem à virtute
 meruit. nisi quis cum Iornando Thuidebertus legat, quòd
 barbam cincinnorum in morem implexam gereret. Fuit
Suida codex autem eodem nomine Francorum rex, qui *θευδερτος* à Suida
emendatus. malè nominatur, quum *θευδίζεργος* illic scribendum sit. Est
Fulbertus. & Fulbertus à graui & plena barba, vt à lanuginosa & mol-
Volbertus. licella lanæ instar, quam *wol* vocamus, Volbertus, per sim-
 plex, *V*; quomodo veteribus Venedi scribebantur, quos
 nunc Wendos, illis Vandali, quos nunc Wandalos & scribi-
 mus & nominamus: nemo enim est qui nescit alienum Ro-
 manis fuisse geminati, *W*, vsus. Ab hoc ordine minimùm
 dissentiunt, quæ ab ingenio & indolis specimine industria
Germani in vetustatis effinxit, quibus Germani amantes nimiùm anhelæ
pronunciando illius literæ notæ, *u*, *H*, quam aspirantem appellant, plærun-
H amant. que adijciunt, ita vt in *hardus* extremitas desinere aurium
 iudicio videatur; quod imposuit nomenclatoribus nonnul-
 lis, qui robur & firmamentum quoddam illo significari cre-
 diderunt. Gottardus itaque non robur diuinum, sed bonam
Gottardus. frugem & indolem ingenij. denotat, à *goet acci*/id est, proba
 indoles.

indoles. Erardus, indolem honestatis audiam. Gerardus, ingenium vulturinum & rapax, à *ger*/ quo vocabulo vulturius intelligitur. Leonardus leoninum animum: Bernardus vrsinum nomine tegit, vrsipotentem reddit Bodinus: Eberardus verrinum. At Ricardus est qui animum excelsum & spe diuitem, vt Gebhardus qui liberalem gerit & largiri paratum: & Reinardus qui integer est animi, doliq̃ue nescius, pudico & incorrupto ingenio. Meinhardus, vel potius Manhardus virilis animi firmitatē denotat. Wolfardus lupinæ subdolæq̃ue mentis significationem præ se fert, cum Lycophrone idem. quanquam & ad lætarum fortunarum significationem referri nomē istud potest, siquidem *Wolsacren* est prospero fortunæ cursu efferri: nam qui Wolfardum corruptè dici pro Hulfrado annotauit, extra se positum, mentisq̃ue vix semunciam habuisse, quum id scriberet, puto. Volcardus, populi sustentaculum & robur sonat, cum Demosthene idem. Rewardus quasi pœnitens animus, à *rewen*/ vel, vt nunc loquimur, *rouwen*/ quod pœnitentia duci significat. Obruenda non sunt obliuione quædam nomina, quæ à præsidij ope traxerunt appellationem apud maiores, in quibus est Achiulfus rex Ermanrici pater ex Amala familia, quem à præsidio bipennigerorū quo stipatus incedebat dictus videtur, ab *Ache*/ quod Gothica lingua bipennem aut securim notat, & *hulff*/ id est, auxilium. Athaulfus siue Athaulphus, quem præsens ætas Adolphum vocat, quo nomine dictus fuit Gothorū rex Alarici Romæ spoliatoris consanguineus, & cuius secutus exemplum, locustæ more depastus est Italiæ opes, qui Placidia Theodosij Imp. filiam in vrbe captam, forma & castitate primariam fœminam matrimonio secum iunxit, & cū Hispanijs Gallias recuperauit, qui Francos Galliam infestantes cum Burgundionibus, nominis sui terrore cohibuit, vt se finibus suis continerent, is inquam nominis originem videtur habere, ab ope & auxilio nobilitatis, vel quòd iurisiurandi stabilitor esset & auxiliator, ab *ath* siue *øht* quod iuramentum est,

Erardus.

Gerardus.

Leonardus.

Bernardus.

Eberardus.

Ricardus.

Gebhardus.

Reinardus.

Manhardus.

Wolfardus.

Volcardus.

Rewardus.

Achiulfus.

Athaulfus.

quòd sacramento dicta ac confirmata nullo modo solui pateretur, quia omni ope exequi illa satageret, summa iurisiurandi reuerentia. Est qui corruptum nomen autumat & exponit patrem auxiliarem, vt idem sit qui Iuppiter, quem Cicero grammaticorum filios secutus Iuuantem patrem etymi ratione exponit, ab *hatto* prisca & Cattorum pueritiæ adhuc recepta voce, qua patrem significat. Arnulphus Carolomanni filius Francorû rex, ab aquilæ auxilio nomen habere putatur, ab *arn*/ id est aquila: alijs Arnulphus velut Ernulfus dictus videtur, qui virtuti & honestis artibus opem ferat easque promoueat. Astulphus, & quod nonnulli codices habet, Aistulphus, significat auxilij properum, qui bello acer, haud necit moras aut tergiuersatur ad opitulandû suis, quasi *haesthulff*. Agilulphus, cum Astulpho idem fermè sonare creditur, velut *eijthulff*/ est autem celeritatis significatio in *eijl*. Vernulphus, nomẽ vnus ex comitatu Athaulfi (de quo antè memini, qui Honorij sororem Placidiam in vxorẽ duxerat) qui heri sui percussor fuit, traiectis illi gladio ilibus, ob ludibrium quo staturam huius humilẽ lædere Athaulfus consueuerat, vox autẽ sonat veteranum auxiliatorẽ: *vernum* enim obsoletû dicunt Germani. Radulphus, & iuxta posterius sæculum Rodulphus, à præsentanei cõsilij ope, quasi *Rad-hulff*/ aut qui consilio iuuat, velut *Radthulff*/ illud citum auxilium, hoc consilij opem denotat. Leutholphus, Ludolphus, vel Ludolphus, idem qui *Ἀλέξανδρος* Græcis, ab ope mortalibus præstanda, vocatur. Eadulphus Northumbrorum rex fuit, etymon iurisiurandi patronum, aut legitimi thori matrimonijq. tutorem significat, ab *eijð*/ id est, iuramentum, vel ab *eshe*, coniugium: quod si codicum impressorû fidem sequamur, qui Eardulphum scribunt, Antæum quempiam Herculis antagonistam somniare licebit, & interpretari, qui à matre tellure opem senferit, aut actiuè, qui genitali solo (latè accipiendo *eard*/ hoc est, terram, pro patria) auxilium tulerit. Nomina in *brandus*, incensorem & impulsorem innuere videntur,

Hiltebrandus,

Hiltebrandus, quasi fortium virorum & animosorum iu- Hiltebrandus.
 uenum incentiuum, κέντωρ ἢ μάλλον ἐμπρηστής, ab hēst siue
 hīst/ quæ vox egregium factis & heroicū virum sonat, &
 brand quo incendiū & incensor notatur. Non possum non
 refragari illius sententiæ, qui ex hac voce facit heroēm &
 caput Brennorum. Potest origo nominis referri ad galeam
 bellatoriam & cono siue apice cristisq̃ue instructam, quam
 ξυράλεια proprie nūcupat Homerus, Galli *morion*, prisca
 Cimbrorū lingua *Brenn*/ vt sit galeatus heros: quam signi- Ansfbrandus.
 ficationem etiā Ansfbrandus præfert, ab *Anse*/ de quo di-
 ctum est in Ansuarijs, quod Langobardorum regis nomen
 fuit, quem vitiosè Arisprandum Volaterranus scribit. Neq̃.
 diuersum sonat Luitbrandus, qui eiusdem gentis rex, ab Luitbrandus.
 Italicis scriptoribus Lintprandus perperam vocatur, velut
 galea & apex potiùs populi, qui vt auctoritate illis antestat,
 ita & armis eos in fidem receptos tutatur: malim tamen in-
 stigatorem incensoremq̃ue populi interpretari, cuius elo-
 quentia verbis sonantibus & vberibus sentētijs redundans,
 boni oratoris officium præstare, populum ad resistendum
 iniuriæ cōcitare, furem velut iniecto freno compescere
 possit. Isbrandum verò corrupta, quid dico, imò contracta Isbrandus.
 potiùs nomenclatura scribi autumo, ab *eissen brenn*/ à ferreæ
 galeæ munimine, quasi ferreum suorum defensore: nisi
 quis velit hoc vocabulo designari eum qui impossibilia ag-
 gredi tentet, cuiusmodi is faciat qui glaciem contendat ac-
 cendere. Quia verò Brenni hīc fit mentio, operæ pretium
 fuerit eius quoque etymon recludi, qui Delphici fani the-
 sauros sacrilegio pollutus diripuit, vt & alterius, qui Ro-
 mam cum Semnonibus inuasit. Est igitur Brennus purè Brennus.
 puteq̃. Germanica vox, Semnonum Germanorum ducto-
 ris, qui siue nomine, siue officio (habent enim castra talem)
 incendiarius fuerit dictus, parum id refert, dum fidē etymi
 approbem Strabonis testimonio: is disertè ait Brennum il- Brennus alias
Prausus di-
ctus.
 lum qui Delphos incurauit, Prausum *πρωσσον* à nonnullis
 fuisse dictum; norunt autem omnes qui Italiam à limine

salutarunt, *prufar* aut per primâ consonantem *brufar*, aliud non esse, quàm incendere, & flammis concremare: non potest ergo dubium esse, quin Brennus, qui alio sed eiusdem significationis vocabulo Brusuf appellatus fuit, à *brennen*/ id est, ab incendiando nominis ortum traxerit. Huic cognominis memoratur apud Tacitum lib. xx. Brenno Canine-
Brenno Canine- fas, insigni natalium nobilitate clarus, & virtute (quam in
nefas. hoste audaciam Romani, inuidiæ in exteris manifesti, voca-
 bant) per quem castella Romanorum direpta & incendio corrupta fuere. Nomina etiam quædam in *Winus* desinunt, quæ à vino appellationem habuisse stolidè ingeniosus
Nomina in somniat Irenicus, quum à *Winnen*/ id est, vincendo omnia
Winus. dicantur. Ortwinus enim à redigenda in suam potestatem ditione quapiam, quæ *ort* vocatur. Baldwinus, Comitis Fládrici nomé est, à cita victoria: sic eius vxor Erwina, ab honestatis & bonæ famæ acquisitione dicta. Volcwinus apud Vrspergensem, à vincendis populis, idem qui Nicolaus, & Nicodemus, & Democrates, non quòd vino oppleretur, ut ille ineptit. Lutwinus, regni Lotharij dux, idem est cum
Lutwinus. Volcwinò. Nonnihil hinc discrepat Albuinus, quod nomen curiositatis significationem cum quadam inuidia continet, & in eum maximè conuenit, qui rerum omnium satagit, qui nil rectè fieri putat, nisi cui ipsemet præfuerit, manumve admouerit; eiusmodi namque hominem non
Albuinus. sine conuitij nota, *Alberwin* vocitamus. Conradus, consultæ audaciæ virum notat, qualem Thrasybulon Græci appellant, in quo fortitudinis sensus est, haud temeritatis; aut etiam consilio pollentem. Folradus apud Reginonem, plenus consilij, bonus cōsultor, quem Eubulum illi dicunt.
Folradus. Radbodus. Radbodus consilij audacis ac præcipitis argumento nominatus videtur: suspitio tamé est nomen istud haud esse alienum, imò cognatum Maroboduo, quem Italiæ formidabilem Velleius & Tacitus memorant Sueuorū regem. Quem Cæsar Ariouistum appellat, videtur esse quem *Ἀριόεστυ* Polybius, vterque praua scribendi ratione vsus, hodie vulgari
Ariouistus. inter

inter Germanos nomine Ernestus à grauitate seria dicitur, Ernestus.
aut Ereuestus, sic honestatis plenū famæque integræ virum Ereuestus.
vocant fideique tenacem. Arminius ille Germaniæ libera- Arminius.
tor, & qui florentissimum Rom imperium laceffuit, bello
inuietus, manu fortis, natione magis quàm ratione barba-
rus, & vltra barbarum ingenio promptus, quibus laudibus à
Tacito & Paterculo celebratur, ab heroico animo & exerci-
tus rectore, id enim sonat *Hereman* / nominis auspicium
traxit: ætas præsens Hermannii vocem vsurpat, vsu magi- Hermannus.
stro receptiore. Theutobecus, quem Cimbrorum regem Theutobecus.
à Mario captū & inter manubias insigni spectaculo ductum
Orosius & Florus literis prodidere, nomen à iactantia emi-
nente siue à proiecta oris audacia videtur habuisse; omissa
litera, S. in capite vocis ab idiomatis ignaro, Steutobecus
quasi iactabundi oris, vel Stautebecus, audax ore. Carolus Carolus.
& Carolomānus à caritate, vocabulo Gothico, quod Cim- Carolamānus.
bris adhuc in ore frequens est, vbi quem officiosè salutant.
Sunt qui ab Armenico fonte fluxisse autumāt, qua in gente
Carol potens dicitur & robustus, vt sit idem quod Andreas:
sunt qui à græca voce Charilaus deflexerunt, quæ gratifi-
cantem populo & gratiosum significat; sed illi peregrinæ lin-
guæ opibus nimis ingeniosè ad deflorandam alterius glo-
riam abutuntur. Lotharius, seu, vt nonnusquam scriptum Lotharius.
legisse memini, Leutharius, & apud Agathiam Leutharis,
Francorum regis nomen existimatur populi dominum sig-
nificare, velut *leut heer*: alioqui coniunctè *Louther* purum
putumque sonat. Goteфридus, quo nomine rex Danorum Goteфридus.
fuit, Batauix occupator, pace bonum, aut diuinæ pacis mu-
nere inclytum significat. Mernereфридus Toringorum prin- Mernereфридus.
ceps, qui Amalafridæ filiam auspicato nominum coniugio,
in matrimonio habuit, pacis auctorem denotat; id enim
est, *meerner des frides*. Reginфридus, siue ad originem no-
minis proximius, Reinфридus (vt manuscriptus Reginonis Reinфридus.
chronicorum codex; quem Egmondana bibliotheca emen- Regin. codex
datissimum mihi vtendū dedit, præfert) Francorum prin- emendatus.

- Vitigis.* ceps, quem Carolus Tudites seu Martellus cognomento debellauit, quo iure quauē iniuria, purum & integrum pacis amatorem sonat. Vitigis rex apud Procopium & Agathiam ab industria militari & prudentiæ opinione nominatus est, quasi *Witihy*, id est, catus, quam vocem à Cimbris & Anglofaxonibus Britannia retinuit. Godelaibus Abotritorum dux à iucundæ vitæ blandimentis dictus videtur, nisi potius contendas à deside & otiosa vita, quod vulgari dicterio hominē vmbratili & delicatæ vitæ operatum, *goet leuen* nuncupemus. Gerbrechtus dicitur quasi hæreditario iure aliquid tenens, est enim *geerbrecht* / ius hæreditate acquisitum: vt mihi explodenda videatur Altameri expositio, qui totum illustrem & celebrē designari annotat, à dictione *bucht* / quæ in gemmis nitorem præcellentem & eximium notat: neque rursus placet eius opinio, qui voce ista auiditatē fastus aut belli pompam exprimi cōtendit. Leuigildus Westgothorum rex, quem vitiose Lemugildum scribit Blondus, impressorum (vt suspicari licet) incuria, fortitudinis argumentum nomine prodit, dictus velut leonum contubernalis. Fredigernus, à contrahenda conciliandaque pace, Wortigernus, ab auctoritatis acquirendo splendore, dicti videntur. Arnoldus à tuendæ honestatis ac virtutis instituto, quasi *cerenhof* / id est, honestatis conseruator. Theudibaldus Theudiberti illius, qui expeditione contra Iustinianum maximis opibus suscepta, casu arboris diffractæ vitam misere finijt, filius, qui patri adhuc immaturus æui succedit, teste Agathia, nominis sui natales refert ad properā virtutis demonstrationē, quam cum impositione illi ominati videntur, vt esset *deuchdelic bald* / hoc est, properè (vt ita loquar) virtuosus. Cambaules dux primæ expeditionis Celta- rum in Thraciam, Pausania referente, nomen videtur sortitus ab insigni, quod in cassidis cono gerebat, quod noctuæ caput fuisse autumo, velut noctuæ crista, cristam enim *famb* vocant, aut noctuam. Vergobretus apud Cæsarem summus magistratus & præses, quasi *vergobreft* / siue *eberst vergger* / id est,

id est, supremus executor, à *vergen*/quod est, exequi. *Pipinus*, mirum ni nomen & generis originem à Pipino, quem apud Thuscōs regnasse fabulatur Manethon, traxerit: etymon verò inuestigare hactenus nequiuī: si tamen fas est diuinare, & ex actionibus viri nominis omen in coniecturam vocatum æstimare ac metiri, auguror impositum illud ei qui priuata vtilitatis studio arderet, quicquid ad morē Aspendij citharistæ sibi intus caneret. Neque enim diuerso hinc ingenio præditi fuisse Pipini videntur: nam quum omnes prætorio præfecti (Maiores domus Francorū natio appellabat, vocabulo hactenus Italis & Hispanis iam inde vñsato) in regum Francorum aula essent, primus eo nomine Sigiberti regis tutor, ita res suas auxit ac stabiliuit, vt Grimoaldus filius herilem natū monasterij septis incluserit, suamque ipsius prolem Austrasij regem dederit: secundus quoque Ansegisi F. Neustriæ principatum occupauit, regnumque inuadens, Carolum Martellum hæredem principatus reliquit: Tertius quoque Hildericum regem herum suum, solio regali exiit, vno in facto & ingrati & perfidi hominis maculosum nomen promeritus, qui initis clandestinis cum improba & corruptelæ obnoxia procerum turba, quos pecunijs inescarat, consilij deinde Pontificis (apud cuius aures nimium credulas herū vt vecordem, & monstro quàm homini propiorem ob Sybariticum luxum traduxerat) aura secunda innixus, & herum in monachi habitum attonsum, asceterij latebræ mancipauit, & ipse Regni auspicio inunctus, cuncta principalis fortunæ insignia assumpsit & Imperij habenas arripuit, ignarus tum sibi exemplo perfidiæ simili olim illudum iri, iustam vlticis Nemesis vindictam in posteris suis experturus, quando par illi gratia ab Hugone Capeto relata est. Itaque, vt ad rem reuertar à diuerticulo, Pipini nominis sui etymo adamussim responderunt, sibi intus canentes, iuxta prouerbum, id namque sonat, *pip in*/ & ex herilibus incommodis, sua priuatim commoda compararunt. Radegaisus Gothorum rex immanissimus, inna-
tæ feri-

*Pipinus.**Radegaisus.*

tæ feritatis portentum & oris specie & nomine præ se fe-
 rens, rubrum caprum designat, in quo hispidum corpus &
 rubentium pilorum sylvæ ingentem sævitiam prodidere,
 & nominis occasionem pepererunt. Huc usque virilia Re-
 gum & primatum nomina etymis suis reddere studui: nunc
 fœminarum aliquot primæ nobilitatis subijciam, ne sexum
 illum offendere, & immerentem iniuria obliuionis prouo-
 care ultro velle videar: itaque ut illuc à Theuderico norma
 principum atque regula initium duximus, ita & hinc ab eius
 filia Amalasuentha singulari exemplo & imagine regina-
 rum ordiri placuit: haud enim pati possum eius virtutes
 obliterari silentio, quin eas Procopij verbis in Latinam lin-
 guam commutatis appendam: Hæc, inquit ille, iustitiæ non
 indiligens, animum masculum & fortem præ se tulit, dum-
 que urbem rexit, Romanorum nemo sanguine luit, aut pe-
 cunijs multatus est, neque passa fuit Gothos, proteruè ciui-
 bus illudere paratos, quidquam attentare. Quin & filium
 Atalaricum consimilem cum Romanorum primoribus vi-
 ctum vitæque genus sequi, literarium ludum frequentare,
 delectos è natu maioribus tres, quorum explorata erat &
 perspecta prudentia modestiaque, cum filio familiariter
 conuersari voluit, tametsi ea res Gothis permolesta accide-
 rat, præoptantibus illum barbaro ritu in subditos imperium
 exercere, quod praua quædam libido vexandi miseros ho-
 mines illis incesserat. Hinc factum quod lachrymantem
 ob acceptum colaphum quæ mater delinquenti infregerat
 in cubiculo (vitium est in Græcis *νομιον* pro *νομιον* habenti-
 bus) Gothi indignantes, mulieri probra ingesserint, quasi
 extinctum illa filium cuperet, quod sic nupta alij, imperio
 potiretur. Eoque res processit, ut coacto concilio criminati
 fuerint, non satis ex dignitate cum regia, tum gentis pue-
 rum institui, ingens esse dissidium inter literas & fortitudi-
 nem: deinde senum disciplinam plerumque animos demit-
 tere atque infringere: adhuc oportere eum qui ad res geren-
 das audacia & gestarum gloria sit abundaturus, liberum à

Fœminea no-
mina.

Amalasuen-
tha.

Procopij locus
castigatus.

Theatrum vi-
ta circa Prin-
cipum institu-
tionem.

metu

metu magistri, arma exercere. Addebant & illud, nunquam gladij hastæve gloriam animum subituram, quem semel ferulæ scuticæve timor inceserit: proinde velle se vt Regina missos faceret pædagogos, pucroq. æquales adiungeret, qui cum illo simul adoliscerent ætate, & ad virtutem more barbarico contenderent. Illa vt haud assensâ est concilio, ita insidias verita, illorum voluntati morem gessit: calida tamen mulier interceptos tres prauî consilij auctores & ministros clam tollendos curauit: imperium tamen in filium obtinere non potuit, quem & perditè viuentem, lenta confectum tabe, amisit. Porro Amalasuentha rectius cum Iordano non indiligente rerum Gothicarum scriptore scribetur, quàm aut Amalasuntha cum Procopio, aut Amalasuintha cum Sigiberto: significat autem vox cælestem cælõve demissam puellam, siue quòd diuini ingenij faculam natales eius sponponderint, siue quòd eximium oris decus ab ipso ortu præferret: Gothicè namque *amal* cælum vocatur, quod nostrum idioma in *emel* & adiectiōne aspiratæ *hemel* conuertit: & Suentha vîrgo seu iuuenula, cuius vocis significatio in Suenthiboldo mansit, quo ferox iuuenis & animosus exprimitur; nam Cimbri hodie no die, *siventh*/iuuenem appellant. Hoc autem nomine rex obtinuit Lotharij regnum, cuius diploma legisse memini, quo donationes Regum maiorum suorum Traiectensî diœcesi obsignatas, voluit ratas haberi: qui impressis in codicibus Zundibaldus & Zundebolch ineptissimè nominatur. Repperi apud Suidæ interpretem etiam Amalsuida Græcè explicatum *ἐρανοπλατής*, quod nostrate lingua sonaret, *hemelswijde* / qui ignoratione linguæ barbaræ lapsus, rectius substituisset *ἐρανοπλάτης*, quod vocabulum cælestem coniugem siue vxorem significat, viciniore ad priorem significationem etymo. Hæc filiam reliquit Mathasuentham, quæ Vitigi Gothorum Regi inuita ob diuersum, vt suspicor, religionis studium nupsit; quo extincto cum Germano Iustiniani ex sorore nepote, coniugij fœdere so-

Amalasuentha etymon.

Suentha quid?

Suenthiboldus.

Suide interpret lapsus.

Mathasuentha.



89/TSS



00000010011377

